



# ШАВКАТ МИРЗИЁЕВ

МИЛЛИЙ ТАРАҚҚИЁТ  
ЙЎЛИМИЗНИ ҚАТЪИЯТ  
БИЛАН ДАВОМ ЭТТИРИБ,  
ЯНГИ БОСҚИЧГА  
КЎТАРАМИЗ

1

ТОШКЕНТ – «ЎЗБЕКИСТОН» – 2017

УЎК 323.(575.1)

КБК 66.3(5Ў)

M 54

Ўзбекистон Республикаси Президенти Шавкат Мирзиёев асарларининг 1-жилдидан давлатимиз раҳбарининг 2016 – 2017 йилларда Олий Мажлис Қонунчилик палатаси ва Сенатининг қўшма мажлиси, Вазирлар Маҳкамасининг йиғилишларида, Ўзбекистон Республикаси Конституциясининг 24 йиллигига бағищланган тантанали маросимда, турли соҳа вакиллари билан учрашувларда, Ислом ҳамкорлик ташкилоти Ташқи ишлар вазирлари кенгашининг 43-сессиясида, халқаро анжуманлар, тадбир ва маросимларда сўзлаган нутқ ва маърузалари ҳамда табриклари ўрин олган.

ISBN 978-9943-25-434-3



9 789943 254343

© «ЎЗБЕКИСТОН» НМИУ, 2017

---

## **МИЛЛИЙ ТАРАҚҚИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИБ, ЯНГИ БОСҚИЧГА КЎТАРАМИЗ**

Ҳурматли Спикер!

Ҳурматли Сенат Раиси!

Муҳтарам депутатлар ва сенаторлар!

Қадрли кўшма мажлис иштирокчилари!

Шу кунларда барчамиз биргаликда юрагимизда чукур дард билан, ўрнини тўлдириб бўлмайдиган оғир жудоликни бошимиздан кечирмоқдамиз. Нуроний оқсоқолларимиз, мўътабар оналаримиз ва опа-сингилларимиз, ёш йигит ва қизларимиз, 32 миллионли бутун Ўзбекистон халқи, хорижий мамлакатлардаги кўп сонли дўстларимиз буюк давлат ва сиёsat арбоби, мамлакатимизнинг Биринчи Президенти Ислом Абдуғаниевич Каримовни чексиз қайфу билан сўнгги йўлга кузатдилар.

Шу фурсатдан фойдаланиб, азиз Ислом Абдуғаниевичнинг рафиқаси – ҳурматли Татьяна Акбаровнага, қизи – Лола Исломовнага ва яқинларига барчамизнинг номимиздан яна бир бор чукур таъзия билдиришга рухсат бергайсиз.

Вақт ва ҳаётнинг ўзи Ислом Абдуғаниевич Каримовнинг замонамизнинг улуғ сиёsatчиси, узоқни кўрадиган ва стратегик фикр юритадиган шахс, дунёда ва турли минтақаларда юз бераётган ўта мураккаб

воқеа-ҳодисаларнинг моҳиятини давлатчилик нуктаи назаридан кўра билиш қобилиятига эга бўлган, ўз юрти ва халқи учун, ҳар бир ватандошимизнинг тақдирни учун улкан масъулият туйғусини чукур ҳис киладиган атоқли раҳбар эканлигини ҳар томонлама тасдиқлади.

Миллий тарихимизнинг энг кескин ва таҳликали даврида, миллатлараро тўқнашувлар ва бошқа зиддијатлар авж олган, мамлакатимизда фуқаролар уруши хавфи юзага келган, иқтисодиёт чукур инқирозга учраган, бир сўз билан айтганда, эски замоннинг умри тугаб, янги замон бошланётган бир пайтда Ислом Абдуғаниевичнинг республика раҳбари этиб сайланиши Яратганинг халқимизга бебаҳо марҳамати бўлган эди.

Ислом Абдуғаниевичга хос бўлган букилмас ирода, фидойилик, мардлик ва ватанпарварлик, инсонийлик ва адолатпарварлик, самимийлик ва меҳрибонлик каби олижаноб фазилатлар барчамиз учун ёрқин ибрат намунаси бўлиб қолди.

Замонавий Ўзбекистоннинг тарихи – бу мамлакатимизнинг ҳақиқий мустақилликка эришиш йўлида Ислом Абдуғаниевич Каримов раҳнамолигида олиб борилган ўта мураккаб ва оғир курашлар тарихидир. Буюк Йўлбошчимиз ҳакли равишда демократик талаблар ва халқаро мезонларга тўлиқ жавоб берадиган Ўзбекистон Республикаси Конституциясининг ҳам асосий муаллифи эдилар.

Мамлакатимиз тоталитар тизимдан воз кечиб, мустакил тараккиёт йўлини танлади, кўплаб қийин-

чилик ва синовлардан ўтиб, тарихан қисқа даврда жаҳон ҳамжамиятида ўзига муносиб ўрин эгаллади.

Конституция ва унинг негизида яратилган пухта қонунлар, шунингдек, Мамлакатимизда демократик ислоҳотларни янада чукурлаштириш ва фуқаролик жамиятини ривожлантириш концепцияси ҳокимият институтларини шакллантиришни ва уларнинг тӯла-қонли фаолият кўрсатишини, фуқароларнинг хукуқ ва эркинликларини ҳимоя қилиш, мулкчиликнинг барча турларини, фуқароларнинг давлат бошқарувидаги фаол иштирокини таъминлади.

**Ислом Абдуғаниевич «Иқтисодий мустақилликка эришмасдан сиёсий мустақилликни таъминлаб бўлмайди»** деган тамойил ва энг муҳим устувор вазифани амалга оширишни стратегик масала деб ҳисоблар эдилар.

Давлатимиз раҳбари томонидан ишлаб чиқилган иқтисодий дастурларнинг амалга оширилиши мамлакатимизнинг изчил ва барқарор ривожланишини таъминлади.

Мустақиллик йилларида Ўзбекистон иқтисодиёти қарийб 6 марта ўсди. Унда саноатнинг улуши 14 фоиздан 34 фоизга кўтарилди. Охирги 11 йил давомида ялпиички маҳсулотнинг ўргача йиллик ўсиш суръати 8 фоиздан кам бўлмаган даражада сақланмоқда.Faol инвестиция сиёсати амалга оширилмоқда.

Мутлақо янги, юқори технологияларга асосланган саноат тармоқлари, хусусан, нефть-кимё, кимё, автомобилсозлик саноати, қишлоқ хўжалиги ва темир йўл машинасозлиги, фармацевтика, электро-

техника, тўқимачилик саноати, замонавий қурилиш материаллари ишлаб чиқариш ва бошқа соҳалар изчил ривожланмоқда.

Бугун Ўзбекистон иқтисодиёти жадал ривожла-наётган дунёдаги бешта давлат қаторига киради. Бунинг яққол исботи сифатида мамлакатимизда қурилган ва ўз кўлами бўйича жаҳон миқёсида ҳам йирик ва ноёб ҳисобланган саноат обьектлари, хусусан, Устюрт ва Шўртан газ-кимё комплекслари, Бухоро нефти қайта ишлаш заводи, Кўнғирот сода заводи, Дехқонобод калий ўғитлари заводи, Андижон, Самарқанд, Тошкент ва Хоразм вилоятларидағи автомобилсозлик заводларини мисол қилиб келтириш мумкин.

Республикамизда жадал суръатлар билан замонавий йўл-транспорт ва муҳандислик-коммуникация инфратузилмаси ташкил қилинмоқда. Жумладан, Қамчик довонидан ўтадиган, ноёб тоғ туннелини ўз ичига олган Ангрен – Поп темир йўл тармоғи, Тошгузар – Бойсун – Кумкўрғон темир йўли қурилди. Тошкентдан Самарқанд, Қарши ва Бухорога йўловчи ташийдиган юқори тезликдаги темир йўл қатнови очилди. Халқаро аэропортлар модернизация қилинди, Навоий аэропорти негизида халқаро логистика маркази ташкил қилинди ва Ўзбекистон миллий автомагистрали барпо этилди.

Қишлоқ хўжалигига туб таркибий ислоҳотлар амалга оширилди. Барчамиз яхши эслаймиз, яқин ўтмишда Ўзбекистонни пахта монополияси ҳукмронлик қиласиган аграр бир мамлакат деб билишар

эди. Мисол учун, 1990 йилда аҳолининг озиқ-овқат маҳсулотларига бўлган эҳтиёжи, асосан, четдан олиб келинадиган импорт ҳисобидан қондирилар эди.

Ислом Абдуғаниевич Каримовнинг ташаббуси билан ер ва сув ресурсларидан самарали ва оқилона фойдаланиш, экин майдонларини оптималлаштириш ва янги, илғор агротехнологияларни жорий этиш, қайта ишлайдиган замонавий корхоналарни ташкил этиш бўйича кенг чора-тадбирлар комплекси ишлаб чиқилди ва амалга оширилди. Ҳакиқий мулкдорларнинг янги синфи бўлган фермерлик ҳаракати шакллантирилди.

Аҳоли жон бошига асосий озиқ-овқат маҳсулотларини ўртача истеъмол қилиш даражаси кўпайди: гўшт, сут ва улардан тайёрланган маҳсулотлар – 1,5 баробар, сабзавот – 2,6 баробар, мева – 6,3 баробар ошди.

Мамлакатимизда хусусий мулкчилик ва тадбиркорлик, кичик бизнесни ривожлантириш учун кенг имкониятлар ва қулай шарт-шароитлар яратилди. Кичик бизнес ва хусусий тадбиркорликнинг ялпи ички маҳсулотдаги улуши 56,5 фоизга етди. Бу соҳада иш билан банд аҳолининг 78 фоизи меҳнат қилмоқда ва улар мамлакатимизнинг гуллаб-яшнаши учун муносиб ҳисса қўшмоқда.

Давлатимиз раҳбари томонидан илгари сурилган **«Ислоҳот – ислоҳот учун эмас, аввало инсон учун»** деган эзгу ғояни амалга ошириш, ижтимоий йўналтирилган бозор иқтисодиётини шакллантириш бўйича кўрилган чора-тадбирлар аҳолининг ҳаёт даражаси ва сифатини сезиларли даражада яхшилашни таъминлади.

Бугунги кунда Давлат бюджетининг қарийб 60 фоизи ижтимоий соҳани ривожлантиришга йўналтирилмоқда. 1991 йилга таққослаганда, аҳолининг реал даромадлари 12 баробардан зиёд кўпайди, иш ҳаки, пенсия ва ижтимоий нафақалар салмоқли даражада ошди. Истеъмол товарлари ишлаб чиқариши жадал суръатлар билан ошириш ва аҳолининг уларга бўлган талабини қондириш таъминланмоқда.

Мамлакатимиз раҳбари сиёсий, иқтисодий ва ижтимоий жиҳатдан стратегик аҳамиятга эга бўлган масалаларни ечиш билан бир қаторда, жамиятимиз ҳаётини, фуқароларимизнинг онгу тафаккури ва дунёқарашини тубдан ўзгартиришга қаратилган кўпкиррали вазифаларга доимо катта эътибор қаратар эдилар.

**Ислом Абдуғаниевичнинг «Фарзандларимиз биздан кўра кучли, билимли, доно ва албатта баҳтли бўлишлари шарт»** деган чукур маъноли фикрлари ҳаммамизнинг қалбимиизда муҳрланиб қолган.

Юртбошимиз мамлакатимизнинг бугунги ва эртанги кунини, ҳал қилувчи куч бўлиб майдонга чиқаётган ёшларимизнинг тафаккури ва дунёқарашини кескин ўзгартирган, мутлақо янги таълим ва тарбия тизимини яратиш ва ҳаётга татбиқ қилиш ишларига бевосита муаллифлик ва раҳбарлик қилдилар.

Юртимизда илм-фан, соғлиқни саклаш, маданият ва санъат, спорт каби мухим соҳалар фаол тарзда ривожланмоқда.

Давлатимиз раҳбари халқимизнинг маънавий кадрияtlарига эҳтиром билан муносабатда бўлиш, муқаддас динимиз, анъана ва урф-одатларимиз,

бебаҳо тарихий меросимизни сақлаб қолиш ва ривожлантиришни давлат сиёсати даражасига кўттарди.

Фуқаролик жамияти институтларини шакллантириш, айниқса, давлат ва жамият бошқарувидаги маҳалланинг нуфузини ошириш, унинг ҳуқуқ ва ваколатларини кенгайтириш борасида улкан ишларни амалга оширди.

Юртбошимиз кекса авлод вакилларига, муҳтарам фахрийларимизга ҳурмат-эҳтиром ва амалий ғамхўрлик кўрсатишини ўта муҳим вазифа деб ҳисоблар эдилар.

Олий Буш Кўмондон сифатида Ислом Абдуғаниевич Каримов Куролли Кучларимизни тубдан ислоҳ қилиш, унинг жанговар қобилиятини ошириш ва шу асосда Ўзбекистон Республикасининг ҳудудий яхлитлигини ва мустақиллигини ҳимоялаш, сарҳадларининг дахлсизлигини, халқимизнинг тинч ва осуда ҳаётини таъминлаш учун беқиёс хизмат кўрсатдилар.

У кишининг ташабbusлари билан тинчликпарварлик, бошқа давлатларнинг ички ишларига аралашмаслик ва юзага келаётган қарама-қаршилик ҳамда зиддиятларни факат ва факат тинч, сиёсий йўл билан ҳал этишга асосланган Ўзбекистон Республикасининг Ташқи сиёсий фаолияти концепцияси ишлаб чиқилди ва амалга оширилмоқда.

**Ҳурматли депутат ва сенаторлар!**

Биз охирги 25 йил давомида жуда кўплаб муҳим анжуман ва йиғилишларни ўтказдик. Уларнинг барчасига муҳтарам Президентимиз Ислом Абдуғаниевич Каримов бошчилик қилганларидан яхши хабардорсиз. Бугун эса тарихимида биринчи марта бундай

муҳим йигилишни азиз раҳбаримизнинг иштироки-сиз ўтказмоқдамиз. Гўёки хаёлимизда у киши ҳозир залга кириб келадигандек.

Ўйлайманки, бугунги мажлисда қатнашаётган ҳар бир инсон шу залда буюк Йўлбошчимизнинг руҳи ва нафасини сезиб турибди. Ўзбекистон Республикаси Биринчи Президентининг ўлмас ғоялари, фикр, кўрсатмалари бизнинг қалбимиз ва онгимизга шундай чукур сингиб кетганки, улар келажак сари қатъият билан боришимизда барчамизга доимо таянч ва суюнч бўлиши муқаррар.

Шу муносабат билан, биз дунёдаги ҳозирги мураккаб ва кескин шароитни ҳар томонлама ҳисобга олган ҳолда, ўзимизнинг биринчи даражали вазифаларимизни биргаликда белгилаб олишимиз даркор.

Бугун биз халқимизни ишонтириб, баланд овоз билан айтишимиз зарурки, буюк устозимизнинг сиёсий мероси, яъни, у киши белгилаб берган тараққиётимизнинг асосий тамойиллари, устувор йўналишлар, мақсад ва вазифаларни сўзсиз ва тўлиқ амалга ошириш биз учун ҳам қарз, ҳам фарзdir.

**Биринчидан**, биз Ислом Абдуғаниевич Каримовнинг чукур маъноли ўйтитларини, айниқса, «**Бизга тинчлик ва омонлик керак**» деган сўзларини ҳеч қачон эсдан чиқармаслигимиз лозим.

Турли хавф-хатарлар кучайиб бораётган бугунги таҳликали вазиятда бебаҳо бойлигимиз бўлган тинчлик ва осойишталикни кўз қорачиғидек сақлашимиз, юртимиздаги миллатлар ва динлараро ҳамжиҳатлик, ўзаро ҳурмат ва меҳр-оқибат мухитини янада мустаҳкамлашимиз керак.

Шу билан бирга, жамиятимизда қонун устуворлиги, тартиб-интизом, фуқароларнинг ҳукуқ ва эркинликларини таъминлашимиз зарур. Барчамизга маълумки, Ислом Абдуганиевич Каримов «**Одамлар ҳамма нарсага чидаши мумкин, лекин адолатсизликка чидай олмайди**», деб кўп таъкидлар эдилар. Биз барпо этаётган ҳукуқий давлатда адолатсизликнинг ҳеч қандай шаклда устун бўлишига йўл қўймаслигимиз зарур. Бу ҳокимиятнинг барча тармоқлари, энг аввало, давлат бошқаруви органларининг, ва айниқса, ҳукуқни муҳофаза қилиш органларининг биринчи даражали вазифасидир. Биз халқимизнинг, бугунги замоннинг ана шу муҳим талаби сўзсиз бажарилишини таъминлашимиз шарт.

**Иккинчидан**, давлатимиз хавфсизлигини ҳар томонлама мустаҳкамлашимиз, ҳар бир фуқаронинг тинчлиги ва осойишталигини таъминлашимиз лозим. Вазиятни издан чиқариш, нифоқ солиш, душманлик уругини сепиш, турли можароларни келтириб чиқариш ва ҳатто қон тўкилишини истаётган кучлар ҳам мавжудлиги ҳеч кимга сир эмас.

Очиқ тан олиш керак, биз нотинч замонда, нотинч бир минтақада яшамоқдамиз. Шу сабабли Ватанимиз ҳимоясини ишончли кафолатлаётган, мудофаа қобилиятимизни мустаҳкамлаётган ва давлат чегараларимиз дахлсизлигини таъминлаётган тизимли чоратадбирлар комплексини жорий этишни қатъият билан давом эттиришимиз зарур.

Биз Куролли Кучларимиз ва ҳукуқ-тартибот органларимизни бундан кейин ҳам ҳар томонлама мустаҳкамлаб борамиз. Ҳеч кимда заррача ҳам

шубҳа бўлмаслиги керак – мамлакатимиз суверенитети ва мустақиллигига хавф тутдирадиган ички ва ташки кучларнинг ҳар қандай ҳаракатларига, ҳар қандай уринишларига қатъий ва муносиб зарба берилади.

Бизнинг яна бир энг муҳим устувор вазифамиз – Ислом Абдуғаниевич Каримов томонидан ишлаб чиқилган «ўзбек модели»нинг асоси бўлмиш беш тамойилни амалга ошириш асосида иқтисодиётда таркибий ўзгаришларни давом эттириш ва унинг рақобатдошлигини таъминлашдан иборат.

Мамлакатимизнинг келгуси ривожи, ҳалқимиз фаровонлиги, унинг турмуш даражаси ва сифатини юксалтириш айнан шу масалага боғлик.

Жаҳон иқтисодиётида ўсиш суръатлари секинлашиб, энг муҳим экспорт товарларимизга ташки талаб камайиб, дунё бозорида уларнинг нархи пасайиб бораётган шароитда Ислом Абдуғаниевич Каримов томонидан иқтисодиётишимизни ислоҳ қилишни чукурлаштириш бўйича белгилаб берилган устувор вазифаларни бажаришга қаратилган ишларимизни янада кучайтиришимиз керак.

Шу билан бирга, Олий Мажлис палаталарининг 2015 йил январь ойидаги қўшма мажлисида таклиф этилган Вазирлар Маҳкамасининг Ҳаракат дастурини амалда бажаришни, бу борада иқтисодий ислоҳотларни чукурлаштиришни давом эттириш, хусусий мулкни ривожлантиришни жадаллаштириш, давлатнинг иқтисодиётдаги улушини камайтириш ва таркибий ўзгартиришларни тезлаш-

тиришга қаратилган ишларни изчил амалга ошириш мухим аҳамиятга эгадир.

Юкорида айтилган фикрлардан келиб чиққан ҳолда, асосий диққат-эътиборни куйидаги устувор вазифаларга қаратиш зарур, деб ҳисоблаймиз.

**Биринчидан**, макроиктисодий барқарорликни янада мустаҳкамлаш ва кейинги йиллардаги иқтисодий ўсиш суръатларини сақлаб қолиш зарур. Миллий валютамиз барқарорлигини таъминлаш, банк тизими니 мустаҳкамлаш, мамлакатимизда ва маҳаллий даражада бюджет барқарорлигини таъминлаш бўйича қўшимча комплекс чора-тадбирларни амалга ошириш керак.

Бунда четдан қарз олиш бўйича консерватив ёндашув сиёсатини давом эттириш, давлатнинг ташки қарзи ҳаддан зиёд ошиб кетишига йўл қўймаслик мухим аҳамият касб этади. Буларнинг барчаси Ислом Абдуғаниевич Каримовнинг аввало ўзимизнинг куч ва имкониятларимизга таяниш зарурлиги ҳақидаги узоқни кўзлаган стратегиясини давом эттириш билан боғлиқ.

**Иккинчидан**, нодир ва қимматбаҳо металларни чуқур қайта ишлаш, озиқ-овқат ва кимё саноатини ривожлантириш бўйича қабул қилинган дастурларни амалга оширишимиз зарур.

**Учинчидан**, ташки бозорларда рақобат ва бекарорлик кучайиб бораётган шароитда иқтисодиётнинг реал тармоқлари билан бир қаторда мамлакатимиз ҳудудларида ҳам рақобатдош маҳсулотлар иш-

лаб чиқаришни кўпайтириш ва экспорт салоҳиятини ошириш алоҳида аҳамиятга эга.

Ана шу мақсадда кичик бизнес ва хусусий тадбиркорлик субъектлари, шунингдек, фермер хўжаликларининг экспортда иштирок этишини янада рағбатлантириш бўйича қўшимча комплекс чора-тадбирларни амалга ошириш зарур. Бу иқтисодий ўсиш, тармоқлар ва ҳудудларни ривожлантириш, аҳолининг меҳнат билан бандлигини таъминлаш ва моддий фаровонлигини оширишнинг асосий локомотиви бўлиши керак.

**Тўртингчидан**, Ислом Абдуғаниевич Каримовнинг хусусий тадбиркорлик ва кичик бизнес субъектлари манфаатларини мустаҳкам ҳимоя қилиш тўғрисидаги талаб ва топшириқлари ижросини изчил давом эттириш даркор. Турли бюрократик тўсиклар ва асоссиз текширувларни бундан кейин ҳам қатъият билан чеклаш зарур.

**Бешинчидан**, энг муҳим ижтимоий-иқтисодий вазифа – Олий Мажлис палаталари томонидан тасдиқланган Аҳолининг меҳнат билан бандлигини ошириш дастурини бажаришдан иборат. Йил охирига қадар бир миллиондан зиёд янги иш ўринларини ташкил этишимиз зарур. Касб-хунар коллежларининг 480 минг нафар битирувчисини ишга жойлаштириш масаласи алоҳида назоратни талаб қиласди.

**Биз жамиятнинг ижтимоий табақаланиш даражасини пасайтириш, мамлакатимизда ўта бойлар ҳам, ўта камбағаллар ҳам бўлмаслиги бўйича**

Ислом Абдуғаниевич томонидан белгилаб берилган сиёсатни қатъий давом эттирамиз.

**Олтинчидан**, халқаро коммуникация тармоқлариға уланган замонавий йўл-транспорт ва муҳандислик инфратузилмасини шакллантириш, шунингдек, миллий ахборот-коммуникация тизимларини ривожлантириш бўйича Ўзбекистон Республикаси Президенти томонидан пухта ўйланган ва ишлаб чиқилган стратегияни амалга оширишни давом эттирамиз.

Бугунги шароитда энг илғор ахборот-коммуникация технологияларини кенг жорий этиш устувор аҳамият касб этмоқда. Бу соҳада қабул қилинган Миллий дастурга мувофиқ, телекоммуникация технологияларини, алоқа тизимлари ва инфратузилмасини янада ривожлантиришимиз, информацион тизимлар комплекслари ва «Электрон ҳукумат» ахборот базасини шакллантиришимиз керак.

Мамлакатимиз худудларини комплекс ривожлантириш соҳасидаги ишларни давом эттириб, Қарши, Шаҳрисабз, Тошкент, Термиз, Наманган ва Урганч шаҳарларини ободонлаштириш бўйича мамлакатимиз Президенти томонидан қабул қилинган қарорларнинг амалда бажарилишини таъминлаш керак.

Қишлоқ хўжалигини янада ислоҳ қилиш ва ривожлантириш бўйича биринчи навбатдаги вазифа – кўп тармоқли фермерликни ривожлантириш, ҳар бир фермер хўжалигининг иқтисодий самарадорлиги ва молиявий барқарорлигини таъминлашдир. Бу масалани биз мамлакатимиз озиқ-овқат хавфсизлигини таъминлашнинг гарови деб ҳисоблаймиз.

Ислом Абдуганиевич Каримов ташаббускори бўлган кишлоқларимиз киёфасини тубдан ўзгартириш, кишлоқ аҳолиси учун шаҳар даражасидаги турмуш шароитини таъминлайдиган намунавий уй-жойларни ва тегишли инфратузилмани қуриш бўйича дастурни фаол давом эттирамиз.

Таълим ва тарбия, илм-фан, соғлиқни саклаш, маданият ва санъат, спортни ривожлантириш масалалари, ёшларимизнинг чуқур билимга эга бўлиши, чет тилларини ва замонавий ахборот-коммуникация технологияларини пухта эгаллашини таъминлаш доимий устувор вазифамиз бўлиб қолади.

Энг муҳим йўналишлардан яна бири – жамияти-мизда демократик жараёнларни чуқурлаштириш, фуқаролик институтлари ривожланишини қўллаб-куватлаш, сиёсий партияларнинг обрў-эътибори ва таъсирини ошириш, сайловчиларнинг овози учун рақобатни кучайтиришдан иборат.

**Хурматди дўстлар!**

Биз бундан буён ҳам барча хорижий мамлакатлар, жаҳон ҳамжамияти билан самарали ҳамкорлигимизни давом эттирамиз.

Бу борада Ўзбекистоннинг халқаро миқёсдаги обрў-эътибори ва позициясини янада кучайтириш мақсадида Ўзбекистон Республикасининг Ташқи сиёсий фаолияти концепцияси фаол амалга оширилади.

Хеч қандай ҳарбий-сиёсий блокларга қўшилмаслик, бошқа давлатларнинг ҳарбий базалари ва объектлари Ўзбекистон ҳудудида жойлашишига, шунингдек, ҳарбий хизматчиларимизнинг мамлака-

тимиз ҳудудидан ташқарида бўлишига йўл қўймаслик, илгаригидек, давлатимизнинг қатъий сиёсий позицияси бўлиб қолади.

Мамлакатимизнинг миллий манфаатларини таъминлашда муҳим аҳамиятга эга бўлган Марказий Осиё минтақаси Ўзбекистон ташки сиёсий фаолиятининг асосий устувор йўналиши ҳисобланади. Биз ўзимизнинг яқин қўшниларимиз Туркманистон, Қозоғистон, Тожикистон ва Қирғизистон билан очик, дўстона ва прагматик сиёsat олиб боришга содик қоламиз.

Ташки сиёsatимизнинг устувор йўналиши бу – Мустақил Давлатлар Ҳамдўстлиги мамлакатлари билан алоқаларимизни мустаҳкамлашдан иборат. Биринчи навбатда, Россия Федерацияси билан Стратегик шериклик, Иттифоқчилик муносабатлари тўғрисидаги шартномалар ва бошқа муҳим келишувлар асосида дўстона алоқаларни изчил ривожлантириш ва кучайтириш икки мамлакат манфаатларига жавоб беради ва минтақада барқарорлик ва хавфсизликни мустаҳкамлашга хизмат қиласди.

Америка Кўшма Штатлари билан ўзаро манфаатли ва конструктив ҳамкорликни ҳар томонлама ривожлантириш бизнинг ташки сиёsatимизда устувор аҳамиятга эга бўлиб қолади.

Ўзбекистон минтақадаги яқин қўшнимиз ҳамда глобал ва минтақавий муаммоларни ечишда муҳим роль ўйнайдиган Хитой Xалқ Республикаси билан ҳар томонлама стратегик ҳамкорликни янада мустаҳкамлашдан манфаатдордир.

Осиё ва Тинч океани минтақасида биз Япония, Корея Республикаси ва бошқа давлатлар билан иқтисодиёт, инвестициялар, фан ва технологиялар, таълим, соғлиқни сақлаш ва туризм соҳаларида ҳамкорлик муносабатларини янада ривожлантиришга устувор даражада аҳамият берамиз.

Ўзбекистон учун Европанинг етакчи давлатлари, аввалимбор Германия, Франция ва Буюк Британия, Марказий ва Шарқий Европа давлатлари билан ўзаро манбаатли ҳамкорликни ривожлантириш муҳим аҳамият касб этади.

Биз Ҳиндистон, Покистон ва Жанубий Осиёнинг бошқа давлатлари билан сиёсий, савдо-иқтисодий, транспорт-коммуникация ва маданий-гуманитар соҳаларда ҳамкорликни янада ривожлантириш тарафдоримиз.

Ўзбекистон Афғонистонга нисбатан анъанавий равишда яқин қўшничилик ва дўстона сиёсат олиб боради.

Биз Яқин ва Ўрта Шарқ давлатлари билан ўзаро манбаатли ва кенг киррали муносабатларни ривожлантириш ва мустаҳкамлашни давом эттирамиз.

Лотин Америкаси ва Кариб минтақаси, Африка қитъасининг етакчи давлатлари билан алоқаларни кенгайтириш ва мустаҳкамлаш Ўзбекистоннинг миллий манбаатларига жавоб беради.

Бирлашган Миллатлар Ташкилоти, Шанхай ҳамкорлик ташкилоти, Мустақил Давлатлар Ҳамдўстлиги, Ислом ҳамкорлик ташкилоти ва бошқа халқаро ташкилотлар билан фаол муносабатлар ва

ҳамкорлик олиб бориш Ўзбекистоннинг миллий манфаатларига хизмат қилади.

Биз Жаҳон банки, Осиё тараққиёт банки, Ислом тараққиёт банки, Халқаро валюта жамғармаси, бошқа халқаро молиявий ва иқтисодий ташкилотлар билан давлатимиз иқтисодиётида амалга оширилаётган таркибий ислоҳотларни кўллаб-куvvatлашга қаратилган ҳамкорликни янада ривожлантирамиз.

Хурматли қўшма мажлис иштирокчилари!

Иқтисодий ва ижтимоий ислоҳотларнинг устувор вазифаларини муваффакиятли адо этиш, биринчи навбатда, Олий Мажлис палаталари, Вазирлар Маҳкамаси, барча даражадаги ҳокимликлар, давлат ва хўжалик бошқарув идоралари, бутун халқимизнинг Ўзбекистон Республикасининг Биринчи Президенти ғоялари атрофида жипслашиб, бир ёқадан бош чиқариб, ҳамжиҳатлик билан бор куч ва имкониятларини сафарбар этишига боғлиқ эканини ҳаммамиз яхши тушунамиз.

Мана шу эзгу мақсад йўлида – Ватанимиз мустақиллигини ҳар томонлама мустаҳкамлаш, мамлакатимизнинг барқарор иқтисодий ва ижтимоий ривожланишини, халқимиз фаровонлигини таъминлашга қаратилган ишларимизда буюк Юртбошимиз Ислом Абдуғаниевич Каримовнинг «**Она Ватанимиз ва халқимизга садоқат билан хизмат қилиш – олий саодатдир**» деган сўzlари доимо бизга куч-куvvat ва ғайрат бағишлиайди, деб ишонаман.

\* \* \*

Ўзбекистон Республикаси Олий Мажлиси Қонунчилик палатаси ва Сенати қўшма мажлисининг «Ўзбекистон Республикаси Президентининг вазифа ва ваколатларини бажаришни вақтинча юклаш тўғрисида»ги Қарори қабул қилинганидан сўнг Ўзбекистон Республикаси Бош вазири Шавкат Мирзиёев сўзга чиқди.

## ЯКУНЛОВЧИ СЎЗ

Хурматли Спикер!

Хурматли Сенат Раиси!

Мухтарам депутат ва сенаторлар!

Аввало, менга билдирилган юксак ишонч учун сизларга чин дилдан ўз миннатдорлигимни билдиришга рұхсат бергайсиз.

Ўзбекистон Республикаси Президенти сайловига қадар бўлган муддатда менинг зиммамга ниҳоятда мураккаб ва ўта масъулиятли вазифа юкланганини ҳар томонлама чуқур ҳис қилиб турибман.

Ўзбекистон Республикасининг Биринчи Президенти, буюк Йўлбошчимиз, қадрли Ислом Абдуғаниевич Каримов томонидан ишлаб чиқилган ва чорак аср мобайнида изчил амалга ошириб келинган давлатимизнинг сиёсий йўлини, мустакил тараққиёт йўлини давом эттиришни шу даврда ўзимнинг энг асосий вазифам деб биламан.

Замонамизнинг буюк давлат ва сиёsat арбоби, узоқни кўра оладиган раҳбар, олижаноб маънавий ва

ахлоқий фазилатлар эгаси бўлган бу улуғ инсон мен учун юксак идеал, ўз Ватани, ўз халқига фидокорона хизмат қилишнинг ёркин намунасиdir.

Сизларни ишонтириб айтаманки, Ислом Абдуғаниевич Каримов бизга васият қилиб қолдирган барча ҳаётий тамойилларга оғишмасдан, қатъий амал қиласман. У кишининг, раҳбар доимо одамларнинг, эл-юргининг дарду ташвиши билан яшashi, уларнинг орзу-ниятларини рўёбга чиқариш учун ҳузур-ҳаловатдан воз кечиб, ўзини аямасдан меҳнат қилиши керак, деган доно ўйтитларини ўз фаолиятим учун асосий мезон ва талаб сифатида қабул қиласман.

Бу борада мамлакатимиз фуқароларининг ҳукуқ ва эркинликларини, Ўзбекистон Республикасининг Конституцияси ва қонунларига риоя этилишини таъминлашни, Ўзбекистон Республикасининг суверенитети, хавфсизлиги ва ҳудудий яхлитлигини муҳофаза этиш юзасидан зарур чора-тадбирлар кўришни, республика олий ҳокимият ва бошқарув органларининг баҳамжихат ишлашини таъминлашни, яқин ва узок кўшни давлатлар билан ўзаро манфаатли ҳамкорлик алоқаларини ривожлантиришни энг асосий вазифа деб ҳисоблайман.

Ўзбекистон Республикасининг Қонунчилик палатаси ва Сенати аъзолари билан, мамлакатимизда фаолият олиб бораётган сиёсий партиялар, фуқаролик институтлари билан биргаликда, бир ёқадан бош чиқариб ишлашни олдимизда турган ғоят муҳим ва устувор вазифаларни муваффақиятли амалга оширишнинг энг асосий омили ва гарови деб биламан.

Эл-юртимизнинг юксак ишончини оқлаш, Ватанимиз мустақиллигини янада мустаҳкамлаш, мамлакатимизнинг барқарор тараққиётини таъминлаш йўлидаги амалий ишлар билан азиз Юргбошимиз Ислом Абдуғаниевич Каримовнинг руҳи покларини шод этиш учун бор билим ва тажрибамни, салоҳият ва куч-ғайратимни сафарбар этаман.

Ишонаманки, улуғ Юргбошимизнинг бизга қолдирган бебаҳо мероси, ўлмас гоя ва дастурлари йўлимизни нурафшон қилиб, барчамизга доимо мададкор бўлади.

*Ўзбекистон Республикаси Олий Мажлис Қонунчилик палатаси ва Сенатининг қўшима мажлисидаги нутқ.*

2016 йил 8 сентябрь

## **ЎЗБЕКИСТОН ЎҚИТУВЧИ ВА МУРАББИЙЛАРИГА ТАБРИК**

Қадрли устоз ва мураббийлар!

Авваламбор, дунёдаги энг улуг ва шарафли касб эгаси бўлган сиз, азизларни бугунги кутлуғ айём – Ўқитувчи ва мураббийлар куни билан чин қалбимдан табриклаб, барчангизга ўзимнинг эзгу тилакларимни изхор этаман.

Ушбу сана бундан 19 йил олдин Ўзбекистон Республикасининг Биринчи Президенти, буюк Юртбошимиз Ислом Абдуғаниевич Каримов ташаббуси билан эл-юртимизнинг сизларга бўлган юксак ҳурмат-эҳтиромининг амалий ифодаси, умумхалқ байрами сифатида таъсис этилганини албатта ҳаммамиз яхши эслаймиз.

Мамлакатимизда соғлом ва баркамол авлодни вояга етказишни келажаги буюк Ўзбекистонни барпо этишнинг энг мухим шарти деб билган, сизларга ўзининг энг яқин маслақдошлари сифатида катта ишонч ва ҳурмат билан қараган Юртбошимизнинг ўзлари ҳам барчамиз учун меҳрибон устоз, талабчан мураббий эдилар.

Ислом Абдуғаниевич Ватанимизни буюк муҳаббат билан севиши, халқимизга садоқат билан хизмат қилиш, бу йўлда бор билим ва тажрибамиз, бутун борлиғимизни сафарбар этиш борасида биз учун юксак ибрат мактабини яратиб кетдилар.

Жаҳон ҳамжамиятида «ўзбек модели» деб тан олинган тараққиёт стратегиямизнинг ажралмас қисми бўлган замонавий таълим-тарбия тизимига асос солган, бу соҳани давлат сиёсатининг устувор йўналиши даражасига кўтариб, унинг ривожланиш йўлларини аниқ белгилаб берган, «Бутун Ўзбекистон болалари – менинг азиз фарзандларим» деб уларни ҳамиша эъзозлаган Ислом Абдуғаниевич Каримовнинг ўлмас тарихий хизматларини бугунги ва келгуси авлодлар доимо чукур миннатдорлик билан ёдга олади.

Улуғ устозимизнинг эзгу ғоя ва васиятлари асосида таълим ва тарбия соҳасидаги туб ислоҳотларни юксак босқичга кўтариш, мамлакатимизнинг тақдири ва келажаги учун масъулиятни ўз зиммасига олишга қодир бўлган янги авлод кадрларини вояга етказишга қаратилган ишларни изчил давом эттириш ҳаммамизнинг нафақат вазифамиз, балки муқаддас бурчимиз бўлиб, биз бу йўлда биринчи навбатда сиз, азизларга, сизларнинг билим ва малакангиз, тажриба ва маҳоратингизга таянамиз.

**Азиз дўстлар!**

Сизларнинг ёшлиларимиз қалби ва онгига она Ватанга муҳаббат ва садоқат туйғусини сингдириш, уларни турли таҳдидлардан асраш, комил инсон этиб вояга етказиш йўлидаги бекиёс хизматларингизни барча ота-оналар, жамоатчилигимиз, бутун халқимиз яхши билади ва юксак қадрлайди.

Айни пайтда бугунги кунда олдимизда янада муҳим ва долзарб вазифалар турганини ҳаммамиз

яҳши тушунамиз. Шу борада илм-фан ва таълим-тарбия соҳасининг моддий-техник базасини янада мустаҳкамлаш, унинг нафақат давр билан ҳамоҳанг бўлишини, балки замондан олдинда юришини таъминлаш, педагог кадрларни тайёрлаш ва қайта тайёрлашнинг илғор усулларидан кенг фойдаланиш, бу ишларни хориждаги нуфузли марказлар билан ҳамкорликда олиб бориш, соҳага замонавий технологияларни жорий этиш, ўқитувчи ва домлаларнинг машиққатли ва масъулиятли меҳнатини ҳар тарафлама рағбатлантириш билан боғлик вазифаларни амалга ошириш, қисқа қилиб айтганда, ҳаётимизга катта куч бўлиб кираётган янги авлодимизни камол топтириш учун давлатимиз томонидан барча имкониятлар сафарбар этилади.

Муҳтарам устоз ва мураббийлар!

Сиз, азизларни 1 октябрь – Ўқитувчи ва мураббийлар куни билан яна бир бор табриклаб, барчангизга сиҳат-саломатлик, хонадонларингизга файзу барака, ҳаётда ва меҳнат фаолиятингизда баҳт ва омадлар ёр бўлишини тилайман.

*Шавкат МИРЗИЁЕВ,  
Ўзбекистон Республикаси Президенти  
вазифасини бажарувчи, мамлакат Бош вазири.  
2016 йил 30 сентябрь*

## **ТАЪЛИМ ВА МАЪРИФАТ – ТИНЧЛИК ВА БУНЁДКОРЛИК САРИ ЙЎЛ**

Бисмиллаҳир Роҳманир Роҳийм.

Мухтарам Раис жаноблари!

Жаноби олийлари, ҳурматли вазирлар ва делегациялар раҳбарлари!

Хонимлар ва жаноблар!

Ассалому алайкум ва роҳматуллоҳи ва баракатуҳу.

Аввало, сиз, азиз меҳмонларни, Ислом ҳамкорлик ташкилотига аъзо давлатлар ва кузатувчи мақомига эга мамлакатлар делегациялари раҳбарлари, халқаро ташкилотлар вакилларини, Ислом ҳамкорлик ташкилоти Ташки ишлар вазирлари кенгаши 43-сессиясининг барча иштирокчиларини Ўзбекистон заминида қутлаш ва сизларга самимий ҳурматимни билдиришга ижозат бергайсизлар.

Бугунги кунда кўп томонлама ҳамкорлик бўйича энг нуфузли ва йирик институтлардан бири бўлган Ислом ҳамкорлик ташкилотининг ушбу муҳим анжу манини ўtkазиш учун Ўзбекистон пойтахти – Тошкент танлангани учун чин дилдан миннатдорлик билдирамиз.

Ушбу сессия муқаддас ислом қадриятларини асрар-авайлаш ва ривожлантириш, мусулмон халклари ўргасида ҳамжиҳатликни мустаҳкамлаш, барқарор таракқиётни таъминлаш, ташкилотга аъзо мамлакат-

лар халқларининг ривожланиши ва фаровонлигига кўмаклашишдек эзгу мақсадларга эришиш йўлида мухим қадам бўлишига ишонамиз.

Мазкур форумга тайёргарлик доирасида эришилган ўзаро ҳамкорлик натижаларидан мамнунмиз. Бу борада Бош котибият ва шахсан унинг раҳбари жаноб Ияд Маданий, ташкилотга аъзо давлатлар томонидан амалга оширилган самараали ишларни, бунда ҳамжиҳатлик ва ҳамкорлик руҳи намоён бўлганини юксак қадрлаймиз.

«Таълим ва маърифат – тинчлик ва бунёдкорлик сари йўл» мавзуси 43-сессия кун тартибининг асосий гояси этиб белгилангани чуқур рамзий маънога эга. Бу гоя «Бешикдан қабргача илм изла» деган машҳур ҳадисга ҳамоҳангдир. Ушбу мавзу катта ҳаётний тажрибага эга бўлган, буюк давлат арбоби сифатида узокни кўра олган Ўзбекистон Республикасининг Биринчи Президенти Ислом Каримов томонидан, Оллоҳ у кишини раҳматига олсин, дунё халқлари, ўз халқи тақдиди, бугунги мураккаб шароитда муқаддас динимизнинг аҳамияти ҳақидаги чуқур муроҳазалар натижаси сифатида таклиф этилган эди.

Дунё шиддат билан ўзгариб, барқарорлик ва халқларнинг мустаҳкам ривожланишига раҳна соладиган турли янги таҳдид ва хавфлар пайдо бўлаётган бугунги кунда маънавият ва маърифатга, ахлоқий тарбия, ёшларнинг билим олиш, камолга етишга интилишига эътибор қаратиш ҳар қачонгидан ҳам мухимдир.

Айнан таълим ва маърифат башарият фаровонлигининг асосий омилларидан ҳисобланади, инсонларни эзгуликка даъват этади, саховатли, сабрқаноатли бўлишга ундайди. Муқаддас ислом динимиз бизга айнан шуни ўргатади.

Бундай ёндашув – давр талабидир.

Хурматли сессия иштирокчилари!

«Таълим ва маърифат – тинчлик ва бунёдкорлик сари йўл» шиори Ислом ҳамкорлик ташкилотининг бугунги анжумани мавзуси этиб белгиланганни бежиз эмас.

Негаки, мазкур анжуман сизу бизнинг буюк аждодларимиз киндик қони тўкилган Ўзбекистон заминида бўлиб ўтмоқда.

Имом Бухорий, Бурҳониддин Марғиноний, Иса ва Ҳаким Термизийлар, Маҳмуд Замахшарий, Муҳаммад Қаффол Шоший, Баҳоуддин Нақшбанд, Ҳожа Аҳрор Валий, Муҳаммад Хоразмий, Аҳмад Фарғоний, Абу Райхон Беруний, Абу Али ибн Сино, Мирзо Улӯғбек, Алишер Навоий ва бошқа кўплаб даҳолар номи нафақат ислом, айни вактда жаҳон цивилизацияси тарихида ҳақли равишда олтин ҳарфлар билан битилган.

Ислом оламида Пайғамбаримиз Муҳаммад алайхиссалом ҳадислари тўпламининг ишончли манбаи деб эътироф этилган «Ал-жомеъ ас-саҳиҳ» тўплами барча муҳаддислар устози бўлмиш Имом Бухорийнинг кўп йиллик фидокорона изланишлари самарасидир. Ўн икки асрдирки, ушбу асар аҳамиятига кўра, муқаддас Куръондан кейин ислом дини ҳақидаги иккинчи ишончли ёзма манба бўлиб қолмоқда.

Нафақат бизнинг юртимиз, балки бошқа мамлакатлардан ҳам минглаб, миллионлаб мусулмонлар бу табаррук зот туғилган Бухорои шарифга бориш ва унинг Самарқанддаги қабрини зиёрат қилишга интилиши бежиз эмас, албатта.

Х асрда самарқандлик мутафаккир, «Имом ал-Худа» (Ҳидоят йўлининг имоми) деб шуҳрат қозонган Абу Мансур Мотуридий томонидан асос солинган мотуридия таълимоти бутун ислом оламида кенг тарқалган.

Мотуридия таълимоти илм эгаллаш жараёнида бағрикенглик ғояси асосида инсон ақл-заковатининг ўрни ва аҳамиятига юксак эътибор қаратади. Бу ўз навбатида ушбу таълимотнинг кенг оммалашувида муҳим ўрин туттган. Бундай ғояларга бугунги кунда ҳам инсоният катта эҳтиёж сезмоқда.

Буюк тарихда ҳеч нарса изсиз кетмайди. У халқларнинг қонида, тарихий хотирасида сакланади ва амалий ишларида намоён бўлади. Шунинг учун ҳам у кудратлидир. Тарихий меросни асрраб-авайлаш, ўрганиш ва авлодлардан авлодларга қолдириш давлатимиз сиёсатининг энг муҳим устувор йўналишларидан биридир.

Янги таҳдидлар, жумладан, «оммавий маданият» хавфи ва боқимандалик кайфияти пайдо бўлаётган, одоб-ахлоқ, қадриятларнинг йўқолиши хавфи юзага келаётган ҳозирги глобаллашув шароитида бу ғоят муҳим аҳамият касб этмоқда.

Шу сабабли, менинг фикримча, инсон маънавий олами, халқлар маданиятини белгилайдиган манба-

ларни асраб-авайлаш ва бойитиш бугунги кунда ҳар қаҷонгидан ҳам муҳимдир.

Азалий қадриятларимиз ва ахлоқий фазилатларни ўзида мужассам этган муқаддас динимизни асраш ва қадрлаш ҳар биримизнинг шарафли бурчимиздир. Ислом – ҳақиқатни англаш демакдир, у одамзотни эзгу амалларни бажаришга ундайди, ҳар биримизни яхшилик ва тинчликка чорлайди, ҳақиқий инсон бўлишни ўргатади.

Биз ислом динидан зўравонлик ва хунрезлик мақсадларида фойдаланишга уринаётган кимсаларни кескин қоралаймиз ва улар билан ҳеч қаҷон муроса қила олмаймиз. Муқаддас динимизни доимо ҳимоя қиласмиш.

Халқимиз атеистик мустабидликдан озод бўлгандан кейин, мустақиллик йилларида Ўзбекистонда аждодларимизнинг муқаддас дини бўлган исломнинг жамиятимиздаги ўрнини қайта тиклаш бўйича улкан ишлар амалга оширилди.

1999 йил Тошкентда Марказий Осиёда биринчи Ислом университети очилди. Мамлакатимизда 10 та диний таълим муассасаси, жумладан, Тошкент ислом институти, 9 та ўрта маҳсус ўқув юрти фаолият кўрсатмоқда. Уларнинг иккитаси хотин-қизлар ўқув муассасасидир.

Ана шу таълим масканлари орасида XVI асрда бунёд этилиб, мамлакатимизда илм-фанни кенг ёйишга хизмат қилган Бухородаги Мир Араб ва Тошкентдаги Кўкалдош мадрасалари бор.

Етмиш йил ҳукм сурган коммунистик тузум даврида Ўзбекистондан бор-йўғи 130 киши ҳаж амалини

бажарган бўлса, бугунги кунда ҳар йили ўзбекистонлик беш мингдан зиёд киши ўзининг эзгу орзуси ва мусулмонлик бурчини адо этмоқда. Ўша пайтларда кўп миллионли республикамизда атиги 30 та масжид бўлган, бугун эса мамлакатимизда минглаб масжидлар фаолият юритмоқда. Юртимизнинг барча худудларида тарихий ислом ёдгорликлари, муқаддас қадамжолар қайта тикланди. Уларнинг аксариятини сиз, азиз меҳмонларимиз ўзбекистонга ташрифингиз давомида зиёрат қилиш имконига эга бўласиз.

Муқаддас динимиз бундан буён ҳам ҳалқимизни бирлаштириб, миллати ва тилидан қатъи назар, маънавий покланиш, одамларни тинчлик, эзгулик, бағрикенглик, ўзаро ҳурмат ва тотувликка ундаидиган, ўрнини ҳеч нарса боса олмайдиган восита бўлиб хизмат қилиши шубҳасизdir.

### Ҳурматли сессия қатнашчилари!

Ўзбекистонда мустакил ва кучли давлат қуришдан асосий мақсад инсон, унинг хуқук ва эркинликлари олий қадрият ҳисобланадиган ва ҳурмат қилинадиган адолатли жамият барпо этишdir. Айни вақтда мусулмон олами ва жаҳон ҳамжамиятидаги муносиб ўрнимизни янада мустаҳкамлашdir.

Бу, авваламбор, таълим ва маърифат тизимини такомиллаштириш, мамлакатимиз келажаги бўлган ёшларни замонавий билим олишга йўналтириш, баркамол шахсни тарбиялаш билан боғлиқ эканини биз яхши англаймиз. 1997 йилда қабул қилинган Кадрлар тайёрлаш миллий дастури ва бошқа давлат дастурларининг ҳаётга татбиқ этилиши натижасида маз-

кур соҳа тубдан ислоҳ қилинди, замонавий узлуксиз таълим-тарбия тизими яратилди.

Бугун барча ўғил-қизларимиз ўн икки йиллик бепул мажбурий таълим билан қамраб олинган. Улар 10 мингта реконструкция қилинган ёки қайта қурилган кент ва ёруғ мактаблар, 1,5 мингта академик лицей ва касб-хунар колледжларида билим олмоқда. Қарийб 300 та мусиқа ва санъат мактаби, 2 минг 200 дан ортиқ спорт обьекти фарзандларимиз ихтиёрида.

Истиклол йилларида мамлакатимизда олий ўқув юртлари сони 2,5 баробар кўпайди. Бугунги кунда олий ўқув юртларимизда 230 мингдан зиёд талаба билим олмоқда.

Ўзбекистонда еттита хорижий етакчи олий ўқув юртининг филиаллари фаолият кўрсатмоқда. Истеъодли ёшларимизнинг минглаб вакиллари дунёнинг нуфузли университетларида таҳсил олмоқда.

Мамлакатимизда давлат бюджетининг ялпи ички маҳсулотга нисбатан 7 фоизи таълим-тарбия соҳасига йўналтирилмоқда.

Мустақилликнинг дастлабки йилларидан бошлаб юртимизда ёшлар ҳақида эътибор ва ғамхўрлик кўрсатишга давлат сиёсатининг энг асосий ва устувор йўналишларидан бири сифатида қараб келинмоқда. Чунки ёшлар – бизнинг келажагимиз. Бу соҳадаги давлат сиёсатини янада чукурлаштириш учун яқинда Ўзбекистон Республикасининг «Ёшларга оид давлат сиёсати тўғрисида»ги қонуни янги таҳрирда қабул килинди.

Буларнинг барчаси бугунги кунда ўз самарасини бермоқда. Ёшларимиз бизнес, илм-фан, маданият, санъат, адабиёт ва спорт соҳаларида оламшумул муваффакиятларга эришмоқда. Бу мамлакатимиз истиқболига, буюк аждодларимиз бошлаган эзгу ишларни келажак авлодлар муносиб давом эттиришига катта ишонч бағишлайди.

Хонимлар ва жаноблар!

Биз бугун инсоният тараққиётининг, таъбир жоиз бўлса, кескин бурилишлар рўй бераётган тарихий боскичида яшамоқдамиз.

Кейинги йилларда Ер юзида кескин геосиёсий ўзгаришлар рўй берди, халқаро миқёсда хавфсизлик ва барқарорлик тизими издан чиқмоқда. Глобаллашув жараёнининг тобора шиддатли тус олиши нафақат инсоният имкониятларини кенгайтирум олиб келмоқда. Бунинг оқибатида тинчлик ва барқарорликка рапхна солаётган, моҳияти ва кўламига кўра трансмиллий хусусиятга эга турли ҳатти-ҳаракатлар содир этилмоқда.

Бошпанасиз қолиб, ўзга юртларда сарсон-саргардон юрган одамлар оғир мусибатларни бошдан кечирмоқда, қуролли қарама-қаршиликлар ва терроризм оқибатида бегуноҳ болалар, кексалар, хотин-қизлар ҳалок бўлаётир. Охири қўринмайдиган урушлар туфайли кўплаб мамлакатлар вайронага айланмоқда.

Бундай шароитда Ислом ҳамкорлик ташкилотига аъзо давлатларни мусулмон оламида тинчлик ва

хавфсизликни мустаҳкамлаш ва барқарор ривожланиш йўлида бирлаштириш, ўзаро ҳамкорликнинг ишончли механизмларини, аъзо мамлакатларнинг долзарб масалалар юзасидан мулоқот қилиши учун ўзига хос майдон яратишга хизмат қиласидан Ислом ҳамкорлик ташкилотининг роли ва масъулияти янада ортмоқда.

Ташкилот мустаҳкам барқарорлик ва хавфсизлика иқтисодий таракқиётсиз, ижтимоий ҳусусиятга эга муаммоларни ҳал этмасдан эришиб бўлмаслигини тушунган ҳолда фаолият юритаётганини биз юқори баҳолаймиз. Ислом ҳамкорлик ташкилотининг фаолият кўламини янада кенгайтириш зарурати юзага келмоқда.

Бу борада мамлакатлар ва халқлар ўртасида турили даражадаги мулоқотларни кенгайтириш, нафақат ҳукуматлар, балки парламентлар, илм-фан ва маданият намояндалари, жамоатчилик вакиллари ўртасида тизимли алоқаларни йўлга қўйиш муҳим ўрин тутиши зарур. Айнан мана шу мақсадлар Ислом ҳамкорлик ташкилоти доирасида кўп томонлама ҳамкорликни кучайтириши мумкин.

Ўзбекистон Республикаси Ислом ҳамкорлик ташкилоти Ташқи ишлар вазирлари кенгашининг раиси сифатида ташкилот салоҳиятини янада кучайтириш ва эзгу мақсадларга эришишда ўз ҳиссасини қўшиш учун барча имкониятларини ишга солади.

Ўзбекистон Кенгашга раислиги даврида мусулмон давлатларининг самарали ва нуфузли форуми

сифатида ташкилот ролини мустаҳкамлашга ҳаракат килади.

Ўзбекистоннинг раислигида ўтаётган ушбу анжуманнинг «Таълим ва маърифат – тинчлик ва бунёдкорлик сари йўл» шиори бизнинг устувор йўналишларимизни аниқ ифода этади. Уларнинг энг муҳимлари қўйидагилардан иборат:

**Биринчи.** Аҳоли ҳаёт даражаси ва сифати кўп жиҳатдан мамлакат рақобатдошлигининг асосий кўрсаткичига айланган бугунги шароитда тараққиётнинг муҳим омили сифатида таълимнинг роли ортиб бормоқда. Ҳозирги пайтда жамият ва цивилизациялар аввало ижтимоий қадриятлар ва таълим тизимлари билан рақобатлашмоқда.

Шу нуқтаи назардан, буюк аждодларимиз бўлган ислом оламининг мутафаккирлари асарларини, уларнинг бутун жаҳон цивилизацияси ривожига қўшган бебаҳо ҳиссасини чукур ўрганиш, теран англаш ва кенг оммалаштириш алоҳида аҳамиятга эгадир.

Бу масала ёшларда илм-фанга ва таълим олишга интилиш туйғусини кучайтириш, барча жамиятларда ислом қадриятлари ва маданиятини тўғри англаш ҳамда қабул қилиш, дунёning барча халқларига ислом динининг ҳақиқий мазмун-моҳиятини етказиш учун муҳимдир. Шунингдек, бугунги кунда халқаро миқёсда конфессиялар, миллатлар ва маданиятлар аро мулоқотни йўлга қўйиш, тинчлик ва тотувликка эришишда ҳам муҳим аҳамият касб этади.

**Иккинчи.** Барқарор ижтимоий-иктисодий тараққиётни инновацион ривожланишсиз, кенг кўламли

илемий-техник кооперациясиз ва янги технологиялар, илем-фан ва техника ютуқларини жорий этмасдан тасаввур қилиб бўлмайди.

Айнан шунинг учун илем-фан ва техникани янада ривожлантириш, Ислом ҳамкорлик ташкилотига аъзо давлатларнинг интеллектуал салоҳиятини мустаҳкамлаш ташкилотимиз фаолиятида муҳим ўрин эгаллаши лозим, деб ҳисоблаймиз.

Ўзбекистон Ислом ҳамкорлик ташкилоти доирасида ҳамкор мамлакатлар билан илемий-технологик алоқаларни фаоллаштириш, илем-фаннынг турли соҳаларида қўшма тадқиқотлар ўтказишни таклиф этади.

Шубҳасиз, ташкилотга аъзо мамлакатларнинг ҳамкорлигини Ислом тараққиёт банки фаолиятисиз тасаввур қилиш қийин.

Фурсатдан фойдаланиб, 2016 йил 1 октябрдан эътиборан Ислом тараққиёт банкининг президенти этиб сайланган Бандар Ҳажар жаноби олийларини кутлашдан мамнунман.

**Учинчи.** Хавфсизлик муаммоси ўта кескин ва фожиали тус олаётгани барчамизни ташвишга солаётганини таъкидламоқчимиз.

Ислом ҳамкорлик ташкилотига аъзо давлатларнинг бирдамлигини таъминлаш, улар ўртасидаги зиддијатларга барҳам бериш, урушлар, терроризм ва экстремизмни бартараф этишда саъй-ҳаракатларни бирлаштириш тобора авж олаётган қарама-каршиликларни бартараф этиш, тинчлик ва барқарорликка таҳдид солаётган хавфларга қарши курашишда муҳим аҳамият касб этади.

Айниқса, мавжуд ёки юзага келаётган зиддият ва тўқнашувларни тинч йўл билан, музокаралар, халқаро хукуқнинг умумэътироф этилган принцип ва нормалари асосида сиёсий-дипломатик ҳамда халқаро хукукий механизмлардан фойдаланган ҳолда ҳал этишга эришиш энг муҳим вазифадир.

**Тўртинчи.** Ислом олами улкан иқтисодий, инвестицион салоҳият, энергетика ресурсларига эга. Улардан тўғри фойдаланиш, Ислом ҳамкорлик ташкилотига аъзо давлатларнинг халқаро савдо-иқтисодий, молиявий, инвестицион ҳамкорлигини кенгайтириш, мамлакатларимизни бирлаштирадиган транспорт йўлларини ташкил этиш юксак иқтисодий тараққиёт кўрсаткичларига эришиш имконини беради ва бу пировард натижада бошқа барча соҳаларнинг ривожланишида асос бўлиб хизмат қилади.

Шу муносабат билан бу борада Ислом ҳамкорлик ташкилоти доирасида, шунингдек, Ислом ҳамкорлик ташкилоти қамраган ҳудуддаги давлатларнинг дунёнинг етакчи мамлакатлари билан ҳамкорлик механизмларини такомиллаштириш алоҳида аҳамиятга эгадир.

**Бешинчи.** Ушбу қулай фурсатдан фойдаланиб ҳамда мамлакатимизнинг Ислом ҳамкорлик ташкилотидаги раислик даври учун таклиф этилаётган устувор мақсадлардан бирининг ижроси контекстида давлатимизнинг айрим ташаббусларини эълон қилмоқчиман.

Биринчи ташаббуснинг моҳияти нафақат ислом маданияти, балки умумбашарий цивилизацияга беназир хисса қўшган буюк аждодларимизнинг кўп киррали диний-маънавий меросини ўрганишга ихтисослашган халқаро илмий тадқиқот марказини ташкил этишдан иборат.

Бундай марказнинг Самарқанддаги Имом Бухорий ёдгорлик мажмуаси хузурида яратилиши мантикий иш бўлур эди. Буни бир қатор қулай омиллар тақозо этмоқда:

**биринчидан**, Самарқанднинг мусулмон маданияти дурдоналаридан бири эканлиги билан боғлиқ дунё цивилизациясидаги мумтоз ўрни;

**иккинчидан**, энг буюк мусулмон мутафаккирларидан бири, барча муҳаддислар пешвоси Имом Бухорийнинг табаррук мақбараси жойлашган ушбу минтақага хос бўлган алоҳида маънавий-руҳий муҳит.

Таклиф этилаётган тадқиқот маркази Ислом ҳамкорлик ташкилоти ҳомийлигида «Самарқанддаги Имом Бухорий халқаро тадқиқотлар маркази» деган улуғвор ва рамзий номга эга бўлиши мумкин бўлур эди.

Умид қиласизки, бизнинг ушбу ташаббусимизни Ислом ҳамкорлик ташкилотининг Бош котиби Ияд Маданий жаноби олийлари қўллаб-куватлайдилар ва бу лойиҳани амалга оширишда керакли кўмакни берадилар.

Ўзбекистоннинг яна бир ташабbusi – Тошкент ислом университети таркибида таълим, фан ва маданият масалалари бўйича ислом ташкилотининг маҳсус кафедрасини ташкил этиш билан боғлиқдир.

Янги кафедра фаолиятининг асосий йўналишини мусулмон дунёсидаги таълим, илм-фан ва маданият тарихи ҳамда уларнинг ҳозирги ҳолатини ўрганиш ва улар ҳақида талабаларга чуқурлаштирилган маҳсус курсларни ўқиши ташкил этиши мумкин бўлур эди.

**Хурматли дўстлар!**

Мазкур анжуманимиз ва сизларнинг Ўзбекистонга ушбу ташрифингиз давомида Ватанимизнинг бой тарихий ва маданий мероси билан танишишингиз туризм, гуманитар, илмий ва бошқа соҳалардаги алоқаларимизни янада мустаҳкамлашга хизмат қилади, деган умиддамиз.

Бу борада биз ўз томонимиздан ташкилотга аъзо мамлакатларнинг туристлари ва вакилларининг диёримизга келиб-кетиши билан боғлиқ расмиятчиликларни соддалаштиришга қаратилган чора-тадбирларни кўрамиз.

**Олтинчи.** Оммавий қирғин қуролини тарқатмаслик муаммоси бугунги кунда энг кескин масалалардан бири бўлиб қолмокда. Ўзбекистон 1993 йилдаёқ Марказий Осиёда ядро қуролидан холи ҳудудни ташкил этиш ташаббусини илгари сурган. Мазкур ташаббус Ўзбекистон ва қўшни давлатлар томонидан 2006 йилда имзоланган Марказий Осиёда ядро қуролидан холи ҳудуд тўғрисидаги шартнома, шунингдек, БМТ Хавфсизлик кенгашининг доимий бешта аъзоси 2014 йилда имзолаган Кафолатлар тўғрисидаги протоколда ўзининг амалий ифодасини топган.

Ўзбекистон ядро қуролидан холи ҳудудлар кўла-  
мини изчил кенгайтириш тарафдори ва Яқин Шарқда  
ҳам ядро қуролидан холи ҳудудни ташкил этиш  
ғоясини қўллаб-қувватлайди.

Ўзбекистон ташкилотга аъзо мамлакатлар ва, уму-  
ман, мусулмон олами хавфсиз ва фаровон давлат-  
ларга айланишига ишонади.

Мухтарам сессия қатнашчилари!

Ислом ҳамкорлик ташкилоти Ташқи ишлар вазирлари кенгашининг 43-сессияси халқаро майдонда ташкилотимиз салоҳиятини янада мустаҳкамлаш ва унинг обрўсини ошириш, олдимиизда турган умумий вазифаларни самараали ҳал этишга хизмат қилишига ишонаман.

Сўзимни якунлар эканман, сизларни Шарқ дурдо-  
наларидан бири бўлган Самарқандга таклиф этиш-  
дан мамнунман. Самарқандда бебаҳо тарихий-мада-  
ний обьектларни ўз кўзингиз билан кўриш, ҳалқимиз  
ҳаёти, мактаб, академик лицей ва касб-хунар кол-  
лажларимиз, олий ўқув юртларимиз фаолияти билан  
бевосита танишишингиз мумкин.

Ислом ҳамкорлик ташкилоти Ташқи ишлар вазир-  
лари кенгашининг 43-сессияси ишига муваффақият  
тилайман.

*Ислом ҳамкорлик ташкилоти Ташқи ишлар вазирлари  
кенгаши 43-сессиясининг очилиши маросимидағи нутқ.*

*2016 йил 18 октябрь*

**ДЕМОКРАТИК ИСЛОҲОТЛАРНИ  
ЧУҚУРЛАШТИРИШ, БАРҚАРОР РИВОЖЛАНИШНИ  
ТАЪМИНЛАШ – ХАЛҚИМИЗ УЧУН  
МУНОСИБ ҲАЁТ ДАРАЖАСИНИ  
ЯРАТИШНИНГ КАФОЛАТИДИР**

Ассалому алайкум, хурматли съезд қатнашчилари!

Фурсатдан фойдаланиб, менга юксак ишонч билдириб, Ўзбекистон Республикаси Президенти лавозимига номзод сифатида кўрсатганингиз учун сиз, муҳтарам партиядошларимга, шу ташаббусни кўллаб-кувватлаган барча юртдошларимизга ўзимнинг чексиз ҳурматимни ва самимий миннатдорлигимни билдираман.

Тадбиркорлар ва ишбилармонлар ҳаракати – Ўзбекистон Либерал-демократик партияси ўз олдига кўйган мақсад ва дастурлари, ташаббус ва амалий ҳаракатлари билан доимо халқимизнинг дарду ташвишлари ва муаммоларини ечишга, юртимиз фаровонлигини янада оширишга муносиб ҳисса кўшиб, кундан кунга катта обрў-эътиборга эришиб бормоқда.

Бугунги кунда ўз сафларида 250 мингдан зиёд аъзони бирлаштирган сиёсий партиямиз Ватанимиз кудрати ва салоҳиятини, юртимиз тинчлиги ва осойишталиги, халқимиз фаровонлигини таъминлашда кудратли кучга айланмоқда.

Ишонаманки, келажакда ҳам партиямиз юртимизнинг гуллаб-яшнаши учун муносиб ҳисса кўшадиган етакчи сиёсий партиялардан бири бўлиб қолади.

Қадрли юртдошлар!

Замонамизнинг буюк давлат арбоби, мамлакатимиз ва халқимизнинг тақдири, баҳту саодати учун ўз ҳаётини бағишлигар улуг Йўлбошчимиз Ислом Абдуғаниевич Каримовнинг вафоти барчамиз учун ўрнини тўлдириб бўлмайдиган оғир жудолик бўлди.

Бутун дунёда таҳликали вазият, миллатлараро тўқнашувлар, сиёсий ва иқтисодий инкиrozлар ҳамда турли хавф-хатарлар авж олган даврда Ислом Каримовнинг мамлакатимизга раҳбарлик қилгани Яратганинг халқимизга қўрсатган бебаҳо марҳамати бўлди.

Мухтарам Юртбошимизнинг букилмас иродаси, фидойилиги, мардлиги ва ватанпарварлиги, узоқни кўриш ва стратегик фикрлаш қобилияти ватандошларимизни ягона мақсад сари бирлаштириди.

Натижада мамлакатимиз мустақил тараққиёт йўлида кўплаб қийинчилик ва синовлардан ўтиб, тарихан қисқа даврда жаҳон ҳамжамиятида ўзининг муносиб ўрнини эгаллади.

Мухтарам Ислом Абдуғаниевичнинг босиб ўтган умр йўллари, мустақиллигимизни ҳимоя қилиш ва мустаҳкамлаш борасидаги тарихий хизматлари барчамиз учун, шу жумладан, мен учун ҳам энг ёркин ибрат намунаси ва катта ҳаёт мактаби бўлиб қолади.

Буюк устозимизнинг сиёсий мероси, у киши белгилаб берган тараққиётимизнинг асосий та-мойиллари, устувор йўналишлар, мақсад ва вази-фаларни сўзсиз ва тўлиқ амалга ошириш – биз учун ҳам қарз, ҳам фарзdir.

Бу улкан масъулиятни чукур ҳис этган ҳолда, азиз Юртбошимиз Ислом Абдуғаниевич Каримовнинг ғояларини амалга ошириш, мамлакатимизда олиб борилаётган давлат сиёсатини изчил давом эттириш, олдимиизда турган стратегик вазифаларни оғишмай бажаришни халқимиз олдидағи ўзимнинг асосий бурчим деб биламан.

Барчамизга маълумки, жаҳондаги эркин ривож-ланаётган, суверен, хуқукий демократик давлатлар томонидан эътироф этилган принциплар ва халқаро хуқуқ нормаларига амал қилиш, шунингдек, халқи-мизнинг миллий манфаатлари, менталитети ва анъаналарини ҳисобга олган ҳолда, Ўзбекистонда инсон хуқуқ ва эркинликларини ҳимоя этиш бўйича тизимли ва изчил ишлар амалга оширилмоқда.

Биринчи Президентимиз Ислом Каримов томони-дан ишлаб чиқилган Мамлакатимизда демократик ислоҳотларни янада чуқурлаштириш ва фуқаролик жамиятини ривожлантириш концепцияси ана шу кўп қиррали сиёсатнинг пойdevori бўлиб хизмат килмоқда.

Мамлакатимизда бу борада 70 дан ортиқ халқаро хужжат, жумладан, Бирлашган Миллатлар Ташкилотининг 10 та асосий конвенцияси ратификация қилинганини алоҳида таъкидлаш лозим.

Фукаролик жамияти барпо этиш, юртдошларимизнинг эркинлик ва ташаббусларини, мамлакатимиз ижтимоий ҳаётидаги иштирокини кенгайтириш келгусида ҳам Ўзбекистон сиёсий тизимини ривожлантиришнинг муҳим йўналиши бўлиб қолади.

Давлат ҳокимияти органлари тизимида Олий Мажлис палаталари ролини кучайтириш, давлатнинг ички ва ташки сиёсати бўйича муҳим вазифаларни ҳал этиш, ижро ҳокимияти органлари фаолиятини назорат қилишда парламентнинг ҳуқук ва ваколатларини яна ва яна кенгайтиришга алоҳида эътибор қартиш зарур.

Биз юртимизда кўппартиявийлик тизимини мустаҳкамлаб, иктисадий ва ижтимоий жараёнларда партияларнинг ролини оширишга кўмаклашамиз.

Қачонки, сиёсий партияларнинг фаоллиги ошиб, парламент фаолияти доирасида улар ўртасида соғлом рақобат ва баҳс-мунозара муҳити шаклланса, шундагина вакиллик ҳокимияти органлари ҳам самарали фаолият кўрсатади.

Буни ҳаётнинг ўзи ҳаммамизга ҳар куни кўрсатајти. Агар раҳбарларимиз ҳалқ вакиллари билан маслаҳат қилиб иш тутса, хато кам бўлади. Шунинг учун вакиллик ҳокимияти органлари иши самарали бўлишида партияларимиз фаоллигини оширишимиз шарт.

Ҳалқ депутатлари маҳаллий кенгашларида партия гурухларининг ваколати ва ролини ошириш, айниқса, ижро ҳокимияти органлари фаолиятини назорат қилиш борасидаги таъсирини янада кучайтириш зарур, деб ҳисоблаймиз.

## Хурматли дўстлар!

Биз бошимиздан кечираётган ҳозирги глобаллашув даври ўта шиддат билан ўзгараётгани ва турли таҳдидлар кўплиги билан олдимизга ҳал этишни кечиктириб бўлмайдиган ғоят мураккаб вазифаларни кўймоқда.

Шу сабабли Ўзбекистоннинг барқарор ривожига хавф туғдириши мумкин бўлган таҳдидлар, ўз ечи мини кутаётган энг муҳим муаммоли масалаларга эътиборингизни қаратмоқчиман.

**Биринчидан**, геосиёсий манфаатлар тўқнашуви ҳалқаро алоқаларда ўзаро ишонч ва ҳамкорлик муносабатларига путур етишига, қарама-қаршилик ва носоғлом рақобат кучайишига сабаб бўлмоқда. Бунга ҳаммамиз гувоҳ бўлиб турибмиз.

**Иккинчидан**, жаҳон иқтисодий инқирози, дунё бозорларидағи бекарорлик, энергия ресурслари нархларининг пасайиши деярли барча давлатларнинг иқтисодий ривожига салбий таъсир кўрсатмоқда.

Табиий ресурслар учун кураш қатор давлатларда ҳарбий-сиёсий аҳволнинг кескинлашувига олиб келмоқда. Айрим мамлакатларни хомашё базаси ва сифатсиз маҳсулотлар бозорига айлантиришга интилаётган кучлар ҳам йўқ эмас.

**Учинчидан**, жаҳон иқтисодиётининг глобаллашуви ва баъзи минтақаларда юзага келган нотинч вазият аҳоли миграцияси кучайишига сабаб бўлмоқда. Бу эса жиноятчилик, одам савдоси, террорчилик, экстремизм, наркотрафик каби иллатларнинг ҳамда ўта хавфли юқумли касалликларнинг кўпайишига олиб келмоқда.

**Тўртингидан**, ахборот-коммуникация тизимларининг кенг қўлланиши, давлат бошқарувининг электрон шаклда ташкил этилаётгани, бу яхши албатта, ўз навбатида, ахборот хавфсизлигини таъминлаш билан боғлиқ қўшимча чора-тадбирлар кўришни ҳаётнинг ўзи тақозо этмоқда.

**Бешинчидан**, коррупция, маҳаллийчилик ва уруғ-аймоқчилик каби иллатлар давлат ҳокимиятини обрўсизлантириб, иқтисодиётнинг ўсиши ва тадбиркорлик ривожига жиддий тўсиқ бўлмоқда.

**Олтинчидан**, «коммавий маданият» балоси кўплаб ёшларни ўз домига тортиб, миллат ва юрт учун бутунлай бегона бўлган анъаналар кириб келишига сабаб бўлмоқда.

**Хурматли партиядошлар!**

Давримизнинг даъвати сифатида пайдо бўлган «Ўзбек халқига тинчлик ва омонлик керак» деган теран маъноли сўзларни биз ҳамиша ёдимиизда саклашимиш лозим.

Бизнинг энг асосий ютуғимиз – кўп миллатли халқимизнинг вужудга келаётган қийинчилик ва синовларни енгишга қодирлиги, замонавий дунёқарashi, сиёсий онги ва ижтимоий фаоллиги юксалиб бораётгани, атрофимиздаги воқеаларга бепарво бўлмасдан, аксинча, дахлдорлик туйғуси билан яшаётганидир.

Марказий Осиё минтақасида ва бутун дунёда мураккаб вазият юзага келаётган, тероризм, экстремизм ва радикализм хавфи тобора ортиб бораётган бугунги шароитда доимо хушёр ва огоҳ бўлиш,

мамлакатимизнинг мудофаа қобилиятини, Қуролли Кучларимизнинг салоҳиятини ҳар томонлама мустаҳкамлаш хавфсизлик ва барқарорликни, ҳалқимизнинг осойишта ҳаётини таъминлашнинг энг муҳим шарти ва кафолати эканини барчамиз яхши англаймиз.

Бугунги кунда мамлакатимизда 130 дан ортиқ миллат ва элат вакилларининг тинч-тотув ҳаёт кечираётгани – истиқлол даврида эришган энг муҳим ютуқларимиздан биридир, десам, ўйлайманки, барчангиз бу фикрга қўшиласиз. Миллатлараро тотувликни таъминлашда мамлакатимизда фаолият юритаётган 138 та миллий маданий марказнинг ўрни бекиёс.

Айнан шу нуқтаи назардан келгусида ҳам миллатлараро тотувлик ва ҳамжиҳатликни мустаҳкамлаш Ўзбекистонда давлат сиёсатининг устувор йўналишларидан бири бўлиб қолади.

Юртимизда ҳукм суроётган диний бағрикенглик муҳити туфайли мамлакатимизда 2 минг 200 дан ортиқ турли диний ташкилотлар фаолият юритмоқда. Турли дин вакиллари ўртасида ўзаро хурмат ва дўстона муносабатларни ривожлантириш, фуқаролар қайси дин ва эътиқодга мансублигидан қатъи назар, уларнинг тенг хуқуқлилигини таъминлаш бундан буён ҳам энг муҳим вазифаларимиздан бири бўлиб қолади.

Биз муқаддас динимизни нотўғри талқин этаётган ва уни никоб қилиб, бизни орқага, ўрта асрлар ҳаётига қайтаришга уринаётган бузгунчи кучларга қарши кескин курашиб келдик ва бундан кейин ҳам қатъий кураш олиб борамиз.

Халқимизни ишонтириб айтаман: мамлакатимиз суверенитети ва мустақиллигига рахна солишга уринадиган ички ва ташки кучларнинг ҳар қандай ҳаракатларига карши биз кескин зарба беришга кодирмиз. Бунга хеч кимда хеч қандай шубха бўлмаслиги керак.

Қадрли анжуман иштирокчилари!

Жамиятда қонун устуворлигини таъминлаш – амалга оширилаётган барча ислоҳотлар самарадорлигига эришиш, аҳоли турмуш даражасини ошириш, мамлакатда тинчлик, тотувлик ва баркарор вазиятни таъминлашнинг асосий кафолатидир.

Шу сабабли суд-хуқук тизими фаолияти тўғрисида гапирап эканмиз, амалга оширилган кенг қамровли ишлар билан бир қаторда, соҳада ўз ечимини кутаётган кўплаб муаммолар мавжудлигини ҳам таъкидлаб ўтиш лозим, деб ҳисоблайман.

Бугун оддий одамлар биздан нимани кутаяпти? Энг аввало, давлат идораларига қилиган мурожаатлари ўз вақтида, холисона ва қонуний ҳал этилишини кутмоқда. Лекин, айрим раҳбарларнинг аҳоли ариза ва шикоятларини кўриб чиқишида сансоларлик, масъулиятсизлик, ортиқча расмиятчиликка йўл кўяётгани одамларни бездирмоқда.

Биргина 2016 йилнинг 9 ойида Бош прокуратурага 137 минг, Олий судга 67 минг, Адлия вазирлигига 52 мингдан зиёд келиб тушган мурожаатларнинг салкам 30 фоизи бевосита тергов-суд фаолияти ва суд карорлари ижроси соҳасидаги масалалар билан боғлик.

Энг ачинарлиси шундаки, мансабдор шахсларнинг ҳаракатсизлиги оқибатида такрорий мурожаатлар сони ортиб бормоқда. Қани, айтинг-чи, бу ахволда аҳолининг умуман суд-хукуқ тизимиға ишончи ва уни мустаҳкамлаш тўғрисида гапириш мумкинми ўзи? Ўйлайманки, барчангиз бу масаланинг нечоғлик муҳим эканини яхши тушунасиз. Хўш, вазиятни ўнглаш учун нима қилиш керак?

Биринчи навбатда, барча даражадаги раҳбар ва масъул ходимларнинг оғзаки ва ёзма мурожаатлар билан ишлашга бўлган муносабатини тубдан ўзгартиришимиз шарт. Одамлар билан уларнинг тилида гаплашиш, дардини эшитиш ва муаммоларини ҳал қилишнинг самарали усулларини жорий этиш устида жиддий бош қотиришимиз зарур.

Афсуски, биз раҳбар бўлдикми, дарров юриш туришимиз ўзгаради. Одамларнинг дардини гўёки билмаймиз ё билишни хоҳламаймиз. Ўйлайманки, бу масаланинг жуда муҳимлигини инобатга олиб, уни давлат сиёсатининг устувор вазифалари даражасига кўтариш пайти келди. Шунда бизнинг дунё-қарашимиз ҳам ўзгаради, шу билан бирга, ҳаётимиз ҳам ўзгаради.

Мұхтарам Биринчи Президентимиз: «**Одамлар ҳамма нарсага чидаши мумкин, лекин адолатсизликка чидай олмайди**», деб такрор ва такрор таъкидлар эдилар.

Аммо, бугунги кунда судларда ишларни кўриб чиқишида юз берәётган оворагарчилик жойларда фуқароларнинг асосли норозилигига сабаб бўлмоқда.

Айнан шу нұқтаи назардан, қабул қилинаётган ҳар бир қарорнинг асосли, адолатли ва қонуний бўлишини таъминлаш муҳим аҳамият касб этади. Бу борада суд ҳокимиятининг чинакам мустақиллигини ҳамда одил судлов фаолиятига аралашганлик учун жавобгарлик муқаррарлигини таъминлаш асосий масаладир.

Энг ачинарлisisи, кейинги йилларда судлар томонидан бирорта ҳам оқлов ҳукми чиқарилмаган. Ўзи ҳаётда бундай бўлмайди, бундай бўлиши мумкин эмас.

Бундан биз, барча тергов органлари хатосиз ва жуда сифатли даражада ишлайти, деган хулоса килишимиз мумкинми? Тергов хатосиз бўлган деб ким хулоса беради? Ҳеч ким, ҳеч қачон.

Бундан ташқари, одил судловнинг мазмун-моҳиятига мутлақо тўғри келмайдиган судлар томонидан жиноят ишларини кўшимча терговга қайтариш амалиётидан воз кечиш вақти келди.

Аслида суд нима қилиши керак? Бутун дунёда суд ё оқлов, ё қоралов ҳукмини чиқариши шарт. Тамом. Суд ҳукмининг ортида ким турибди – давлат турибди, ҳалқ турибди.

Шунинг учун судьяларнинг ваколат муддатларини узайтириш орқали судларнинг чинакам мустақиллигини таъминлаш ҳамда ҳалқимиз кутаётган адолатли қарор қабул қилишга ҳар томонлама кодир, мустаҳкам иродали, юксак маънавий ва касбий фазилатларга эга бўлган суд ходимлари таркибини шакллантириш долзарб вазифалардан бири хисобланади.

Одил судловнинг муҳим шарти бўлган томонлар тенглиги принципини тўлиқ ишлатиш учун адвокатура соҳасини ҳам ислоҳ қилиш алоҳида ўрин тутади. Халқаро тажрибага назар ташлайдиган бўлсак, адвокат энг нуфузли, обрўли ва ишончли касб эгаси ҳисобланади. Миллий қонунчилигимизда ҳам адвокатларнинг самарали фаолият юритиши учун барча етарли асослар яратилган бўлса-да, амалиётда бу нормалар мутлақо ишламаётганини афсус билан қайд этишимиз лозим.

Айниқса, тадбиркорлар ва ишбилармонлар партияси адвокатура институтини ривожлантириш учун қатъият ва фаоллик кўрсатиши керак.

Шу билан бирга, суд-хукуқ соҳасида адвокатуранинг ўрни ва ролини янада ошириш, адвокат ва колатларини кенгайтириш бўйича бир қатор қўшимча ва самарали чора-тадбирларни амалга оширишимиз зарур бўлади.

Юқорида қайд этилган муаммоларни ҳал этиш мақсадидা:

**биринчидан**, суд-хукуқ тизимини янада ислоҳ қилиш;

**иккинчидан**, фуқароларнинг хукукларини ишончли ҳимоя қилиш;

**учинчидан**, одил судлов кафолатларини кучайтиришга қаратилган масалалар бўйича фармон лойиҳаси тайёрланмоқда.

Бу фармон тадбиркорлик фаолияти бўйича чиққан фармон билан ҳамоҳанг бўлиб, суд-хукуқ тизимини замон талаблари асосида янада такомиллаштиришни кўзда тутади.

Бугунги кундаги яна бир устувор вазифамиз – мамлакатимиз ривожига тўсиқ бўлаётган ёвуз иллат, яъни, коррупция ва уюшган жиноятчиликка қарши курашиш, ҳукуқбузарликнинг олдини олиш масалаларини самарали ҳал этишдан иборат.

Эътибор беринг, биргина жорий йилнинг 9 ойида 61 мингдан ортиқ жиноят ва 2,5 миллиондан ортиқ ҳукуқбузарликлар қайд этилган. Бу рақамлар жамият тақдири учун жавобгарликни ҳис қилган ҳеч бир инсонни ўйлантирмасдан кўймайди, албатта. Чунки, улар кимнингдир фарзанди, ота-она ёки қариндош, қолаверса, шу юртнинг фуқаросидир.

Жиноят учун жазо муқаррар, албатта. Лекин ўзимизга бир савол берайлик – фуқароларимиз жиноят йўлига кириб қолмаслиги учун шахсан ҳар биримиз нима иш қиляпмиз?

Вазиятни қандай ўрганяпмиз? Эртага шу жиноят яна қайтарилимаслиги учун ким нима иш қиляпти? Афсуски, кўпчилигимиз бу масалада фақат томошабин бўлиб турибмиз.

Шу нұктаи назардан, фаолиятимиз, биринчи навбатда, айбдор шахсни жавобгарликка тортиб, унга «судланган» деган тамғани босишга эмас, аксинча, ҳукуқбузарликларнинг барвакт олдини олиш ва профилактикасига қаратилиши зарур.

Афсуски, жойларда бу масалада маҳалла раиси, профилактика инспектори ва бошқа мутасаддилар ўз масъулиятини мутлақо ҳис этмаяпти, десак, тўғри бўлади.

Шунинг учун жиноятчиликнинг олдини олиш ва ҳар қандай жиноятга адолатли баҳо беришга қаратилган ишларимиз кескин кучайтирилади.

Ҳар бир ҳолат ва вазият бўйича туман ҳокими, вилоят ҳокими ва бошқа масъул раҳбарлар шахсан жавоб берадиган вақт келди. Жиноятнинг сабаби нима ўзи? Ўғирлик бўлган бўлса, у нима учун бўляпти? Қани профилактика нозири? Қани бизнинг ишонган маҳалла раисимиз, қани жамоатчилигимиз? Бу саволларга жавоб йўқ.

Шу сабабли бу борада ҳар бир ҳолат ва вазият бўйича ҳоким, ички ишлар бўлими бошлиғи ва прокурорнинг аҳоли вакиллари олдида ҳисобот беришини кўзда тутадиган янги тизим жорий қиласиз.

Халқнинг дарди ва ташвишларини писанд қилмайдиган, эл-юртимиз осойишталиги ва жамоат тартибини сақлашга, адолат ва қонун устуворлигини таъминлашга қурби етмайдиган ҳар қандай даражадаги раҳбарларга нисбатан жиддий чоралар кўрилади. Лўнда килиб айтганда, бундай лоқайд ва бефарқ шахсларга раҳбарлик лавозимларида мутлақо ўрин йўқ.

Ана шундай қатъий ёндашув асосида жойларда муҳитни ўзгартиролсак, жамиятимиз мутлақо ўзгарди. Одамларнинг қонунга, қонун устуворлигини таъминлашга, давлатга, шу билан бирга, келажагимизга бўлган муносабати, дунёқараши тубдан ўзгаради.

Профилактик тадбирларни ташкил этишда маҳалла имкониятларидан самарали фойдаланиш, жамиятда хуқуқий маданиятни юксалтириш, фуқароларда қонунга хурмат ҳиссини кучайтириш ва хуқукбузарликларга карши курашишда фаол қатнашаётган инсонларни ҳар томонлама рағбатлантиришга алоҳида эътибор қаратилиши лозим.

Олдимизда турган улкан мақсад ва вазифаларни тўлақонли амалга ошириш учун давлат бошқарув тизими ва унинг аппарати самарали фаолият юритиши зарур, албатта. Бироқ, холисона айтганда, бугун аксарият давлат идораларининг иш услуби давр талабига тўлиқ жавоб бермайди. Айрим вазирлик ва идоралар аҳоли муаммоларини ҳал этишда расмиятчиликка йўл кўймокда, улар кўпинча қурук рақам ва маълумотлар тўплаш билан овора. Вазирлик ва идораларда улар масъул бўлган соҳалардаги аҳволни чукур таҳлил қилиб, тизимли камчиликларни аниқлаш ҳамда бартараф этишга қаратилган фаолият етарли даражада йўлга кўйилмаган.

Шу билан бирга, ҳудудларни ҳар томонлама ривожлантириш, ижтимоий-иктисодий дастурларни амалга ошириш, қонунлар ижросини таъминлаш, жойлардаги давлат бошқаруви органлари фаолиятини мувофиклаштириш борасида маҳаллий ҳокимликларнинг вазифа ва ваколатларини ҳам такомиллаштиришни даврнинг ўзи тақозо этмоқда.

Шу ўринда ҳокимлик идораларининг моддий-техник базасини тубдан мустаҳкамлаш, ходимлар меҳнатига ҳақ тўлаш тизимини мутлақо қайта кўриб чиқиш лозим. Ушбу камчиликларни бартараф этиш ва бутун бошқарув тизимида аниқ тартиб ва катъий интизомни таъминлаш мақсадида фақат жорий йилда Бош вазирнинг 2 та ўринбосари, 22 та вазир ва идоралар раҳбарлари, Тошкент вилояти, Жиззах, Қарши ва Термиз шаҳарлари ҳамда 21 та туман ҳокимлари лавозимларидан озод этилди. Ишни жамоа бўлиб

бажарсак ҳам, унинг натижаси учун ҳар биримиз шахсан жавоб берадиган вақт-соат келди.

Аравани тортган одам биз билан ишлайди, тортмаган одам ишламайди. Агар биз бошқарувнинг вертикал тизимини жорий қиласиз, десак, бу талабларни сўзсиз бажаришимиз керак. Албатта, ҳамма нарсани биз ҳокимдан сўраймиз, Мўйноқда ҳам, Тошкентда ҳам, Бўзда ҳам ҳокимдан сўраймиз. Бинобарин, ҳокимлик идораларининг обрўйини, иш шароитини ҳам муносиб даражада ташкил этиб беришимиз лозим. Муаммоларнинг асосий сабаби – кадрларни тайёrlаш, тарбиялаш ва жой-жойига қўйиш жараёни билан бевосита боғлиқ.

Янгича ва мустакил фикрлайдиган, масъулиятли, ташаббускор, илғор бошқарув усулларини пухта ўзлаштирган, ватанпарвар, ҳалол кадрларни танлаш ва тайёrlаш бўйича самарали тизим яратилмас экан, давлат бошқарувида сифат ўзгариши юз бермайди.

Мана, бутун шундай муҳташам кошонада, муҳтарам Юртбошимизнинг ташабbusлари билан қурилган Давлат бошқаруви академиясининг биносида ўтирибмиз. Албатта, ушбу академиянинг ишини ҳам бошқатдан кўриб чиқишимиз керак. Академия нафакат Тошкентда, балки ҳар бир ҳудудда қайси соҳаларга, давлат бошқарувига қандай кадрлар зарурлигини чукур ўрганиб, аниқ илмий тавсиялар бериши лозим. Нега деганда, бизга ҳеч ким ташқаридан тайёр кадр олиб келиб бермайди. Бу масалани ўзимиз ҳал қилишимиз керак. Шу маънода, Академияда ишлаётган хурматли кафедра мудирларимиз, дом-

лаларимиз ҳаётни ҳар томонлама теран биладиган одамлар бўлиши шарт.

Содда қилиб айтганда, халқ давлат органларига эмас, балки давлат органлари халқимизга хизмат киладиган вақт келди.

Бу гапларни мен чин юрагимдан айтяпман. Чунки мен пастдаги ахволни, Худога минг қатла шукр, яхши биламан. Мен ҳам сизлар билан бирга кўчаларда пиёда юрган одамман. Бу фақат менинг фикрим эмас, сизларнинг фикрларингиз.

Афсуски, ҳаётда бунинг аксини кўрсатадиган баъзи бир рақамларга сизнинг эътиборингизни қаратмоқчиман. Шу йилнинг ўзида Вазирлар Маҳкамасига, вазирлик ва идораларга, барча даражадаги ҳокимликларга тушган мурожаатларнинг умумий сони 338 мингтани ташкил этди. Улардан 200 мингдан ортиғи ёки 60 фоизи туман ва шаҳарлар ҳиссасига тўғри келмоқда. Бу рақамлар жойларда одамларнинг дарду ташвишлари билан ҳеч бир мутасадди раҳбар астойдил шуғулланмаётганини кўрсатади.

Бу аризалар нима ҳақида? Мана, эътибор беринг.

Ишга жойлаштириш, ер участкалари ажратиш, иш ҳақи ва пенсияларни ўз вақтида тўлаш масалалари бўйича мурожаатлар сони кўпайган. Айниқса, соғлиқни саклаш ва таълим соҳаларига доир мурожаатларнинг ошгани ишимиздаги камчиликлардан далолат беради. Шулар қаторида аҳолининг ҳукуқни муҳофаза килиш органларига эътиrozлари ҳам талайгина.

Раҳбарларнинг масъулиятсизлиги, баъзан одамларнинг эҳтиёжлари ва ҳакли талабларига бефарқ-

лиги, уларнинг мурожаатларига панжа орасидан қарашлари туфайли Қашқадарё, Тошкент, Самарқанд, Сурхондарё вилоятлари ва Тошкент шаҳридан келаётган шикоятларнинг оқими доимий равища ортиб бормоқда.

Бундан ташқари, Бош вазирнинг яқинда Интернет тармоғида ташкил этилган Виртуал, яъни, электрон қабулхонасига ўтган 3 ҳафта ичидаги 50 мингдан ортиқ мурожаат келиб тушди.

Такрор айтаман, 3 ҳафта ичидаги 50 мингдан ортиқ мурожаат келиб тушди.

Хурматли партиядошлар, бу шунчаки кўр-кўрона намойиш ёки чет элдан ўрганган қандайдир бир масала эмас. Биз буни жуда кўп муҳокама қилиб, фикрлашиб, одамларнинг дардини эшитайлик, деб, шундан кейин бир қарорга келдик.

Бундай масъулиятсиз ва совуққон муносабатга қатъяян чек қўйишимиз шарт. Фуқароларнинг ҳар қандай муаммоларини ҳал этиш давлатнинг халққа нисбатан асосий мажбуриятларидан бири эканини унутишга ҳеч кимнинг ҳаққи йўқ.

Шунинг учун раҳбарлар мунтазам равища халқ орасида бўлиб, шахсий қабулхоналар ташкил этишлиари, жойлардаги муаммоларни ҳал қилишлари зарур. Бундан кейин жойлардаги раҳбарлар фаолиятига баҳо бериш биринчи навбатда ўз худудидаги аҳоли мурожаатлари сонига қараб, уларнинг амалий ечимига қараб ва халқ ичидаги юришига қараб белгиланади. Қисқа қилиб айтганда, уларга халқнинг ўзи баҳо беради.

Шу билан бирга, кўплаб давлат хизматчиларининг зиммасига катта масъулият юкланганига қарамасдан, уларнинг иш куни ва иш ҳафтаси аниқ меъёрга солинмагани ҳеч кимга сир эмас. Жаҳон тажрибаси шуни кўрсатадики, давлат хизматчиларига юксак талаблар қўйишдан олдин уларнинг ҳуқуқларини кафолатлаш ва ҳимоя тизими билан мустаҳкамлаш даркор.

Масаланинг ўта долзарблигини эътиборга олиб, давлат хизмати бўйича қонун қабул қилиш вақти келди, деб ҳисоблаймиз.

Мамлакатимизда демократик ислоҳотларни изчил амалга оширишда фуқаролик жамияти институтлари, нодавлат нотижорат ташкилотлари, оммавий ахборот воситалари алоҳида ўрин эгаллади. Шу боис жамоатчилик назоратининг таъсирчан механизmlарини ривожлантириш мақсадида зарур чоралар кўришимиз керак. Бу борада «Кучли давлатдан – кучли фуқаролик жамияти сари» концепциясини изчил давом эттириш энг устувор вазифаларимиз қаторига киради.

Мұхтарам Ислом Абдуғаниевич бу концепцияда ҳамма нарсани чуқур ифодалаб берганлар. Бунинг замирида энг асосий вазифалар мужассам. Кучли фуқаролик жамияти барпо этиш учун, бугун муҳокама қилаётган масалаларни амалга ошириш учун, албатта, одамларнинг онги, дунёқарashi ўзгариши керак.

Маълумки, дунёда ноёб, ўхшаши йўқ маҳалла тизими мустакиллик йилларида аҳолига энг яқин ва халқчил тузилмага айланди. Қайси маҳаллада иш

тўғри ташкил этилиб, фуқаролар билан яқин ҳамкорлик ўрнатилган бўлса, ўша ерда ҳамжиҳатлик, меҳроқибат муҳити ҳукм сурмоқда, нохуш ҳолатларга йўл қўйилмаяпти.

Агар маҳаллада раис, профилактика инспектори ўз ишига фидойи бўлса, бу ерда муҳит мутлақо бошқа бўлади. Нега десангиз, агар улар шу ҳудуднинг ҳақиқий эгаси бўлса, маҳаллаларда безорилик содир бўлиши мумкин эмас.

Шуларнинг барчасини эътиборга олиб, биз бу тузилмани янада кўллаб-куватлашимиз ва ҳар томонлама ривожлантиришимиз зарур. Биринчи навбатда, маҳалланинг жамиятдаги ўрни ва ролини янада кучайтириш, хуқуқ ва ваколатларини кенгайтириш, моддий-техник базасини мустаҳкамлаш, ушбу тизимда фаолият кўрсатаётган раҳбар ва ходимларнинг маракаси ва савиёсини мунтазам ошириб бориш лозим бўлади.

Маҳаллаларда сайловларни ўтказдик. Янги сайланган одамлар ишлашни хоҳлайди, лекин улар қандай ишлаши, нима қилиши, қаердан ўрганиши керак, деган саволларга ҳали тўла жавоб йўқ.

Маҳалла институти шунинг учун чин маънода халқнинг жойлардаги маслақдоши ва кўмакдошига, «адолат тарозиси»га айланиши одамларнинг давлатга бўлган ишончини янада мустаҳкамлайди.

Яна бир муҳим масала – ислоҳотлар жараёнида оммавий ахборот воситаларининг ролини кучайтириш билан боғлиқ. Ахборот соҳасини ривожлантириш борасида ўтган даврда катта ишлар қилинди. Келгусида журналистларнинг профессионал

фаолиятини химоя қилиш, оммавий ахборот воситаларининг иқтисодий асослари ва моддий базасини янада мустаҳкамлашга қаратилган ишларимиз изчил давом эттирилади.

**Азиз дўстлар!**

Биринчи Президентимиз, муҳтарам Ислом Абдуғаниевич айтганларидек, «Иқтисодий мустақилликка эришмасдан туриб, сиёсий мустақилликни таъминлаб бўлмайди». Мустақиллик йилларида иқтисодиётимиз қарийб 6 баробар ўсди. Унда саноатнинг улуши 14 фоиздан 34 фоизга ошди. Охирги 11 йил давомида ялпи ички маҳсулотнинг ўртacha йиллик ўсиши 8 фоиздан кам бўлмаган даражада сакланмоқда. Фаол инвестиция сиёсати амалга оширилмоқда.

Лекин, ҳаммамизга аёнки, ўсиш суръатлари – бу шунчаки бир мақсад эмас. Бундай ўсиш аввало халқимизга, ҳар бир фуқарога қандай наф етказиши, унинг энг аввало дастурхонида, кундалик ҳаётида қандай акс этиши биз учун муҳим масаладир. Мана шу ўсиш суръатларини биз ҳақиқий жон бошига етказа олсак, нур устига нур бўлади.

Айни шу нуқтаи назардан, биз келгусида мамлакатимизни ижтимоий-иқтисодий ривожлантириш борасида асосий диққат-эътиборни куйидаги стратегик йўналишларга қаратишни зарур, деб хисоблаймиз.

**Биринчидан**, макроиқтисодий барқарорликни янада мустаҳкамлаш ва кейинги йилларда эришилган иқтисодий ўсиш суръатларини сақлаб колиш. Шунингдек, миллий валютамиз, ички бозордаги нарх-наво барқарорлигини таъминлаш.

Молиявий соҳада эса – тармоқ ва худудларни мутаносиб ривожлантириш ҳисобидан маҳаллий бюджетнинг даромад базасини кенгайтириш лозим бўлади. Энг асосийси, туман ва шаҳарларда маҳаллий бюджетлар имкониятларининг кенгайиши – аҳолининг турмуш даражаси ва шароитлари яхшиланишига, умуман, барқарорликка ва осойишталикка хизмат қилиши лозим.

Агар биз шаҳар, туман бюджетларининг даромад базасини кенгайтирмасак, ҳозирги айтган ўзгаришлар бўлмайди. Ҳозир яхши ишлаган туман ҳам бир, ёмон ишлаётган туман ҳам бир. Ҳеч кимда фарқ йўқ, ракобат йўқ. Биз бундай ҳолни тубдан ўзгаришимиз керак.

**Иккинчидан**, иқтисодиётимизнинг жаҳон бозоридаги рақобатдошлигини янада ошириш, унинг соҳа ва тармокларини модернизация ва фаол диверсификация қилишdir.

Бизнинг олдимиизда 2030 йилга қадар ялпи ички маҳсулот ҳажмини икки баробардан зиёд кўпайтириш, иқтисодиётимиз таркибида саноатнинг улушкини 40 фоизга етказиш бўйича ўта муҳим вазифалар турибди.

Шу мақсадда яқинда кимё саноатини, рангли ва нодир металлар, углеводород хомашёсини қайта ишлаш, тўқимачилик, чарм-пойабзal, фармацевтика, мева-сабзавот маҳсулотлари ва қурилиш материаллари саноатини ривожлантириш бўйича 8 та маҳсус дастур қабул қилинди.

Ана шу дастурлар доирасида яқин беш йил ичида умумий киймати қарийб 40 миллиард доллар бўлган 657 та инвестиция лойиҳасини амалга

ошириш кўзда тутилмоқда. Натижада саноат маҳсулотлари ишлаб чиқариш ҳажми 1,5 баробар ортади.

Маҳаллий хомашёни чукур қайта ишлаш имкониятига эга бўлган тўқимачилик саноатини янада ривожлантириш бўйича алоҳида дастур ишлаб чиқилди. Мазкур дастур қиймати 2 миллиард 300 миллион доллар бўлган 140 та инвестиция лойиҳасини амалга оширишни назарда тутади. Тайёр тўқимачилик маҳсулотлари ишлаб чиқариш ҳажми 3 баробар ошади.

Яна бир муҳим масала. Арzon ва ишончли доридармон билан таъминлаш масаласида бугун биз аҳолимиздан қарздормиз ва ўйлайманки, бу қарзни узиш вақти келди.

Айни пайтда биз тиббиёт ходимлари томонидан беморларга қиммат дориларни асоссиз равишда тайинлашга, дорихона тармоқларида нарх-навонинг бесабаб ошиб кетишига йўл қўймайдиган энг қатъий чораларни кўрамиз. Давлат дорихона тармоқларида ҳаётий муҳим дори воситаларининг аниқ белгиланган нархларда сотилиши таъминланади.

Бу борада тасдиқланган дастурдаги ва ҳудудий 100 дан ортиқ лойиҳаларнинг амалга оширилиши 162 та янги, ҳозирги вақтда четдан олиб келинаётган дори воситаларини ўзимизда ишлаб чиқариш ва уларнинг умумий ҳажмини 2,5 баробар ошириш имконини беради.

Бу масалани сизлар ҳам яхши биласизлар, ҳозир жойларда одамлар билан учрашганда, улар гўштнинг, картошканинг нархига эътиroz билдирумаяпти, асосан

дори-дармон воситаларининг нархи бўйича эътиrozлар кўп. Албатта, биз бу масалани ҳал қилиш бўйича ишлайпмиз.

Мана, орамизда оқсоқоллар ҳам ўтиришибди, улар яхши эслайди, илгари бир туманда битта дорихона бўлиб, дори-дармон ҳаммага етар эди. Хўш, майли, аҳолимиз кўпайибди, борингки, дорихона иккита бўлсин. Битта туманда юзлаб дорихонанинг нима кераги бор? Дорихона ходими билан савдогарнинг нима фарқи қолди ҳозир? Биз тасдиқланган дастурда одамларга энг зарур бўлган дориларнинг чакана нарх-навоси бўйича юзага келган номутаносибликни тўғрилашни кўзда тутганимиз.

Бизда фармацевтика соҳасида жуда катта имкониятлар бор. Ибн Сино бобомиз кашф қилган қанча-қанча доривор гиёҳлар юртимизда ўсади. Лекин биз улардан фойдаланиш борасидаги анъаналарни нега давом эттирмаяпмиз, шундай тарихимиз, илмий салоҳиятимиз, имкониятимиз бўла туриб, бунинг жиловини нега кимларгадир бериб кўймоқдамиз?

Ўйлайманки, бу муаммо бугун барчамизни қийнаяпти.

Ҳаммамизга маълумки, ҳозирги вақтда Навоий, Жizzах ва Ангрен ҳудудларида эркин индустрiali зоналар самарали фаолият кўрсатмоқда. Берилган имтиёзлар корхоналар томонидан инновацион лойиҳаларни муваффақиятли амалга ошириш учун имкон яратмоқда.

Бу ижобий тажрибани кенгайтириш мақсадида Ургут туманида ҳам эркин индустрiali-иктисодий зона ташкил этилмоқда.

Мана, яқинда мен Ургутга бориб, ана шу зонанинг иши билан танишдим. Ургут халқининг тадбиркорлигини бутун дунё билади. У ерда 40 гектарлик эркин иқтисодий зона ташкил қилғанмиз, «ойнаи жаҳон»да ҳам намойиш этилди, кўрсангиз, қойил қоласиз. Қанча одам шу ерда ишлайди. Биз яқин келгусида Кўкон шахри ва Фиждувон туманида ҳам ана шундай ҳудудларни ташкил этишини режалаштиряпмиз. Улар учун илгари яратилган имкониятларга қўшимча преференция ва имтиёзлар берсак, канча янги иш жойлари ташкил қилишга эришамиз. Бу ҳудудларга қанча-қанча сармоялар келади. Бозор иқтисодиётининг талаби аслида шу.

**Учинчидан**, аҳолимизнинг сони ва ёши бўйича таркибини ҳисобга олиб, бандлик муаммосига доир тизимли ишларни давом эттиришимиз зарур.

Яқинда хукумат мажлисида депутат ва сенаторлар иштирокида 2017 йилда янги иш ўринлари ташкил этиш дастури лойиҳаси мухокама қилинди.

Дастур 390 минг кишини доимий иш жойи, 200 минг кишини – қишлоқ хўжалиги ҳамда қурилишда мавсумий ва вактинчалик иш, 309 минг кишини – шахсий ёрдамчи ва дехқон хўжаликлари, ҳунармандлик ва оиласвий тадбиркорлик орқали иш билан таъминлашни назарда тутади. Ушбу вазифаларни амалга оширишда ҳар доимгидек Либерал-демократик партия аъзоларининг фаол қўллаб-кувватлаши ва ёрдамига умид киламиз.

Бандликни таъминлаш масаласи – бизнинг энг муҳим, энг долзарб вазифамиздир. Бу масалани

ешиш, янги корхоналар қуриш учун эса ресурслар, биринчи навбатда, электр энергияси етарли бўлиши лозим. Имкониятларимиз бор, ресурсларимиз бор. Иқтисодиётимиз учун зарур бўладиган 30 фоиз электр энергиясини гидроэлектростанциялар орқали ҳосил қилишимиз мумкин.

Хитой бу соҳада жуда яхши ривожланган. Биз ҳозир вакилларимизни шу мамлакатга юбордик. Хитой раҳбари жаноб Си Цзиньпин муҳтарам Ислом Абдуғаниевич билан қандай дўст бўлган бўлсак, шу дўстликни яна давом эттирамиз, деяпти. Агар биз мана шу режамизни амалга оширасак, бу тадбиркорларга ҳам, аҳолига ҳам жуда катта мадад бўлади.

**Тўртинчи масала,** қишлоқ хўжалигини янада ислоҳ қилиш бўйича устувор вазифа – аввало ер ва сув ресурсларидан оқилона фойдаланишdir.

Бу борада замонавий интенсив агротехнологияларни кенг жорий этиш, маҳсулотларни саклаш инфратузилмасини такомиллаштириш ҳамда чуқур қайта ишлашга алоҳида эътибор қаратилади.

Ҳосилдорлиги паст ерларда пахта экишни қисқартириш сабзавот, дуккакли ва озуқабоп экин майдонларини кенгайтириш, илғор хорижий тажрибаларни кўллаган ҳолда, юқори технологияга асосланган интенсив боғ ва узумзорлар барпо этиш билан биргаликда олиб борилади.

Масалан, кейинги йилларда Сурхондарё вилоятида пахта ҳосилдорлиги пастлигича қолмоқда. Фермер хўжаликларининг иқтисодий аҳволи йилдан йилга ёмонлашмоқда. Томорқалардан фойдаланиш ҳам

талаб даражасида эмас. Ваҳоланки, Сурхондарё вилоятининг тупрок-иқлим шароитида февраль ойидан бошлаб бемалол 3 марта ҳосил олиш имкони бор.

Шунинг учун 2017 йилда тупрок унумдорлиги паст ерлар ҳисобидан ушбу худуднинг қарийб 18 минг гектар пахта ва 1000 гектар ғалла майдонлари қисқартирилади. Ушбу майдонларда сабзавот ва мева етиштирилади, интенсив боғ ва токзорлар барпо этилади, иссиқхоналар ташкил қилинади. Натижада маҳсулотларни чукур қайта ишлаш ҳажми кескин кўпайиб, қўшимча қийматга эга бўлган экспорт-боп маҳсулотлар тайёрланади. Бу аҳолининг манфаатдорлиги ошиши ва даромади янада кўпайишига олиб келади. Ана шу масала бошқа вилоятларда ҳам босқичма-босқич қайта кўриб чиқилади ва бундай тадбирлар уларда ҳам давом эттирилади.

2017 – 2020 йилларга мўлжалланган кўп тармоқли фермер хўжаликларини ривожлантириш дастурини ишлаб чиқиш якунига етказилади. Дастурга мувоғиқ, экин майдонларини оптималлаштириш, пахта майдонларини босқичма-босқич қисқартириш таъминланади.

Асосий зътибор факат экспортга йўналтирилган мева-сабзавот ва озиқ-овқат ҳамда чорвачилик маҳсулотлари етиштиришни кўпайтиришга қаратилади. Шунингдек, кичик ишлаб чиқариш шоҳобчаларини ташкил этиш ва қишлоқ хўжалиги учун сервис хизматлари кўrsatiшга қаратилган ишларни мутлақо янги босқичга олиб чиқамиз.

Мана, биз кечада Сурхондарёга бориб, шу борадаги ишлар билан танишиб келдик. У ердагилар карам бўладими, сабзи ёки пиёз бўладими, хоҳлаган маҳсулотини куритиб, чет давлатларга экспорт киляпти. Қайси маҳсулот экспортбоп бўлса, ўшани қайта ишлайпти. Мана, қандай ишлашимиз керак. У ерда меҳнат қилаётган ақлли, ташаббускор, ишнинг кўзини биладиган, чет тилида бемалол гаплашадиган ёшларимизни кўриб, одамнинг ҳаваси келади.

Келгуси 5 йилда биз мева-сабзавот маҳсулотлари ни қайта ишлаш ҳажмини 1,8 баробар ошириб, бугунги 17 фоиздан 30 фоизга кўпайтиришни вазифа қилиб қўймоқдамиз. Қўшимча тарзда 200 минг тонна маҳсулот сақлаш қувватига эга бўлган совутчили омборхоналар курилади. Бу ўз навбатида янги иш ўринлари очиш, аҳоли даромадини кўпайтириш ва маҳаллий бюджеттга қўшимча маблағ тушириш имконини беради.

Асосий вазифаларимиздан яна бири – қишлоқ хўжалигини молиялаштиришнинг мавжуд тизимини такомиллаштиришдан иборат.

Бу ишларни амалга оширмасдан туриб, биз кафолатланган барқарор ҳосилдорликни, бутун агросаноат комплексини ривожлантиришни ва энг муҳими, фермерларнинг моддий манфаатдорлигини оширишни ва қишлоқ жойларда турмуш даражасини яхшилашни таъминлай олмаймиз. Бу тадбирларнинг амалга оширилиши устувор вазифаларимиздан бири бўлиб қолади.

Биз кишлоқ хўжалигини молиялаштириш тизими-ни ўзгартиришимиз даркор. Ҳалол ишлаган одам албатта даромад топиши керак. Бунинг учун ер унумдорлигини ошириш, ирригация ва мелиорация ишларининг самарадорлигини янада кучайтириш, ресурслардан, аввало, сувдан оқилона фойдаланиш, тежамкор технологияларни жорий этишга алоҳида эътибор беришимиз зарур.

**Бешинчидан**, олдимизда турган яна бир вазифа – хусусий мулк ва тадбиркорликни ривожлантиришга халақит бераётган барча тўсиқ ва чекловларни барта-раф этишдан иборат.

Кичик бизнес, хусусий тадбиркорлик субъектлари ва фермер хўжаликларининг экспортдаги иштиро-кини янада рағбатлантириш бўйича қўшимча комплекс чора-тадбирлар амалга оширилади.

Партиямизнинг асосий электорати бўлган тадбиркорлар фаолиятини жадал ривожлантириш жамия-тимиз тараққиёти ва фаровон ҳаётимизнинг мустаҳкам таянчи, иқтисодиётимиз барқарор ўсишининг энг муҳим кафолатидир. Маълумки, бугунги кунда тад-биркорлик соҳасининг ялпи ички маҳсулотдаги улуши 56,5 фоизга етди. Аҳолининг 78 фоизи айнан шу тармоқда меҳнат қилиб, мамлакатимиз ривожига муносиб ҳисса қўшмоқда.

Бирок, тадбиркорликни жадал ривожлантиришга қаратилган катор чоралар кўрилишига қарамасдан, доимий текширишлар, молиявий-хўжалик фаолиятига ноқонуний аралашувлар оқибатида тадбиркорлар ўз ишини вақтинча тўхтатишга, айрим ҳолларда эса умуман тутатишга мажбур бўлмоқда.

Жиноят ишларини тергов қилиш доирасида ўтказилаётган текширишларнинг узоқ муддат давом этиши тадбиркорларнинг ҳақли норозилигига сабаб бўлмоқда. Шунингдек, лицензия ва рухсатномалар бериш жараёни ойлаб чўзилиши туфайли фуқаролар тадбиркорлик билан ноқонуний тарзда шуғуллашишига ўзимиз замин яратмоқдамиз. Мансабдор шахсларнинг таъмагирлик ҳолатларига тўлиқ чек кўйилмаган.

Текширув тартибларини бузиш ҳолатлари асосан солик, ёнғинга қарши кураш, санитария назорати, кадастр, табиатни муҳофаза қилиш ва бошқа назорат килувчи органлар хиссасига тўғри келмоқда.

Жорий йилнинг ўтган даврида хўжалик судларида хусусий тадбиркорлик, кичик бизнес субъектлари ва фермер хўжаликларининг хукуқ ва қонуний манфаатларини ҳимоя қилишга оид 23 мингта иш кўрилиб, тадбиркорлар фойдасига 640 миллиард сўм ундириш ҳақида қарорлар қабул қилинган, 133 нафар айбдор мансабдор шахсларга нисбатан тегишли суд таъсири чоралари кўрилган.

Режадан ташқари ва мукобил текширишлар назорат органларига тадбиркорлик субъектларини исталган вақтда текшириш имконини беради.

Баъзан шундай ҳам бўладики, хоҳлаган тумандаги кичкина санитария-эпидемия станциясининг ходими ёки солик назоратчиси катта бир корхонага бориб, мен бугун текширяпман, менга сенинг кўринишинг ёқмади, юришинг ёқмади, менга нотўғри салом бердинг, деб асоссиз равишда уни ёпади. Кайфияти бўлса, очади, бўлмаса – йўқ. Ахир, бу корхонада қанча

одам ишләяпти – бу билан унинг иши йўқ. Корхона маҳсулот экспорт киляпти. Назоратчининг эса бу билан ҳам иши йўқ.

Энг кенг тарқалган қисқа муддатли текширишга эса текширувчи идоранинг ўзи рухсат бермоқда. Текширишлар тирноқ остидан кир қидириш, камчилик топишга йўналтирилган бўлиб, охир-оқибатда тадбиркорларни синдиримоқда.

Шу сабабли текшириш турлари, уларни ўтказиш тартиби ва асосларини танқидий кўриб чиқиш, назорат органларининг ваколатларини қатъий чеклаш, тадбиркорлар жавобгарлигини либераллаштириш бўйича аниқ чоралар кўриш вақти келди, деб ўйлайман.

Бу муаммоларни эътиборга олиб, 2016 йил 5 октябрда қабул қилинган «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилиармонлик мұхитини сифат жиҳатидан яхшилашга доир кўшимча чора-тадбирлар тўғрисида»ги фармонга мувофиқ, кичик бизнес ва хусусий тадбиркорликка кенг эркинлик бериш, улар фаолиятига ноконуний аралашувни тубдан қисқартириш, хуккубузарликларнинг барвақт олдини олиш ва профилактика самарадорлигини ошириш сиёсатимизнинг устувор йўналиши ва давлат органларининг биринчи даражали вазифаси этиб белгиланди. Шунингдек, тадбиркорлик субъектлари фаолиятини режадан ташқари ва мукобил текширишларнинг барча турлари бекор килинди.

Тушунарли килиб айтганда, муқобил текшириш дегани – «встречная проверка» дегани. Текширувчи Тошкентда хато тополмаса, шу тадбиркорнинг фалон йил аввал Фарғонада ишлаган жойини топади-да, у ерга бориб текширади. Шунинг учун ҳаммани қийнаб келаётган бундай ҳолатларга чек қўймасак бўлмайди. Энди бу фармон асосида ҳамма нарсани жой-жойига қўйиб, қонунни ўзгартириб олсан, биласизларми, жуда катта масалани ҳал қилган бўламиз. Аслини олганда, бизнинг тадбиркорларимизда бор имконият дунёда бирорта мамлакатда йўқ ўзи. Бу – ҳақиқат. Бизнинг билим ва тажрибамиз, ҳаракат ва интилишимиз етарли. Лекин, афсуски, кўп масалаларда ўзимиз ўзимизни қийнаб, оёғимизга кишан солиб турибмиз.

Биринчи марта ҳукуқбузарлик содир этиб, етказилган заарни қоплаган тадбиркорлар маъмурий ва жиноий жавобгарликдан, жарималар ва молиявий санкциялардан озод қилинади.

Тадбиркорлик субъектларига нисбатан тадбиркорлик фаолиятини амалга ошириш ҳукуқидан маҳрум қилиш тарзида жиноий жазо қўллаш бекор қилинади.

Биласизларми, бу жуда оғир масала. Бу айтишга осон, лекин ўргангандан кўнгил ўртанса қўймас, деб бежиз айтилмаган. Ўша текширувчи ҳам, суд ҳам Ўзбекистонда тинчлик бўлса, хотиржам ишлаши мумкин. Ўзбекистонда қачон тинчлик бўлади? Одамлар ойлик олса. Одамларга ким ойлик беради? Оддий тил билан айтганда, уларни ким бокяпти? Тадбиркор. Шундай экан, мевали шохга болта уриб нимага эришиш мумкин?.. Қани, бир шундай килиб кўрайлик.

**«Одамлар ҳамма нарсага чидаши мумкин, лекин адолатсизликка чидай олмайди»,** деган гапнинг замиридаги маъно асли ўзи шу – ишлаётган, ҳалол даромад топаётган одамга халақит бермаслик керак.

Хорижий инвестициялар иштирокида янгидан ташкил этиладиган ишлаб чиқариш корхоналарига давлат рўйхатидан ўтган вақтида амалда бўлган солиқ ва бошқа мажбурий тўловлар ставкаларини беш йил мобайнида қўллаш ҳуқуки берилди.

Тадбиркорлик фаолиятига аралашиб, фаолиятни асоссиз тўхтатиб қўйганлик учун мансабдор шахсларнинг жавобгарлиги, шунингдек, уларга етказилган зарарни бевосита айбдорлардан ундириш тартиби белгиланди.

Агар солиқчими, прокурорми, мелисами, тадбиркорнинг фаолиятини ноқонуний ёпдими, суд зарарни айбдордан ундириш тўғрисида ҳукм чиқаради. Корхонани асоссиз ёпган одам энди у кўрган зарарни ёнидан тўлайди. Чунки қонун шуни талаб қиласди.

Мазкур фармон талабларидан келиб чиқиб, Коррупцияга қарши курашиб тўғрисида, Маъмурий тартиб-таомиллар тўғрисида, Давлат харидлари тўғрисида ва Давлат-хусусий шериклик тўғрисидаги каби муҳим қонунларни қабул қилиб, амалга оширишимиз керак.

**Олтинчидан,** мамлакатимиз иктисадий кудратининг ўсиши, аҳолининг турмуш даражаси ва сифатини оширишга, айниқса, қишлоқ жойларда бунга эришиш – авваламбор, мамлакатимиз ҳудудларининг комплекс ва изчил ривожланиши билан белгиланишини яхши тушунамиз. Бу – бизнинг ҳам

яқин, ҳам узок муддатли истиқболдаги вазифа-миздир.

Бугунги кунда 14 та ҳудуддан 5 таси ёки уларнинг 36 фоизи, яъни Қорақалпоғистон Республикаси, Жizzах, Наманган, Сурхондарё ва Сирдарё вилоятлари республика бюджетидан субвенция олувчи ҳудудлар қаторига киради.

Бундан ташқари, Жizzах ва Янгиер шаҳарлари ҳамда 167 та тумандан 121 тасида ёки уларнинг 72 фоизида маҳаллий бюджет даромадлари субвенция ёрдамида шакллантирилмоқда.

Субвенция дегани – мана шу 121 та туман ҳозир ўзининг бюджети ҳисобидан ўзини бокмаяпти, дегани. Савол туғилади: ана шу туманларда иқтисодиёт нима бўляпти? Уларнинг раҳбарлари қандай харакат қиляпти? Муаммо билан мурожаат қилган халқقا нима деб жавоб қиласи? Аҳвол яхши бўлса, одамлар муаммо кўтариб келмайди. Лекин бюджетида маблағ бўлмаса, ҳоким қаерга боради? Алдайди, эртага кел, индинга кел, деб одамлардан кутулмоқчи бўлади. Нега десангиз, муаммони ҳал қилиш имкони йўқ. Аччик бўлса ҳам, бу – ҳақиқат.

Шу муносабат билан Биринчи Президентимиз томонидан тасдиқланган, бир қатор вилоятлар, Тошкент, Қарши, Шаҳрисабз, Термиз, Наманган, Урганч ва Гулистон шаҳарлари, шунингдек, Булунгур ва Нишон туманларининг саноат салоҳияти ва инфратузилмасини ривожлантириш бўйича қабул қилинган дастурлар ижросини таъминлашимиз зарур.

Шу билан бирга, 2017 йилнинг биринчи ярим иилида Қорақалпоғистон Республикаси, Андижон, Бухоро, Жиззах, Навоий, Самарқанд, Сирдарё ва Фарғона вилоятларини ижтимоий-иқтисодий ривожлантириш дастурлари ишлаб чиқилади ва тасдиқла-нади.

Мамлакатимиз ҳудуд ва минтақаларини замон талаблари асосида тараккӣ топтириш учун биз аниқ режа ва ҳисоб-китобларга эга бўлишимиз керак.

Шу максадда ҳукуматимизнинг ташаббуси билан жорий йилнинг сентябрь-октябрь ойларида мамлака-тимиздаги 182 та шаҳар ва тумандаги мавжуд ижти-моий-иқтисодий аҳвол атрофлича ўрганиб чиқилди.

Биз 150 га яқин мутахассисни республика-мизнинг барча ҳудуд ва минтақаларига юбордик. Улар жойларда ичимлик суви; йўлларнинг ҳолати, табиий газ масаласи, мактаб, боғча, шифохона-лардаги аҳволни синчилаб таҳлил қилиб чиқди. Албатта, бу.– осон масала эмас. Бизда ҳозир нафақат туман, балки маҳаллалар бўйича ҳам ҳар бир вилоятнинг барча муаммолари ҳақида маълумотлар бор.

Биз бу муаммоларни ечишда аввало Қорақалпоғистон Республикаси ва Хоразм вилоятига, умуман, Оролбўйи минтақасида ижтимоий соҳалар ривожига бошқа ҳудудларга нисбатан кўпроқ эътибор берсак, ўйлайманки, адолатдан бўлади.

Бу борадаги янги дастурлар реал вокеликни яхши билмасдан, Тошкентда ўтириб ёзиладиган дастурлар бўлмайди. Партиядошларимиз билан, депутатлик

корпусимиз билан бирга бу дастурларнинг ижросини назоратга олсак, бу одамларимизга жуда катта амалий кўмак бўлади.

Биз келгуси икки йил давомида 81 та туманни субвенциядан чиқармоқчимиз. Бу – ниҳоятда қийин масала. Бунинг тагида машаққатли меҳнат, аниқ ҳисоб-китоб бўлиши, қатъият бўлиши керак. Шулар қаторида 41 та туман ва шаҳар бўйича субвенция даражасини кескин камайтириш кўзда тутилмоқда.

Бизнинг келгуси режаларимизда азим пойтахтимиз – Тошкент шаҳрини нафақат минтақамиз, балки дунёдаги энг гўзал ва обод мегаполислардан бирига айлантириш энг муҳим ва устувор масала бўлиб қолади.

Шу мақсадда миллий меъморлик ва шаҳарсозликнинг энг илғор ютуқ ва ечимларидан ижодий фойдаланган ҳолда, кенг микёсдаги қурилиш ва ободонлаштириш ишларини изчил давом эттириш эътиборимиз марказида бўлади.

Тошкент шаҳри учун ўта муҳим аҳамиятга эга бўлган йирик дастур – Сирғали туманида яқин келгусида 500 та кўп қаватли замонавий уй-жой барпо этиш лойиҳасини ишлаб чиқиш режалаштирилмоқда.

Бу эса қарийб 30 минг оилани янги уй-жой билан таъминлаш имконини яратади. Шуниси эътиборлики, бу уйлар имтиёзли ипотека кредитлари асосида берилади ва эски, ҳеч бир шароити йўқ, пасткам уйларда яшаётган аҳолини босқичма-босқич замонавий уйлар билан таъминлаш имконини яратади.

Шаҳарнинг барча туманларида янги маданият ва истироҳат боғлари барпо этиш, яшил майдон ва ҳудудларни янада кўпайтириш, коммунал ва савдо хизматлари сифатини яхшилаш, янги транспорт-коммуникация тармоқлари ва хизмат турлари, маданий-маиший обьектлар бунёд этиш, ер устидан ўтадиган тезюарар метро йўналишларини куриш, бир сўз билан айтганда, одамларни ҳётдан рози қилиш масаласига устувор аҳамият берилади.

Бугунги кунда ўз ечимини кутиб турган социал-ижтимоий масалаларни ҳал қилиш учун биз республика миқёсида 15 та мақсадли дастурни пухта ишлаб чиқишимиз ва амалга оширишимиз зарур.

Аввало, қишлоқ аҳолисининг эҳтиёж ва талабларини эътиборга олиб, **Қишлоқ жойларда арzon уй-жойлар қуриш дастурини** қабул қилиш кўзда тутилмоқда. Ушбу дастурга кўра, биргина келгуси йилнинг ўзида тўрт хил янги намунадаги, кулай ва арzon, бир ва икки қаватли 15 мингта замонавий уй-жой барпо этиш мўлжалланмоқда.

Бошлиғич тўлов ҳажми икки баробар камайтирилиши ҳамда арzon лойиҳалар асосида барпо этилиши натижасида эҳтиёжманд оилалар алоҳида уй-жой ва хонадонларга эга бўлади.

Бундан ташқари, 2017 – 2020 йилларда шаҳар жойларда 945 та кўп қаватли уйлар қуриш дастури лойиҳаси ишлаб чиқилмоқда. Дастурга кўра, Тошкент шаҳри, Қорақалпогистон Республикаси ва вилоятлар марказларида ҳамда йирик шаҳарларда 50 мингта яқин уй-жойга муҳтоҷ оилалар учун 5, 7 ва 9 қаватли арzon уйлар курилади.

Мана, Нукусда ҳам, Навоийда ҳам, Сирдарё, Жиззахда ҳам шароити оғир одамлар бор. Уларга ҳам арzon уйлар керак. Шунинг учун Тошкентда ташкил қилинган, 500 та уйни кураётган корхонамиз бу жойларда ҳам 5 қаватли, 7 қаватли уй-жойлар куришни бошлайди. Бунинг учун ҳамма ҳисобкитобимиз бор.

**Келажакда тасдиқланадиган Қишлоқ аҳоли пунктларида ичимлик суви тармоқларини кенгайтириш ва модернизация қилиш дастури** биз учун ғоят долзарб бўлган муаммоларни ҳал этишга қаратилади.

Бу муаммолар асосан куйидагилардан иборат: **биринчидан**, бугунги кунда мамлакатимиз аҳолисини марказлашган ичимлик суви билан таъминлаш даражаси 67 фоизни ташкил этмоқда; **иккинчидан**, Қорақалпоғистон Республикаси, Бухоро, Жиззах, Қашқадарё, Сурхондарё, Сирдарё ва Хоразм вилоятларида марказлашган ичимлик суви таъминотида муаммолар мавжуд.

Бу йўналишда ўтган даврда мамлакатимиизда катта ишлар қилинганини албатта эътироф этиш зарур. Айни вактда аҳолимиз сони ўсиб, охирги 25 йилда 10 миллионга кўпайди ва бугунги кунда 31 миллион 800 минг кишини ташкил этмоқда.

Шунинг учун нафақат янги оиласлар ва маҳаллалар, балки ўнлаб янги-янги қишлоқ ва шаҳарчалар пайдо бўлаётганини ҳисобга оладиган бўлсак, мавжуд вазият бу борада кечиктирмасдан, самарали чоралар кўришни талаб этмоқда.

Бугунги кунда аксарият жойларда одамларни кийнаб келаётган ана шу муаммони ечиш мақсадида келгуси беш йил давомида қарийб 9 минг километр ичимлик суви тармоқлари, 1 минг 400 та кудук ва 3 минг 600 та сув иншооти қурилади ва реконструкция қилинади.

Бу эса Қорақалпоғистон Республикаси, Андижон, Жиззах, Навоий, Сирдарё, Самарқанд, Тошкент, Хоразм вилоятларида 3,2 миллион аҳолини тоза ичимлик суви билан таъминлаш ва мамлакатимизда ушбу кўрсаткични 67 фоиздан 84 фоизга етказиш имконини беради.

Шу мақсадда Молия вазирлиги хузурида «Тоза сув» махсус жамғармаси ташкил этилади.

Ушбу устувор вазифаларни амалга ошириш учун ҳозирги вақтда Уй-жой коммунал хўжалиги вазирлигини ташкил этиш билан боғлиқ чора-тадбирлар кўриб чиқилмоқда.

Кафолатланган ва барқарор электр қуввати етказиб бериш мақсадида яна бир ҳужжат **Шаҳар ва қишлоқ ахолисининг электр энергияси таъминотини яхшилаш дастури** ишлаб чиқилмоқда.

Ҳозирги кунда мамлакатимиз бўйича 67 фоиз паст кучланишли электр тармоқлари эскирган бўлиб, трансформатор пунктлари зўриқиб ишламоқда. Куз-киш мавсумида уларни алмаштириш бўйича бажарилаётган ишлар эса масалани тубдан ҳал этаётгани йўқ.

Беш йил давомида электр энергияси ишлаб чиқариш қувватларини янада ошириш, 25 минг 300 километр паст кучланишли электр тармоқларини янгидан

куриш ва реконструкция қилиш, 5 минг 600 та эскирган трансформатор подстанцияларини алмаштириш назарда тутиляпти.

**Навбатдаги масала транспорт инфратузилмасини янада ривожлантириш билан боғлиқ.**

Бугунги кунда аксарият қисми ачинарли аҳволга келиб қолган минтақавий ва маҳаллий аҳамиятта молик йўлларга ҳам эътибор қаратадиган вақт келди.

Баъзи бир рақамларга мурожаат қилсак. 75 минг километр ёки 64 фоиз ички йўлларимиз таъмирталаб аҳволда. Умумий фойдаланишдаги автомобиль йўлларининг бир қисми ҳеч қандай қопламасиз, яъни, тупроқ йўллардир. Шунингдек, 9 минг 500 километр йўлларни реконструкция қилиш талаб этилмоқда.

Янги дастурда умумий фойдаланишдаги 1 минг 700 километрлик автомобиль йўлларини қуриш ва реконструкция қилиш мўлжалланмоқда. Шунингдек, аҳолимиз учун ўта муҳим бўлган 10 минг 400 километрлик хўжаликлараро қишлоқ автомобиль йўлларини, шаҳарлар, туман марказлари, кичик шаҳарчалар ва қишлоқ жойлардаги маҳалла кўчаларини капитал ва жорий таъмирлаш режалаштирилмоқда.

Биз ҳозир ана шу йўлларни балансга олиш ҳақида қарор тайёрлайпмиз. Йўл масаласи худди сувдек, ҳаводек жуда муҳим, у – иқтисодиётимизнинг қон томири. Ушбу дастурни амалга ошириш учун Молия вазирлиги хузуридаги Йўл жамғармаси ва «Ўзавтойўл» компаниясининг ташкилий тузилмасини тубдан қайта кўриб чиқишининг вақт-соати келди.

Мазкур дастурнинг мантиқий давоми сифатида **Қишлоқлар ва шаҳарларда транспорт хизматини янада яхшилаш дастури** ҳам ишлаб чиқилади. Бу дастурга асосан 74 та автовокзал ва автостанция реконструкция қилинади ва йўловчиларга кулай шарт-шароитлар яратилиб, уларнинг хавфсизлигини таъминлаш чоралари кўрилади. Янги 3 мингта автобус, 5 минг 700 та микроавтобус сотиб олиниб, 300 дан ортиқ янги автобус йўналишлари очилади ва мавжуд йўналишлардаги эскирган автобуслар янгиланади.

Шу билан бирга, ҳаво ва темир йўл инфра-тузилмасини ривожлантириш мақсадида аввало Тошкент халқаро аэропортининг янги терминалини барпо этиш зарур.

Бухоро – Мискин темир йўл тармоғи қурилишини якунига етказиш ва электрлаштириш, Қарши – Термиз, Поп – Наманган – Андижон – Кўкон темир йўлларини электрлаштириш ишлари ҳам кўзда тутилмоқда.

Мухтарам Юрбошимизнинг ўзлари кўлларига қалам олиб, Шахрисабзни реконструкция қилишнинг лойиҳасини тузган эдилар. Лекин битта армон бор – Ислом Абдуғаниевичга шуни кўрсата олмадик. Янги йилда албатта ўзим бориб очаман, деб айтган эдилар, афсуски, насиб қилмади. Лекин буни одамлар кутяпти ва шунинг учун Шахрисабзга Биринчи Президентимиздан яна бир тухфа сифатида тезюарар поезд йўлини Қаршидан Шахрисабзга етказишни режалаштиряпмиз. Ўйлайманки, шу ишни амалга оширсак, Юрбошимизнинг руҳларини шод қилган бўламиз.

Яна бир мухим масала – **Қаттиқ майший чиқиндишларни санитария йўли билан тозалаш ва утилизация қилишни янада яхшилаш дастури**. Албатта, мен ҳозир айтадиган бу масала маърузада бор-йўғи ярим бет жойни эгаллаган. Лекин бу масалага ҳётимизда кўп нарса боғлиқ.

Бу дастурнинг амалга оширилиши шаҳарларимиз ва қишлоқ аҳоли пунктларининг тозалиги ва гўзаллигини ошириш, атроф-муҳитни заҳарлайдиган ва аҳоли саломатлиги учун хавф туғдирадиган, ноқонуний пайдо бўлган 1,5 мингта чиқиндиҳонани йўқ қилиш имконини беради.

Айни вактда майший чиқиндишлар учун, жумладан, барча вилоятлар марказларида ҳамда йирик шаҳарларда 168 та полигон барпо этилади. Чиқиндишларни тозалаш билан шуғулланадиган ташкилотлар кўшимча равишда 405 та замонавий маҳсус техника билан таъминланади.

Яна бир мухим масала – **кўмирнинг таннархи ва аҳолига сотиши нархини камайтириш, айниқса, қиши пайтида унинг баҳоси ошишига ва чайковчиликка йўл қўймаслик бўйича кўшимча чоратадбирлар кўрилмокда**.

Кўмир ишлаб чиқаришнинг ҳозирги ҳажми, афсуски, мавжуд талабни тўлиқ кондириш имконини бермаяпти. Ўтган давр мобайнида мамлакатимиз бўйича кўмир маҳсулоти етказиб бериш режаси 35 фоизга, аҳолини таъминлаш бўйича эса 17 фоизга бажарилган, холос. Шу сабабли аҳолига кўмир етказиб бериш тизимини такомиллаштириш, унинг нархи сунъий равишда ошиб кетишининг олдини

олишта қаратилган чора-тадбирлар ишлаб чиқилиб, амалга оширилади.

Бизнинг биринчи даражали вазифаларимиз қаторида ижтимоий соҳани янада ривожлантириш муҳим аҳамият касб этади.

**Ижтимоий сиёсатнинг муҳим йўналиши бўлган мактабгача таълим-тарбия тизимининг моддий-техник базасини мустаҳкамлаш** эътиборимиз марказида бўлади. Жумладан, давлатга қарашли 1 миллион 109 минг ўринли – тасаввур қилинглар, 1 миллион 109 минг ўринли 2 минг 200 та болалар боғчаси қурамиз. Капитал таъмирлаш ва жиҳозлаш масалалари ҳал этилади. Ўйлайманки, бундан аёлларимиз, ёш оналаримиз ва умуман, аҳолимиз мамнун бўлади.

**Соғлиқни сақлаш соҳасини янада ислоҳ қилиш, аҳолига тиббий хизмат қўрсатиш сифатини тубдан ошириш мақсадида яқин кунларда қишлоқ врачлик пунктлари, тез тиббий ёрдам станциялари бўйича 4 та қарор чиқарамиз.**

Тез тиббий ёрдам станцияларининг иши бўйича аҳолининг эътиrozлари жуда кўплиги ҳеч кимга сир эмас. Биз бу масалада амалий чоралар кўришни режалаштирганмиз.

Ихтисослашган тиббий марказлар фаолиятини янада яхшилаш ҳам долзарб вазифа бўлиб турибди. Муҳтарам Юргбошимиз замонавий ихтисослашган марказлар қуриб берганлар. Дунёда бунинг намунаси йўқ. Лекин Тошкентда жойлашган бу марказнинг фаолияти туман ёки қишлоққа қандай етиб боряпти? Биз мана шу тизимни ҳам бугунги кун талаблари

нуктаи назаридан қайта кўриб чиқишимиз зарур. Бу марказлар фақат Тошкент учун эмас, бутун Ўзбекистон учун ташкил қилинганини барчамиз онгли равишда тушуниб олишимиз зарур. Бу марказлардаги энг яхши тиббиёт мутахассислари фақат Тошкентда эмас, Бойсунда ҳам, Мўйнокда ҳам, Бўзда ҳам бўлиши керак. Бунинг учун тизимни такомиллаштириш лозим.

Кейинги масала – муҳтарама аёлларимизга эътибор ва ғамхўрлик кўрсатиш мамлакатимизда давлат сиёсати даражасига кўтарилганини барчамиз яхши биламиз.

Жамиятимизда тинчлик, меҳр-оқибат муҳитини мустаҳкамлаш, ёш авлодни соғлом ва баркамол этиб вояга етказиша бекиёс ўрин тутадиган хотин-қизларнинг ижтимоий-сиёсий ҳаётимиздаги нуфузини янада оширишимиз зарур. Улар учун муносиб шарт-шароитлар, янги иш ўринлари яратиш, опасингилларимизнинг оғирини енгил қилиш, саломатлигини мустаҳкамлаш, истеъдод ва қобилиятини рўёбга чиқариш бундан кейин ҳам муҳим вазифа ҳисобланади.

Маълумки, хонадонларимизнинг файзу фариштаси бўлган нуроний отахон ва онахонларимизни эъзозлаш, уларни ҳаётдан рози қилиш, қўлимиздан келганича умрларини узайтириш асрлар давомида энг улуғ қадриятларимиздан бири бўлиб келмоқда. Чунки, мўътабар кексаларнинг насиҳатлари, дуолари билан ҳаётимиз файзли, юртимиз тинч ва обод, хонадонларимизда қут-барака барқарор, десак, ҳеч қандай муболага бўлмайди. Доно халқимизнинг

«Қариси бор уйнинг париси бор» деган ҳикматли сўзларида чукур маъно бор.

Ҳақиқатан ҳам, бизнинг мана шундай ёруғ кунларга етиб келишимиз учун ўзини аямасдан меҳнат қилган бундай табаррук инсонларга хизмат килиш, дуосини олиш, улар учун муносиб турмуш шароитларини яратиб бериш бўйича қўшимча чоратадбиirlар кўришни биз ўзимизнинг эзгу ва савобли вазифамиз деб биламиз.

**Бу борада Ёши улуг инсонлар, ёлғиз кексалар ва имконияти чекланган шахсларга тиббий ёрдам кўрсатиш дастури тайёрланмоқда.**

«Нуроний» жамғармасининг мақоми ва мавқеини кўтариш, унинг туман, вилоят ва республика тузилмалари штат бирликларини кўпайтириш, моддий-техник базасини мустаҳкамлашга алоҳида аҳамият берилади.

Масалан, вилоят миқёсида «Нуроний» жамғармаси бор, лекин туман миқёсида кексаларимизнинг муаммоларӣ билан шуғулланадиган одамлар йўқ. Агар биз ота-оналаримизга ҳақиқий ёрдам берамиз, десак, уларни ҳаёт пайтида қадрлашимиз, эъзозлашимиз керак. Мен шу гапларни юрагимдан айтяпман, эрталаб ишга кетишимизда, оптимииздан дуо қилиб қоладиган, кечқурун очиқ юз билан кутиб оладиган ота-оналаримиз, бобо ва момоларимизнинг бўлиши – бу ўзи қандай катта баҳт. Шу масалада кўп одамда армон бор. Ҳаётимизда армон бўлмаслиги учун бу ишларни ҳозир қилишимиз керак. Шунинг учун биз мана шу «Нуроний» жамғармасига туман миқёсида штат бирликлари бериб, уларнинг моддий-

техник базасини мустаҳкамлаш, умуман, шу борада йўналишни ўзгартиришни мўлжалляпмиз.

Маълумки, Ўзбекистон – улкан табиий захиралар, иктисодий ва инсоний салоҳиятга бой мамлакат. Аммо Яратганинг ўзи ато этган яна бир бебаҳо бойлигимиз борки, у ҳам бўлса, халқимизнинг бекиёс интеллектуал ва маънавий салоҳиятидир.

Илм-фан намояндадарининг, таъбир жоиз бўлса, «игна билан кудук қазийдиган» заҳматкаш олимларимизнинг машаққатли илмий изланишлари мамлакатимиз, унинг бугунги ва келгуси равнаки учун жуда катта аҳамиятга эга. Бу фидойи инсонлар учун ҳар томонлама қулай шароитлар яратиш мақсадида биз бор куч ва имкониятларимизни сафарбар этамиз.

Бугунги кунда дунёда инновацион гоясиз, илм-фан ютуқларисиз биронта соҳанинг ривожланиши мумкин эмас. Шу маънода, заҳматкаш, фидойи олимларимиз – Худо берган одамлар, десак, хато бўлмайди. Уларни бошқалар билан тенг қилиш мумкин эмас. Бундай инсонлар мингтадан, миллионтадан битта туғилади. Уларни асрраб-авайлашимиз, ҳар томонлама қўллаб-қувватлашимиз лозим. Битта илм намояндасини етиштириш учун давлат, жамият 30 йил вакт сарфлайди. Олим бўлиш учун инсон умр бўйи ҳаракат киласи. Ўзим ҳам бу соҳада бирмунча вакт фаолият кўрсатганим учун буни жуда яхши тушунаман. Доктор бўлиш, академик бўлиш – бу энди Худо берган одамда бўлади. Мана, даврамизда академикларимиз ўтиришибди, мен ёшлигимдан академикни кўрсам, илмнинг одамини кўрсам, нихоятда ҳавасим келарди. Уларнинг муҳити бошқа,

уларнинг маданияти бошқа. Бу ажойиб инсонлардан ўргансак, ёшларимизга уларни ибрат килиб кўрсатсак, ўйлайманки, ҳеч қайсимиз кам бўлмаймиз.

**Бугунги кунда ахборот-коммуникация технологиялари, Интернет тизимини кенг ривожлантирасдан туриб, мамлакатимизни модернизация килиш ва янгилаш, барқарор тараққиётта эришиш ҳакида сўз юритиш мумкин эмас.**

Ҳаётимизнинг энг муҳим жабҳалари учун юксак технологиилар, илмий ишланмалар яратиш, малакали мутахассислар тайёрлаш, жаҳон ахборот технологиилари бозорида муносиб ўрин эгаллаш масаласига устувор аҳамиятта эга вазифа сифатида қарашимиз зарур.

Айни вақтда ахборот-коммуникация соҳасидаги охирги ютуқларни ўзлаштириш билан бирга, ёшларимизнинг китоб ўқишига бўлган қизиқишини оширишга, уларнинг китоб билан дўст бўлишига, аҳолининг китобхонлик савиясини янада оширишга алоҳида эътибор қаратиш лозим бўлади, деб ўйлайман.

Албатта, компьютер, планшет – яхши. Невараларимиз, болаларимизга одамнинг ҳаваси келади. Бу нарсалар – замон талаби ҳозир. Лекин маданият ёшлиқдан, инсонни болалар боғчасида, мактабда китоб ўқишига ўргатишдан бошланади. Мана, даврамизда ўтирган иккита машҳур шоиrimiz – Сирожиддин Сайид ва Иқбол Мирзони кўриб, мен жуда хурсанд бўлдим. Мана шу масалаларни амалга оширишда, халқимизнинг китобхонлигию маданиятини юксалтиришда сизлар яқиндан ёрдам беради.

сизлар, деб ишонаман. Бошка давлатларда китобни телевизорда ўқитяпти. Масалан, Россияда Лев Толстойнинг «Уруш ва тинчлик» романини ўқитди-ку, нимага биз ўқитмаймиз?

Мана, биз Сурхондарёда бўлганимизда Исо Термизий бобомизнинг мақбарасини зиёрат қилдик. Ҳаммамиз биламиз, бу улуг аллома пайғамбаримиз Муҳаммад алайҳиссалом тўғрисида китоб ёзганлар. Имом Бухорий Термизийнинг устози бўлган экан. Устози вафот этганидан кейин тинимсиз йиглаб, кўзи кўр бўлиб, дунёдан ўтиб кетган. Устозга бўлган меҳр-муҳаббатнинг кучи бу. Исо Термизий ҳаёт пайтларида устози Имом Бухорий: «Сиз менинг шогирдим бўлсангиз ҳам мен сиздан кўп нарса ўрганганман, эзгуликка садоқат, меҳр-муҳаббат ва устозга бўлган ҳурматни Сиздан ўргандим», деб айтган эканлар.

Бу гаплар қаерда ёзилган? Буларнинг ҳаммаси китобда бор, лекин Интернетда йўқ-ку. Шу ўринда кўпдан буён кўнглимда бўлган бир гапни айтмоқчиман. Агар Термиз университетида бир бўлим очиб, унда ёшларимизга термизийларнинг меросини чуқур ўргатсак, мақсадга мувофик бўлар эди.

Аввало, миллий адабиётимиз ва жаҳон адабиётининг энг сара намуналарини ижтимоий тармоқларга жойлаштириш ва уларни кенг тарғиб қилишга алоҳида эътибор беришимиз муҳим аҳамият касб этади.

Ўзининг ноёб истеъоди ва маҳоратини халқимиз маънавиятини юксалтиришга бағишилаган, инсон қалбининг муҳандислари бўлган ижодкор зиёлиларга

доимий ғамхўрлик масаласи бизнинг дастуримизда алоҳида ўрин эгаллайди.

Ижодий ташкилотлар, бадиий уюшмалар фаолиятини қўллаб-қувватлаш, уларнинг моддий-техник базасини, инфратузилма тармоқларини мустаҳкамлаш ишларига эътибор янада кучайтирилади.

Ижодкор зиёлиларимизнинг энг яхши асарларини юртимизда ва чет элларда тарғиб этишни биз маънавий-маърифий соҳадаги сиёсатимизнинг муҳим бир қисми сифатида давом эттирамиз. Айниқса, маданият, санъат, адабиёт ва матбуот оламига кириб келаётган иқтидорли ёшларни моддий ва маънавий жиҳатдан рағбатлантиришга, уларнинг уй-жой шароитларини яхшилашга алоҳида эътибор қаратилилади.

Юртимизда ўтказилаётган ижодий танлов ва фестивалларнинг сифати ва самарадорлигини ошириш, бадиий асарлар учун тўланадиган қалам ҳақи миқдорини қайта кўриб чиқиш, ижодий ва интеллектуал мулк эгаларининг манфаатларини ҳимоя қилиш муҳим масалалардан биридир.

Бундай эътибор ва амалий ғамхўрлик нафакат ижод аҳлига, айни пайтда, жонкуяр ўқитувчи ва домлаларга, тиббиёт ходимларига, ҳарбий хизматчиларимиз ва ҳукуқ-тартибот посбонларига, бир сўз билан айтганда, давлат бюджетидан маош оладиган барча фидоий юртдошларимизга тааллуқли эканни алоҳида таъкидлашни зарур деб биламан.

**Хурматли съезд қатнашчилари!**

Юксак маънавиятли, замонавий билим ва касб-хунарларга, ўз мустақил фикрига эга бўлган ёшларни

миллий ва умуминсоний қадриятлар руҳида тарбиялаш биз учун энг муҳим масалалардан биридир.

Мамлакатимиз ахолисининг ярмидан кўпини ёшлар ташкил этишини инобатга олсак, бу нақадар жиддий масала экани янада яққол аён бўлади.

Шу ўринда фарзандларимизнинг қалби ва онгида мафкуравий иммунитетни кучайтириш билан боғлиқ вазифаларга қисқача тўхталиб ўтмоқчиман.

Авваламбор, «оммавий маданият» кўринишида кириб келаётган турли таҳдидлар, гиёҳвандлик, диний экстремизм, миссионерлик каби бало-қазолардан ёшларимизни асраш, уларнинг таълим-тарбиясига ҳар биримиз масъул эканимизни ҳеч қачон унут-маслигимиз керак.

Бу борада биз асрлар мобайнида шаклланган миллий анъаналаримизга, аждодларимизнинг бой маънавий меросига таянамиз.

Ёшларимиз ўртасида хукукий маданият, соғлом турмуш тарзини, жисмоний тарбия ва спортни тарғиб қилишга қаратилган ишларнинг самарасини оширишни бугун даврнинг ўзи талаб этмоқда. Бу борадаги дастурларда белгиланган тадбирларнинг ижроси яқинда янгидан қабул қилинган «Ёшларга оид давлат сиёсати тўғрисида»ги қонун нормалари асосида қатъий давом эттирилади.

Шу ўринда табиий бир савол туғилади. Биз кўплаб дастурларни қабул қилмоқдамиз, лекин уларни амалга оширадиган, ташаббускор ва ватанпарвар, юқори малакали қадрлар етарлими? Олий ўқув юртларида тайёрланаётган мутахассислар олдимизга кўйилган бундай улкан вазифаларни бажаришга

қодирми? Уларга таълим берәётган ўқитувчи ва профессорларнинг билим ва малакаси давр талабига жавоб берадими?

Минг афсус, бу саволларга жавоб бериш анча қийин ва оғир. Нега десангиз, мен ўзим ҳам олий таълим тизимида ишлаганман, бу соҳада нима бўлаётганини яхши биламан.

Биз бу йўналишдаги ишларимизни танқидий баҳолаган ҳолда, **2017 – 2021 йилларда олий ўкув юртлари тизимини янада ривожлантириш бўйича дастур ишлаб чиқишимиз** ва уни ҳаётга татбиқ этишимиз керак бўлади. Мана, ҳозир мамлакатимизга жуда катта инновациялар, замонавий технологиялар келяпти. Хўш, бу корхоналарда ким ишлайди? Шундай қимматбаҳо ускуналарни бошқаришга кимни кўямиз? Бу технологияларни бошқаришни инглиз тилида ким ўрганади? Фақат олий ўкув юртларини тутатган ўзимизнинг мутахассисларимиз.

Шу билан бирга, «Камолот» ЁИҲ фаолиятини бугунги куннинг ўткир талаблари нуқтаи назаридан танқидий кўз билан қайта кўриб чиқишимиз лозим.

Аввало, «Камолот» харакатининг ўзини мустаҳкамлаш, унинг мамлакатимиздаги барча ёшлар чин дилдан интиладиган ташкилотга, ортиқча тадбирлар ўtkазиш ва расмиятчилик кўринишларидан холи бўлган, ёшлар манфаатларининг ҳақиқий химоячисига айланишига эришиш зарур. Унинг жойлардаги тузилмалари фаолиятини, хусусан, шаҳар ва туманларда, узок кишлоп ва маҳаллаларда уюшмаган – такрор айтаман, уюшмаган ёшлар ўртасида олиб борилаётган ишларни кучайтириш керак.

Келажакда ёшлар билан ишлап масаласи ижтимоий сиёсатимизнинг устувор вазифаларидан бири бўлиб, бу борада кенг кўламли чора-тадбирлар дастурини амалга оширишни тақозо этади.

Агар биз ёшлар тарбияси билан, муҳтарам Ислом Абдуғаниевич айтганларидек, мунтазам шуғулланиб, бу масалани жой-жойига қўймасак, эртага кеч бўлиши мумкин. Нега деганда, фарзандларимиз эртага бизга ё ташвиш олиб келади, ё манфаат олиб келади. Лекин биз болаларимизнинг ҳақиқий ватан-парвар бўлиши, эртага бизга елкадош, кўмакдош бўлиши учун қилаётган ишларимиз ҳали етарли эмас. Шунинг учун партиямизнинг «Ёшлар қаноти»ни мустаҳкамлаш масаласига бугунги гаплардан кейин каттароқ эътибор берсак, мақсадга мувоғиқ бўларди. Биз шу масалада ташаббускор бўлишимиз керак.

### Хурматли дўстлар!

Ўзбекистон Республикасининг Биринчи Президенти томонидан ташқи сиёsat бўйича ишлаб чиқилган принцип ва ёндашувларга тўлиқ амал қилиш сайловолди дастуримизнинг муҳим таркибий қисмидир.

Ташқи сиёсатимизнинг асосини тинчликпарварлик, бошқа давлатларнинг ички ишларига аралашмаслик, юзага келадиган зиддият ва қарама-қаршиликларни фақат тинч, сиёсий йўл билан ҳал этиш, барча хорижий давлатлар ва жаҳон ҳамжамияти билан амалий ҳамкорлик ташкил этади.

Мамлакатимиз ҳеч қандай ҳарбий-сиёсий блокларга қўшилмайди, бошқа давлатларнинг ҳарбий база ва обьектлари Ўзбекистон ҳудудида жойлашишига,

шунингдек, ҳарбий хизматчиларимизнинг мамлакатимиз ҳудудидан ташқарида бўлишига йўл қўйилмайди.

Биз ташқи сиёсатни амалга оширишда барча давлатлар, биринчи навбатда, қўшни мамлакатлар билан дўстона муносабатлар ва ўзаро манфаатли ҳамкорликни янада мустаҳкамлашни ўзимизнинг биринчи даражали вазифамиз деб биламиз.

Айнан шундай сиёсатни давом эттиришни буғунги кунда дунёда вужудга келаётган мураккаб вазиятнинг ўзи тақозо этмоқда.

**Мұхтарам ватандошлар!**

**Азиз партиядошлар!**

Биз ўтган даврда партиямизнинг сиёсий соҳада орттирган тажрибаси, унинг мамлакатимизда ўрта синф – мулкдорлар синфи деб ном олган янги ижтимоий қатламни шакллантириш йўлида амалга оширган кенг кўламли ишларини, халқимиз орзунитилишларининг ифодачиси сифатида олиб бораётган фаолиятини албатта муносиб баҳолаймиз.

Айни вақтда мамлакатимизда сиёсий партиялар ўртасида ракобат кучайиб бораётган ҳозирги боскичда Ўзбекистон Либерал-демократик партиясининг жамиятимиздаги нуфузи ва таъсирини ошириш, эл-юртимизнинг ҳар томонлама ишончини қозониш энг муҳим ва долзарб вазифага айланмоқда.

Айникса, партиямизнинг «Ёшлилар қаноти»ни янада кучайтириш, унинг азму шиҷоатли, ташаббускор йигит-қизларимизни ўз атрофида бирлаштиришга қаратилган фаолиятини жонлантиришимиз зарур.

Буюк соҳибқирон Амир Темур бобомиз биз – авлодларга қолдирган васиятида ғоят муҳим бир

фикрга алоҳида урғу бериб, «Эл дардига дармон бўлмоқ – эзгу вазифагиздир», деб таъкидлагани албатта бежиз эмас.

Партиямиз ана шундай улуғ вазифани ўз зиммасига олишга интилар экан, бунга ҳар жиҳатдан муносиб бўлиши даркор.

Шу маънода, Бош вазирнинг яқинда ташкил этилган Виртуал қабулхонасига юртдошларимиздан кўплаб ҳақли мурожаатлар тушаётгани ва уларда кўтарилиган кўпгина масалалар ўз ечимини топаётганини бугун алоҳида қайд этиш лозим.

Такрор бўлса-да, айтиш керакки, бу вақтинчалик эмас, балки доимий равишда ишлайдиган тизим сифатида ўз фаолиятини давом эттиради.

Мен ҳар куни ўз номимга электрон шаклда келиб тушаётган ҳар бир мурожаатни ўқиб, мутасаддиларга уларнинг ечими бўйича аниқ топшириқ беряпман. Бу мурожаатларнинг орқасида қанча одамларнинг тақдири, ҳаёти, келажаги турибди.

Шунинг учун бир фикрни сизлар билан ўртоқлашмокчиман: агар сизлар қўллаб-қувватласангиз; якин кунларда ҳар бир туман ва шаҳарда, барча вилоятларда бундай қабулхоналарни ЎзЛиДепнинг «Халқ қабулхоналари» сифатида ташкил этсак, қандай бўлади? Бу шунчаки расмиятчилик учун эмас. Балки одамларимизга шу тарика ўзини давлат тизимида қатнашчи деб билиши учун шароит ва имконият яратиб беришимиз даркор.

Ҳеч шубҳасиз, бу ишларнинг тўғри йўлга қўйилиши партиямизнинг аҳоли ва сайловчилар ўргасидаги обрў-эътибори ошишига хизмат қиласи. Энг асосийси,

бундан эл-юртимизга наф бўлади, халқимиз барчамиздан ва давлатдан рози бўлади.

Муҳтарам ватандошлар!

Азиз партиядошлар!

Биз сизлар билан биргаликда сайловолди дастуримизда давлат ва жамият ҳаётининг барча жабҳаларини ислоҳ қилиш борасидаги энг муҳим мақсад ва устувор вазифаларни белгилаб олдик.

Улкан режаларимизни ҳаётга татбиқ этишда биз, Ўзбекистон Либерал-демократик партияси аъзолари, биринчи навбатда, барча юртдошларимиз, бутун халқимизнинг акл-заковати ва бунёдкорлик салоҳиятига таянамиз.

Фақатгина халқимизнинг азму шиҷоати ва қудрати, букилмас иродаси ва қатъияти, энг муҳими, мустақил тараққиётга бўлган мустаҳкам ишончи буюк мақсадларимизга эришишнинг бирдан-бир кафолатидир.

Азиз юртдошлар!

Барчамиз учун Ватан битта!

Битта мақсад бизни бирлаштиради.

У ҳам бўлса, Ватан тараққиёти ва халқимиз фаровонлигиdir.

Бетакрор юртимизга, олижаноб халқимизга садоқат билан хизмат қилиш – барчамизнинг энг шарафли ва муқаддас бурчимиздир.

*Тадбиркорлар ва ишбилармонлар ҳаракати –  
Ўзбекистон Либерал-демократик партиясининг  
VIII съездидаги маъруза.  
2016 йил 19 октябрь*

## ОНА ВАТАНИМИЗНИНГ ЮКСАК ЭЪТИРОФИ

Ассалому алайкум, азиз юртдошлар!

Қадрли дўстлар!

Авваламбор, сиз, азизлар билан бугун мана шундай кўтаринки, самимий кайфиятда кўришиб турганимдан ғоят хурсандман. Барчангизга қалбимда, юрагимда бўлган чуқур ҳурмат ва эҳтиромимни изҳор этишга рухсат бергайсиз.

Бугун биз қувончили бир воқеа муносабати билан тўпланиб турибмиз.

Ҳаммангизга маълум, мустақиллик йилларида юртимида кўплаб яхши анъаналар пайдо бўлди. Ва улар эзгу одатга айланиб, ҳалқимиз ҳаётидан мустаҳкам ўрин олди.

Сизлар билан бўлаётган бугунги учрашувимиз ҳам айни шундай анъаналарнинг давомидир. Бу гўзал маросимга Ўзбекистон Республикасининг Биринчи Президенти, муҳтарам Ислом Абдуғаниевич томонидан асос солинганини барчамиз яхши биласиз.

Азиз Юрбошимизнинг фармонларига биноан мустақиллигимизнинг 25 йиллиги арафасида юртдошларимизнинг катта бир гурухи Ватанимизнинг юксак мукофотлари билан тақдирланган эди.

Бугун сиз, ҳурматли ватандошларимизга давлатимизнинг ана шу юксак фахрий унвонлари, орден ва

медалларини топширишни ўзим учун катта шараф деб биламан.

Айни пайтда шу кунларда жойларда давлат мукофотларини қабул қилиб олаётган барча ватандошларимизни ҳам самимий қутлайман.

Азиз дўстлар!

Маълумки, биз бугун юртимизда эркин ва озод, адолатли, инсонпарвар жамият барпо этмоқдамиз. Шу борада, аввало, одамларимизнинг ҳалол меҳнатига хурмат билан қараш, уларнинг қадр-қимматини муносиб баҳолашни биз ўзимизнинг бош мақсадимиз, деб биламиз.

Бугунги кунда жамиятимиз ҳаётида инсонга айнан мана шундай муносабат мустаҳкам қарор топди. Шунинг учун ҳам мамлакатимиз улкан ютуқларни кўлга киритмоқда. Ва бу ютуқлар жаҳон ҳам жамиятининг ҳайрати ва ҳавасини уйғотмоқда.

Ана шундай ижобий ўзгаришлар асосида одамларимизнинг дунёқарashi, онгу тафаккури юксалмоқда. Уларнинг ҳаётга, меҳнатга муносабати тубдан ўзгармоқда. Ўз кучи ва имкониятларига, эргани кунга бўлган ишончи мустаҳкамланмоқда.

Шу ўринда истиклол йилларида жами 29 минг 170 нафар юртдошимиз давлатимизнинг нуфузли мукофотлари билан тақдирланганини айтиш лозим.

Албаттa, гап факат мукофотларнинг сонида эмас. Бу мукофотлар, аввало, она Ватанимизнинг равнақига бекиёс ҳисса кўшиб келаётган минглаб юртдошларимизни муносиб тақдирлашга хизмат қилаётгани билан ғоят аҳамиятлидир.

Ана шундай муҳтарам инсонлар орасида Ўзбекистоннинг саховатли заминида яшаётган барча миллат ва элат вакилларининг борлиги ҳаммамизни кувонтиради.

Бугунги хурсандчилик кунда омилкор дехқон ва фермерларимизга, саноат корхоналари ва қурилиш майдонларида тер тўкиб ишлаётган ишчи-муҳандисларимизга, тинчлигимиз посбони бўлган жасур ҳарбийларимизга ҳар қанча тасаннолар айтсан, арзиди.

Ватанимизнинг энг олий мукофоти – «Ўзбекистон Қаҳрамони» унвони билан тақдирланган фидойи муаллима Мұхаббат Шароповани, моҳир темир йўл курувчиси Эркин Умматовни, уста дехқон, фермер Шарипбой Ражабовни, машҳур шифокор Равшанбек Курбоновни барчамиз чин қалдан муборакбод этамиз.

Давлат ва жамоат ишларидаги кўп йиллик меҳнати билан эл-юртимиз ўртасида катта обрў козонган Миллий олимпия қўмитаси президенти, хурматли сенаторимиз Мираброр Зуфарович Усмоновни юксак мукофот билан қутлаб, у кишига сиҳат-саломатлик, узок умр, янги ютуқлар тилаймиз.

Мамлакатимиз, айниқса, пойтахтимиз зиёлилари ўртасида машҳур бўлган моҳир шифокор, академик Турғунпўлат Обидович Даминовнинг тиббиёт ва муносиб шогирдлар тайёрлаш йўлидаги улкан хизматларини барчамиз юксак баҳолаймиз.

Бутун умрини буюк Алишер Навоий бобомиз ижодини ўрганишга бағишилаб келаётган муҳтарам

домламиз – Самарқанд давлат университети профессори Муслиҳиддин Мухиддиновга эзгу тилакларимизни изхор этамиз.

Гўзал инсоний туйғулар куйчиси, Ўзбекистон халқ шоири Энахон Сиддиқованинг дилбар шеърлари барчамизнинг кўнглимииздан чукур жой олган, десак, айни ҳақиқат бўлади.

Шулар қаторида таникли ижодкор Гулистон Анна-киличева, театр санъатининг фидойилари Эркин Комилов, Гавҳар Зокирова, Ўзбекистон рус маданий марказининг фаол аъзоси Елена Шавердова, шунингдек, Станислав Югай, Гулбаҳор Аймуратова сингари ўнлаб, юзлаб юртдошларимизнинг номларини хурмат билан тилга оламиз.

Мана шу кувончили айёмда Бразилияда бўлиб ўтган Олимпиада ўйинларида Ватанимиз байробини баланд кўтарган Фазлиддин Фойибназаров, Руслан Нуриддинов, Шахрам Фиёсов, Ҳасанбой Дўстматов, Шаҳобиддин Зоиров, Бектемир Меликўзиев, Муроджон Ахмадалиев, Элмурат Тасмурадов каби мард ўғлонларимизга яна ва яна бир бор раҳмат айтсак, албатта, ўринли бўлади.

Ҳаммамизнинг тилагимиз, истагимиз битта: сизлар мана шундай юксак ғалабаларни қўлга киритишдан хеч қачон чарчаманг. Биз эса сизларга давлатимизнинг мана шундай мукофотларини топширишдан чарчамайлик.

**Хурматли дўстлар!**

Энди руҳсатингиз билан сизларга ана шу юксак унвон, орден ва медалларни топширишга ўтсак.

Азиз ва муҳтарам ватандошлар!

Бугун сизларнинг кўксингизда ярақлаб турган мана шу орден ва медаллар барчангизга буюрсин, сизларни янги мэрраларга чорласин.

Фурсатдан фойдаланиб, барчангизни Конституциямизнинг 24 йиллик байрами билан яна бир бор самимий табриклайман.

Ҳамиша соғ-омон бўлинг! Оилавий фаровонлик, баҳт-саодат сизларга доим ёр бўлсин!

*Бир гуруҳ юртдошларимизга Ватанимизнинг юксак мукофотларини топшириши маросимидағи нутқ.*

*2016 йил 7 декабрь*

## **ҚОНУН УСТУВОРЛИГИ ВА ИНСОН МАНФААТЛАРИНИ ТАЪМИНЛАШ – ЮРТ ТАРАҚҚИЁТИ ВА ХАЛҚ ФАРОВОНИГИНИНГ ГАРОВИ**

Ассалому алайкум, азиз ватандошлар!

Хурматли хонимлар ва жаноблар!

Ватанимиз ҳаётидаги қутлуғ сана – Конституция-  
миз қабул қилинган кунни нишонлаш арафасида  
гўзал ва муҳташам «Ўзбекистон» анжуманлар  
саройида сизлар билан учрашиб турганимдан ғоят  
мамнунман.

Барчангизга, бутун халқимизга ўзимнинг чексиз  
хурмат ва эҳтиромимни изхор этиб, Ўзбекистон  
Республикаси Конституцияси қабул қилинганининг  
24 йиллик байрами билан чин қалбимдан сами-  
мий муборакбод этишга рухсат бергайсиз.

1992 йил 8 декабрда мустақил Ўзбекистонимиз  
Конституциясининг қабул қилиниши мамлакати-  
миз ҳаётида муҳим тарихий воқеа бўлди.

Конституциянинг яратилиши ва ҳаётимизга тат-  
биқ этилишида замонамизнинг буюк давлат арбоби,  
улуф Йўлбошчимиз муҳтарам Ислом Абдуғаниевич  
Каримовнинг хизмати бекиёс эканини барчамиз яхши  
биламиз.

Халқимизнинг онгу тафаккури, дунёкараши ва  
бутун ҳаётини тубдан ўзгартирган ушбу муҳим

сиёсий ҳужжатни ишлаб чиқишида Ислом Абдуғаниевичнинг концептуал аҳамиятга эга, теран фикрлари мустаҳкам замин бўлди.

Олий Кенгаш депутати сифатида мен ҳам Конституциявий комиссия таркибида Бош қому-симизни яратиш ва қабул қилиш жараённида бевосита иштирок этганимни доимо фахрланиб эслайман. Конституциямизнинг қандай қилиб ҳозирги мазмун ва шаклга келгани, бу мураккаб жараёнда кечган қизғин тортишув ва баҳс-мунозаралар бугунгидек ёдимда.

Ҳақиқатан ҳам, 90-йиллардаги ўта оғир даврда Асосий қонунимиз лойиҳасини ишлаб чиқишида Ислом Абдуғаниевичдек кенг миқёсда, стратегик фикрлайдиган, узоқни кўра оладиган буюк сиёсий арбобнинг бу ишга раҳбарлик қилгани ҳал қилувчи аҳамият касб этди.

Ёш давлатимиз эндиғина оёққа туриб келаётган қалтис ва нозик бир вазиятда турли тор манфаатлар, маҳаллийчилик, сепаратизм ва миллатчилик каби салбий ҳолатларга мутлақо йўл қўйиб бўлмасди.

Асосий қонунимизда умумэътироф этилган демократик принциплар билан бирга, ҳалқимизнинг бебаҳо қадриятлари ва бой давлатчилик тажрибасини ифодалаш муҳим эди.

Айнан Биринчи Президентимизнинг саъи-ҳаракатлари билан Конституциямизда «Инсон ва унинг қадр-қиммати» деган улуғ тушунча марказий ўринга қўйилди.

Муҳтарам Ислом Абдуғаниевич Конституция-мизнинг лойиҳаси бўйича 1992 йил 8 декабрда,

Олий Кенгашнинг тарихий сессиясида сўзлаган нутқида қуйидаги фикрни алоҳида таъкидлаган эдилар: «Биз сўнгги етмиш йил мобайнида давлатга қарамлик ва сифиниш ҳолатида яшадик. Мамлакатнинг, ундан барча бойликларнинг, мулкнинг эгаси давлат, деб ҳисоблаб келдик. Ана шу масалада ҳам Конституцияда туб бурилиш ясалган.

Яъни, Асосий қонунимизга «давлат, унинг идоралари ва мансабдор шахслари жамият ва фуқаролар олдида масъулдирлар», деган модда киритилган.

Эндиликда инсон, унинг ҳаёти, озодлиги, шаъни, қадр-қиммати ва бошқа ажралмас ҳуқуқ ҳамда эркинликлари муқаддас саналиб, улар давлат томонидан кафолатланади».

Биринчи Президентимизнинг ана шу фикрлари у кишининг давлат, жамият ва инсон ҳаёти билан боғлиқ ҳар бир масалага нақадар теран ёндашганидан, шу асосда Конституциямизда энг мураккаб саволларга ҳам жавоб топиш мумкин эканидан далолат беради.

Бир сўз билан айтганда, Ислом Каримовни ҳақли равиша Узбекистон Республикаси Конституциясининг муаллифи, деб эътироф этиш учун барча асосларга эгамиз.

Қадрли дўстлар!

Мустақил тараққиёт йилларида Конституциямиз юртимизда ҳуқукий демократик давлат, кучли фуқаролик жамияти, эркин бозор муносабатлари

ва хусусий мулк устуворлигига асосланган иқтисодиётни қуриш, ҳалқимиз учун тинч, обод ва фаровон ҳаёт барпо этиш, Ўзбекистоннинг ҳалқаро майдонда муносиб ўрин эгаллашида мустаҳкам пойдевор бўлиб хизмат қилмоқда.

Асосий қонунимиз фуқаролик жамиятининг таркибий қисми бўлган нодавлат нотижорат ташкilotлари ва сиёсий партияларнинг шаклланиши, уларнинг эркин фаолият юритиши учун кенг имкониятлар яратди, сайлов тизимининг асосий тамойил ва қоидаларини мустаҳкамлади.

Бош қомусимиз Инсон ҳуқуқлари умумжаҳон декларацияси ва бошқа асосий ҳалқаро хужжатлар талабларига тўла мос ҳолда, фуқароларнинг шахсий ҳуқуқ ва эркинликлари, сиёсий, иқтисодий ва ижтимоий ҳуқуқларини кафолатлаб берди. Инсоннинг маънавий камол топиши ва ҳар томонлама уйғун ривожланиши учун зарур шарт-шароитлар яратди.

Ўтган давр мобайнида Конституциямизда муҳрлаб кўйилған тамойил ва қоидалар негизида юртимида миллий қонунчилик тизими барпо этилди. Мамлакатимиз ижтимоий-иқтисодий, сиёсий ва ҳарбий салоҳияти юксалишига, ҳаётимизнинг барча соҳаларида амалга оширилган самарали ислоҳотларга асос бўлди.

Фуқароларимиз ҳуқуқий онги ва маданиятини юксалтириш, уларнинг сиёсий фаоллигини оширишда ҳам Конституциянинг ўрни ва аҳамияти бекёёс эканини алоҳида таъкидлаш жоиз.

Куни кеча мамлакатимизда бўлиб ўтган муҳим сиёсий воқеа – Ўзбекистон Республикаси Прези-

денти сайловида халқимизнинг фаол иштироки эса бунинг яққол далилидир.

Азиз дўстлар, биз бу сайловни Биринчи Президентимиз Ислом Абдуғаниевич Каримовнинг сиёсий меросига ва у киши ўзининг чексиз меҳрини берган халқимизга муносаб тарзда ўтказдик.

Сайлов сиёсий партиялар ўргасида соғлом рақобат ва кураш, президентликка номзодларнинг сайловолди дастурларини эркин муҳокама қилиш шароитида ҳамда демократик принципларга тўлиқ мос келадиган ошкоралик ва очиқлик руҳида ўтганини мамнуният билан қайд этамиз.

Сайловни мана шундай юқори савияда ташкил этган Марказий сайлов комиссиясига, округ ва участка сайлов комиссиялари аъзоларига, уларга кўмак берган барча фуқаролик жамияти институтларига, сиёсий партиялар фаолларига самимий ташаккур билдиришга ижозат бергайсиз.

Шуни алоҳида таъкидлаш керакки, сайлов жараёнида 5· та халқаро ташкилот ҳамда 46 та давлатдан 600 нафарга яқин кузатувчи иштирок этди. Жумладан, илк бор Европада хавфсизлик ва ҳамкорлик ташкилотининг Демократик институтлар ва инсон ҳуқуqlари бўйича бюросининг 32 та мамлакатга мансуб 200 нафарга яқин таркибдаги тўлақонли миссияси кузатувчилари қатнашдилар.

Халқаро кузатувчилар Ўзбекистон Республикаси Президенти сайловига тайёргарлик кўриш ва уни ўтказиш билан боғлиқ ишларга юксак баҳо бердилар. Барча сайлов участкаларида сайловчиларга қулай шароитлар яратилганини, айниқса,

жисмоний имконияти чекланган фуқаролар, турли миллат вакиллари учун сайлов хуқуқини амалга ошириш имконияти юқори даражада ташкил қилинганини эътироф этдилар.

Барча чет эллик кузатувчилар томонидан сайлов тенглик ваadolat принциплари асосида, очиқ ва ошкора ўтгани бир овоздан тан олингани ҳаммамизга мамнуният бағишлийди.

Фурсатдан фойдаланиб, Ўзбекистондаги демократик ўзгаришларга катта эътибор бериб, сайлов жараёнида иштирок этган барча халқаро кузатувчиларга, маҳаллий ва хорижий оммавий ахборот воситалари ходимларига ташаккур изҳор этамиз.

### Азиз ватандошлар!

Мана шу юксак минбардан туриб, аввало, бўлиб ўтган сайловда менга юксак ишонч билдириб, мен учун овоз берган барча сайловчиларга, нуроний отахон ва онахонларимизга, муҳтарама опа-сингилларимизга, навқирон ёшларимизга, кўп миллатли бутун халқимизга ўзимнинг чексиз миннатдорлигимни билдириб, таъзим қиласман.

Халқимиз ўзининг хоҳиш-иродаси билан мени мана шундай юксак лавозимга муносаб кўрганини ўзим учун олий шараф деб биламан. Сизларнинг менга билдирган юксак ишончинингизни оқлаш учун бор куч ва салоҳиятим, билим ва тажрибамни, бутун борлиғимни сафарбар этаман.

### Қадрли дўстлар!

Конституциямизда белгиланган қонун устуворлиги принципи жамиятимизда инсон хукуқ ва

эркинликларини таъминлаш, барча ислоҳотларни самарали амалга оширишнинг муҳим кафолатидир.

Ўтган даврда қабул қилинган 400 га яқин яхлит қонунлар ҳаётимизнинг барча соҳаларини хуқуқий тартибга солиш билан бирга, фуқароларнинг хуқуқ ва манфаатларини таъминлашга хизмат қилмоқда.

Айни вактда қонунларнинг тўлиқлиги, ҳаётийлиги ва тўғридан-тўғри амалга ошириш механизmlарига эга экани ҳақида сўз юритганда, бу борада ҳали кўп иш қилишимиз кераклигини таъкидлаш зарур.

Афсуски, ҳозирги кунда қонунларнинг ислоҳотлар самараасига таъсири етарлича сезилмаяпти. Уларнинг ижтимоий муносабатларни бевосита тартибга солишдаги роли пастлигича қолмоқда.

Бу ҳолат фуқароларимиз, тадбиркорлар, қолаверса, чет эл инвесторларининг мамлакатимиз қонунчилик тизимиға ишончсизлигини келтириб чиқариши мумкинлигини унутмаслигимиз керак.

Аминмаёнки, ҳурматли Сенат аъзолари ва Қонунчилик палатаси депутатлари бу масалага жиддий эътибор қаратадилар.

Бу борадаги ишларни ташкил этишда авваламбор конун лойиҳаларини пухта ва ижтимоий муносабатларни тўғридан-тўғри тартибга соладиган даражада ишлаб чиқиш, айниқса, идоравий хужжатларни кескин қисқартириш зарур, деб ҳисоблайман.

Шу ўринда ҳукуматнинг парламент билан қонун ижодкорлиги ва назорат-таҳлил соҳасидаги ҳамкорлигини янада самарали ташкил қилиш мақ-

**садида Вазирлар Маҳкамасининг Олий Мажлисда доимий асосда фаолият кўрсатадиган вакили лавозимини таъсис этиш мақсадга мувофиқ бўлади.**

Ҳаммамиз яхши тушунамизки, қонунларни қабул қилиш – бу ишнинг бир қисми, холос.

Асосий масала – қонунларнинг мазмун-моҳиятини халқимизга ва масъул ижрочиларга ўз вақтида етказиш, уларнинг ижросини тўғри ташкил этиш ҳамда қонун талабларига қатъий амал қилишни таъминлашдан иборатdir.

Афсуски, мазкур йўналишдаги ишлар талаб даражасида эмас. Бунинг оқибатида охирги уч йилда давлат органларининг 157 та қарори ўз кучини йўқотган қонунлар асосида чиқарилган.

Энди ўйлаб кўрайлик, қонунчиликка кирити-лаётган янгиликлар ўз вақтида жойларга, айниқса, ижрочиларга етказилмайдиган бўлса, уларнинг бажарилиши ҳақида нима дейиш мумкин?

Бу муаммони самарали ҳал қилишнинг бирдан-бир йўли – қонунлар ижросини ташкил этиш бўйича соатдек аниқ ишлайдиган механизм яратишdir.

Қонунларнинг мазмун-моҳиятини халқимизга етказиша Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларида битта-иккита мақола ёки кўрсатув билан чекланиш мумкин эмас. Қабул қилинган қонунлар атрофлича муҳокама қилинадиган, юртдошларимизнинг уларга муносабатини ифода этадиган таҳлилий материаллар, кўрсатув ва эшиттиришлар, афсуски, жуда кам.

Янги қабул қилинган қонунлар, фармон ва карорларнинг асосий маъносини аҳолига етказиш бўйича самарали механизм яратиш керак.

Хозирги кунда Адлия вазирлигининг бу борадаги фаолиятини талаб даражасида деб бўлмайди. Шу муносабат билан ушбу вазирлик ва унинг жойлардаги бўлинмалари фаолиятини танқидий кўриб чиқиш зарур.

Адлия вазирлиги мутасадди идоралар билан биргаликда бир ой муддатда қонунларнинг маъномазмунини жойларга етказиш, уларни кенг тарғиб килишга қаратилган аниқ таклифларни ишлаб чиқиши лозим.

Иккинчидан, қонун устуворлигини таъминлашда хукуқий маданиятни юксалтириш, фуқароларни қонунга хурмат руҳида тарбиялаш муҳим аҳамият касб этади.

Айнан шу нуқтаи назардан қараганда, 20 йил аввал бу борада қабул қилинган Миллий дастурни янгидан ишлаб чиқиши даврнинг ўзи тақозо этмоқда.

Парламентимиз жамиятда хукуқий маданиятни юксалтириш бўйича янги Миллий дастурни яратишда бош-қош бўлиши мақсадга мувофик, деб ҳисоблайман.

**Ҳурматли анжуман иштирокчилари!**

Конституциямизда олий қадрият сифатида белгилаб қўйилган инсон хукуқларини таъминлаш масаласи бундан буён ҳам эътиборимиз марказида бўлади. Бунинг учун **суд хокимиятининг чинакам**

**мустақиллигига** эришиш нақадар муҳим аҳамиятга эга эканини албатта барчамиз яхши тушумиз.

Бу борада 2017 йил 21 октябрда қабул қилинган «Суд-хукуқ тизимини янада ислоҳ қилиш, фуқароларнинг хукуқ ва эркинликларини ишончли ҳимоя қилиш кафолатларини кучайтириш чоратадбирлари тўғрисида»ги фармон ижросини таъминлаш биринчи даражали вазифамиздир.

Хусусан, судьяларнинг ваколат муддатини узайтириш, суд ишларида адолатли қарорлар қабул қилишга қодир бўлган, юксак малакали суд ходимлари корпусини шакллантиришимиз лозим.

Суд ҳокимиятининг мустақиллиги тўғрисидаги конституциявий нормаларга ва одил судловни амалга ошириш фаолиятига аралашганлик учун жавобгарлик муқаррарлигини таъминлаш олдимизга кўйган мақсадларга эришишнинг муҳим кафолатидир.

Судларда ишларни кўриш сифатини ошириш, айниқса, фуқаролик ишларида овора бўлиб юришларнинг олдини олиш, айнан бир инстанция судида ишни бир неча маротаба қўриб турли қарорлар қабул қилиш амалиётига чек қўйиш вақти келди.

Қонунчилигимизда адвокатларнинг самарали фаолият юритиши учун барча асослар яратилган. Лекин, афсуски, адвокатура ҳанузгача фуқаролар хукуқларини ишончли ҳимоя қилиш институтига айлангани йўқ.

Шу боисдан ҳам суд-хукуқ соҳасида адвокатуранинг ўрни ва ролини янада ошириш, унинг

ваколатларини кенгайтириш бўйича қўшимча чоратадбирларни амалга оширишимиз керак.

Биз «Адолат – қонун устуворлигига» деган тамойил асосида жамиятимизда қонунга ҳурмат, ҳукуқбузарлик ҳолатларига муросасизлик ҳиссини кучайтиришга қаратилган ишларимизни жадал давом эттирамиз.

Бу борада ҳукуқбузарлик ҳолатларининг олдини олишга алоҳида эътибор қаратилади. Бунинг учун аввало маҳалла имкониятларидан кенг фойдаланиш, профилактика инспекторларининг иш самараси ва масъулиятини ошириш, улар учун муносиб хизмат ва турмуш шароитини яратиб бериш чораларини кўришимиз даркор.

Ҳукуқни муҳофаза қилиш фаолиятида очиқлик ва ошкораликни таъминлаш учун биз фуқаролик жамияти институтлари, оммавий ахборот воситалари ва аҳоли билан самарали ҳамкорликни кенг йўлга қўямиз.

Айниска, ҳукуқни муҳофаза қилувчи органларнинг ўзлари томонидан қонунни бузиш билан боғлиқ ҳар қандай ҳолатга принципial баҳо берилади ва қатъий чора кўрилади. Бунга ҳеч кимда шубҳа бўлмаслиги керак.

Жамият ривожига ғов бўлаётган яна бир иллат – бу коррупция балосидир. Бундай хатарга карши курашиш мақсадида яқинда Қонунчиллик палатаси томонидан қабул қилиниб, Сенатга юборилган «Коррупцияга қарши курашиш тўғрисида»ги қонуни тезроқ амалиётга жорий этиш чора-тадбирларини кўришимиз лозим.

Буларнинг барчаси, ўз навбатида, инсон ҳукук ва манфаатларини ишончли ҳимоя қилиш тизимини такомиллаштиришга, халқимизнинг давлат ҳокимииятига бўлган ишончини янада мустаҳкамлашга хизмат қиласди.

Муҳтарам юртдошлар!

Сизларга яхши маълумки, 2016 йил Биринчи Президентимиз ташаббуси билан «**Соғлом она ва бола йили**» деб эълон қилинган эди.

Бу борада Давлат дастури тасдиқланиб, кўплаб тадбирлар амалга оширилди. Бу ҳар томонлама соғлом авлодни вояга етказиш йўлидаги ишларимизни изчил давом эттириб, янада юксак босқичга кўтаришга хизмат қилмоқда.

Биринчи навбатда, оналик ва болаликни муҳофаза қилиш, барқарор ривожланаётган давлатнинг негизи бўлган оила институтини мустаҳкамлаш мақсадида қонунчилик ва норматив-ҳукукий база янада кучайтирилди.

Хусусан, жорий йилда қабул қилинган «Ёшларга оид давлат сиёсати тўғрисида»ги Қонун ушбу соҳанинг асосий йўналишлари бўлган ижтимоий, иқтисодий, ҳукукий ва ташкилий чора-тадбирларни аниқ белгилаб берди.

Соғлом болани вояга етказишнинг муҳим шарти бўлган репродуктив саломатликни яхшилаш, туғма нуқсон ва хасталиклар билан туғилишларнинг олдини олиш, тиббиёт масканларининг моддий-техник базаси ва кадрлар салоҳиятини янада мустаҳкамлаш учун тизимли ишлар амалга оширилди.

Бу ҳақда кўп гапириш мумкин, лекин мен факат-гина баъзи бир мисолларга тўхталиб ўтмоқчиман.

Мамлакатимиздаги тиббиёт муассасаларини замонавий диагностика ва даволаш ускуналари билан жиҳозлаш учун жорий йилда 80 миллион доллар қийматидаги кредит ва грант маблағлари йўналтирилди.

Дастурда белгиланган тадбирлар бўйича 9 миллионга яқин фарзанд кўриш ёшидаги аёллар ва 10 миллионга яқин болалар тиббий кўрикдан ўтказилиб, соғломлаштирилди.

Жумладан, Республика ихтисослаштирилган педиатрия илмий-амалий тиббиёт марказида эшитиш бўйича нуқсони бўлган 350 дан ортиқ болада кохлеар имплантация операциялари амалга оширилди. Бунинг учун 21 миллиард сўм маблағ сарфланди. Лекин биз учун қанча маблағ кетгани эмас, балки юзлаб болаларимизнинг саломатлиги тиклангани муҳимдир.

Ана шундай ишлар қаторида 700 минг нафар бола пневмококк инфекцияси ва бошқа юқумли касалликларга қарши эмланди.

Дастур доирасида аёлларимиз учун зарур шароитлар яратиш, қишлоқ жойларда намунавий лойиҳалар асосида замонавий уй-жойлар, ижтимоий инфратузилма обьектлари барпо этиш борасида ҳам катта ишлар қилинди.

Айни вактда хорижий сармоялар иштирокида қишлоқ аҳоли пунктларини ичимлик суви билан таъминлаш, туман ва шаҳарлардаги сув тармоқ-

ларини модернизация қилиш мақсадида 100 миллион доллар маблағ жалб этилди.

Юртимизда болалар спортини ривожлантириш, айниқса, қиз болалар ўртасида спортни оммалаштириш борасидаги ишларнинг давоми сифатида умумтаълим мактабларида 220 дан зиёд спорт заллари барпо этилди.

Ёш оилалар, тадбиркор аёллар, коллеж битирувчилари, оилавий бизнес ва хунармандликни қўллаб-қувватлаш учун тижорат банклари томонидан йил давомида 2 триллион сўмдан ортиқ кредитлар ажратилди.

Албатта, «Соғлом она ва бола йили» Давлат дастури доирасида амалга оширган ишларимиз ҳақида яна узоқ гапириш мумкин. Лекин, мухтасар қилиб айтадиган бўлсак, ана шу мақсадлар учун барча манбалар хисобидан 7 триллион 480 миллиард сўм ва 190 миллион доллардан зиёд маблағ сарфланди.

Шунинг ўзи, ўйлайманки, бу борадаги фаолиятимизнинг кўлами ва микёси нақадар улкан эканидан далолат беради.

Фурсатдан фойдаланиб, шу йўлда фидокорона меҳнат қилаётган тиббиёт ходимларига, бу олижаноб ишга ҳисса қўшган барча ватандошларимизга чин қалдан миннатдорлик билдирамиз.

Бугун мана шу залда ўтирган, бу масалада ўзининг ёрдам ва кўмагини аямаган халқаро ташкилотлар вакилларига, хорижий давлатларнинг мухтарам элчиларига, келинглар, ҳаммамиз биргаликда

самимий ташаккур ва эзгу тилакларимизни билдирайлик.

Азиз юртдошлар!

Бугун ҳаётимизнинг ўзи Конституциямизда ифодасини топган энг асосий мақсад – **инсон манфаатларини ҳар томонлама таъминлаш масаласини долзарб** вазифа қилиб қўймоқда.

Инсон манфаатларини таъминлаш учун эса, аввало, одамлар билан, халқ билан мулоқот қилиш, уларнинг дарду ташвишлари, орзу-ниятлари, ҳаёттий муаммо ва эҳтиёжларини яхши билиш керак.

Яқинда бўлиб ўтган сайловолди учрашувларида мен бир нарсага амин бўлдим. Биз кейинги пайтда одамлар билан мулоқот қилишни унутиб қўйдик. Уларнинг ичига кириб, очиқ ва самимий гаплашиш, дардини эшитиш бизнинг фаолиятимизда, афсуски, охирги ўринга тушиб қолди.

Хозирги вақтда одамлар давлат идораларидан нимани истаяпти? Бу ҳақда гапирганда, эътиборингизни муҳим бир масалага қаратмоқчиман.

Хабарингиз бор, шу йил 25 сентябрда Бош вазирнинг Интернет тармоғида электрон қабулхонаси ташкил этилган эди. Ўтган даврда ушбу қабулхонага фуқароларимиздан 218 мингдан ортиқ мурожаат келиб тушди. Мурожаатларнинг қарийб 59 фоизи ечимини топган бўлса, 41 фоизи кўриб чиқилмоқда.

Очиқ айтишим керак, бу мурожаатлар таҳлилидан кўп нарса аён бўлди. Таъбир жоиз бўлса, улар ҳаётимизда мавжуд бўлган ўткир муаммоларга кўзимизни очиб берди.

Мана, одамлар нималар ҳақида мурожаат қилмоқда. Аввало, улар турли соҳалардаги бюрократик тўсиқларни олиб ташлаш, қонунга зид бўлган кўплаб идоравий йўриқномаларни бекор қилиш, ставкаси оптимал бўлган банк кредитлари ажратиш, тадбиркорлик бўйича ноқонуний текширишларга барҳам бериш, хукуқ-тартибот идораларининг фаолияти ҳақида мурожаат қилмоқда.

Шу билан бирга, ахолимиздан уй-жой қурилиши, коммунал, транспорт ва савдо хизмати, энергия таъминотини, йўлларнинг ҳолатини яхшилаш бўйича ҳам кўплаб мурожаатлар келиб тушмокда.

Кўриб турибсизки, азиз дўстлар, бу талабларнинг барчаси қонуний ва адолатли. Бу борада ортиқча изоҳнинг ҳожати йўқ, деб ўйлайман.

Лекин шу ўринда бир савол туғилади: мана шу мурожаатларда кўтарилган ҳаётий муаммоларни жойлардаги ҳокимлик ва идоралар, тегишли мутасаддилар ўз вақтида ҳал этиши зарур эмасми? Ҳолбуки, бу масалада алоҳида қонун, яъни, «Жисмоний ва юридик шахсларнинг мурожаатлари тўғрисида»ги Қонун қабул қилинган. Лекин, минг афсуски, бу қонуннинг ижросини назорат қилиш ўз ҳолига ташлаб қўйилган.

Шу сабабли ана шу қонун талабларини бажармаётган раҳбар ва мансабдор шахсларни нафақат маъмурий, балки жиноий жавобгарликка тортиш зарур, деб ҳисоблайман.

**Халқ давлат идораларига эмас, давлат идоралари халқимизга хизмат қилиши керак ва бу ҳақиқатни аввало барча бўғиндаги раҳбарлар яхши тушуниб олиши зарур.**

Шу муносабат билан 2016 йил 5 октябрда қабул қилинган «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик мухитини сифат жиҳатидан яхшилашга доир қўшимча чора-тадбирлар тўғрисида»ги фармон талабларига сўзсиз амал қилишни таъминлаш шарт. Нега деганда, халқ бой бўлса, давлат ҳам албатта бой ва кудратли бўлади.

Шу нуқтаи назардан қараганда, халқ билан мулоқот ва инсон манфаатлари тушунчалари ўзаро шунчалик боғланиб кетганки, уларни бир-биридан асло ажратиб бўлмайди.

Ана шу заруратдан келиб чиқсан ҳолда, барча қонун ҳужжатларида халқ билан мулоқот тизими ҳақидаги нормаларни аниқ белгилаб қўйиш лозим, деб ҳисоблайман.

Ана шу фикр-мулоҳазаларнинг барчасини ҳисобга олиб, кириб келаётган 2017 йилни юртимизда «**Халқ билан мулоқот ва инсон манфаатлари йили**» деб эълон қилишни таклиф этаман.

Энди, ижозатингиз билан, бу борадаги энг долзарб ва устувор вазифаларга атрофлича тўхталиб ўтсам.

Аввало, «**Халқ билан мулоқот ва инсон манфаатлари йили**»нинг асосий мақсад ва вазифаларидан

келиб чиқсан ҳолда, давлат органларининг фуқаролар билан ўзаро муносабатлари юзасидан ёндашувни тубдан қайта кўриб чиқиш зарур. Бу борада аҳоли билан доимий муроҷаот қилиш, уларни қийнаётган муаммоларни ҳал этишининг янги механизмлари ва самарали усулларини жорий этишимиз даркор.

Биз аҳоли энг кўп мурожаат қиладиган давлат идоралари фаолиятида одамлар билан ишлаш бўйича сифат жиҳатидан мутлақо янги тизимга ўтиш ҳакида ўйладаяпмиз. Хусусан, 2017 йилдан бошлаб барча даражадаги ҳокимлар, прокуратура ва ички ишлар органлари раҳбарларининг аҳоли олдида ҳисобот бериш тизими жорий этилади.

Шу билан бирга, ҳар бир туман ва шаҳарда «Халқ қабулхоналари»ни ташкил этиш ва уларнинг тўлақонли фаолият кўрсатишини таъминлашимиз зарур.

Айтиш керакки, бундай қабулхоналар сиёсий партиялар, жумладан, Ўзбекистон Либерал-демократик партияси тизимида фаолият кўрсатиши мақсадга мувофиқдир. Чунки сиёсий партия фуқароларнинг мақсад ва манфаатларини рўёбга чиқарадиган куч сифатида одамлар ҳаётидаги муаммолардан доимо хабардор бўлиши керак.

Айни вактда бу қабулхоналарнинг ҳукукий мақомини, уларнинг ваколат ва мажбуриятларини ҳам аниқ белгилаб қўйиш мақсадга мувофиқдир.

Бизнинг асосий мақсадимиз – «Халқ қабулхоналари»га қилинган ҳеч бир мурожаат эътиборсиз қолмайдиган тизим яратишдан иборат.

Мухтасар айтганда, одамларнинг дардини эшитиш, улар билан очиқ мулоқотда бўлиш, оғирини енгил қилиш – ахолининг давлат ва жамиятга ишончини мустаҳкамлашга хизмат қиласи.

Шу мақсадда ахолига кундалик ва энг зарур бўлган давлат хизматларини «ягона дарча» принципи бўйича бир идора орқали кўрсатиш тизимини такомиллаштиришимиз керак.

Бундан ташқари, ҳар бир худуддаги вазиятни, аввало, фармон ва қарорлар ижросини, уларнинг самарадорлигини доимий равишда ўрганиб, бу борада давлат органлари масъулиятини ошириш бўйича таклифлар ишлаб чиқадиган тизимни шакллантиришимиз лозим.

Фурсатдан фойдаланиб, Олий Мажлис Сенати ва Конунчилик палатаси раҳбарияти, депутатлар ва сенаторларга бир таклиф билан мурожаат қилмоқчиман. Яъни, парламент ва жамоатчилик назоратининг таъсирchan механизmlарини шакллантириш мақсадида шаҳар ва туманларда ҳақиқий ахволни ўрганиб, тегишли раҳбарларнинг хисботини халқ депутатлари Кенгашлари сессияси муҳокамасига киритиш тартибини жорий этишни ҳётнинг ўзи тақозо қилмоқда.

Ҳар қайси вилоятдан, масалан, Сурхондарёдан сайланган Олий Мажлис депутатлари ва сенаторлар ҳар ойда 10-12 кун давомида бир туманда, айтайлик, Музработ туманида бўлиб, ўзлари сайланган худуддаги ижроия ҳокимият органи, прокуратура ва ички ишлар бўлимининг фаолиятини ўрганиб,

таҳлил қилиши ва тегишли хулоса бериши мақсадга мувофик бўлур эди.

Маълумки, ҳозирги кунда Олий Мажлисимииз Сенати томонидан ҳар йили Бош прокуратуранинг ҳисоботи эшитилади. Бу албатта мухим, лекин жойлардаги, масалан, узоқ Олот туманида маҳаллий ҳокимликлар, прокуратура ва ички ишлар бўлимларининг ҳисботини ким эшитади?

Шу нуқтаи назардан қараганда, Биринчи Президентимиз жорий этган тизим асосида ҳурматли Конунчилик палатаси Спикери ва Сенат Раиси жойларга чиққанларида маҳаллий ҳокимликлар, прокуратура ва ички ишлар органлари раҳбарларидан улар ўз зиммасидаги вазифаларни қайдаражада ижро этаётганига, ахолини ўйлантираётган муаммоларни, уларнинг мурожаатларини қандай ҳал қилаётганига алоҳида эътибор қаратишлари лозим.

Бу борадаги ишларни ташкил этишда парламент сўрови, тегишли давлат идоралари раҳбарлари ахборотларини эшитиш каби ваколатлардан кенг фойдаланиш керак.

Ўтказилган барча ўрганишлар натижаларини умумлаштириб, ҳар йили бир марта ички ишлар вазирининг энг аввало профилактика соҳасидаги фаолияти юзасидан ҳисботини Сенатда эшитиш амалиётини жорий этиш ҳам тўғри бўлади, деб ўйлайман.

Шу мақсадда Олий Мажлис 2017 йилдан бошлаб ҳар қайси вилоят бўйича бир йилга мўлжалланган иш режасини белгилаб олиши ўринли бўларди.

Келгусида биз маҳаллий ҳокимларни бевосита халқ томонидан сайлаш масаласи ҳақида ҳам ўйлаб, муҳокама қилиб кўришимиз керак. Ҳар бир ҳудуд ўз раҳбарини ўзи сайласа, раҳбарларнинг халқ ва жамият олдидаги масъулиятини кескин оширишга эришиш мумкин.

**Ҳозиргина баён қилинган устувор вазифалар давлат бошқаруви тизимини бугунги ва эртанги кун талабларидан келиб чиқиб, янада такомиллаштиришни тақозо этади.**

Бу борада 2017 – 2021 йилларга мўлжалланган Ўзбекистон Республикасида маъмурий бошқарув соҳасидаги ислоҳотлар концепциясини қабул қилиш кўзда тутилмоқда.

Ушбу концепцияга мувофиқ, давлат бошқаруви органлари тузилмасини, вазифа ва ваколатларини оптималлаштириш, уларнинг ўзига хос бўлмаган, тақрорланадиган функцияларини ҳамда ходимлар умумий сонини қисқартириш, шунингдек, давлатнинг иқтисодиётни бошқаришдаги ролини кескин камайтириш бўйича аниқ тадбирлар амалга оширилади.

Президент девони ва Вазирлар Маҳкамаси ижро аппарати фаолиятини такомиллаштиришга, қабул қилинаётган қонун, фармон ва қарорлар самарали амалга оширилишини таъминлашга алоҳида эътибор қаратамиз.

Шу билан бирга, давлат хизмати институтини ислоҳ этиш, давлат хизматчиларининг моддий ва ижтимоий таъминоти, уларнинг касбий тайёргарлигини тубдан такомиллаштириш, бу соҳага

янгича фикрлайдиган, масъулиятли, ташаббускор, ватанпарвар кадрларни жалб этиш бўйича самарали тизим яратилади.

Ана шу масалаларнинг барчаси яқинда ишлаб чиқиладиган «Давлат хизмати тўғрисида»ги қонунда ўз ифодасини топади.

**Хурматли дўстлар!**

Инсон манфаатларини таъминлашда иқтисодиётизмнинг юксак суръатлар билан барқарор ривожланиши қандай катта аҳамиятга эга эканини барчамиз яхши тушунамиз.

Самарали меҳнат учун зарур шароитлар, муносиб иш ҳақи, замонавий уй-жойлар, сифатли таълим ва тиббий ёрдам, дам олиш ва ҳордик чиқариш учун кенг имкониятлар яратиш – буларнинг барчаси иқтисодий соҳадаги ислоҳотларимиз моҳияти ва мазмунини белгилаб берадиган муҳим омиллардир.

Шу борада нафақат энг кам ойлик иш ҳақини, балки бюджет ташкилотларида ҳам, хўжалик юритувчи субъектларда ҳам ўртача иш ҳақи микдорини, пенсия, стипендия ва ижтимоий нафақалар ҳажмини босқичма-босқич кўпайтириш эътиборимиз марказида бўлади.

Аҳолини иш билан таъминлаш биз учун нафақат иқтисодий, айни пайтда катта ижтимоий аҳамиятга эгадир. Ҳокимликлар, вазирлик ва идоралар, иш берувчи ташкилотлар билан бир қаторда банк муассасалари ҳам бу ишга янада фаол жалб этилиши керак.

Аҳоли бандлигини ҳал этишда туризмни ривожлантириш бўйича катта имкониятларни ҳам ишга солишимиз лозим.

Шу мақсадда яқинда ташкил этилган Туризмни ривожлантириш давлат қўмитаси ўз маблағларини ва хорижий сармояларни ҳалқаро стандартларга мос келадиган инфратузилмаларни ривожлантиришга йўналтириши зарур.

Мамлакатимизда инвестиция сиёсатини кучайтириш масаласига биз алоҳида устувор аҳамият қаратамиз.

Хорижий сармояларни ва илғор технологияларни иқтисодиётга жалб этиш учун чет эллардаги дипломатик ваколатхоналаримиз жиддий иш олиб бориши лозим.

Бунинг учун Ташқи ишлар вазирлиги фаолиятини кучайтириш, чет мамлакатлардаги элчиларимиз нафақат сиёсий, айни вақтда юртимизга инвестицияларни жалб қилиш масалалари билан ҳам фаол шуғулланишлари даркор. Уларнинг бу борадаги фаолиятини назорат қилиш учун Олий Мажлис Сенатининг Ташқи сиёsat масалалари қўмитасининг фаолият соҳаси ва ваколатларини кенгайтириш зарур, деб ҳисоблайман.

Бу қўмита ҳалқаро иқтисодий ҳамкорлик, чет эл инвестицияларини фаол жалб этиш масалалари бўйича парламент назоратининг муҳим бўғинига айланиши лозим.

Қўмита мамлакатимизга инвестициялар жалб қилиш борасидаги ишларнинг самарадорлиги, бу соҳадаги муаммолар, тўсиқ ва ғовларни бартараф

этиш, инвестициявий мухитни яхшилаш бўйича тегишли идораларнинг масъулиятини ошириш чораларини кўриши мақсадга мувофик бўлади.

Инсон манфаатларини таъминлаш яна бир муҳим масала – аҳолимизнинг ярмидан кўпи яшайдиган қишлоқ жойларда ҳаёт даражаси ва сифатини ошириш билан бевосита боғлиқдир. Шу сабабли биз бундан буён ҳам қишлоқ хўжалиги соҳасидаги ислоҳотларни чукурлаштиришга, ер ва сув ресурсларидан самарали фойдаланишга, илғор технологияларни жорий этишга асосий эътиборни қаратамиз. Шу билан бирга, хомашёни, энг аввало пахта хомашёсини чуқур қайта ишлаш бўйича аниқ режалар белгиланмоқда.

Яна бир устувор вазифа – янги 2017 йилдан бошлаб қишлоқ жойларда янгиланган намунавий лойиҳалар бўйича арzon ва қулай уй-жойлар қуриш дастурини амалга оширишга киришамиз.

**Азиз дўстлар!**

Барчамизга аёнки, юртимиздаги ҳар қайси инсон, ҳар қайси оиласининг энг эзгу орзу-мақсадлари, ҳаётий манфаатлари авваламбор унинг фарзандлари тимсолида намоён бўлади, рӯёбга чиқади. Албатта, бу борада юртимизда улкан ишлар қилинмоқда ва улар амалда ўзининг ижобий натижасини бермоқда.

Бу ҳақда гапирганда, барчамизга чексиз ғуур ва ифтихор бағишлайдиган бир мисолни айтиб ўтмоқчиман. Жорий йилда Бразилияда ўтказилган Олимпия ва Паралимпия ўйинларида спортчи-

ларимиз 44 та медаль, жумладан, 12 та олтин медални қўлга киритгани мамлакатимиз ҳаётида тарихий воқеа бўлди.

Фурсатдан фойдаланиб, халқаро майдонларда юртимиз байроғини баланд кўтариб келаётган спортчи ёшларимизга, уларнинг ота-оналари ва устоз-мураббийларига чукур миннатдорлик билдираман.

«Халқ билан мулоқот ва инсон манфаатлари йили» дастуридан ёшларимизни соғлом ва баркамол этиб тарбиялаш масаласи алоҳида ўрин эгаллаши табиийдир.

Бу борада фарзандларимиз учун зарур шароитлар яратиш, янги-янги таълим-тарбия, маданият, санъят ва спорт масканларини барпо этиш, ёш оилалар учун уй-жойлар куриш, ёшларни иш билан таъминлаш, уларни тадбиркорлик соҳасига кенг жалб этиш бўйича бошлаган ишларимизни янги, юксак босқичга кўтарамиз.

Биз таълим ва тарбия тизимининг барча бўғинлари фаолиятини бутунги замон талаблари асосида такомиллаштиришни ўзимизнинг биринчи даражали вазифамиз деб биламиз.

Ёш авлод тарбияси ҳақида гапирганда, Абдурауф Фитрат бобомизнинг мана бу фикрларига хар биримиз, айниқса, энди ҳаётга кириб келаётган ўғил-қизларимиз амал килишларини жуда-жуда истардим. Мана, улуғ аждодимиз нима деб ёзгандар: «Халқнинг аниқ мақсад сари ҳаракат қилиши, давлатманд бўлиши, баҳтли бўлиб иззатхурмат топиши, жаҳонгир бўлиши ёки заиф бўлиб

**хорликка тушиши, баҳтсизлик юкини тортиши, эътибордан қолиб, ўзгаларга тобе ва қул, асири бўлиши уларнинг ўз ота-оналаридан болаликда олган тарбияларига боғлиқ».**

Қаранг, қандай бебаҳо, олтинга тенг сўзлар!

Бугунги кунда ён-атрофимизда диний экстремизм, терроризм, гиёҳвандлик, одам савдоси, ноқонуний миграция, «оммавий маданият» деган турли балоқазоларнинг хавфи тобора кучайиб бораётганини ҳисобга оладиган бўлсак, бу сўзларнинг чукур маъноси ва аҳамияти янада яққол аён бўлади.

Ҳақиқатан ҳам, ҳозирги вактда ёшлар тарбияси биз учун ўз долзарблиги ва аҳамиятини ҳеч қачон йўқотмайдиган масала бўлиб қолмоқда.

Бугунги тез ўзгараётган дунё инсоният олдида, ёшлар олдида янги-янги, буюк имкониятлар очмоқда. Шу билан бирга, уларни илгари кўрилмаган турли ёвуз хавф-хатарларга ҳам дучор қилмоқда. Faразли кучлар содда, ғўр болаларни ўз отонасига, ўз юртига қарши қайраб, уларнинг ҳаётига, умрига зомин бўлмоқда.

Бундай кескин ва таҳликали шароитда биз, отоналар, устоз-мураббийлар, жамоатчилик, маҳалла-кўй бу масалада хушёрлик ва огоҳликни янада оширишимиз керак. Болаларимизни бирорларнинг кўлига бериб қўймасдан, уларни ўзимиз тарбиялашимиз лозим.

Бунинг учун ёшларимиз билан кўпроқ гаплашиш, уларнинг қалбига қулок солиш, дардини билиш, муаммоларини ечиш учун амалий кўмак

беришимиз керак. Бу борада уюшмаган ёшлар билан ишлашга алоҳида эътибор қаратишимиш зарур.

Бу вазифаларни амалга оширишда биз асрлар мобайнида шаклланган миллий анъаналаримизга, аждодларимизнинг бой меросига таянамиш. Фарзандларимиз, айниқса, қиз болаларнинг замонавий билим ва қасб-хунарларни, хорижий тилларни эгаллашлари, ҳар томонлама соғлом ва баркамол бўлиб, ҳаётдан муносиб ўрин топишлари учун барча куч ва имкониятларимизни сафарбар этамиш.

Бизнинг навқирон авлодимиз манфаатларини таъминлаш борасидаги фаолиятимиз яқинда қабул қилинган «**Ёшларга оид давлат сиёсати тўғрисида**»ги конун асосида катъий давом эттирилади.

«Камолот» ёшлар ижтимоий ҳаракати барча ёшларимиз интиладиган, уларнинг қобилият ва иқтидорини рӯёбга чиқарадиган ва манфаатларини ҳақиқий ҳимоя қиласидиган ташкилотга айланиши учун барча чораларни кўрамиз.

Азиз дўстлар!

Барчамишга яхши аёнки, инсон манфаатларини юрт тинчлиги, жамиятимиздаги ўзаро хурмат, меҳр-оқибат ва ҳамжиҳатлик мухитидан ажратган ҳолда тасаввур этолмаймиз. Буларнинг барчаси бизнинг бебаҳо бойлигимиз ва уни кўз қорачиғидек сақлаш ҳар биримизнинг мукаддас бурчимиздир.

Бу борада маҳалла идоралари, хотин-қизлар, нуронийлар, ёшлар ташкилотларининг ўрни ва

ролини янада кучайтириш эътиборимиз марказида бўлади.

Айни вақтда ҳозирги мураккаб замон тинчосойишта ҳаётимизни асраш ва мустаҳкамлаш, халқимизнинг кафолатланган хавфсизлигини таъминлаш масаласини янада долзарб қилиб қўймоқда. Шу мақсадда биз ҳозирги вақтда Ички ишлар вазирлиги тизимини тубдан ўзгартириш чоратадбирларини кўряпмиз.

Ўз пайтида ички ишлар органларининг энг қуи тизимида профилактика инспекторлари тузилмаси ташкил қилинган эди. Аммо бугун бу инспекторлар профилактика, яъни жиноятларнинг олдини олиш билан шуғулланмаяпти, аксинча, содир бўлган жиноятларни рўйхатга олиш, юкори идораларга ҳисобот ёзиш билан банд.

Шу сабабли бу масалага қарашимизни тубдан ўзгартириб, маҳалладаги участка нозирларига самарали фаолият кўрсатиши учун барча зарур иш ва турмуш шароитларини яратиб берамиз.

Шунингдек, ҳар бир туман ҳокими ва туман ички ишлар бўлимлари раҳбарларининг ёшлар билан ишлаш бўйича ўринбосари лавозими жорий этилади. Бу раҳбарларнинг асосий вазифаси маҳаллада участка инспекторлари билан ишлашни ташкил этишдан иборатдир.

**Хурматли мажлис иштирокчилари!**

Мамлакатимизда инсон манфаатлари билан боғлиқ масалаларни ҳал этишда бизнинг сайловолди

дастуримиздан жой олган, ҳозирги кунда ишлаб чиқилаётган мақсадли дастурлар муҳим ўрин тутади. Бу дастурлар одамларнинг турмуш дараҷаси ва сифатини янада оширишни таъминлашга қаратилган.

Шу мақсадда мамлакатимиз ҳукумати Олий Мажлис Қонунчилик палатаси ва Сенати билан биргаликда ва жамоат ташкилотлари, нодавлат ташкилотлар иштирокида 2017 – 2021 йилларда Ўзбекистонни янада ривожлантириш бўйича **Ҳаракатлар стратегиясини** ишлаб чиқмоқда.

Ушбу стратегияда давлат қурилиши, судхуқук тизимини такомиллаштириш, иқтисодиётни эркинлаштириш ва ижтимоий соҳани ривожлантириш, миллатлараро дўстлик ва ҳамжиҳатликни мустаҳкамлаш бўйича энг долзарб вазифалар аник белгилаб берилади.

### Азиз дўстлар!

Биз ташқи сиёsat соҳасидаги фаолиятимизни аввало ҳаљимиз, Ватанимиз манфаатларини ҳар томонлама ҳисобга олган ҳолда амалга оширамиз.

Бу сиёsatнинг асосини тинчликпарварлик, бошқа давлатларнинг ички ишларига аралашмаслик, юзага келадиган зиддият ва қарама-қаршиликларни фақат тинч, сиёсий йўл билан ҳал этиш ташкил этади.

Биз бундан буён ҳам узок-яқиндаги барча хорижий мамлакатлар, жаҳон ҳамжамияти билан самарали ҳамкорлигимизни давом эттирамиз. Бу борада очик, дўстона ва прагматик сиёsat олиб бориш тамойилига содик қоламиз.

Бирлашган Миллатлар Ташкилоти, Шанхай ҳамкорлик ташкилоти, Мустақил Давлатлар Ҳамдўстлиги, Ислом ҳамкорлик ташкилоти ва бошқа халқаро тузилмалар билан фаол муносабатлар ва ҳамкорлик олиб бориш Ўзбекистоннинг миллий манфаатларига хизмат қиласиди.

Биз Жаҳон банки, Осиё тараққиёт банки, Ислом тараққиёт банки, Халқаро валюта жамғармаси, бошқа халқаро молия ва иқтисодий ташкилотлар билан амалий ҳамкорликни янада ривожлантирамиз.

Азиз ва муҳтарам юртдошлилар!

Биз янги – 2017 йилга эзгу ва олижаноб мақсадлар билан қадам қўймоқдамиз.

Буни ҳозиргина эълон қилинган «Халқ билан мулоқот ва инсон манфаатлари йили» бўйича барчамиз, бутун халқимиз қалбидаги орзу-интилишлар ифодаси бўлган режа ва мақсадларимиз яққол тасдиқлаб турибди.

Ишончим комил, ана шу олижаноб вазифаларни ҳал этишда давлат ва нодавлат ташкилотлар, маҳалла, хотин-қизлар, ёшлар вакиллари, кенг жамоатчилик, бутун халқимиз фаол иштирок этади.

Кириб келаётган Янги йил сиёсатимизнинг бош мақсадини, яъни, **«Инсон манфаати ҳар нарсадан улуғ»** деган эзгу ғояни изчил давом эттириш, ҳайтимизни янада обод ва фаровон этиш йўлида яна бир улкан қадам бўлади.

Барчангизни Конституциямиз байрами билан самимий табриклаб, сизларга сиҳат-саломатлик, баҳт ва омад, хонадонларингизга файзу барака тилайман.

*Ўзбекистон Республикаси Конституцияси  
қабул қилинганинг 24 йиллигига бағишиланган  
тантанали маросимдаги маъруза.  
2016 йил 7 декабрь*

## **ЭРКИН ВА ОБОД, ДЕМОКРАТИК ЖАМИЯТНИ БАРЧАМИЗ БИРГАЛИКДА БАРПО ЭТАМИЗ**

Ассалому алайкум, қадрли ватандошлар!

Муҳтарам Сенат Раиси ва сенаторлар!

Хурматли Спикер ва депутатлар!

Хонимлар ва жаноблар!

Аввало, сиз, азизларга, сизларнинг тимсолингизда бутун халқимизга мурожаат қилиб, менга юксак ишонч билдириб, Ўзбекистон Республикаси Президенти лавозимиға сайлаган барча ватандошларимга чин қалбимдан яна бир бор миннатдорлик изхор этишга ижозат бергайсиз.

Бугун, мана шу юксак минбардан туриб, юртимизда яшаётган барча миллат ва элат вакилларига, муҳтарам отахон ва онахонларимизга, мунис аёлларимиз, навқирон ёшларимизга самимий ташаккур билдираман. Юксак инсоний фазилатлар соҳиби бўлган, меҳнаткаш ва бағрикенг халқимиз олдидা бош эгиб таъзим қилишни ўзим учун ҳам қарз, ҳам фарз деб биламан.

Сиз, азизларнинг, эл-юртимизнинг менга билдиран мана шундай юксак ишончини ўзим учун катта шараф ва улкан масъулият деб ҳисоблайман.

Ҳеч нарса билан қиёслаб, ўлчаб бўлмайдиган бундай олий ишончни оқлаш учун бор куч-

ғайратим, билим ва тажрибамни, бутун борлиғимни бағишлишга ваъда бераман.

Менинг номзодимни Ўзбекистон Республикаси Президенти лавозимига кўрсатган ва бутун сайлов кампанияси давомида қўллаб-кувватлаган Ўзбекистон Либерал-демократик партиясининг барча аъзоларига алоҳида миннатдорлик билдираман.

Шу билан бирга, муқобиллик асосида ўтган ушбу сайловда иштирок этган Ўзбекистон Халқ демократик партияси Марказий кенгаши раиси Ҳатамжон Кетмоновга, «Миллий тикланиш» демократик партияси Марказий кенгаши раиси Сарвар Отамуротов ва «Адолат» социал-демократик партияси Сиёсий кенгаши раиси Наримон Умаровга яна бир бор ўз ташаккуримни изҳор этаман.

Фурсатдан фойдаланиб, менга ўз табрик ва кутловларини йўллаган барча хорижий давлатлар, халқаро ташкилотлар етакчиларига, сиёsat ва жамоат арбобларига, шунингдек, сайлов жараёнида ва ҳар доим бизга хайриҳоҳ бўлиб келган, бугунги йиғилишимизда иштирок этаётган хорижий давлатларнинг юртимиздаги дипломатик ваколатхоналари раҳбарларига ўзимнинг чукур миннатдорлигимни, юксак ҳурмат-эҳтиромимни билдираман.

### Қадрли юртдошлар!

Барчамизга маълумки, ҳар бир суверен давлат ўзининг бетакрор тарихи ва маданиятига эгадир. Бу тарих, бу маданиятнинг ҳақиқий ижодкори, яратувчиси эса ҳақли равишда шу мамлакат халқи хисобланади.

Ўзбекистонимизнинг кўп асрлик тарихи ва кеъйнги 25 йиллик ривожланиш даври, ўз давлат мустақиллиги ва суверенитетини мустаҳкамлашга қаратилган тараққиёти бу ҳақиқатни яна бир бор яққол тасдиқлаб берди. Ана шу бунёдкорлик жараёнининг қудратли ва ҳал қилувчи кучи, ҳеч шубҳасиз, кўп миллатли халқимиздир.

Ўзбек халқининг неча минг йиллик тарихида қандай мураккаб даврлар, оғир синовлар бўлганини барчамиз яхши биламиз.

Ўзбекистоннинг энг янги тарихи ва биз эришган оламшумул ютуқлар мард ва матонатли халқимиз ҳар қандай қийинчилик, тўсиқ ва синовларни ўз кучи ва иродаси билан енгиб ўтишга қодир, деб баралла айтишга тўла асос беради.

Биз аждодларимизнинг ёрқин хотирасини асрлаб-авайлаб, қалбимизда, юрагимизда абадий саклаймиз. Букилмас ирода, фидойилик ва жасорат намунасини амалда намоён этиб, ўз ҳаётини азиз Ватанимизнинг ҳар томонлама равнақ топишига бағишлигар устоз ва мураббийларимиз, замондошларимиз билан биз чексиз фахрланамиз.

Мен бугун Олий Мажлис палаталари, сиёсий партиялар ва ҳаракатлар, жамоат ташкилотлари, бутун халқимизнинг саъй-ҳаракатларини Ўзбекистон Республикасининг Биринчи Президенти, барчамиз учун азиз ва қадрли бўлган Ислом Абдуғаниевич Каримов бизга васият қилиб қолдирган ягона мақсад йўлида бирлаштиришга даъват этаман.

Бу олижаноб мақсад – изчил ва барқарор ривожланаётган, эркин ва фаровон, демократик Ўзбекистон давлатини барпо этишдан иборатdir.

Бугунги кунда Ўзбекистон жаҳон ҳамжамиятида ўзининг муносиб ўрни ва мавқеига эга. Биз дунёдаги барча давлатлар билан яқиндан ҳамкорлик килиш ва амалий мулокот учун очиқмиз. Бўлиб ўтган демократик сайлов жараёни бунинг яна бир ишончли ва яққол тасдиғи бўлди.

Сайловни кузатиш учун дунёдаги 5 та нуфузли халқаро ташкилот ҳамда 46 та давлатдан 600 нафарга яқин кузатувчи қатнашгани сизларга яхши маълум. Айникса, Европада хавфсизлик ва ҳамкорлик ташкилотининг Демократик институтлар ва инсон хуқуклари бўйича бюросининг тўлақонли миссияси биринчи марта юртимизга ташриф буюрди. Яъни, ушбу халқаро тузилманинг 32 та мамлакатдан келган 200 нафарга яқин вакили – бу албатта кичкина гап эмас – айнан демократик тамойиллар талаблари асосида сайлов жараёнини синчиклаб кузатиб борди.

Сайловда халқимиз ўзининг хоҳиш-иродасини, юксак сиёсий онги ва фаол фуқаролик позициясини ёрқин намоён этди. Бу, ўз навбатида, эл-юртимизнинг ўз тақдири ва келажагига қандай катта ишонч ва масъулият билан қараётганини яққол ифода этади.

Сайлов натижаларини биз аввало ватандoshларимизнинг Ўзбекистонда амалга оширилаётган демократик ислоҳотларга, яқин ва олис истиқбол

учун белгилаб олинган стратегик тараққиёт дастуримизга берган холис ва ҳаққоний баҳоси, деб қабул қиласиз.

Сайлов сиёсий партиялар ўртасида соғлом рако-бат ва кураш, миллий қонунчилигимиз талабларига, сайлов бўйича умумэътироф этилган халқаро стандартларга тўла мос ҳолда, эркинлик ва очиқлик руҳида ўтганини барча чет эллик кузатувчилар очиқ ва баралла таъкидладилар.

Куни кеча Марказий сайлов комиссияси ҳам ўзининг сайлов натижалари бўйича якуний хulosаларида шу ҳақиқатни яна бир бор қайд этди. Ҳеч шубҳасиз, бундай юксак эътироф, бундай юксак баҳо барчамизни қувонтиради.

### Мухтарам дўстлар!

Бугун мен Ўзбекистон Республикаси Президенти вазифасини бажаришга киришар эканман, буюк давлат ва сиёsat арбоби, азиз устозимиз Ислом Каримовнинг ишларини давом эттирган ҳолда, 32 миллионлик катта халқ, катта мамлакатни бошқариш қанчалик масъулиятли ва мураккаб эканини, давлат раҳбари сифатида зиммамдаги жуда улкан жавобгарликни хар томонлама чукур хис қилиб, англаб турибман.

Биринчи Президентимиз ўзининг серқирра сиёсий фаолияти, олижаноб инсоний фазилатлари билан Ватанимизнинг кўп асрлик тарихида ўчмас ва ёрқин из қолдирди.

Буюк Юртбошимиз нафакат Ўзбекистонда, балки бутун жаҳон миқёсида катта хурмат ва обрў-эъти-

борга сазовор бўлган улкан шахс ва арбоб сифатида танилган эди. Шунинг учун ҳам устозимизнинг хотирасини абадийлаштириш бўйича минглаб юртдошлиаримиздан кўплаб таклиф ва тавсиялар келиб тушмоқда. Уларнинг барчаси айни пайтда атрофлича ўрганилмоқда ва бу борада алоҳида қарор қабул қилинади.

**Хурматли мажлис иштирокчилари!**

Бугун дунёдаги шиддатли глобаллашув шароитида, халқаро майдонда турли манфаатлар тўқнашуви кучайиб бораётган, жаҳон иқтисодий-молиявий инқирози давом этаётган кескин бир вазиятда Ўзбекистонга раҳбарлик қилишдек улкан масъулиятни зиммамга олаётган эканман, мен аввало кўпни кўрган, донишманд халқимизга, сиз, азизларнинг ёрдам ва кўмагингизга таянаман ва ишонаман.

Барчангиз хабардорсиз, сайлов арафасида мен сайловчилар ҳамда аҳолининг турли қатламлари вакиллари билан кўплаб учрашув ва сухбатлар ўтказдим.

Ана шундай очик мулоқотларда билдирилган амалий таклифлар, қонуний талаблар, уларни амалга ошириш учун кўрилган аниқ чора-тадбирлар, очигини айтаман, мен учун яна бир катта ҳаётий мактаб бўлди.

Ана шу учрашув ва сухбатларнинг якуний хулосалари мамлакат Президенти лавозимидағи ўта муҳим ва масъулиятли фаолиятимда мен учун дастурий қўлланма бўлиб хизмат қиласди.

Бугун замоннинг ўзи барчамизнинг олдимизга, биринчи навбатда, Ўзбекистон Президенти сифатида менинг олдимга янги ва ғоят масъулиятли вазифаларни қўймоқда. Ана шу асосий вазифалар ҳақида бугун ушбу йиғилишимизда қисқача ахборот беришини ўринли, деб ҳисоблайман.

**Биринчидан**, биз муҳтарам Биринчи Президентимиз Ислом Абдуғаниевич Каримов бошлаб берган кенг кўламли сиёсий, иқтисодий ва ижтимоий ислоҳотлар йўлини оғишимасдан, қатъий ва изчил давом эттирамиз.

Бу йўл – эркин, демократик, инсонпарвар давлат куриш, фуқаролик жамиятини шакллантириш, Ватанимиз иқтисодий қудратини юксалтириш ва янада равнак топтиришнинг мустаҳкам заминидир.

Мен мамлакат Президенти сифатида Ўзбекистон Республикаси Конституцияси талабларини қатъий ва сўзсиз бажариш, қонун устуворлигини таъминлаш, фуқароларнинг ҳуқук ва эркинликларини таъминлайдиган ички ва ташқи сиёsatни амалга оширишни ўзимнинг энг асосий бурчим ва вазифам, деб ҳисоблайман.

Ана шу фундаментал тамойилларни рўёбга чиқаришга доир амалий саъй-ҳаракатлар тўғрисида мен Конституциямизнинг 24 йиллигига бағишлиланган тантанали йиғилишдаги маъruzамда ўз фикрларимни баён қилганимдан албатта барчангиз хабардорсиз, деб ўйлайман.

Шу муносабат билан Қонунчилик палатаси Спикери ва депутатлар, Сенат Раиси ва сенаторлар-

дан Президентнинг давлат маслаҳатчилари хизматлари ҳамда ҳукумат билан биргаликда мамлакатимизда келажакда амалга ошириладиган ислоҳот ва ўзгаришларнинг ҳуқукий асосларини янада такомиллаштириш ва мустаҳкамлаш бўйича аниқ чора-тадбирлар комплексини ишлаб чиқишни сўрайман.

**Иккинчидан**, мамлакатимизда ҳукм сураётган миллатлар ва фуқаролар тотувлиги, ўзаро ҳурмат ва меҳр-оқибат муҳитини кўз қорачигидек саклаш ҳамда мустаҳкамлашни ўзимнинг устувор вазифам, деб ҳисоблайман.

Маълумки, юртимизда виждон ва эътиқод эркинлиги, турли миллат вакилларининг ҳуқуқлари кенг кафолатланиб, диний бағрикенглик муҳити мустаҳкамланмоқда.

Ҳозирги вақтда диёrimизда 130 дан зиёд миллат ва элат вакиллари ўзаро ҳамжиҳат яшамоқда, 16 та конфессияга мансуб диний ташкилотлар эркин фаолият юритмоқда.

Жамиятимизда ҳукм сураётган ўзаро дўстлик ва ҳамжиҳатликни янада ривожлантириш, қайси миллат, дин ва эътиқодга мансублигидан қатъи назар, барча фуқаролар учун teng ҳуқуқларни таъминлаш эътиборимиз марказида бўлади. Уларнинг ўртасига нифок соладиган экстремистик ва радикал ғояларни тарқатишга Ўзбекистонда мутлақо йўл кўйилмайди.

Бугунги кунда дунёning айрим минтақаларида тобора кескинлашиб бораётган қонли можаро ва

зиддиятлар, терроризм ва экстремизм хавфи биздан доимий огоҳ ва ҳушёр бўлишни талаб этмоқда.

Шу борада Ўзбекистон чегараларининг хавфсизлиги ва дахлсизлигини таъминлаш, мамлакатимиз мудофаа қобилиятини мустаҳкамлаш, юртимиз остонасига ҳеч қандай бало-қазони яқин келтирмаслик каби ҳал қилувчи вазифалар ҳамиша диққатимиз марказида бўлади.

Бугун принципиал жиҳатдан ғоят муҳим бўлган бир фикрни яна таъкидлаб айтишни зарур деб биламан: Ўзбекистон ва унинг бағрикенг ҳалқи тинчликсевар сиёsat юритиш, миллий ва умуминсоний қадриятларга ҳурмат билан қараш тамойилларини амалга ошириш позициясида доимо мустаҳкам туриб келмоқда. Лекин, зарур бўлса, биз мамлакатимиз суверенитети ва мустақиллигига, ҳалқимизнинг тинч ва осуда ҳаётига таҳдид соладиган ҳар қандай уринишларга қарши кескин зарба беришга қодирмиз. Шунинг учун мен, ҳалқимизга мурожаат қилиб, шуни айтмоқчиманки, бу масалада ҳеч кимда ҳеч қандай иккиланиш ва шубҳа бўлмаслиги лозим. Бунинг учун бизнинг кучимиз ҳам, қудратимиз ҳам етарли.

Фурсатдан фойдаланиб, Куролли Кучлар, Миллий хавфсизлик хизмати, чегара ва ички қўшинларнинг аскар ва сержантлари, офицер ва генералларига, барча ҳарбий хизматчиларимизга ўзининг ҳарбий қасамёди ва муқаддас бурчига садоқати учун самимий миннатдорлик билдираман.

Ишончим комилки, сизлар бундан буён ҳам юксак профессионал маҳорат, мардлик ва жасорат намунасини кўрсатиб, юртимизда тинчлик ва барқарорликни сақлаш ва мустаҳкамлаш бўйича ўз ватанпарварлик бурчингизга содик бўлиб коласиз.

Ўзбекистон Республикаси Президенти ҳузуриданаги Хавфсизлик кенгашидан Мудофаа вазирлиги ва бошқа тузилмалар раҳбарияти билан биргаликда Куролли Кучларимизнинг 25 йиллигига тайёргарлик кўриш ва уни муносиб нишонлашга доир чоратадбирлар комплексини яқин кунларда тақдим этишни сўрайман.

Бу борада муносиб ҳарбий хизматчиларни нафакат яқинда таъсис этилган кўкрак нишонлари билан, балки юксак давлат мукофотлари билан тақдирлаш бўйича ҳам таклифлар киритиш мақсадга мувофиқдир.

**Учинчидан**, халқимиз азалдан юксак қадрлаб келадиган, ҳамма нарсадан устун қўядиган адолат туйғусини ҳаётимизда янада кенг қарор топтиришини биз биринчи даражали вазифамиз, деб ҳисоблаймиз.

Бу борада буюк соҳибқирон Амир Темур бобомизнинг: «**Адолат ҳар бир ишда ҳамрохимиз ва дастуримиз бўлсин!**» деган чукур маъноли сўзлари ҳар биримиз учун ҳаётий эътиқодга айланishi зарур.

Бу масала, энг аввало, давлат ҳокимияти ва бошқаруви органлари, бутун суд тизими, прокуратура, ички ишлар, назорат органлари раҳбарлари

ва ходимларининг, шунингдек, Олий Мажлиснинг Инсон ҳуқуқлари бўйича вакилининг бевосита вазифасидир.

Жамиятимизда коррупция, турли жиноятларни содир этиш ва бошқа ҳуқукбузарлик ҳолатларига қарши курашиш, уларга йўл қўймаслик, жиноятга жазо албатта муқаррар экани тўғрисидаги қонун талабларини амалда таъминлаш бўйича қатъий чоралар кўришимиз зарур.

Депутатлар ва сенаторлар, кенг жамоатчилик, бутун халқимиз ҳуқуқий демократик давлат куришнинг ана шу муҳим соҳасидаги давлатимизнинг саъй-ҳаракатларини албатта қўллаб-куватлайдилар, деб ўйлайман ва бунга ишонаман.

Мамлакатимизда демократик ислоҳотларни яна-да чуқурлаштириш ва фуқаролик жамиятини ривожлантириш концепциясини амалга оширишда биз, илгаригидек, фуқароларнинг ўзини ўзи бошқариш органлари – маҳаллалар, шунингдек, нодавлат нотижорат ташкилотлар, эркин ва холис оммавий ахборот воситалари фаол ўрин эгаллайди, деб ишонамиз.

**«Кучли давлатдан – кучли фуқаролик жамияти сари»** деган муҳим тамойилни амалга оширишда биз аввало ана шу ижтимоий институтларнинг куч ва имкониятларига таянамиз.

Шу муносабат билан халқ ҳокимиятининг энг муҳим пойdevori сифатида жамоатчилик назорати институтини кучайтириш бўйича мамлакатимиз Конституциясининг 32-моддасида, шунингдек,

«Давлат ҳокимияти ва бошқаруви органлари фаолиятининг очиклиги тўғрисида», «Ижтимоий шериклик тўғрисида»ги қонунлар ва бошқа хужжатларда муҳрлаб кўйилган талабларнинг ижросини таъминлашга алоҳида эътибор қарата-миз.

Бу муҳим ишда биз барча фуқароларимиз, энг аввало, ёши улуғ, улкан ҳаётий тажрибага эга нуроний оқсоқолларимиз, катта авлод вакилларининг маслаҳатлари ва фаол кўмагига умид қиласиз ва таянамиз.

Айнан шу авлоднинг фидокорона меҳнати туфайли ўз пайтида мамлакатимиздаги йирик индустрия комплекслари барпо этилди ва модернизация қилинди. Уларнинг ақл-заковати ва саъй-ҳаракатлари билан саноатнинг янги, юқори технологияларга асосланган тармоқлари ташкил этилди, ноёб инфратузилма обьектлари курилди, фермерлик ҳаракати шакллантирилди, шаҳар ва қишлоқларимизнинг қиёфаси тубдан ўзгарди.

Айнан ана шундай табаррук инсонларнинг Ватанимизга бўлган буюк меҳр-мухаббати ва жонкуярлиги туфайли мустақил Ўзбекистон давлатининг мустаҳкам замини яратилди.

Бугунги имкониятдан фойдаланиб, юртимиз равнақи йўлидаги фидокорона хизматлари учун муҳтарам нуронийларимизга, қадрли меҳнат фахрийларига ўзимнинг юксак ҳурмат-эҳтиромим ва самимий тилакларимни билдиришга, уларнинг барчасига узок умр, мустаҳкам

соғлик, бахту саодат ва фаровонлик тилашга рухсат бергайсизлар.

Шу борада бир фикрга алоҳида ургу бериб таъкидламоқчиман: ёши улуғ инсонлар, катта авлод вакиллариға эътибор ва амалий ғамхўрликни кучайтириш, уларнинг пенсияларини ошириш, тиббий хизмат ва ижтимоий-маиший таъминотини яхшилаш бундан бўён ҳам Президент учун, хукуматимиз ва барча ҳокимликлар учун энг муҳим устувор вазифалардан бири бўлиб қолади.

Шу мақсадда пенсионерлар, ёлғиз қария ва ногиронларга давлат кўмагини кучайтириш бўйича айни пайтда кенг қамровли чора-тадбирлар комплекси ишлаб чиқилди ва улар сўзсиз амалга оширилади.

«Нуроний» ва «Маҳалла» жамғармаларининг ходимлар штатларини кўпайтириш ва моддий-техник базасини мустаҳкамлаш, жамиятимиз ҳётида уларнинг ўрни ва мавқенини янада ошириш бўйича кўшимча зарур чоралар кўрилади.

Яратганинг бебаҳо мўъжизаси бўлган азиз аёлларимиз, қадрли оналаримиз, меҳрибон рафиқаларимиз, муnis опа-сингилларимиз, севимли қизларимиз ва набираларимиз ҳаётда бизга барча тўсиқларни енгиб ўтиш, олдимизга қўйган мақсадларимизга эришиш йўлида доимо ғамхўрлик қилиб, ҳамиша чексиз ишонч, куч ва мадад берадилар.

Сизларнинг оналик меҳрингиз ва саховатингиз, аёллик тароватингиз ва меҳр-оқибатингиз учун биз сизлардан умрбод қарздормиз.

Шу сабабли оналар ва болалар соғлигини муҳофаза қилиш, аёлларнинг турмуш шароитларини ҳисобга олган ҳолда, иш билан таъминлаш, опасингилларимизнинг оғирини енгил қилиш учун ҳар томонлама имконият яратиш, хотин-қизларнинг ижтимоий-сиёсий ҳайтилиздаги ўрни ва нуфузини ошириш бўйича давлат сиёсатини фаол давом эттиришни биз ўзимизнинг энг муҳим вазифамиз, деб биламиз.

Барчамизга аёнки, Ўзбекистон бой қазилма ва табиий ресурсларга, қудратли иқтисодий ва инсоний салоҳиятга эга. Бироқ бизнинг энг катта бойлигимиз – бу халқимизнинг улкан интеллектуал ва маънавий салоҳиятидир.

Бу салоҳиятни яратиш ва янада кўпайтиришда ҳурматли зиёлиларимиз – илм-фан ва техника намояндадари, биринчи навбатда қадрли ҳамда ҳурматли академикларимиз, маданият, адабиёт ва санъат, спорт соҳаларининг вакиллари бутун вужудини бериб, фидокорона меҳнат қилаётганларини биз яхши биламиз ва юксак қадрлаймиз.

Ана шу заҳматкаш инсонларнинг илмий ва ижодий изланишларини ҳар томонлама кўллаб-куватлаш, улар учун зарур шарт-шароитлар яратишни биз ўзимизнинг бирламчи вазифамиз сифатида кўришимиз даркор.

Шу мақсадда хукуматимиз томонидан аник чора-тадбирлар ишлаб чиқилади ва амалга оширилади.

Бугунги кунда «Фарзандларимиз биздан кўра кучли, билимли, доно ва албатта баҳтли бўлиш-

**лари шарт!»** деган ҳаётий даъват ҳар биримизнинг, ота-оналар ва кенг жамоатчиликнинг онги ва қалбидан мустаҳкам ўрин эгаллаган.

Ҳозирги вактда мамлакатимиз аҳолисининг 32 фоизини ёки 10 миллионини 30 ёшгача бўлган ёшларимиз ташкил этади.

Ёшларимиз ҳақли равишда Ватанимизнинг келажаги учун жавобгарликни зиммасига олишга кодир бўлган, бугунги ва эртанги кунимизнинг ҳал этувчи кучига айланиб бораётгани барчамизга гурур ва ифтихор бағишлайди.

Бу соҳада олиб бораётган кенг миқёсли ишларимизни, хусусан, таълим-тарбия бўйича қабул қилинган умуммиллий дастурларимизни мантикий якунига етказишимиз зарур.

Шу мақсадда хукуматнинг, тегишли вазирлик ва идоралар ҳамда бутун таълим тизимининг, хурматли домлаларимиз ва профессор-ўқитувчиларнинг энг муҳим вазифаси – ёш авлодга пухта таълим бериш, уларни жисмоний ва маънавий етук инсонлар этиб тарбиялашдан иборатдир.

Фарзандларимиз учун замонавий иш жойлари яратиш, уларнинг ҳаётда муносиб ўрин эгаллашини таъминлашга қаратилган ишларимизни янги босқичга кўтаришни даврнинг ўзи тақозо этмоқда.

**Биз ёшларга доир давлат сиёсатини ҳеч оғишмасдан, қатъият билан давом эттирамиз. Нафақат давом эттирамиз, балки бу сиёсатни энг**

**устувор вазифамиз сифатида бугун замон талаб қилаётган юксак даражага кўтарамиз.**

Ёшларимизнинг мустақил фикрлайдиган, юксак интеллектуал ва маънавий салоҳиятга эга бўлиб, дунё миқёсида ўз тенгдошларига ҳеч қайси соҳада бўш келмайдиган инсонлар бўлиб камол топиши, баҳтли бўлиши учун давлатимиз ва жамиятимизнинг бор куч ва имкониятларини сафарбар этамиз.

Тўртингчидан, иқтисодиётимизнинг барқарор суръатлар билан ўсишини таъминлашдек муҳим тамойил ва устувор вазифани амалга ошириш, давлат раҳбари сифатида мен учун стратегик вазифа бўлиб колади.

Биз аввало иқтисодиётни ислоҳ қилиш ва эркинлаштириш борасидаги ишларимизни янада чуқурлаштириш, унинг соҳа ва тармоқларини таркибий жиҳатдан ўзгартириш бўйича бошланган ишларни жадаллаштиришимиз керак.

Тармоқлар ва худудларни модернизация қилиш, уларнинг рақобатдошлик даражасини ошириш, экспорт салоҳиятини ривожлантириш масалалари доимий эътиборимиз марказида бўлиши лозим. Бунинг учун хорижий сармоялар ва илфор технологияларни ҳамда ахборот-коммуникация тизимларини барча соҳаларга янада фаол жалб этишимиз зарур бўлади.

Айнан шу асосда 2030 йилгача мамлакатимиз ялпи ички маҳсулотини 2 баробардан зиёд кўпайтиришга эришишимиз даркор.

Қишлоқ хўжалигини ислоҳ қилиш ва озиқ-овқат хавфсизлигини таъминлаш масалалари, ҳеч шубҳасиз, биз учун энг муҳим вазифалардан бири бўлиб қолади. Энг аввало, агросаноат комплекси ва унинг локомотиви, яъни ҳаракатга келтирувчи кучи бўлган кўп тармоқли фермер хўжаликларини изчил ривожлантиришга катта эътибор қаратилади.

Иқтисодиётда давлат иштирокини стратегик асосланган даражада қискартириш, хусусий мулкни янада ривожлантириш ва уни ҳимоя қилишга доир комплекс масалаларни ҳал этиш – ҳукумат, давлат бошқаруви органлари ва барча даражадаги ҳокимликлар учун энг муҳим устувор вазифа сифатида белгиланади.

Бизнинг яна бир муҳим вазифамиз – кичик бизнес ва тадбиркорлик соҳасини кўллаб-куватлаш ва рағбатлантириш, мамлакатимиз иқтисодий қудратини, юртимида тинчлик ва барқарорлик, ижтимоий тотувликни мустаҳкамлашдан, бу соҳа улушини янада ошириш учун қулай шарт-шароитлар яратиб беришдан иборат. Нега деганда, тадбиркор нафақат ўзини ва оиласини, балки ҳалқни ҳам, давлатни ҳам боқади. Мен такрор бўлса ҳам, айтишдан ҳеч қачон чарчамайман, яъни, **халқ бой бўлса, давлат ҳам бой ва қудратли бўлади**.

Шунинг учун бундан кейин тадбиркорликни ривожлантиришга тўсқинлик қилиш – давлат сиёсатига, Президент сиёсатига тўсқинлик қилиш,

деб баҳоланади. Принципial жиҳатдан ғоят муҳим бўлган бу позициямизни яна бир бор алоҳида таъкидлаб ўтишни муҳим ва зарур деб ҳисоблайман.

Сайловчилар билан учрашувларда нафақат тадбиркорлар, балки аҳолимизнинг кенг қатлами ана шу талабни қатъий қўллаб-қувватлаганига шахсан ўзим чукур ишонч ҳосил қилдим.

**Бешинчидан**, биз амалга ошираётган иқтисодий ислоҳотлар ва ижтимоий ўзгаришларнинг самараси, биринчи навбатда, аҳолининг моддий аҳволи ва фаровонлигини, унинг ҳаёт даражаси ва сифатини оширишга қай даражада таъсир кўрсатаётгани билан ўлчанади.

Шу мақсадда иш ҳаки, пенсия, нафақа ва стипендиялар миқдорини босқичма-босқич ошириб бориш бўйича биз аниқ чора-тадбирларни режалаштирганимиз ва улар албатта амалга оширилади.

2017 йилдан бошлиб аҳолини, авваламбор, лицейлар, касб-хунар коллажлари ва олий ўқув юртлари битирувчиларини иш билан таъминлаш масаласи бўйича янги тизим жорий этилади.

Истемол товарлари ишлаб чиқаришни кенгайтириш ва аҳолининг уларга бўлган эҳтиёжини тўлик қондириш, жумладан, мақбул нархлар бўйича кенг турдаги озиқ-овкат маҳсулотлари билан халқимизни тўлик таъминлаш олдимиизда турган муҳим вазифалар қаторига киради.

Биз учун бебаҳо бўлган инсон саломатлигини асраш мақсадида соғлиқни сақлаш соҳасини, энг аввало, унинг бирламчи бўғинидаги бўлинмалари ва қишлоқ врачлик пунктлари фаолиятини тубдан такомиллаштириш, тез тиббий ёрдам ва юқори технологиялар асосида хизмат кўрсатадиган, ихтисослашган махсус марказларни янада ривожлантириш юзасидан чора-тадбирлар комплексини амалга ошириш хукуматнинг эътибор марказида бўлиши даркор.

Бу масалада куни кеча Соғлиқни сақлаш вазирлиги тизимидағи раҳбар кадрлар тўлиқ янгиланди ва айтиш мумкинки, уларнинг таркиби кучайтирилди.

Барчангизнинг хабарингиз бор, дори воситалари ва тиббий буюмларга нархларни шакллантириш тизимини такомиллаштириш бўйича кейинги пайтда аник чоралар кўрилмоқда ва биз бу ишларни қатъий давом эттирамиз.

Бу борадаги ислоҳотлар аҳолига тиббий хизмат кўрсатиш ва дори воситалари билан таъминлаш сифатини тубдан яхшилашга қаратилгани билан алоҳида аҳамиятга эга.

Хабарингиз бор, 2017 – 2021 йилларга мўлжалланган 15 та мақсадли дастурнинг айримлари қабул қилиниб, уларнинг ижросига киришилди ва яқин вақт ичida шу йўналишдаги бошқа дастурларнинг барчасини тасдиқлаш бўйича ишлар тўлиқ якунланади.

Мазкур дастурларнинг барчасини ягона мақсад бирлаштириб туради. Яъни, улар яқин 5 йилда

аҳоли пунктларини, айникса, қишлоқ жойлар, туман ва шаҳарларни комплекс ривожлантириш, замонавий муҳандислик-коммуникация, ижтимоий ва бозор инфратузилмасини шакллантиришга доир бир қатор долзарб масалаларни ҳал этишга қартилади.

**Олтинчидан**, аҳоли билан доимий мулокот қилиш, унинг қонуний талаблари, сўров ва таклифларини амалга ошириш учун аниқ чоралар кўришни мен ўзим учун энг муҳим ва устувор вазифа, деб хисоблайман.

Энди нафақат ҳукумат, балки мутасадди вазирлик ва идоралар, хўжалик бирлашмалари, шунингдек, ҳокимларнинг ҳам бу борадаги фаолияти якунлари бўйича ҳисобот бериш тизими жорий этилади ва шунга караб уларнинг ишига баҳо берилади. Шу сабабдан ҳар бир раҳбар ва мансабдор шахсдан айни шу асосда тизимли ва самарали иш олиб боришни талаб этаман.

Сизларга яхши маълумки, биз 2017 йилни юртимизда «Халқ билан мулокот ва инсон манфаатлари йили» деб эълон қилдик. Лекин, ҳаммамиз тушунамизки, ҳалқ билан мулокот, одамларнинг ичига кириш, уларнинг дарду ташвишлари билан яшаш, инсон манфаатларини таъминлаш – бу биз учун факат бир йиллик иш эмас.

Бу масала келгуси беш йиллик фаолиятимизда ҳам энг устувор вазифа бўлиб қолади ва бу ҳақиқатни ҳаммамиз чукур тушуниб, яхши англаб олишимиз шарт. Чунки, биз юртимизда янги

давлат, янги жамият қуриш йўлида қандай иш қилсак, уларнинг барчасини халқимиз билан бамаслаҳат қиласиз.

**Ҳаммамизни тарбиялаган, вояга етказган – шу халқ. Барчамизга туз-насиба берган ҳам – шу халқ. Бизга ишонч билдирган, раҳбар қилиб сайлаган ҳам айнан шу халқ.**

Шундай экан, биз биринчи навбатда ким билан мулоқот қилишимиз керак – одамларимиз билан.

**Ким билан бамаслаҳат иш тутишимиз керак – аввало халқимиз билан. Шунда халқимиз биздан рози бўлади.**

**Халқ рози бўлса, ишимизда унум ва барака бўлади.**

**Халқ биздан рози бўлса, Яратган ҳам биздан рози бўлади.**

Шу маънода, буюк Алишер Навоий бобомизнинг «Одамий эрсанг, демагил одами, Ониким, йўқ халқ ғамидин ғами» деган сатрларида қанчалик чукур ҳаётий ҳикмат, фалсафа бор. Яъни, бу дунёда инсонларнинг дарду ташвишларини ўйлаб яшаш – одамийликнинг энг олий мезонидир, халқнинг ғамидан узоқ бўлган инсонни одам қаторига кўшиб бўлмайди, деб таъкидламоқда улуғ бобомиз.

Бу ўлмас сатрлар бизнинг бугунги ҳаётимиз билан, бизнинг орзу-интилиш ва амалий ҳаракатларимиз билан нақадар ҳамоҳанг экани одамни ҳайратга солади.

Биз барча давлат идоралари фаолиятида аҳолининг мурожаатлари билан ишлаш бўйича сифат жиҳатидан мутлақо янги тизимга ўтишимиз даркор. Хусусан, 2017 йилдан бошлаб барча даражадаги ҳокимлар, прокуратура ва ички ишлар органлари раҳбарларининг аҳоли олдида ҳисобот бериш тизими жорий этилади.

Шу билан бирга, илгари ҳам айтганимиз каби, ҳар бир туман ва шаҳарда «Халқ қабулхоналари»ни ташкил этиш ва уларнинг тўлақонли фаолият кўрсатишини таъминлашимиз зарур бўлади.

Бу қабулхоналарнинг ҳукуқий мақомини, уларнинг ваколат ва мажбуриятларини аниқ белгилаб, бирорта ҳам мурожаат эътиборсиз қолмайдиган тизим фаолиятини йўлга қўйиш даркор.

Давлат органлари ва мансабдор шахслар фаолиятига баҳо беришда қонунийликни таъминлаш, фуқароларнинг ҳукук ва эркинликлари қандай ҳимоя қилинаётгани, уларга давлат хизматлари кўрсатишнинг сифати ва очиқлиги биз учун энг асосий мезон бўлиши шарт. Шу борада бир фикрни яна такрорлаб айтмоқчиман: **халқ давлат органларига эмас, балки давлат органлари халқимизга хизмат қилиши керак.**

Шу муносабат билан энг муҳим ижтимоий-иқтисодий вазифалар, тармоқ ва ҳудудлар бўйича мақсадли дастурлар, устувор инвестиция лойиҳалари ва бошқа долзарб вазифалар бажарилишини танқидий таҳлил қилиш юзасидан амалдаги мавжуд тизим самарадорлигини оширишимиз лозим.

Айни вактда Вазирлар Маҳкамасининг комплекслари ва иқтисодиёт тармоқлари раҳбарлари ҳамда ҳокимларнинг Президент хузурида шахсий ҳисоботини эшитиш амалиёти янгидан жорий этилади.

Хукуматга, ҳокимликларга сайловчилар ва ахолининг кенг қатламлари вакиллари билан учрашувлар якунлари бўйича 2017–2021 йилларда Қорақалпоғистон Республикаси, барча вилоятлар ва Тошкент шаҳрини ривожлантириш борасидаги муаммоли масалаларни ҳал этиш юзасидан ишлаб чиқилган комплекс чора-тадбирларни вазирлик ва идоралар билан биргаликда сўзсиз амалга ошириш топширилади.

Бугунги кунда нафақат Бош вазирнинг электрон почтаси ва қабулхонасига, балки Президент номига келиб тушаётган фуқароларнинг қонуний мурожаат ва шикоятларини батафсил ўрганиш ва уларда кўтарилиган масалаларни ечиш бўйича ишларни фаол давом эттириш ғоят муҳим, деб ҳисоблайман.

Умуман олганда, бундан кейин вазирлик ва идоралар, хўжалик бирлашмалари раҳбарлари ва ҳокимларнинг фаолияти натижаси қуруқ иқтисодий рақамлар билан эмас, балки уларнинг одамлар билан қандай мулоқот олиб бораётгани ва ишни ташкил этгани, фуқароларнинг муаммоларини қай даражада ҳал қилаётганига қараб баҳоланади ва тегишли хуносалар чиқарилади.

Айни шу масалада уларнинг фаолияти ижобий бўлса, ҳалқ улардан рози бўлса, раҳмат деймиз, акси бўлса – биз бундай раҳбарлар билан хайрлашамиз.

## Хурматли дўстлар!

Олдимизда турган кенг кўламли вазифаларни самарави ҳал этиш, энг аввало, давлат раҳбари сифатида шахсан мендан, давлат ҳокимиютигининг учта тармоғидан, шунингдек, барча раҳбар ва мансабдор шахслардан қатъий интизомни талаб этади.

Ишимизни тўғри ташкил этиш, унинг самарадорлигини таъминлаш, бутун бошқарув тизими фаолиятини сифат жиҳатидан замон талаблари даражасига кўтаришни бугун ҳаётнинг ўзи талаб этмоқда.

Албатта, биз режалаштираётган барча ўзгаришларнинг ниҳоятда кўп киррали ва ўта муҳим эканини мен чукур тушунаман.

Бироқ йўлимизда қандай тўсиқ ва қийинчиликлар, кескин ва долзарб муаммоларга дуч келсак ҳам, шошма-шошарлик билан, пала-партиш қарорлар қабул қилишга, яхши ўйлаб кўрилмаган хатти-харакатларга йўл қўйишга ҳаққимиз йўқ.

Бизнинг вазифамиз – тўпланган тажриба ва илғор ҳалқаро амалиётга суюнган ҳолда, ўзимизнинг тараққиёт ва янгиланиш моделимизни қатъий амалга оширишдан иборат. Шу борада яқин ва ўрта муддатга белгиланган мэрраларга эришиш учун қатъият билан ҳаракат қилишимиз зарур.

Шу мақсадда 2017 – 2021 йилларда Ўзбекистонни янада ривожлантириш бўйича Ҳаракатлар стратегиясини ишлаб чиқиш яқин кунларда якунланади.

Бу стратегия давлат қурилиши, суд-хукуқ тизими-ни такомиллаштириш, иқтисодиётни эркинлаш-

тириш, ижтимоий соҳани ривожлантиришни жадаллаштириш ва фаол ташқи сиёсатни амалга оширишга оид бешта асосий устувор йўналишни қамраб олади.

Халқимиз билан доимий мулоқот қилишга доир талабни амалда бажариш учун ушбу Стратегияни қабул қилишдан олдин уни оммавий ахборот воситаларида эълон қилиб, эл-юртимиз ўртасида кенг муҳокама қилишни таклиф этаман.

Ишончим комилки, бундай муҳокамалар халқимиз манфаатларини янада тўлиқ инобатга олиш учун хизмат қиласи.

### Азиз дўстлар!

Маълумки, Конституциямизнинг 98-моддасига мувофиқ, иқтисодий ва ижтимоий ислоҳотларнинг устувор вазифаларини муваффақиятли ҳал этиш учун жавобгарлик Вазирлар Маҳкамаси, ҳукуматнинг ҳар бир аъзоси, давлат ва ҳўжалик бошқаруви органлари раҳбарлари зиммасига юклатилган.

Бу, биринчи навбатда, Бош вазир ва унинг ўринбосарларидан юксак даражадаги шахсий масъулиятни, шунингдек, уларнинг зиммасига юклангандан вазифаларни самарали ва тўлиқ бажаришни талаб этади.

Шу муносабат билан бир таклиф киритмоқчиман. Яъни, Олий Мажлис палаталарининг 2015 йил 23 январдаги ва жорий йилнинг 8 сентябрдаги қўшма мажлисларида таклиф этилган Вазирлар Маҳкамасининг ҳаракат дастурини янада аниқлаштириб,

хозирги талаблардан келиб чиқсан холда, унга қўшимчалар киритиш лозим. Бу – кечикириб бўлмайдиган вазифадир.

Умид қиласманки, бугунги мажлисизмизнинг иккинчи қисмида Бош вазир лавозимига кўрса-тиладиган янги номзод ушбу дастурнинг яқин ва узоқ истиқболга мўлжалланган асосий йўналишлари ва устувор вазифалари тўғрисида ахборот беради.

Бу борада асосий дикқат-эътиборни куйидаги стратегик йўналишларга қаратиш мақсадга мувофиқ бўлади, деб ўйлайман.

**Биринчидан**, иқтисодиётимизда юкори ўсиш суръатларини сақлаб қолиши, макроиқтисодий барқарорлик ва миллий валютамизни янада мустаҳкамлашни таъминлаш.

**Иккинчидан**, мамлакатимиз худудларини, яъни шаҳар, туман ва маҳаллаларни, айниқса, иқтисодий ва ижтимоий ривожланишда нисбатан орқада қолаётган туман ва шаҳарларни комплекс ва жадал ривожлантириш.

**Учинчидан**, аҳолининг реал даромадларини, турмуш даражаси ва сифатини оширишга алоҳида эътибор қаратиш.

Ҳукумат ва шахсан унинг янги раҳбарияти фаолияти самарасини биз айнан шу мезонлар асосида баҳолашимиз зарур.

Шу мақсадда яқин кунларда Вазирлар Махкамасининг ижро этувчи тузилмаси қайта кўриб чиқилади ва тасдиқланади. Бундай ўзгартиришлардан асосий мақсад – тўпланган тажриба асосида ва мамлакатимизни ижтимоий-иқтисодий ривожлан-

тириш бўйича олдимизда турган кенг кўламли янги вазифаларга мувофик, давлат ва хўжалик бошқаруви органларининг энг оптималь ва самарали тизимини ишлаб чиқишидан иборат.

Ана шу тизим марказида нафақат иқтисодиётнинг таянч тармоқларини, балки, энг аввало, ҳудудларни комплекс ривожлантириш ва мамлакатимиз барча фуқароларининг ҳаётий манфаатларини таъминлашга ва уларнинг даромадларини кўпайтиришга доир истиқболдаги муҳим вазифалар туриши керак.

Олдимизда марказий бошқарув органлари – Иқтисодиёт вазирлиги, Молия вазирлиги, Ташки иқтисодий алоқалар, инвестициялар ва савдо вазирлиги, Хусусийлаштириш, монополиядан чиқариш ва рақобатни ривожлантириш давлат қўмитаси, божхона тизими ва бошқа идоралар фаолиятини тубдан яхшилашга доир комплекс чора-тадбирларни амалга ошириш вазифаси ҳам турибди.

Мамлакатимиз банк тизими ва бозор инфра-тузилмасининг бошқа органлари фаолияти самарадорлигини ошириш ҳам долзарб масала бўлиб қолмоқда.

Афсуски, ҳозирги кунда уларнинг фаолияти бугунги ҳаёт ва иқтисодий ислохотлар талабларидан анча ортда қолмоқда. Шунинг учун биз бугунги йиғилишимизга барча йирик тижорат банклари раҳбарларини ҳам таклиф этганмиз. Уларнинг бош вазифаси – бундан кейин ўз иш услубларини тубдан ўзгартириб, фуқароларимиз ва тадбиркорларнинг

ҳақиқий ишончини қозонишга ва уларга ҳақиқий кўмақдош бўлишга эришишдан иборат.

Шу боис давлат банклари олдига қуйидаги вазифалар қўйилмоқда. Улар ҳар бир оила билан мулоқот ташкил қилиш орқали фуқароларнинг тадбиркорлик билан шуғулланиши учун кулай имкониятлар яратиши керак.

Шу мақсадда тијорат банклари ва уларнинг жойлардаги филиаллари, ўз имкониятларидан келиб чиқиб, тадбиркорларга молиявий кўмак ва мадад беришни зиммасига олади.

**Лўнда қилиб айтадиган бўлсак, банклар энди халқимизни тадбиркорликка, ишбилармонликка ўргатиши ва шунга етаклаши лозим бўлади.**

Шунда одамлар боғдорчилик, чорвачилик, ҳунармандлик, касаначилик, хизмат кўрсатиш, сервис ва бошқа соҳаларда тадбиркорлик билан шуғулланиб, кичкина бўлса ҳам ўзининг корхонасини ташкил этиб, қонуний асосда даромад топади, ўзини ҳам, оиласини ҳам молиявий жиҳатдан мустаҳкамлаб, маҳалламиз, туманимиз ва шаҳримиз, вилоятимиз ва мамлакатимиз ривожига муносиб ҳисса кўшади.

Бу сиёсатнинг асосий мақсади шундан иборатки, биз ҳар бир фуқаро ўзининг куч ва имконияти, кобилияти ва салоҳиятини рўёбга чиқариши учун кенг шароит ва имконият яратиб беришимиз керак.

Мана, 2016 йил якунига етишига ҳам 15 кун қолди. Биз йилни муваффакиятли якунлаш, белгиланган

мақсадларга эришиш, янги – 2017 йилда мамлакатимиз баркарор ривожланиши ва жадал ўсиш суръатларини таъминлаш учун мустаҳкам замин яратиш мақсадида барча воситаларни сафарбар этишимиз лозим.

Вазирлар Маҳкамаси раҳбариятидан бу вазифаларни ҳар томонлама пухта бажаришни ва келгуси йил январь ойида ўтказиладиган ҳукумат мажлисида бу ҳакда батафсил ҳисобот беришни сўрайман.

Хурматли мажлис иштирокчилари!

Мамлакатимиз Асосий қонунининг 78-моддасига мувофиқ, мамлакатни модернизация қилиш, жамиятимизни ислоҳ этиш ва демократлаштиришни таъминлашда муҳим ўрин ва жавобгарлик Олий Мажлис Қонунчилик палатаси ва Сенатига юклangan.

Бунинг учун учта вазифани амалга ошириш зарур.

**Биринчи вазифа** – 2016 йил 7 декабрдаги тантанали мажлиса белгилаб берилган топширикларнинг аниқ бажарилишини таъминлаш керак.

Хабарингиз бор, мен Конституциямиз қабул қилинган кунга бағишлиб ўтказилган ўша йиғилишда депутатлар ва сенаторларга бир таклиф билан мурожаат қилган эдим. Яъни, парламент ва жамоатчилик назоратининг таъсирчан механизмларини шакллантириш мақсадида шаҳар ва туманларда ҳақиқий ахволни ўрганиб, тегишли раҳбарларнинг ҳисоботини халқ депутатлари кенгашлари сессияси муҳокамасига киритиш тартибини жорий этишни таклиф этган эдим.

Бунинг учун ҳар қайси вилоятдан сайланган Олий Мажлис депутатлари ва сенаторлар ҳар ойда 10-12 кун давомида бир туманда бўлиб, ҳокимият идоралари, прокуратура ва ички ишлар бўлимининг фаолиятини пухта ўрганиб, таҳлил қилиши ҳамда тегишли хулоса беришлари лозим бўлади. Шу асосда хурматли Спикер ва Сенат Раиси жойларда ўзлари бош бўлиб, маҳаллий кенгашларда ана шундай муҳокамалар ўтказиш тизими жорий этилса, бу ишлар эртага албатта ўзининг самарасини беради.

**Иккинчи вазифа** – «Парламент назорати тўғрисида»ги қонуннинг амалдаги ижросини барча соҳаларда мониторинг қилиш, шунингдек, бу борада хорижий мамлакатларнинг илғор тажрибасини ўрганиш ва жорий этиш зарур.

Шунинг учун кеча Олий Мажлис Сенати йиғилишида муҳим бир масала муҳокама қилиниб, тегишли қарор қабул қилинди.

Маълумки, мамлакатимизнинг чет давлатлар билан иқтисодий алоқаларини янада мустаҳкамлаш ва хорижда республикамизнинг иқтисодий имкониятларини кенг тарғиб қилиш орқали унинг халқаро нуфузини янада ошириш, инвестициялар жалб қилишни жадаллаштириш, туризм соҳасини янада ривожлантириш иқтисодий соҳадаги устувор вазифаларимиздан бири хисобланади.

Шу боис Ташқи ишлар вазирлиги ва бошқа давлат идораларининг бу йўналишлардаги фаолияти устидан самарали парламент назорати тизимини яратиш мақсадида Сенат Раисининг биринчи ўринbosари лавозими жорий этилди ва бундан бўён

Сенатнинг тегишли қўмитаси фаолияти тубдан такомиллаштирилади.

**Учинчи вазифанинг аҳамияти ва муҳимлигини алоҳида таъкидламоқчиман** – қонун талабларини бажармаслик билан боғлиқ ҳар бир ҳолат юзасидан аниқ ҳукуқий таъсир чораларини кўриш керак.

Жойлардаги давлат ҳокимияти органлари – барча даражадаги ҳокимликлар, ҳалқ депутатлари кенгашлари фаолиятини такомиллаштиришни давом эттиришимиз зарур. Шунинг учун Олий Мажлис Сенати томонидан ҳар бир вилоятда навбатма-навбат намунавий ҳалқ депутатлари кенгашлари ишини ташкил этиш тажрибаси жорий этилиши мақсадга мувофиқ бўлади. Уларнинг асосий мақсади ва вазифаси – аҳолининг барча тоифалари билан доимий мулоқотда бўлиш, фуқароларнинг қонуний талаб ва эҳтиёжларини нафакат ўрганиш, балки уларни таъминлашдан иборат.

Мавжуд муаммоларни амалда ҳал этиш, шунингдек, аҳоли учун эркин меҳнат қилиш, мазмунли дам олиш ва муносиб турмуш даражасини таъминлаш бўйича ҳар томонлама кулай шароитлар яратиш лозим. Айнан ана шу мезонлардан келиб чиқиб, маҳаллий ҳокимият органларининг мамлакатимиз Конституциясининг 100- ва 101-моддалари талабларини бажариш бўйича фаолияти самарадорлиги тўғрисида хulosा чиқариш мумкин ва зарур. Шунинг учун ҳам 2017 йил юртимизда «Ҳалқ билан мулоқот ва инсон манфаатлари йили» деб эълон қилинганини алоҳида таъкидлаб айтмоқчиман.

**Ҳаммамиз яхши тушунамизки, олдимизда турган кенг кўламли вазифаларни бажариш учун кадрлар билан ишлашнинг бутун тизимини такомиллаштиришга доир бир қатор ишларни албатта амалга оширишимиз керак.**

Ҳозирги вактда давлат ва ҳокимият идораларида кўп ҳолларда кадрлар салоҳиятидан фойдаланиш, уларнинг вазифа ва ваколатлари тақсимоти оқилона ва самарали йўлга қўйилмагани сезилмоқда.

Энг ёмони, бу ҳолат ишимизга халақит бермоқда. Бир идорани қарасангиз, юзлаб одам номига ишлаб ўтирибди. Бошқа идорани қарасангиз, иш кўп, вазифа кўп, лекин ишлайдиган одам, кадр етишмайди.

Бундай нотўғри иш тақсимотига мутлақо чек қўйишнинг вақти етди. Ҳар бир давлат хизматчиси ўзининг бурчи ва мажбуриятини аник-равshan билиши, содда қилиб айтганда, ўз аравасини ўзи тортиши лозим.

Бу – замон талаби. Олдимизга қўйган мақсад-муддаоларга етиш учун бу ишларни ўзимиз қилмасак, бошқа ҳеч ким бизга четдан келиб қилиб бермайди. Шу нуқтаи назардан қараганда, кадрларнинг амалий захирасини шакллантириш, уларни тайёрлаш ва қайта тайёрлашнинг муҳим масалаларини ўз ичига оладиган мақсадли дастурни ишлаб чиқиш вақти келди, деб ўйлайман.

Асосий вазифа – бу юқори касб маҳорати ва замонавий тафаккурга эга, пухта ўйланган, ҳар томонлама тўғри қарорлар қабул қила оладиган,

белгиланган мақсадларга эришадиган раҳбарлар ва мансабдор шахсларнинг янги таркибини шакллантиришдан иборат.

Бу борада ҳудудий бошқарув органлари, энг аввало, мамлакатимиз туман ва шаҳарлари ҳокимликлари учун малакали кадрлар тайёрлашга алоҳида эътибор қаратиш зарур. Бунинг учун олий таълим муассасалари тизими билан бирга, мамлакатимиздаги б та академия, Вазирлар Маҳкамаси ҳузуридаги Корпоратив бошқарув илмий-таълим маркази каби ташкилотларнинг илмий-амалий салоҳияти ва имкониятларини янада фаол сафарбар этиш даркор.

Шу ўринда айтиш керакки, Президент ҳузуридаги Давлат бошқаруви академияси ўзига юклатилган вазифани мутлақо уddyаламаяпти, десак, тўғри бўлади. Шунинг учун ушбу академияни ҳам, унинг иш услубини ҳам тубдан ўзгартириш ва раҳбар кадрларини қайта кўриб чиқиши лозим.

Айни вактда маҳаллий ҳокимликларнинг вазифа ва ваколатларини ҳам такомиллаштириш талаб этилмоқда.

Ҳудудларни ҳар томонлама ривожлантириш, ижтимоий-иқтисодий дастурларни амалга ошириш, қонунлар ижросини таъминлаш, жойлардаги давлат бошқаруви органлари фаолиятини самарали мувофиқлаштириш борасидаги ролини ҳисобга олиб, бугунги кунда маҳаллий ҳокимликларга қўшимча ваколатлар бериш борасида тегишли таклифлар тайёрланмоқда.

**Хурматли дўстлар!**

Давлатимизнинг ташки сиёsat соҳасидаги ёндашув ва позицияси Конституция кунига бағишиланган маърузада атрофлича баён этилгани сизларга яхши маълум.

Ана шу фикрларга қўшимча қилиб айтмоқчиманки, биз жаҳондаги илфор тажрибаларни чукур ўрганиш ва амалда жорий этишни олдимизда турган кенг кўламли вазифаларни муваффақиятли амалга оширишнинг муҳим шартларидан бири, деб ҳисоблаймиз.

Биз ўзаро ишонч ва манфаатларни ҳисобга олиш асосида хорижий давлатлар, энг аввало, қўшни давлатлар, шу билан бирга, халқаро институтлар билан яқиндан ҳамкорлик қилишни бугунги кун талаблари даражасида ташкил этамиз.

Ўзбекистонда ўзини ишончли шерик сифатида кўрсатган ишбилармонлар билан ҳамкорлик муносабатлари албатта давом эттирилади.

Бу борада янгидан ташкил этилган Сенат қўмитасидан зиммасига юклangan вазифаларни изчил амалга ошириш талаб этилади.

**Азиз ва муҳтарам юртдошлар!**

Ҳозирги вақтда олдимизда нақадар улкан вазифалар турганини барчамиз яхши тушунамиз. Биз Ватанимизнинг буюк келажагини сиз, азизлар билан, мард ва олижаноб халқимиз билан биргаликда барпо этамиз, кўзлаган мақсадларимизга албатта эришамиз.

Шу борада барчамизга Яратганинг ўзи мададкор бўлсин!

Барчангизга мустаҳкам соғлик, баҳт ва омад,  
хонадонларингизга тинчлик-хотиржамлик, файзу  
барака тилайман.

Юртимиз тинч, осмонимиз мусаффо, халқимиз ҳа-  
миша омон бўлсин!

*Ўзбекистон Республикаси Президенти лавозимига  
киришиши тантанали маросимига багишланган  
Олий Маҷслис палаталарининг қўйма  
маҷслисидаги маъруза.  
2016 йил 14 декабрь*

## **ИЛМ-ФАН ЮТУҚЛАРИ ВАТАНИМИЗ РАВНАҚИГА ХИЗМАТ ҚИЛСИН**

Ассалому алайкум, учрашувимизнинг муҳтарам иштирокчилари!

Азиз илм-фан фидойилари!

Сўзимни аввало юрагимда ардоклаб юрадиган бир туйғуни сизларга изхор килишдан бошласам, ўйлайманки, нур устига нур бўлади. Мен доимо зиёли, олим, ижодкор инсонлар билан сұхбатлашишга интиlaman ва бундай мулокотларни ҳамиша соғинаман. Нега десангиз, олимлик Оллоҳ нурини согланган улуғ бир мартаба. Бу мартабадан жамиятнинг бутун вужудига нур, зиё таралади.

Олимларнинг сұхбатидан инсон ўзига бекиёс маънавий бойлик олади, қалб кентгикларини, тафаккур теранлигини ҳис қиласди. Шу боисдан бугун сизлар билан учрашиб турганимдан, сизларни мана шундай хуш кайфиятда, бардам ва тетик, юз-кўзларингиздан нур ёғилиб турганини кўрганимдан ниҳоятда мамнунман.

Тан олишимиз керак, узок вақтдан буён сизлар билан учрашмадик, мамлакатимизда илм-фанни қўллаб-куvvatlash, уни бугунги замон талаблари асосида ривожлантириш масалаларини давлат сиёсати даражасига кўтариш бўйича сизларнинг маслаҳатларингизни олишни унутиб кўйдик. Бунинг учун барча раҳбарлар

қатори мен ҳам ўзимнинг масъулияти тимни яхши хис киламан. Шунинг учун бундан кейин мана шундай учрашувларни мунтазам равишда ўтказиб туришни таклиф этаман.

Хурматли устозлар!

Барчамизга маълумки, биз кириб келаётган 2017 йилга юртимизда **Халқ билан мулоқот ва инсон манфаатлари йили**, деб ном бердик. Бу қароримизнинг моҳияти Конституциямизнинг 24 йиллигига бағишинланган йигилишда ҳамда шу йил 14 декабря бўлиб ўтган Олий Мажлис палаталарининг кўшма мажлисидаги маърузаларимда батафсил баён килинди.

Мухтасар килиб айтганда, бизлар ҳаммамиз – давлат раҳбаридан тортиб, энг қуий поғонадаги раҳбар – маҳалла раисигача она халқимизнинг тинч ва фаровон ҳаётини таъминлаш йўлида хизмат қиласиз.

Агар мана шу вазифа бўлмаса, бизнинг раҳбарлигимиздан маъно ҳам қолмайди. Жумладан, сиз, азиз зиёлиларимиз ҳам халқимизга катта меҳр ва садоқат билан хизмат қилиб, илм-фанни ривожлантириш, юртимиз келажагини таъминлаш, миллатимизнинг акл кўзини очишдек эзгу мақсадга умрингизни бағишилагансиз. Бунинг учун аввало сизларга халқимиз номидан чексиз миннатдорлик билдираман.

Халқ билан мулоқот ва инсон манфаатлари йили бўйича қабул қилинадиган давлат дастурини ишлаб чиқиши ва уни юқори даражада амалга оширишда биз ҳаммамиз биргаликда фаоллик кўрсатишимиш айни муддао бўлур эди.

Ҳозирги кунда ҳалқимизнинг турмуш даражасини янги босқичга олиб чиқиш, давлатимизни ижтимоий-иктисодий жиҳатдан ривожлантиришга қаратилган кенг кўламдаги чора-тадбирларни қамраб олган Ҳаракатлар стратегияси ишлаб чиқилмоқда. Стратегия лойиҳасида илм-фан, таълим-тарбия соҳаларини ривожлантиришга ҳам алоҳида ўрин ажратилган. Ўйлайманки, сизлар кўп йиллик тажрибаларингиздан келиб чиқиб, ушбу лойиҳага киритиш учун жиддий таклифлар берасизлар.

Ҳаммамиз яхши биламиз, бугунги давр юқори технологиялар, инновациялар замонидир. Дунёдаги ривожланган мамлакатлар ўз олдига нафакат кўплаб маҳсулотлар ишлаб чиқариш ва уларни бозорга олиб чиқиши, балки чукур билим ва илмий ютуқларга асосланган инновацион иктисодиётга ўтиш вазифасини қўймоқда. Яъни, ўз иктисодиётини мавжуд табиий ресурсларни сарфлаш эвазига эмас, инновацион маҳсулотлар яратиш, ўзлаштириш ва илғор технологияларни ишлаб чиқаришга жорий қилиш орқали ривожлантириш тараққиётнинг асосий омилига айланмоқда.

Мамлакатни инновацион ривожлантириш стратегияси ва механизмлари энг аввало шу давлатда яратилган интеллектуал ва илмий-техникавий салоҳиятдан қанчалик самарали фойдаланиш билан чамбарчас боғлиқ.

Ҳозирги вактда мамлакатимизда 300 дан ортиқ илмий-тадқиқот муассасалари, олий ўқув юртлари, тажриба-конструкторлик ташкилотлари, илмий-иш-

лаб чиқариш корхоналари, кичик инновацион марказлар ва бошқа илмий-техникавий тузилмалар фаолият юритмоқда.

Сўнгти йилларда олимларимиз фундаментал фан ва унинг натижаларини амалиётта татбиқ этиш борасида бир қатор ютуқларни қўлга киритдилар. Табиий фанларнинг асосий соҳалари – астрономия, физика, математика, кимё, биология, фармацевтика, геология, сейсмология ва бошқа жабҳаларда жаҳон миқёсида қизиқиши уйғотаётган натижаларга эришилди.

Иқтисодиётнинг минерал хомашё ресурсларини чиқиндисиз ва самарали қайта ишлаш, қуёш энергетикиси ва бошқа қайта тикланадиган энергия манбалидан фойдаланиш, ахборот-коммуникация технологиялари, кимё ва биотехнология, генетика, экология, кишлоқ хўжалиги маҳсулотлари ишлаб чиқариш, фармакология, тиббий диагностика каби ҳаётий муҳим тармоқларида маҳаллий инновацион технологияларни ишлаб чиқиш ва жорий этиш ишлари амалга оширилмоқда.

Ижтимоий-гуманитар фанлар – тарих, археология, шарқшунослик, Ўзбекистон халқлари маданий мероси, тилшунослик ва адабиётшунослик, санъатшунослик ва бошқа соҳаларда ҳам салмоқли натижаларга эришилмоқда.

Мамлакатимиз иқтисодиётининг бозор ислоҳотларига ўтиши илмий ва инновацион фаолиятни ривожлантиришга бўлган янгича ёндашувларга йўл очиб берди. Мустақиллик йилларида Ўзбекистон Президенти ва хукуматининг бир қатор муҳим қарор

ва фармойишлари қабул қилинди. Улар мамлакатимизнинг илмий салоҳиятини саклаб қолиш ва илмий муассасалар фаолиятини мамлакатимизнинг долзарб илмий-техник ва ижтимоий-иктисодий муаммоларини ҳал этишга йўналтириш имконини берди.

Фундаментал тадқиқотлар натижасида тўпланган янги билимлар олимларнинг амалий ва инновацион ишланмаларида ўз ифодасини топмоқда. Жумладан, юртимизнинг йирик кимё ва нефть-кимё корхоналарида маҳаллий инновацион технологиялар асосида ишлаб чиқариш корхоналари ташкил этилди. Натижада 2006 – 2015 йиллар мобайнида импорт ўрнини босадиган маҳсулотлар ишлаб чиқариш имконияти пайдо бўлди (ўғит, дефолиантлар, ўсишга ёрдам берадиган стимуляторлар, юкори маркали авиация ёқилғиси ва бошқалар).

Бир қатор радиоизотоплар технологияси яратилди ва уларни ишлаб чиқариш йўлга қўйилди. Ўзбекистондаги даволаш муассасалари ушбу дори воситалари билан таъминланди ва уларни экспорт килишга ҳам эришилди.

Дунёда биринчи бўлиб ген-нокаут технологияси ёрдамида пахтанинг бир қатор фойдали хусусиятларга эга бўлган ноёб трансген нави – «Порлок» серияси яратилгани мамлакатимиз пахтачилигидаги ЭНГ йирик илмий ютуқ бўлди.

Селекционер олимлар мамлакатимизнинг турли иклим худудларида ғўзанинг 20 та янги маҳаллий навини районлаштиришга эришдилар.

Ўттиздан ортиқ номдаги янги маҳаллий дори воситалари яратилди ва ишлаб чиқаришга татбиқ этилди. Улар ҳозирги кунда ички эҳтиёж учун истеъмолга чиқарилмоқда, айримлари эса хорижий мамлакатларга экспорт қилинмоқда.

Шу билан бирга, фундаментал тадқиқотларни янада ривожлантириш масаласи бироз эътиборимиздан четда қолгани бугун яққол намоён бўлмоқда. Чунки фундаментал тадқиқотлар жадал ривожланаётган мамлакатлар иқтисодий таракқиёт бўйича бошқа давлатлардан сезиларли равишда илгарилаб бораётганини кўриб турибмиз. Дунёда илм-фан соҳасидаги ютуклар айнан фундаментал тадқиқотлар йўналишида қўлга киритилгани тасодифий эмас. Шунинг учун эндиликда фундаментал фанларни ҳар томонлама қўллаб-куватлаш, соҳани иқтидорли ёш кадрлар билан таъминлаш давлатимизнинг муҳим вазифаларидан бири сифатида кун тартибига қўйилмоқда.

Ҳозирги пайтда Фанлар академияси ва академик илм-фан тармоқларини ривожлантиришга қаратилган концепция ишлаб чиқилмоқда. Ушбу концепцияда Фанлар академиясининг фундаментал ва амалий фан, таълим ва янги технологияларни яратиш соҳаларидағи ролини янада ошириш назарда тутилмоқда. Шунингдек, Фанлар академияси тизимидағи илмий-тадқиқот муассасалари, олий ўкув юртлари, тармоқ институтлари, илмий ва инновацион марказлар ҳамда корхоналарнинг ўзаро ҳамкорлигини мустаҳкамлаш, илм-фан ва таълим соҳаларидағи илмий, инновацион фаолиятни рағбатлантирадиган

шарт-шароитларни яратишга асосий эътибор қаратилмоқда.

Эндиғи вазифа – нафакат илмий тадқиқотлар ва ишланмаларни молиявий қўллаб-қувватлаш, балки уларнинг натижаларини амалиётга татбиқ этишига қаратилган самарали механизмларни яратишдан иборат.

Фанлар академияси тизимида мамлакатимиз иккисодиёти эҳтиёжларига йўналтирилган бир қатор янги илмий институт ва бўлимларни, жумладан, Фанлар академияси ҳамда Қишлоқ ва сув хўжалиги вазирлигининг институтлари негизида Қишлоқ хўжалиги фанлари бўлимни шакллантириш лозим. Шунингдек, академиядан бошқа вазирлик ва идоралар тасарруфига ўтказилган институтлар фаолияти қайта кўриб чиқилади ва зарур бўлганда уларни Фанлар академияси таркибиға қайтариш чоралари кўрилади. Улар жумласига, биринчи навбатда, Ядро физикаси институти, Ион-плазма ва лазер технологиялари институти, Шарқшунослик, Тарих ва бир қатор бошқа институтлар киради.

Ўйлайманки, ана шу тадбирларни амалга ошириш билан бирга Фанлар академиясининг вице-президенти лавозимларини ҳам қайта тиклаш мақсадга мувофиқ бўлади.

Бу ишларнинг мантиқий давоми сифатида биз амалий ва инновацион илмий тадқиқотларни тадбиркорлик фаолияти билан бирлаштириш имкониятини берадиган амалий механизмни ташкил этишимиз лозим. Бу эса, бир томондан, инновацион бизнес-

ни ривожлантиришга имконият яратса, иккинчи томондан, илмий тадқиқотларнинг самарасини ошириш учун инвестициялар оқимини кўпайтиришни таъминлайди. Шу мақсадда келгуси йилда Тошкентда иккита технопарк ҳамда Академиклар шаҳарчасида эркин иқтисодий ҳудуд мақомига эга бўлган Инновацион марказ ташкил этиш режалаштирилмоқда.

Худди шундай асосда Навоий, Ангрен, Жиззах каби эркин иқтисодий ҳудудлардаги илмий-инновацион фаолиятни кучайтириш лозим. Бу тузилмаларга хорижий инвестицияларни жалб этиш ҳамда илм-фан, таълим ва инновациялар соҳаларидағи халқаро илмий-техник ҳамкорлик шаклларини ривожлантириш керак бўлади.

Мамлакатимизда илмий ва инновацион фаолиятни ривожлантириш учун аввало ёш, иқтидорли кадрлар зарур. Шуни назарда тутган ҳолда, биз сизларнинг бой билим ва тажрибангизга таянамиз. Шу мақсадда сизларни, илмий йўналишларингиздан келиб чиқиб, республикамиздаги олий ўкув юртлари, ўрта маҳсус, касб-хунар таълими муассасаларига ҳамда ишлаб чиқариш корхоналарига, вазирлик ва идораларга, иирик банкларга бириктиришни лозим топдик.

Сизларнинг ҳар бирингиз бириктирилган таълим муассасаларида илмий мактабларингизни ташкил этишингиз, юқорида зикр этилган технопарк ва инновацион марказда эса инновацион ишланмаларни жорий этиш бўйича зарур маслаҳатлар бериб боришингиз кўзда тутилмоқда.

Бу ишларни амалга оширишни моддий таъминлаш учун бириктирилган ишлаб чиқариш корхоналари, вазирлик ва идоралар ҳамда банклар масъул бўлади.

Хурматли устозлар, ҳозиргина айтиб ўтилган фикрлардан келиб чиқиб, мамлакатимизда илм-фанни, илмий-инновацион фаолиятни барқарор ривожлантириш мақсадида қўйидаги чора-тадбирларни амалга ошириш кўзда тутилмоқда.

**Биринчидан**, илмий-инновацион фаолиятни кафолатли молиялаштириш учун давлат бюджети, илмий-техникавий, инновацион фондлар, инвестициялар, шунингдек, инвесторлар, ҳомийлар маблағларини кенг жалб қилиш чоралари кўрилади.

Шу мақсадда Инновацион фаолиятни кўллаб-кувватлаш республика фонди ташкил этилади.

Фонд маблағлари ҳисобидан замонавий илмий асбоб-ускуналар, жиҳозлар сотиб олиш, шунингдек, ёш олимларнинг дунёнинг етакчи илмий марказлари ва университетларида стажировкадан ўтишини ташкил этиш учун ҳар йили камида 10 миллион АҚШ доллари микдорида маблағ ажратилади.

**Иккинчидан**, инновацион изланишларни қўйидаги соҳаларда кучайтириш режалаштирилмоқда:

**кимё саноати соҳасида:**

- маҳаллий хомашёни қайта ишлаш ҳисобидан янги, самарали ҳамда озиклантириш даражаси юкори бўлган ўғитлар ва суспензиялашган мураккаб ўғитлар ишлаб чиқариш;

- ўсимликлар уруғига кимёвий ишлов берувчи препаратлар, юмшоқ таъсир қилувчи кўпфункционал дефолиантлар ишлаб чиқаришни кенгайтириш зарур.

### **Нефть-газ саноати соҳасида:**

- корхоналарда технологик жараёнларни комплекс автоматик бошқариш тизимини ўрнагиши;
- мураккаб шароитларда қидирув ва қудуқларни бурғулаш жараёнларини енгиллаштириш учун сувда эрийдиган реагентлар ишлаб чиқариш;
- нефть фракцияларини ва табиий газни гидротозалаш учун ҳимоя қатлами катализаторларини ишлаб чиқариш технологиясини жорий қилиш лозим.

### **Қишлоқ хўжалиги соҳасида:**

- ҳужайралар технологияси асосида вируссиз, касаллик ва зараркунандаларга чидамли қишлоқ хўжалиги экинлари (мева, сабзавот, дон ва бошқалар) навларини етиштириш;
- тезпишар, сувсизликка чидамли, юкори сифатли ва узун толали транс-ген ғўза навларини кенгайтириш;
- маҳаллий хомашё асосида ветеринария препаратларини ишлаб чиқаришни ташкил этиш;
- ҳосилдорлиги паст яйловларни яхшилаш учун озукабоп ўсимликлар уруғларини кўпайтириш талаб этилмоқда.

### **Фармацевтика соҳасида:**

- доривор ўсимликлар турлари ва улар етиштириладиган майдонларни кенгайтириши;
- доривор ўсимликларни қайта ишлаш ва фармацевтика саноатида дори воситалари субстанцияларини ишлаб чиқаришни кенгайтириши.

### **Енгил саноат соҳасида:**

- пахта ва таркибида ипак бўлган ип-калава асосида икки қатламли трикотаж маҳсулотлари олиш;

— маҳаллий хомашёлардан самарали фойдаланиб, трикотаж мато ишлаб чиқариш технологияларини яратиш.

**Қайта тикланадиган энергия манбалари соҳа-сида:**

— олис ва чекка қишлоқларда энергия таъминотини яхшилаш ва сейсмик станция тармоқларининг узлуксиз ишлашини таъминлаш учун табиат инъоми бўлган куёш, шамол, сув ва бошқа манбалардан самарали фойдаланишни ташкил қилиш бўйича муҳим вазифалар турибди.

**Учинчидан**, мамлакатимиз иқтисодиёти учун муҳим ва истиқболли, ноёб хусусиятларга эга бўлган материаллар, нанотехнологиялар, қайта тикланувчи энергия манбалари, янги кимё ва биотехнология соҳалари фундаментал ва амалий изланишларнинг устувор йўналишлари этиб белгиланиши лозим.

**Тўртингидан**, етакчи олимлар, истеъододли ёш илмий ходимларнинг фаолияти ва илмий тадқиқотларини кўллаб-кувватлаш, жамиятда илм-фан намояндайларининг обрў-эътибори ва нуфузини ошириш давлатимизнинг устувор вазифаларидан бири бўлади. Шу мақсадда мамлакатимиз Президенти ва хукуматининг бир катор қарорлари қабул қилинади. Жумладан, куни кеча бу борадаги биринчи фармонга имзо чекилганини маълум қилмоқчиман. Ана шу фармон асосида академик унвони учун бериладиган гонорар микдори энг кам иш ҳақининг 4 баробаридан 10 баробарига қадар кўтарилди.

Энг муҳими, бу пул маблағларидан умуман солиқ олинмайди.

Хурматли академикларимиз ўз саломатликларини тиклашлари учун йилига бир марта ўзларига қулай вақтда давлат ҳисобидан юртимиздаги санаторийларга бепул йўлланмалар билан таъминланади.

Бир сўз билан айтганда, Фанлар академиясини ислоҳ қилиш ва ривожлантириш пайти келди. Ўйлайманки, бу фикрга сизлар ҳам қўшиласиз.

Шу ўринда яна бир муҳим масалага эътиборингизни қаратмоқчиман.

Маълумки, битта фан доктори, профессор, айникса, академикнинг хақиқий олим бўлиб камол топиши учун давлат ва жамият унга камида 30 – 40 йил вақт, катта меҳнат ва маблағ сарфлайди. Академик деган юксак даражага эришиш – бу албатта осон эмас. Бундай баҳт ҳар кимга ҳам насиб қиласкермайди. Академиклар миллатнинг фахри, ғурури, халқнинг юзи, десак, ҳеч қандай муболага бўлмайди.

Афсуски, биз кейинги вақтда заҳматкаш олимларимизнинг илмий изланишлари ва эришаётган ютуқларини кенг ёритиш, атрофлича тарғиб қилиш масаласини эътиборимиздан бироз четда қолдираётганимизни ҳам очик айтиш керак. Илм-фан ютуқларини жамоатчилик, аввало, ёшларимиз ўртасида кенг оммалаштириш, бу соҳага уларнинг эътибори ва қизиқишини кучайтириш бўйича биз ҳали кўп иш қилишимиз зарур.

Бир вақтлар «Фан ва турмуш» деган журнализмиз бутун юртимизда қандай машхур бўлганини ҳаммамиз яхши эслаймиз.

Шу муносабат билан ҳукуматга мамлакатимизда илм-фан ютуқларини ҳар томонлама оммалаштириш мақсадида Фанлар академияси, Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларини жалб этган ҳолда, бу масала бўйича аниқ чоратадбиirlар режасини ишлаб чиқиш ва амалга ошириш вазифаси топширилади. Ушбу режада «Фан ва турмуш», «XXI аср технологиялари» каби илмий-оммабоп журналлар, шунингдек, маҳсус илмий журналлар ва бюллетенларнинг моддий-техник базасини, кадрлар салоҳиятини мустаҳкамлаш масалалари ҳам кўзда тутилиши керак.

Мухтарам учрашув қатнашчилари!

Мамлакатимизда илм-фанни дунёда ҳеч кимдан кам бўлмаган даражада ривожлантириш учун сизларга ва барча олимлар, илмий жамоаларга замонавий шарт-шароитларни яратиб бериш биз учун ҳам қарз, ҳам фарзdir.

Энг муҳими, сиз, мухтарам олимларимизнинг Ўзбекистон илм-фанининг бугунги ва эртанги кунига бефарқ эмаслигингиз, бу масалада астойдил жон куйдираётганингизни биз юксак кадрлаймиз.

Мамлакатимизда ташкил этилган электрон қабулхона орқали аксарият олимларимиз бу борада ўз фикр-мулоҳазаларини билдирганлари албатта эътиборга лойиқ.

Мен шахсан ўзим хурматли академикларимиз Маҳмуджон Салоҳиддинов, Шавкат Солиҳов, Оқил

Салимов, Турсунбай Рашидов, Аҳмадали Аскаров, Турғунпўлат Даминов, Мухтор Саидов ва бошқалар томонидан билдирилган фикрлар, таклиф ва тавсиялар билан яқиндан танишиб чиқдим. Бу таклифлар ҳозирги вактда тегишли вазирлик ва идоралар, мутасадди ва мутахассислар томонидан синчиклаб ўрганиб чиқилмоқда ва биз бу масалалар бўйича албатта аниқ қарорларга келамиз.

Азиз устозлар!

Сизлардек қалби дарё, улуғ инсонлар билан бирга она Ватанимизни равнақ топтириш, юртимизда илмий мухитни юксалтириш, ҳалқимизда, айниқса, ёшларда илму фанга интилишни кучайтириш, илмий-техникивий, инновацион соҳаларни янада тараққий эттириш учун келажакда ҳали кўплаб эзгу ишларни амалга оширамиз.

Ҳалқимизда «Окқан дарё оқаверади» деган доно накл бор. Шу маънода, эл-юртимизнинг қон-қонида азалдан бўлган ақл-заковат, илму маърифат туфайли, сиз каби заҳматкаш ва фидойи инсонларнинг хизматларингиз туфайли Ўзбекистонимиз заминидан янги хоразмийлар, берунийлар, улуғбеклар етишиб чиқади ва Ватанимиз шуҳратини бутун дунёга юксалтиради, деб ишонаман.

Мана шундай олижаноб мақсадларимизга етишда сизларга куч-куvvват, бардамлик, сиҳат-саломатлик, оиласвий баҳт, илмий-ижодий ютуқлар тилайман.

Қалбимиздаги Ватанимиз ва ҳалқимизга бўлган эзгу туйғулар, меҳр-муҳаббат янада зиёда бўлсин.

Машақкатли меҳнатингиз натижасидан баҳраманд бўлиш ўзингизга, оилангиз, фарзанд ва невараларингизга, бутун эл-юртимизга буюрсин!

*Мамлакатимиз илмий жамоатчилиги  
вакиллари билан учрашувдаги нутқ.  
2016 йил 30 декабрь*

## **ЎЗБЕКИСТОН ХАЛҚИГА ЯНГИ ЙИЛ ТАБРИГИ**

Азиз ва муҳтарам ватандошлар!

Бетакрор диёrimizga янги – 2017 йил кириб келмоқда.

Сиз, муҳтарам отахон ва онахонлар, меҳрибон опа-сингилларимиз, навқирон ёшларимиз, бутун халқимизни янги йил байрами билан чин қалбимдан табриклайман.

Барчангизга сиҳат-саломатлик, баҳт ва қувонч тилайман.

Поёнига етаётган 2016 йилда юртимиз ҳаётида яхши кунлар, улкан ютуқ ва марралар кўп бўлди. Шу билан бирга, афсуски, бошимизга оғир ташвиш ва синовлар ҳам тушди.

Лекин бу синовлар эл-юртимизни янада бирлаштириди. Мард халқимизнинг матонати туфайли биз бу синовлардан ҳам муносиб ўтдик.

Якунига етаётган йил аввало мустақил Ватанимиз 25 ёшга тўлган йил сифатида тарихимида ўчмас из қолдирмоқда.

Ўтаётган йилни деҳқон ва фермерларимиз, ишчи ва қурувчилар, ўқитувчи ва шифокорлар, жасур ҳарбийларимиз, олимлар, ижодкор зиёлилар – барча касб эгалари ўз соҳалари бўйича ёруғ юз билан якунладилар.

Айниқса, юртимиз спортчилари Олимпиада ва Паралимпия ўйинларида эшишган бекиёс ютуклар

мамлакатимиз шуҳратини бутун дунёда янада юксалтириди.

Бир сўз билан айтганда, ўтиб бораётган йилдан рози бўлиб, хар қанча шукронга айтсак арзиди.

Қадрли дўстлар!

Биз кириб келаётган 2017 йилга «Халқ билан мулокот ва инсон манфаатлари йили» деб ном бердик.

Бунинг негизида «Инсон манфаатлари ҳамма нарсадан улуғ» деган олижаноб мақсад ва вазифалар ётиби.

Янги йилда бу борадаги дастурий вазифаларни амалга оширишда барчамизнинг, аввало, раҳбар ва етакчиларнинг бир жону бир тан бўлиб, астойдил меҳнат қилишларига ишонаман.

Юртимизда тинчлик ва барқарорлик, тараққиёт, ўзаро хурмат ва меҳр-оқибатни мустаҳкамлаш бундан буён ҳам асосий вазифамиз бўлиб қолади.

Азиз ватандошларим, қадрдонларим!

Мана шу кувончли дамларда барчангизни Янги йил байрами билан самимий муборакбод этаман.

Юртимиздаги ҳар бир оиласга тинчлик-хотиржамлик, баҳт ва омад ҳамда фаровонлик тилайман.

Янги – 2017 йилнинг қадами жонажон Ватанимизга кутлуг ва баракали келсин!

Янги йил барчамизга муборак бўлсин!

*Шавкат МИРЗИЁЕВ,  
Ўзбекистон Республикаси Президенти*

## **ТИББИЁТ СОҲАСИНИ ТУҶДАН ИСЛОҲ ҚИЛИШ – КЕЧИКТИРИБ БЎЛМАЙДИГАН ЭНГ МУҲИМ ВАЗИФАМИЗДИР**

Ўзбекистон Республикаси Президенти Шавкат Мирзиёев 2017 йил 5 январь куни соғлиқни сақлаш соҳасининг бир гурух етакчи мутахассислари билан учрашди.

Видеоконференция шаклида ўтган учрашувда хукумат аъзолари, сенаторлар, вилоят ҳокимлари, вазирлик ва идоралар, давлат ва жамоат ташкилотлари раҳбарлари, тиббиёт олий таълим муассасалари ректорлари, соғлиқни сақлаш тизими масъул ходимлари иштирок этди.

Соғлиқни сақлаш соҳасини ислоҳ қилиш давлат сиёсатининг энг муҳим йўналишларидан биридир, деди Шавкат Мирзиёев. Мамлакатимизда соғлиқни сақлаш тизимини янада такомиллаштириш, тиббиёт ходимлари меҳнатини рағбатлантириш, даволашнинг замонавий технология ва усулларини кенг жорий этишга алоҳида эътибор қаратилмоқда.

Биринчи Президентимиз Ислом Каримов рахнамолигига амалга оширилган ҳалқимизнинг муносиб ҳайёт сифатини таъминлаш, оналик ва болаликни муҳофаза қилиш, ҳар томонлама соғлом авлодни тарбиялаш, тиббий хизмат сифатини юксалтиришга

қаратилған тизимли ишлар изчил давом эттирилмоқда. Мустакиллик йилларида ҳаётта татбиқ этилган кенг қўламли ислоҳотлар туфайли соғлиқни сақлаш тизими тубдан ўзгарди. Аҳолининг сифатли тиббий хизматдан фойдаланиши Ўзбекистон Республикасининг «Фуқаролар соғлигини сақлаш тўғрисида»ги қонуни билан мустаҳкамланди.

Шифокорлик касбини улуғлаш, уларнинг машаккатли меҳнатини муносиб рағбатлантиришга алоҳида эътибор қаратилмоқда. 1998 йил 10 ноябрда қабул килинган «Ўзбекистон Республикаси соғлиқни сақлаш тизимини ислоҳ қилиш давлат дастури тўғрисида»ги Президент фармони замонавий талабларга жавоб берадиган ва мамлакатимизнинг барча ҳудудларида аҳолига малакали хизмат кўрсатадиган, жумладан, оналик ва болаликни муҳофаза қилиш бўйича яхлит тизимни шакллантиришда муҳим омил бўлди. Мазкур ҳужжатга мувофиқ мамлакатимизда бирламчи тиббий ёрдам кўрсатиш бўйича замонавий тиббий хизмат тизими ташкил қилинди. Ушбу хизмат қишлоқ врачлик пунктлари ва шаҳарлардаги оиласвий поликлиникалар тармоғини камраб олган.

Бугунги кунда кардиология, жарроҳлик, кўз микрохирургияси, урология, терапия ва тиббий реабилитация, эндокринология, пульмонология ва фтизиатрия, акушерлик ва гинекология, дерматология ва венерология, педиатрия ва бошқа йўналишлардаги маҳсус илмий-амалий тиббиёт марказларида юқори сифатли хизмат кўрсатилмоқда. Ушбу

шифо муассасаларида ҳар йили юқори технологиялар асосида 50 мингта яқин мураккаб операциялар бажарилади, 600 мингдан кўпроқ bemorarga амбулатор хизмат кўрсатилади. Олимларнинг долзарб мавзулардаги илмий изланишлари натижасида тиббиётнинг йигирмадан зиёд йўналишлари бўйича 1000 дан ортиқ даволаш-диагностика стандартлари ишлаб чиқилди.

2016 йил – Соғлом она ва бола йилида мамлакатимиз тиббиёт муассасаларини замонавий диагностика ва даволаш ускуналари билан жиҳозлаш учун 80 миллион доллар қийматидаги кредит ва грант маблағлари йўналтирилди, фарзанд кўриш ёшидаги аёллар ва болалар тиббий кўрикдан ўтказилиб, соғломлаштирилди. Республика ихтисослаштирилган педиатрия илмий-амалий тиббиёт марказида эшлиш бўйича нуқсони бўлган 350 дан ортиқ болада кохлеар имплантация операциялари амалга оширилди. 700 минг бола пневмококк инфекцияси ва бошқа юкумли касалликларга қарши эмланди.

Аммо бугун замон ўзгармоқда, одамларнинг талаби ошиб бормоқда. Халқимизнинг тиббий маданияти юксалиб, энг сўнгти усул ва русумлардаги тиббий хизматдан баҳраманд бўлишни истайди. Бизга шу хам бўлаверади, деган тушунча энди ўз умрини ўтаб бўлди. Бу барча соҳалар қатори тиббиёт соҳасига хам бевосита дахлдор, деди Президентимиз. Шу боис соҳа ходимлари тиббиётнинг энг илғор, замонавий ютукларини, даволаш усулларини ўзлаштироғи за-

рур. Эришилган ютуқларга маҳлиё бўлиб ўтириш – тараккиёт йўлидаги энг катта ғовдир.

2017 йилнинг Халқ билан мулоқот ва инсон манфаатлари йили деб эълон қилинганида ҳам катта маъно мужассам. Чунки, инсон манфаатлари деганда, аввало инсоннинг саломатлиги, замонавий тиббий хизматдан тўлақонли фойдаланиши ҳам назарда тутилади.

Шавкат Мирзиёев ўзининг сайловолди учрашувларида одамлар ичига кириб, уларнинг дарди, муаммолари, таклифларини эшитиш лозимлигини алоҳида қайд этди. Бош вазирнинг Виртуал қабулхонасига келган мурожаатларнинг 7 мингдан зиёди айнан тиббиёт соҳасига тегишли экани ҳам мазкур соҳада муайян муаммолар йиғилиб қолганини кўрсатмоқда. Аҳолининг мурожаатлари, фикр-мулоҳазалари ва таклифлари соғлиқни саклаш тизимини янги босқичга кўтаришни тақозо этмоқда.

Президентимиз тиббиёт соҳасида бажарилиши лозим бўлган ишлар, ечимини кутаётган муаммолар хақида атрофлича тўхталди. Қишлоқ врачлик пунктлари фаолиятига оид қўйидаги масалаларга алоҳида зътибор қаратилди. Бугунги кунда қишлоқ врачлик пунктлари бирламчи тиббий кўрикни ўтказиш учун лаборатория таҳлили воситалари, қатор диагностика аппаратлари билан жиҳозлангани аҳоли учун қулийлик яратмоқда. Лекин тиббий ускуналарни ишлатадиган малакали мутахассислар етарли даражада эмас. Баъзи чекка худудларда оддий қон топ-

шириш учун туман марказига ёки шаҳарга боришга тўғри келаётганини ҳам инкор эта олмаймиз.

Айрим жойларда тиббий кўриклар номигагина ўтказилмоқда, деб фикрини давом эттириди Президентимиз. Чекка худудларда малакали мутахассислар етишмаётгани кадрлар масаласида қилинадиган ишлар кўплигини англатади. Қишлоқ врачлик пунктлари туну кун ишламоғи зарур. Бунинг учун пункт ёнидан шу жойда ишлайдиган врачга уй қуриб бериш лозим.

Аҳолига тез тиббий ёрдам кўрсатиш сифатини юксалтиришга қаратилган бир қатор чора-тадбирлар кўрилди. Лекин бугун ҳалқимиз бу хизмат сифатидан рози, дея олмаймиз. Тизимни мутлақо ўзгартириш – давр талаби.

Тадбирда Ўзбекистон Республикаси Президентининг 2016 йил 31 октябрдаги «Аҳолини дори-дармон воситалари ва тиббиёт буюллари билан таъминлашни янада яхшилашга доир чора-тадбирлар тўғрисида»ги қарори ижроси юзасидан олиб борилаётган ишлар танқидий кўриб чиқилди.

Аёлларимиз иболи, ҳаёли. Баъзи масалаларда шифокорга бориб дардини бемалол айтавермайди. Шу боис хотин-қизлар учун алоҳида поликлиника ташкил қилишимиз керак, деди давлатимиз раҳбари. Токи улар бориб ўзини кийнаётган масалада бемалол фикрлашсин. Чунки эртанги кунимизнинг давомчиларини соғлом дунёга келтириш кўп жиҳатдан аёлларимизнинг саломатлигига боғлиқ.

Соғлиқни сақлаш соҳаси ҳакида гапирганда, бир ҳақиқатни эсимиздан чиқармаслигимиз лозим: тиббиёт ходимлари – саломатлигимиз посбонлари дир. Уларга ҳалқ ишониши, улар эса ҳалқни ишонтира олиши керак, деб таъкидлади Шавкат Мирзиёев.

Ихтисослаштирилган тиббиёт марказлари фаолиятида ҳам ечимини кутаётган масалалар кўп. Мавжуд марказларнинг ҳаммаси Тошкент шаҳрида жойлашган. Бу, айниқса, қишлоқ аҳолисига муайян нокулайликлар туғдирмоқда. Ихтисослаштирилган тиббиёт марказлари мутахассислари жойларга чиқиб, аҳолига тиббий хизмат кўрсатмоғи, жарроҳлик амалиётларини ўтказмоғи лозим, деди Президентимиз.

Тадбирда мамлакатимиз соғлиқни сақлаш соҳасини янада ривожлантириш, кўрсатилаётган тиббий хизматлар сифатини ҳалқаро стандартлар даражасига кўтариш, ёш мутахассисларни тарбиялаш жараёнига илғор таълим технологияларини кенг жорий этиш, дунёнинг етакчи тиббиёт марказлари ва ўқув муассасалари, таниқли олимлар ва мутахассислар билан ҳамкорликни кенгайтириш ва бошқа долзарб масалалар юзасидан мутасаддиларга аниқ топшириклар берилди.

Ўзбекистон Республикаси Бош вазирининг ўринbosари, соғлиқни сақлаш вазири А.Икромов, соғлиқни сақлаш вазирининг биринчи ўринbosари А.Ҳожибоев, соғлиқни сақлаш вазири ўринbosарлари Э.Боситхонова, С.Саидалиев, Республика ихтисослаштирилган урология маркази директори Ф.Оқилов, Республика

лика ихтисослаштирилган терапия ва тиббий реабилитация илмий-амалий тиббиёт маркази директори А.Аляви, Республика иммунология илмий маркази директори Т.Арипова, сенатор З.Низомхўжаев, «Соғлом авлод учун» халқаро хайрия фонди бошқаруви раиси С.Иномова, Қорақалпоғистон Республикаси Жўқорғи Кенгеси раиси М.Ерниязов, Андижон вилояти ҳокими Ш.Абдураҳмонов, Бухоро вилояти ҳокими Ў.Барноев ва бошқалар Президентимизнинг тиббиёт соҳасига қаратаётган алоҳида эътибори соҳа ривожида муҳим омил бўлаётганини қайд этдилар. Билдирилган танқидий фикрлардан зарур хуласалар чиқариб, кўрсатиб ўтилган камчиликларни бартараф этиш, соҳа олдида турган долзарб вазифаларни бажариш юзасидан тизимли ишлар олиб борилишини, барча куч ва имкониятлар ишга солинишни таъкидладилар.

*2017 йил 5 январь*

## **ХАЛҚИМИЗ БИЗДАН ҚОНУН ВА АДОЛАТ УСТУВОРЛИГИНИ АМАЛДА ТАЪМИНЛАШНИ КУТМОҚДА**

Ассалому алайкум, азиз ватандошлар!

Хурматли прокуратура ходимлари ва фахрийлари!

Аввало, сизларни, сизлар орқали прокуратура тизимида хизмат қилаётган барча юргдошларимизни, мухтарам фахрийларни куттуғ сана – Ўзбекистон Республикаси прокуратураси ташкил топганининг 25 йиллиги билан самимий табриклайман.

Сизларга яхши маълум, юртимизда 8 январь Прокуратура органлари ходимлари куни этиб белгиланди. Бу ҳақда гапирганда, биринчи навбатда, бу сананинг тарихи тўғрисида қисқача тўхталиб ўтиш жоиз.

Аввало, Биринчи Президентимиз, мухтарам Ислом Абдуғаниевич Каримов томонидан 1992 йил 8 январда «Ўзбекистон Республикаси прокуратура органлари тўғрисида»ги фармон қабул килингани, шу асосда илгари собик Иттифоқка бўйсунган Ўзбекистон ССР прокуратураси мустақил Ўзбекистон Республикаси прокуратурасига айлантирилганини эслаш лозим.

Бу эса, ҳеч шубҳасиз, мамлакатимизда янги прокуратура тизимини яратиш йўлидаги тарихий қадам бўлди.

Юртимизда мустақилликнинг дастлабки йилларидан бошлаб хукуқий демократик давлат ва фуқаролик жамиятини барпо этиш, иқтисодиётни барқарор ривожлантириш, аҳоли турмуш даражасини юксалтиришга қаратилган тизимли ислоҳотлар жараёнида суд-хукуқ соҳаси ҳам тубдан ислоҳ қилинди. Биринчи навбатда, ҳалқаро хукуқ талабларига жавоб берадиган қонунлар яратишга, инсон хукуқ ва эркинликларини таъминлашга устувор аҳамият қаратилди. Миллий анъана ва қадриятлар ҳамда ҳалқаро хукуқ нормаларини ўзида мужассам этган Конституциямиз ва қонунларимиз қабул қилинди. Айни вактда фуқаролар хукуқ ва манфаатларини ишончли ҳимоя қилиш мақсадида хукуқни муҳофаза қилувчи ва назорат идоралари фаолияти кайта кўриб чиқилди. Жумладан, прокуратура органлари фаолиятини ислоҳ қилиш ва янада такомиллаштириш бўйича ҳам кенг кўламли ишлар амалга оширилди. Бу борада «Прокуратура тўғрисида»ги конун қабул қилинганини алоҳида қайд этиш лозим.

Давлатимизнинг Асосий қонуни – Конституцияда прокуратура органлари зиммасига қонун устуворлигини таъминлашдек масъулиятли вазифа юклатилди.

Шу билан бирга, прокуратуранинг тадбиркорлик фаолияти эркинлиги, қишлоқ хўжалигини ислоҳ қилишга оид қонунлар сўзсиз ижро этилишини таъминлаш, солиқ, валютага оид жиноятларга ҳамда жиноий даромадларни легаллаштиришга қарши курашиш бўйича роли ва масъулияти янада кучайтирилди.

## Қадрли дўстлар!

Бундан икки йил олдин сизлар билан Бош прокуратурада ўтказилган учрашувда прокуратура органлари олдида турган асосий вазифалар ҳақида атрофлича фикрлашиб олган эдик.

Шу ўтган даврда қонунийлик ва ҳукуқ-тартиботни мустаҳкамлаш, юкори малакали кадрларни тарбиялаш, қонунчилик ва ҳукукни қўллаш амалиётини такомиллаштириш, ходимларнинг моддий ва ижтимоий ҳимоясини кучайтириш ва меҳнат шароитларини яхшилаш борасида бирмунча ишлар амалга оширилди. Жумладан, прокуратура ташаббуси билан жамият ва давлат ҳаётида муҳим аҳамиятга эга бўлган 17 та қонун, Ўзбекистон Республикаси Президентининг 6 та фармон ва қарорлари ҳамда Вазирлар Маҳкамасининг 3 та қарори қабул қилинди.

Фуқароларнинг мурожаатлари билан ишлаш тизими такомиллаштирилди. Прокуратура органларининг тадбиркорлик субъектлари ҳукукий ҳимоясини таъминлаш борасидаги фаолиятидан барчамиз хабардормиз.

Назорат тадбирларида 13 мингдан ортиқ тадбиркорнинг ҳукуклари, 7 мингдан зиёд ўз ишини тўхтатган тадбиркорлик субъектлари фаолияти қайта тиклангани прокуратура органлари томонидан бу йўналишга устувор вазифа сифатида каралаётганидан далолат беради.

Ўтказилган тадбирлар ва жиноятларни тергов килиш жараёнида 1 триллион 859 миллиард сўмлик етказилган заарар ундирилганини қайд этиш лозим.

## Хурматли йиғилиш қатнашчилари!

Бугунги кунда жаҳон миқёсидаги глобаллашув жараёнлари, бошимиздан кечираётган ҳаётнинг ўзи олдимизга қўяётган, тобора кучайиб бораётган талабларни хисобга олмасак, шиддатли давр билан ҳамқадам бўлиб яшамасак, ўз-ўзидан аёнки, стратегик мақсад ва вазифаларимизни амалга оширишимиз, тараккӣ топган замонавий демократик давлатлар каторига киришимиз қийин бўлади. Бу юксак талабни, биринчи навбатда, сиз, прокуратура ходимлари яхши тушунасиз, деб ўйлайман.

Шу нуктаи назардан қараганда, гарчи бутун сизларнинг профессионал байрамингизни биринчи марта нишонлаётган бўлсак-да, эришилган ютукларга маҳлиё бўлиб, ўзимиздан мамнун бўлиб, хотиржамликка берилишга бизнинг ҳаққимиз йўқ.

Шу сабабли биз прокуратура ва бутун ҳукукни муҳофаза килиш тизими фаолияти самарадорлигини янада оширишга қаратилган устувор вазифаларни, мавжуд камчилик ва нуксонларни бартараф этиш йўлларини аниқ белгилаб олишимиз зарур.

Халқимиз ҳамма нарсадан устун қўядиган адолат туйғусини ҳаётимизда том маънода қарор топтириш – энг асосий вазифамизга айланиши шарт.

Биз барпо этаётган ҳукукий давлатда, адолатсизликнинг ҳеч қандай кўринишига йўл кўйилмаслиги даркор. Нега деганда, «**Одамлар ҳамма нарсага чидаши мумкин, лекин адолатсизликка чидай олмайди**». Бу чукур маъноли сўзлар бутунги кунда ҳар қачонгидан ҳам кўра муҳим ва долзарб аҳамият касб этаётганини сезиш, англаш қийин эмас.

**Масалага шу кўз билан қараб баҳо берадиган бўлсак, ислоҳотларни самарали амалга оширишнинг мухим шарти бўлган қонун устуворлигини таъминлаш ва қонунийликни мустаҳкамлаш борасида прокуратуранинг бугунги фаолияти талабга жавоб берадими?**

Мана шу мураккаб ва оғир савол бугун олдимизда кўндаланг турибди. Ва қанчалик қийин, қанчалик аччиқ бўлмасин, биз бу саволга ўзимиз, сизлар билан бирга, виждонимиз олдида очиқ жавоб беришимиз зарур.

**Шу ўринда яна бир табиий савол туғилади: кўрилаётган чораларга қарамасдан, нима учун жамиятимизда қонунни бузиш ҳолатлари кескин камаймаяпти?**

Агар ҳисботларга назар ташласак, кейинги икки йилда прокуратура органлари томонидан 264 мингдан ортиқ прокурор назорати хужжатлари қўлланганини кўрамиз. Бу ракамлар, бир қараганда, гўёки прокуратура органлари фаолиятида олиб борилаётган кенг миқёсдаги ишлардан далолат беради.

**Айни вақтда, афсус билан айтиш керакки, кўп ҳолларда қонун устуворлигини таъминлаш бўйича прокурор назорати хуқуқбузарлик содир этилганидан сўнг намоён бўлмоқда.**

Бир сўз билан айтганда, асосий эътибор хуқуқбузарликларни барвақт аниқлаб, уларнинг олдини олишга эмас, балки оқибатлари билан курашишга қаратилмоқда. Бундай ҳолатга чек қўйиш вақти келди.

Фуқароларнинг хуқуқ ва эркинликларини таъминлаш масаласи бундан буён ҳам дикқатимиз марказида бўлиши, бунинг учун суд-хуқуқ соҳасидаги ислоҳотларни изчил давом эттиришимиз лозим. Ана шу ислоҳотлар жараёнида прокуратура фаол иштирок этиши, авваламбор, фуқароларнинг ижтимоий хуқуқларини таъминлашга қаратилган назорат фаолиятини кучайтириши керак. Лекин инсон хуқуқларининг ҳимоячиси сифатида прокуратура органлари томонидан бу соҳада қонунийликни тўлиқ таъминлашга эришилмаяпти. Буни очиқ айтишимиз лозим.

Айниқса, ахолини ижтимоий ҳимоя қилиш ва соғлиқни сақлаш, меҳнат хуқуқларини таъминлаш соҳаларида қонун бузилишларига барҳам берилмагани кўплаб эътиrozларга сабаб бўлмоқда.

Шу борада баъзи мисолларни келтириб ўтмоқчи-ман. Ўтган йили очилган Бош вазирнинг Виртуал қабулхонасига қисқа давр мобайнида фуқароларимиздан 311 мингдан зиёд мурожаат келиб тушди. Уларнинг 111 мингдан ортиғи ёки ҳар учтадан биттасида ижтимоий соҳадаги ўткир масалалар қўтарилиганди.

Жойларда иш ҳақи ва пенсия тўловларини кечикитириш, ахолини ижтимоий ҳимоя қилиш учун ажратилаётган бюджет маблағларини ноқонуний сарфлаш ва талон-торож қилиш ҳолатлари мунтазам равишда давом этиб келаётгани ҳаммамизни ташвишга солади. Масалан, ўтган йили 5 минг 925 та фуқаролар йигинида кам таъминланган оиласларни

ижтимоий қўллаб-куватлаш учун ажратилган 41 миллиард 300 миллион сўмга яқин нафака ва моддий ёрдам пули ноконуний тўлангани аникланган.

Бундан ташқари, нақд пулнинг банкдан ташқари айланиши билан боғлиқ салбий ҳолатларга қарши етарлича кураш олиб борилмаяпти.

**Аслида бу масалалар Прокуратура хузуридаги департаментнинг бевосита вазифасига киради.** Лекин, афсуски, департамент ва унинг жойлардаги бўлинмалари бу ишни ўз ҳолига ташлаб қўйган. Шунинг учун, департамент янги раҳбариятининг эътиборини ушбу муҳим масалаларни алоҳида назоратга олиш зарурлигига қаратаман.

Яна бир муҳим масала – оналик ва болаликни химоя қилиш, аҳоли репродуктив саломатлигини мустаҳкамлаш борасида ҳам етарли назорат ўрнатилмаган.

Оқибатда оналар ўлими Сурхондарё (Сайдов), Фарғона (Абдураҳмонов) ва Хоразм (Турдиев) вилоятларида, гўдаклар ўлими эса Тошкент (Файзиев) ва Сирдарё (Облоқулов) вилоятларида кўпайгани кузатилмоқда.

**Прокуратура идоралари томонидан тўлов интизомига оид қонунлар ижроси устидан етарли назорат олиб борилмаяпти.** Бунинг оқибатида ўтган йили Тошкент шаҳри (Кудратхўжаев), Сирдарё (Облоқулов), Тошкент (Файзиев) ва Хоразм (Турдиев) вилоятларида дебитор карздорлик даражаси ошган.

**Ёқилғи ва энергия ресурсларидан оқилона фойдаланиш ҳамда коммунал ҳўжалик соҳасида**

прокурор назорати талаб даражасида ўрнатилмагани туфайли ёқилғи-энергетика ва энергиядан фойдаланиш тизимида кўплаб конунни бузиш ҳолатлари кўзга ташланмоқда.

Коммунал тўловлар соҳасида умумий қарздорлик кун сайин ўсиб бораётгани ва жуда катта рақамларни ташкил этаётгани, албатта, ҳаммамизни ташвишга солиши керак. Бундай қарздорлик, айниқса, Тошкент (Файзиев), Жиззах (Муҳаммаджонов), Андижон (Эгамбердиев), Сирдарё (Облокулов) вилоятлари ва Тошкент шаҳрида (Кудратхўжаев) кескин ошиб кетганини афсус билан айтишга тўғри келади.

Шу ўринда ҳакли савол туғилади, конун посбонлари – ҳурматли прокурорларимиз қаёққа қараган? Нима учун бундай салбий рақамлар бўла туриб, сизлар томошабин бўлиб ўтирибсиз? Шунинг учун бугун яна бир марта сизларни огоҳлантириб айтаман, бундай кейин бу масалаларда бошқа раҳбарлар қатори прокурорлар ҳам бошлари билан жавоб берадилар.

Мамлакатимиз иқтисодиётида мухим ўрин тутадиган **қишлоқ хўжалиги соҳасида конунийликни таъминлаш** бўйича, юкорида айтилганидек, прокуратура органлари томонидан бирмунча ишлар қилинди. Айни вақтда бу соҳада ҳам қатор камчиликлар борлигидан кўз юмиб бўлмайди. Масалан, ердан ноконуний ва мақсадсиз фойдаланиш, уни талон-торож килиш, уй-жой қуриш ва бошқа мақсадлар учун ер участкаларини асоссиз ажратиб

бериш ҳолатларига, афсуски, чек қўйилмаяпти. Ўтган йили қарийб 7 минг 665 гектар ер майдонидан ноконуний ва максадсиз фойдаланиб келингани аниқланди.

Шу билан бирга, мансабдор шахслар томонидан 74 минг гектардан зиёд ер ноконуний ажратиб берилгани бу соҳада тартиб ва назорат сусайиб кетганидан далолат беради.

Шу муносабат билан прокуратура органлари ўз фаолиятида куйидаги долзарб масалаларга алоҳида эътибор қаратиши шарт:

- иш ҳаки, пенсия ва нафақаларни тўлашдаги кечиктиришларга, меҳнат ва ижтимоий ҳукуқларнинг бузилишига муросасиз бўлиш;

- электр, табиий газ ва бошқа коммунал тўловларнинг қонунийлиги ва асосли экани устидан самарали назорат ўрнатиш;

- аҳолини ижтимоий ҳимоя қилиш, соғлиқни сақлаш ва бандликни таъминлаш соҳасидаги назоратни кучайтириш;

- фуқароларнинг ўзини ўзи бошқариш органлари фаолиятида қонунийлик ҳамда алоҳида ҳимояга муҳтож бўлган, кам таъминланган ва кўп болали оиласаларга нафақа тайинлашда ижтимоий адолат принципини таъминлашимиз зарур.

Агар туман ёки шаҳарда прокурор қайд этилган масалаларда қонунийликни таъминлаш юзасидан ҳар ойнинг бешинчи ёки ўнинчи кунида мутасадди идоралар, банклар ва тегишли ташкилотлар раҳбарларини йиғиб, профилактика билан шуғулланса, олам гулистон бўлади.

Сизлар эса, муаммо тагига олиб кетганидан кейин шуғулланасизлар ва натижа ҳам шунга яраша кониқарсиз бўлади.

**Мұхтарам дўстлар!**

Инсон ҳукуқ ва эркинликларини ҳимоя қилиш ҳақида гапирганда, ғоят мұхим бир масалага эътиборингизни қаратмоқчиман. Яъни, фуқароларнинг мурожаатлари билан ишлаш тизимини тубдан такомиллаштириш, ҳалқ билан очиқ мuloқotни йўлга қўйиш, содда қилиб айтганда, эл-юрт ичиға кириш, унинг дарди ва ташвиши билан яшаш прокуратуранинг энг долзарб вазифасига айланиши зарур.

Жорий йилни Ҳалқ билан мuloқot ва инсон манфаатлари йили, деб эълон қилганимизнинг асл мақсади ҳақида мен ўз чиқишлиаримда атрофлича сўз юритганман. Лекин бутунги имкониятдан фойдаланиб, бу ҳақда яна бир бор тўхталиб ўтишни ўринли, деб биламан.

Биз одатда инсоннинг ҳаётий эҳтиёж ва манфаатларини таъминлаш – энг олий қадрият, бу – давлат идораларининг асосий вазифаси, деган мазмундаги гапларни кўп тақрорлаймиз. Буларнинг ҳаммаси албатта тўғри. Лекин ҳақли савол пайдо бўлади: **одамнинг манфаатини таъминлаш учун аввало у билан гаплашиш, мuloқot қилиш керак эмасми? Мулокот ва манфаат деган тушунчалар ўзаро чамбарчас боғлиқ эмасми?**

Шу маънода, биз – эл-юрт ишонч билдирган раҳбарлар ҳалқимиз билан аввало ўзимиз мuloқot қилмасак, унинг дарду муаммоларини эшитиб,

ўзимиз ҳал этмасак, жамиятимизнинг ижтимоий кайфиятидан доимо хабардор бўлиб яшамасак, бизнинг ўрнимизга четдан келадиган, кўштирнок ичидаги «мехрибон»лар албатта топилади. Улар ҳам ўзича ҳалқ билан мулоқот қилишга уринади. Лекин бу «мулоқот» жамиятимизда вазиятни издан чиқаришга, бузғунчилик, қарама-қаршилик, ҳатто, Худо сакласин, кон тўкилишига олиб келиши мумкин. Бунга мисол қидириб, узокқа боришнинг ҳожати йўқ. Дунёning тури минтақаларида рўй берадиган зиддият ва хунрезликларни эслашнинг ўзи кифоя.

Шу боис одамларнинг оғирини енгил қилиш, аҳолининг давлат идораларига ишончини мустаҳкамлаш максадида ҳар бир ҳудудда Ўзбекистон Республикаси Президентининг Ҳалқ қабулхоналари ва Виртуал қабулхона ташкил этилганидан хабардорсиз, албатта.

Шу ўринда яна бир фикрни афсус билан айтишга тўғри келади. Агар прокуратура органлари ва бошқа тегишли идораларимиз ўз вазифасини вижданан, қонуний асосда бажарганида, биз Ҳалқ қабулхоналарини ташкил этишга мажбур бўлмас эдик. Бу прокуратура ишига берилган ўзига хос бир баҳо, десак, бу ҳам тўғри бўлади.

Мана шу танқидий фикрлардан хulosса килган ҳолда, прокурорлар тегишли ҳокимликлар ва бошқа мутасадди идоралар билан биргаликда марказда ва жойларда бу ишларни тўғри ташкил этиши, фукаролардан тушган мурожаатлар тўлиқ ва муддатида кўриб чиқилишини тъминлаши шарт.

**Қадрли мажлис иштирокчилари!**

Мамлакатимиз иқтисодиётини ривожлантириш, халқимизнинг фаровон турмушини таъминлашда муҳим ўрин тутаётган **тадбиркорликни кўллаб-кувватлаш** масаласи давлат сиёсатининг стратегик йўналишларидан биридир.

Шу нуқтаи назардан қараганда, прокуратура органлари тадбиркорлик фаолияти ва хусусий мулкни ҳимоя қилиш юзасидан ўтган йили 5 октябрда қабул қилинган «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик муҳитини сифат жиҳатидан яхшилашга доир кўшимча чора-тадбирлар тўғрисида»ги фармон талабларига сўзсиз амал қилинишини таъминлаши зарур.

**Минг афсуски, тадбиркорлик субъектлари бўйича ноконуний текширишлар ўтказиш ва уларнинг фаолиятига асоссиз аралашиб ҳолатлари ҳамон учрамоқда. Жумладан, охириги икки йилда давлат органлари томонидан тадбиркорлик субъектлари бўйича 209 та ноконуний текшириш ўтказилган ва 702 та ҳолатда уларнинг фаолиятига асоссиз аралашилган.**

Айни вактда ўтган йили Жиззах, Қашқадарё, Тошкент вилоятларида тадбиркорлар фаолиятини ноконуний текшириш билан боғлиқ бор-йўғи биттадан ҳолат аниқланган. Сирдарё вилоятида эса бирорта ҳам бундай ҳолат аниқланмаган.

Билмадим, балки ушбу вилоятларда прокуратура идоралари бу борада ҳаммаси жойида, ҳеч қандай

камчилик йўқ, деган кайфият билан юргандир. Лекин биздаги маълумотлар бунинг тамоман аксини кўрсатмоқда.

Таҳлилларга кўра, мамлакатимиз бўйича кичик бизнес субъектларидан қариб 16 мингтаси ёки 7 фоизи ўз фаолиятини тўхтатган. Бундай корхоналар барча ҳудудларда мавжуд. Мисол учун, Тошкент вилоятида тадбиркорлик субъектларининг 15 фоизи, Сирдарё вилоятида 13 фоизи, Жиззах вилоятида эса 10 фоизи фаолият кўрсатмаяпти. Энг ёмони, бунинг оқибатида мавжуд иш ўринлари йўқотилмоқда.

Маълумки, тадбиркор ўзининг, бола-чақасининг насибасидан қийиб, тўплаган пули, молу мулкини янги иш очишга сарфлайди. Банкдан кредит олса, уни ҳам фоизи билан ўзи тўлайди. Унга ҳеч ким ҳар ўн беш кунда бюджетдан аванс ёки ойлик бермайди. Шунга қарамасдан, таваккал қилиб, хузур-ҳаловатидан кечиб, бор имконияти, маблагини хавф-хатарга кўйиб, ўз иши учун кечаю кундуз жонини бериб ишлайди. Шу йўл билан, у нафақат ўзини, оиласини, балки эл-юртни ҳам боқади.

Шу маънода, тадбиркор – бу ҳақиқий фидойи инсон. Шахсан мен бундай одамларни ёки, майли, иккита бўлса ҳам иш ўрни яратган тадбиркорни бошимга кўтаришга тайёрман. Шунинг учун, тадбиркор бой бўлса, давлат ҳам, халқ ҳам бой бўлади, деган фикрни қайта-қайта такрорлашдан мен чарчамайман. Билиб қўйинглар, бизнинг бундан бошка йўлимиз йўқ.

**Шу муносабат билан яна бир бор таъкидлаб айтмоқчиман: тадбиркорлик йўлига қарши чиқиши – давлат сиёсатига, Президент сиёсатига қарши чиқишидир.**

Афсуски, шу борада айтилаётган гаплар, кўрилаётган чора-тадбирларга қарамасдан, мансабдор шахслар томонидан тадбиркорларга нисбатан таъмагирлик ҳолатлари ҳали-бери учраб турибди. Бу эса тадбиркорларда ҳакли норозилик уйғотмокда. Бундай ҳолатларнинг ҳар бири бўйича айбдор шахсларни аниқлаб, сўзсиз жиноий жавобгарликка тортиш шарт.

Биз бундан бўён ҳар қайси туман ва вилоят прокурорининг фаолиятига у ишлаётган худудда қанча янги тадбиркорлик субъекти ташкил этилганига, қанча тадбиркорнинг конуний ҳуқук ва манфаатлари химоя килинганига қараб баҳо бериладиган тизимни жорий этамиз.

Яна бир долзарб масала шундан иборатки, айрим худудлар ҳанузгача субвенция олади, лекин прокурорлар ва департамент ходимлари тегишли масъул шахслар билан биргаликда худуд иқтисодиётини кўтариш, солик ва бошқа мажбурий тўловларни тўлиқ ва ўз вактида ундириш масаласига етарлича аҳамият бермаяпти. Ваҳоланки, прокуратура ва департамент органлари худудларнинг ижтимоий-иқтисодий аҳволи билан доимий қизиқишилари, бу борада тегишли чора-тадбирларни амалга оширишда фаол қатнашишлари керак.

**Вояга етмаганлар ва ёшларнинг хукуқ ва эркинликлари, конуний манфаатларини таъминлаш, уларнинг хаёти ва соғлиғини саклаш, маънавий, интеллектуал, жисмоний ва ахлоқий жиҳатдан камол топтириш каби муҳим масалалар бўйича қонунлар ижроси устидан прокурор назорати устувор аҳамият касб этади.**

Бу борадаги тадбирлар натижасида вояга етмаганлар ўртасида жиноятчилик 7,8 фоизга камайишига эришилган. Лекин бизни жиддий ташвишга солаётган бир муаммо – академик лицей ва касбхунар коллежлари, олий ўкув юртларида давомат, битиравчиларнинг кейинги такдири, уларни ишга жойлаштириш билан боғлик.

Прокурорлар битиравчиларни ишга жойлаштиришдаги кўзбўямачилик ҳолатларига принципial муносабат билдиrmаяпти.

Шу ўринда мамлакатимиз бўйича кейинги йилларда содир этилаётган барча жиноятларнинг 25 – 30 фоизи ёшлар ҳиссасига тўғри келаётгани, умуман олганда, ҳар йили 30 – 34 минг нафар ёшлар, жумладан, 3,5 минг хотин-қиз жиноят содир этаётгани барчамизни ташвишга солиши зарур.

Биргина 2016 йилнинг 11 ойида 815 нафар колледж ва лицей ўқувчиси, 318 нафар талаба жиноятга кўл урганига қандай баҳо бериш мумкин?

Айни вақтда вояга етмаганлар ўртасида жиноятчилик Бухоро ва Фарғона вилоятлари ҳамда Коракалпогистон Республикасида ошганини қайд этиш лозим.

Мактаб ўкувчилари ўртасида жиноят содир этганлар сони Тошкент, Жиззах, Навоий, Андижон, Сурхондарё вилоятлари ва Қорақалпоғистон Республикасида кўпайгани кузатилмоқда.

Вояга етмаганлар ўртасида боскинчилик жиноятлари мамлакатимиз бўйича айниқса Тошкент, Фарғона, Андижон ва Наманган вилоятларида ошгани барчамизни хавотирга солади.

Буларнинг барчаси прокуратура органларидан ушбу йўналишдаги ишларни жиддий қайта кўриб чикишни талаб этади.

Хурматли мажлис катнашчилари!

Биз учун ўта муҳим бўлган **аҳолини иш билан тъминлаш масаласи** кўпгина ҳудудларда ўткир муаммо бўлиб қолмоқда.

Савол туғилади: бу муаммони ҳал қилишга прокурорлар қандай хисса қўшмоқда? Аслида бу масала сизлар учун одамларни, ҳалқ ишончини қозонишда энг муҳим мезон бўлиши керак эмасми?

Яратилган янги иш ўринлари ва иш билан тъминлаш ҳақидаги ҳисботларда сохта маълумотлар орқали мавжуд салбий аҳволни ижобий қилиб кўрсатиш давом этмоқда.

Маълумки, ишсизлик биринчи навбатда жиноятчиликнинг ўсишига сабаб бўлади. Андижон ва Наманган вилоятларида жиноят содир этганларнинг ярми, Тошкент, Қашқадарё вилоятлари ва Қорақалпоғистон Республикасида эса деярли ҳар учтадан биттаси ишсиз одамлар экани аникланган. Бу эса ана шу ҳудудларда аҳолини иш билан тъминлашда жиддий нуқсонлар борлигидан далолат беради.

Бир ўйлаб кўрайлик: жиноят қачон камаяди? Қачонки одамлар ишли бўлса, даромад манбаинга эга бўлса. Шундагина инсон ҳаётдан, давлат ва жамиятдан рози бўлади. Халқ рози бўлиши учун прокурор тадбиркор билан дўст бўлиши керак. Прокурорнинг кабинети тадбиркор учун доимо очик бўлиши лозим.

Тадбиркорни фақат жазолаш учун повестка билан чақириш эмас, балки унга амалий ёрдам бериш, унинг ҳуқуқ ва манфаатларини ҳимоя қилиш – прокуратура идоралари учун асосий вазифа бўлиши зарур.

Қадрли дўстлар!

Ҳаммамизга маълумки, ҳозирги вақтда ён-атрофимиизда диний экстремизм, терроризм, гиёхвандлик, одам савдоси, ноконуний миграция, «коммавий маданият» деган турли бало-казоларнинг хавфи тобора кучайиб бормоқда.

Шу нўқтаи назардан қараганда, ҳар бир туман хокими ва туман ички ишлар бўлимлари раҳбарларининг ёшлар билан ишлаш бўйича ўринбосари лавозимини жорий этиш – давр талаби, деб ўйлайман.

Прокуратура органлари ана шу тузилмалар фаолиятини йўлга қўйишда яқиндан кўмак бериши, ёшлар билан олиб бориладиган ишлар «Маҳалла» ва «Нуроний» жамғармалари, хотин-қизлар, ёшлар ташкилотлари билан ҳамкорликда амалга оширилиши лозим.

Олдимизда турган навбатдаги муҳим вазифа – яратиб берилган имконият ва ваколатлардан тўлиқ

**фойдаланиб, фуқароларимиз, жамият ва давлатимиз хавфсизлигини ҳамда конституциявий тузум химоясини таъминлашдан иборат.**

Шу боисдан ҳам бебаҳо бойлигимиз бўлган тинчлик ва осойишталикни кўз қорачиғидек сақлашимиз, юртимиздаги миллатлар ва динлар вакиллари ўртасида тотувлик, ўзаро хурмат ва меҳр-оқибат мухитини янада мустаҳкамлашимиз зарур.

Қадрли дўстлар!

Энди, руҳсатингиз билан, прокуратура фаолиятининг асосий йўналишларидан бири – **жиноятчиликка қарши қураш** масаласига тўхталиб ўтсак.

Албатта, дунёнинг аксарият мамлакатларида криминоген вазият кескинлашиб бораётган вазиятда юртимизда тинч ва осойишта ҳаёт ҳукм сураётгани, бунда прокуратура органларининг ҳам муносиб ҳиссаси борлигини барчамиз эътироф этамиз.

Айни вактда бу борада прокуратура фаолиятида жиддий камчиликлар кўзга ташланаётганини ҳам айтмасдан ўтолмаймиз. Аввало, ҳукуқни муҳофаза қилувчи органларнинг фаолиятини мувофиқлаштириш ишлари аксарият ҳудудларда тўғри ташкил этилмаган.

2016 йилда умумий жиноятчилик кўрсаткичлари Коқалпоғистон Республикаси (Таджиев), Бухоро (Эшбаков) ва Андижон (Эгамбердиев) вилоятларида сезиларли равишда ошган.

Бу эса мазкур ҳудудларда профилактика соҳасидаги ишлар талаб даражасида эмаслигини кўрсатади.

Мамлакатимиз бўйича жиноятларнинг 6 минг 440 таси ёки 18,4 фоизи очилмасдан қолган. Бу кўр-

саткич Сурхондарё (Саидов) ва Андижон (Эгамбердиев) вилоятларида 24 фоизни, Сирдарё (Обакулов) вилоятида 23 фоизни ташкил этмоқда.

Бугунги кунда жиноят содир этган ва қидирувда бўлган шахсларнинг 12 минг 249 нафари ёки 55 фоиздан ортиги қўлга олинмаганини, ўзингиз айтинг, қандай баҳолаш мумкин?

Тошкент шаҳри (Кудратхўжаев), Андижон (Эгамбердиев) ва Фарғона (Абдураҳмонов) вилоятлари бўйича ана шундай жиноятчилар сони энг юқори эканига қарамасдан, уларни қидириб топиш кўрсаткичи энг паст даражада қолаётганини мутлақо оқлаб бўлмайди. Шунингдек, Хоразм (Турдиев) ва Наманган (Умаров) вилоятларида ҳам бу борадаги ишлар талабга умуман жавоб бермайди.

**Шуни афсус билан айтиш керакки, процессуал конун нормалари асосида холисона тергов ўтказишни таъминламаслик, уни зўравонлик билан олиб бориш ва чўзиш орқали фуқароларни сарсон қилиш каби салбий амалиётга батамом чек қўйилгани йўқ.**

**Маълумки, судларда прокурор ваколатини са- марали таъминлаш**, шу мақсадда конунларга зид бўлган суд хужжатларини ўз вактида аниклаб, уларни конунга мувофиқлаштириш чораларини кўриш прокуратура фаолиятида мухим йўналиш хисобланади.

Бу борада яқинда қабул қилинган фармон ижросини таъминлаш биринчи даражали вазифадир.

Жиноят ишини суддан қўшимча терговга қайта-риш институти батамом тутатилади.

Бундан кўзланган мақсад фуқароларнинг ортиқча овора бўлишига чек қўйиш, лўнда қилиб айтганда, судда оқни – оқقا, қорани – қорага ажратишдан иборат.

Табиийки, бу амалиётнинг жорий этилиши натижасида айби тасдиқланмаган судланувчиларга нисбатан оқлов хукмлари чиқариш ҳолатлари учун ҳам йўл очилади.

Бугунги кунда оқлов хукми чиқдими, бунга алоқадор прокуратура ходими жазоланиши лозим, деган эскича қарашлардан воз кечиш зарур.

Албатта, бундай ёндашув тергов ҳаракатларини қасдан ва факат айблов нуктаи назаридан бир томонлама олиб борган ҳамда шунга йўл қўйган ходимларга тегишли бўлмаслиги керак. Бундай шахсларга нисбатан жазонинг мукаррарлиги таъминланиши шарт.

Яна бир долзарб вазифа – қонун устуворлигини таъминлашда хуқукий маданиятни юксалтириш, фуқароларни қонунга хурмат руҳида тарбиялаш, қонунлар мазмун-моҳиятини халқимиз ва ижрочиларга ўз вақтида етказиш, уларнинг ижросини тўғри ташкил этиш муҳим аҳамиятта эга.

Айниқса, маҳаллий ижро ҳокимияти, назорат ва хуқуқни муҳофаза қилувчи органларнинг ходимлари томонидан қонунни бузиш билан боғлиқ ҳар қандай ҳолат бўйича қатъий чора кўриш шарт.

Бу ҳақда гапирганда, прокуратура тизимида сўнгти икки йил ичида 7 нафар ходим томонидан жиноят содир этилганини афсус билан айтишга мажбурмиз.

Бундан ташкари, 2015 – 2016 йилларда ўз хизмат вазифасини талаб даражасида бажармаган ёки ножӯя хатти-ҳаракатлар содир этган 643 нафар ходим интизомий жазога тортилган, 461 нафар ходим эса эгаллаб турган лавозимидан озод этилган. Шу даврда ўз хизмат вазифасини талаб даражасида бажармагани учун Жиззах, Сирдарё, Хоразм вилоятлари ва Коракалпоғистон Республикаси прокурорлари лавозимидан озод этилди.

Шу билан бирга, 29 та туман прокурори хизмат лавозимидан озод этилгани, 11 нафари эса прокуратура органларидан бўшатилгани кадрлар масаласида жиддий хатоларга йўл кўйилганидан дарак беради.

Ҳар бир прокуратура ходими бундан ўзига тегишли хулоса чиқариши, прокуратура органи ходими деган шарафли номга лойик бўлиш учун ўз хизмат вазифасини масъулият билан бажариши, берган қасамёдига ва хизмат бурчига доимо содик қолиши шарт. Бу масалалар бўйича энди талаб ва сўров қаттиқ бўлади.

**Хурматли мажлис қатнашчилари!**

Хукуқбузарлик ҳолатларининг олдини олиш, прокурорлар фаолиятида очиқлик ва ошкораликни таъминлаш мақсадида ҳалқ вакиллари олдида прокурор ҳисоботини эшлиш тизимини йўлга кўйиш, прокуратура фаолияти устидан жамоатчилик назоратини янада кучайтириш зарур.

Ҳақиқатан ҳам, давлат томонидан беш йилга ваколат берилган прокурор нима учун бирор марта жамоатчилик, халқ олдида ҳисобот бермайди?

Яна бир карра таъкидлайман: халқ давлат идораларига эмас, давлат идоралари халқимизга хизмат қилиши керак ва бу ҳақиқатни аввало прокурорлар қулоғига қўрғошиндек куйиб олиши зарур.

2017 йилдан бошлаб парламент ва жамоатчилик назорати бўйича таъсирчан механизmlарни шакллантириш мақсадида шаҳар ва туманларда ҳақиқий ахволни ўрганиб, тегишли раҳбарлар ҳисботини халқ депутатлари кенгашлари сессияси муҳокамасига киритиш тартиби жорий этилди. Яъни, ҳар ойда 10–12 кун давомида ҳар қайси вилоятнинг маълум бир туманида депутат ва сенаторлар томонидан худуддаги ижро ҳокимияти органи, прокуратура ва ички ишлар бўлими фаолияти ўрганилади ҳамда тегишли халқ депутатлари кенгашлари сессияларида муҳокама қилинади. Бу эса, ўз навбатида, ҳар бир прокурордан ўз фаолиятини танқидий кўриб чиқиб, натижадорликни кучайтиришни талаб этади.

Прокуратура органлари зиммасига юклатилган вазифаларни самарали амалга ошириш салоҳиятига ҳамда юксак маънавий-ахлоқий фазилат ва масъуллиятга эга бўлган **профессионал кадрларни тарбиялаш ва тайёрлаш** масаласи муҳим вазифаларимиздан биридир.

Бу ҳақда сўз юритганда, мазкур вазифага бевосита масъул бўлган Бош прокуратура Олий ўкув курсларининг фаолияти талабга жавоб бермайди.

Ана шу ўкув курслари фаолиятини такомиллаштириш, моддий-техник базасини мустаҳкамлаш, прокурор ва тергов ходимлари малакасини узлуксиз ошириш ва уларни қайта тайёрлашнинг самарали тизимини жорий этиш бўйича **2 ой муддатда аниқ чора-тадбирлар ишлаб чиқишимиз ва амалга оширишимиз зарур.**

Қадрли юртдошлар!

Биз сайловолди дастуримизда халқимизни ўйлантириб, безовта қилаётган, унинг кундалик ҳаётига бевосита таъсир кўрсатаётган ғоят муҳим масалаларни, биринчи навбатда, адолат ва қонун устуворлигини таъминлаш масаласини ўртага кўйдик.

Аҳолимиз, эл-юртимиз энди биздан ана шу вазифаларнинг амалий ижросини кутмоқда. Агар биз мана шундай муаммоларни ўз вақтида, қонуний асосда бажармасак, бизга инониб, ишониб яшаётган миллион-миллион одамларга хиёнат қилган бўламиз. Барчамизга билдирилган юксак ишончни окламасак, халқимиз · биздан рози бўлмайди. Жумладан, бугун нишонлаётган байрамдан ҳам одамлар рози бўлмайди. Буни ҳеч ким ҳеч қачон эсидан чиқармаслиги керак.

Бундан кейин прокуратура тизимида иш натижаларини баҳолаб бориш бўйича чораклик рейтинг тизимини жорий этиш мақсадга мувофик. Яъни, биринчи, иккинчи ва учинчи ўринларни ким эгаллади ёки ким умуман рейтингга илинмади – буларнинг барчаси таҳлил этиб борилиши керак.

Ишда яхши натижадорликка эришиб, рейтингда биринчи ва иккинчи ўринларни эгаллаган раҳбар

ва масъул ходимлар рағбатлантирилади. Аксинча, рейтингда учинчи поғонани эгаллаган шахсга хайфсан эълон килинади. Рейтингта илинмаган ходим билан эса хайрлашишга тўғри келади. Кимгадир ёқадими-ёқмайдими, биз айни шундай йўл тушишга мажбурмиз.

Намунали иш қилиб, юқори натижаларга эришган прокурор ва милиция ходимларининг фаолиятини намуна сифатида телевидение, радио ва газеталарда ёритиб, уларнинг тажрибасини кенг тарғиб қилиш ва ўзларини рағбатлантириш керак. Шунда адолат бўлади, ходимлар яхшиларга қараб интилади ва эргашади.

### Мухтарам дўстлар!

Биз бугун прокуратура органлари фаолиятини танқидий нуқтаи назардан баҳолаб, олдимизда турган муҳим ва устувор вазифалар ҳакида ҳеч нарсани яширмасдан, очиқчасига гаплашиб олдик.

Ўйлайманки, биз бир-биrimizni тўғри тушумиз. Халқимизнинг «Дўст ачитиб гапирав» деган мақолида чукур маъно борлигини сизлар яхши англайсиз. Чунки, ҳамма нарсани ўз номи билан, ютуқни – ютуқ, камчиликни – камчилик деб иш олиб бормасак, биз ўз мақсадларимизга етолмаймиз.

Такрор айтаман, ишимизда йўл қўйилган хато ва нуқсонларни ўзимиз тузатмасак, муаммоларни ўзимиз ечмасак, ҳеч ким четдан келиб бу ишларни биз учун қилиб бермайди.

Бу масалалар қанчалик қийин ва оғир бўлмасин, уларни ҳал қилишга бизнинг кучимиз ҳам, билим

ва тажрибамиз, салохиятимиз ҳам етади. Мен бунга ишонаман.

Ҳаммамиз яхши тушунамизки, прокуратура тизимидағи бундай нохуш аҳвол, бундай вазият бугун пайдо бўлгани йўқ.

Бундай яроқсиз иш услуби йиллар давомида шаклланиб келган ва уни бирданига тубдан ўзгартириш ҳам кийин масала. Буни ҳам тан олиш керак.

Прокуратура соҳасидаги олдинги раҳбарлар бу масалаларга совуққонлик билан, бефарқ қарагани туфайли биз бугун мана шундай аҳволга тушиб ўтирибмиз.

Бу ҳолатни тузатиш, ушбу тизимни замон талаблари, демократик тамойиллар асосида ўзгартириш учун нима қилишимиз керак?

Энг аввало, прокуратура илгаригидек факат жазолайдиган, репрессия органи бўлиб қолмаслиги, аксинча, фуқароларнинг ҳуқук ва эркинликларини қоғозда эмас, амалда ҳимоя қиласидан тизимга айланиши зарур. Бунинг учун ҳаммамиз биргаликда, тизимли асосда ҳали қўп-қўп иш қилишимиз керак.

Барчангизга маълум, биз ҳозирги вақтда прокуратура тизимида жиддий ўзгаришларни амалга оширмоқдамиз. Жумладан, соҳанинг кўпгина раҳбар ва ходимларини янгиладик ва ёшларни бу тизимга кўпроқ жалб этдик.

Бош прокуроримиз Иҳтиёр Бахтиёрович Абдуллаев ҳам ишни янгича асосда ташкил этиш учун астойдил ва фидокорона, кечаю кундуз ҳаракат

қилмоқда. Лекин бир фикрни очик айтишим керак: раҳбар ҳар қанча қучли, билимли ва ғайратли бўлмасин, агар унинг ўринбосарлари, бошқарма бошликлари, вилоят ва туман прокурорлари, бутун жамоа уни қўллаб-кувватламаса, бугунги қўйилган вазифаларни самарали ва натижали бажариш учун, чин маънода фидойилик ва қатъият кўрсатмаса, кутилган натижага эришиш мумкин эмас.

Шу нуктаи назардан қараганда, сизлар бугунги йиғилишимизда билдирилган фикр-мулоҳазалардан тўғри хulosа чиқариб, қонун устуворлигини таъминлашдек мураккаб ва айни вақтда шарафли вазифани бажариш учун бор билим ва салоҳиятингизни, куч-ғайратингизни сафарбар этасизлар, деб ишонаман.

Ватанимиз таракқиёти ва халқимиз фаровонлиги йўлидаги масъулиятли фаолиятингизда барчангизга сиҳат-саломатлик, ғайрат ва матонат ҳамда янги ютуқ ва зафарлар тилайман.

*Прокуратура ходимлари ва фахрийлари  
билин учрашувдаги маъруза.  
2017 йил 7 январь*

## **ҚУРОЛЛИ КУЧЛАР – ВАТАНИМИЗ ВА ХАЛҚИМИЗНИНГ МУСТАҲКАМ ҚҮРҒОНИ**

Хурматли аскар ва сержантлар, офицер ва генераллар, Куролли Кучларимиз фахрийлари!

Қадрли юртдошлар!

Шу кунларда бутун халқимиз мамлакатимиз ҳаётидаги буюк тарихий санани байрам қилмоқда. Яъни, Ватан ҳимоячилари куни ва Ўзбекистон Республикаси Куролли Кучлари ташкил этилганининг 25 йиллиги юртимизда кенг нишонланмоқда.

Ана шу кутлуг айём билан ўз ҳаётини Ватанни ҳимоя қилишдек энг улуғ ва олижаноб ишга бағишлиган сиз, азизларни, сизларнинг тимсолингизда бутун халқимизни чин қалбимдан самимий табриклайман.

Бугун, маға шу шонли байрам кунида буюк давлат ва сиёsat арбоби, Ўзбекистон Республикасининг Биринчи Президенти муҳтарам Ислом Абдуғаниевич Каримовнинг ёрқин хотирасига барчамиз яна бир бор ҳурмат бажо келтирамиз. Ўтган 25 йил давомида Куролли Кучларимизни барпо этиш йўлида кўлга киритган бекиёс ютуқларимиз азиз Ўртбошимизнинг номи билан чамбарчас боғлиқ эканини чукур миннатдорлик билан эсга оламиз.

Ўзбекистон мустақилликка эришган биринчи кунларда айнан Ислом Абдуғаниевич намоён этган принципиал позиция, сиёсий ирода ва азму шижаот

туфайли миллий армиямизга асос солинди. 1992 йил 14 январда юртимиз худудида жойлашган барча ҳарбий тузилмалар Ўзбекистон Республикаси юрисдикциясига ўтказилди. Мана, 25 йилдирки, ана шу тарихий кун Куролли Кучларимиз пойдевори қўйилган, истиқлолимиз солномасига олтин ҳарфлар билан ёзилган буюк сана сифатида байрам қилинмоқда.

**Биринчи Президентимиз ўша оғир йилларда «Ўзининг буюк тарихи ва аждодларига муносиб ворис бўлган ҳалқимиз мамлакат ҳавфсизлигини таъминлашга қодир армияни яратади олади», деб катта ишонч билан айтган эдилар.**

Бутунги кунда ана шу улкан ишончга ҳар томонлама лойиқ бўлган Куролли Кучларимиз ташкил этилганини барчамиз кўриб турибмиз.

Ҳақикатан ҳам, тарихан қисқа муддатда мамлакатимиз мустақиллиги, худудий яхлитлиги, чегараларимиз дахлсизлигини, ҳалқимизнинг тинч ва осойишта ҳаётини ишончли ҳимоя қилишга қодир бўлган миллий армия барпо этилди, деб ғуур ва ифтихор билан айтишга бугун барча асосларимиз бор.

Собиқ Иттифок худудида турли куролли тўқнашув ва қарама-қаршиликлар юз берадиган ғоят мураккаб шароитда Ўзбекистон Куролли Кучларига асос солингани, ҳеч муболагасиз айтиш мумкин, ёш давлатимизни куриш жараёнида ҳал этилган буюк вазифалардан бири бўлди. Айнан миллий армиямиз мамлакатимизда эркин, озод ва фаровон ҳаёт бунёд этиш, демократик ислоҳотларни самарали амалга ошириш йўлида ишончли кафолат, тоғдек таянч бўлиб келмоқда.

Албатта, мустақилликнинг илк йилларида барча соҳалар каби ҳарбий йўналишда ҳам кўплаб оғир муаммолар тўпланиб қолган эди. Аввало, қўшинларнинг моддий-техник таъминот тизими талаб даражасида эмас эди. Ҳарбий тузилмалар ўзининг қурилиши ва жанговар таркиби бўйича янги пайдо бўлган таҳдидлар олдида заиф эди. Энг мушкул муаммо – малакали ҳарбий кадрлар етишмасди. Шунинг учун миллий армиямизни барпо этиш ва ислоҳ қилиш бўйича хар томонлама чукур ўйланган ва узок муддатга мўлжалланган стратегия ишлаб чиқилди.

Ўтган чорак аср давомида ана шу стратегия асосида, Миллий хавфсизлик концепцияси ва Мудофаа доктринаси доирасида кўп ишлар қилинди. Юз бериши мумкин бўлган ҳарбий ҳаракатлар театри ва унинг реал хусусиятлари, илғор хорижий тажрибалар хар томонлама хисобга олинди. Шу асосда ихчам, яхши таъминланган, юксак жанговар рухга эга бўлган миллий армиямиз барпо этилди.

Қисқа муддатда ҳарбий округлар, чегара минтакалари, шунингдек, жанговар қобилиятга эга қўшин гурухлари, биринчи навбатда, мураккаб жанговар операцияларни амалга оширишга қодир бўлган Ички вазифалар корпуси ва Maxsus операциялар бўйича кучлар ташкил этилди.

Бугунги кунда ҳарбий бошқарувнинг самарали тизими шакллантирилди. Куролли Кучлар таркибида турли қўшинларнинг ўзаро мувофиқ холда ва ҳамкорликда ҳаракат қилишини таъминлайдиган механизмлар фаолият кўрсатмоқда.

Ҳарбий кадрларни тайёрлаш ва қайта тайёрлаш ҳамда малакасини ошириш тизими принципиал жиҳатдан мутлақо янги асосга ўтказилди.

Мустақилликнинг дастлабки йилларида маҳаллий офицер кадрлар юртимиздаги ҳарбий хизматчилар умумий сонининг – шунга эътибор беринг – атиги 0,6 фоизини ташкил этарди. Офицерларни тайёрлаш эса учта ҳарбий билим юртида ва бор-йўғи учта ҳарбий мутахассислик бўйича олиб борилар эди. Амалга оширилган ишлар натижасида қўшимча равишда янги, замонавий учта ҳарбий таълим муассаси ташкил этилди, курсантларни ўқитиш тизими эса кўп тармоқли асосда йўлга қўйилди.

Юқори бўғин кўмондонлик офицерларини тайёрлаш ҳамда мудофаа курилиши соҳасида илмий-тадқиқотлар ва ишланмаларни амалга ошириш бўйича энг зарур вазифалар самарали ҳал этилмоқда. Бу борада айниқса 1995 йилда ташкил этилган Қуролли Кучлар академияси ғоят муҳим ўрин эгаллаб келмоқда.

Шунингдек, армиянинг асосий таянчи бўлган сержантлар корпусини шакллантиришга алоҳида эътибор қаратилди. Сержантларни ўқитиш 2001 йилда илғор ҳалқаро стандартлар асосида ташкил этилган сержантлар тайёрлаш мактабларида 26 та йўналиш ва мутахассислик бўйича олиб борилмоқда.

**Қадрли дўстлар!**

Мустақилликка эришганимиздан сўнг фуқароларни муддатли ҳарбий хизматга чакириш тизимини ислоҳ қилиш бўйича ҳам улкан ишлар амалга оши-

рилди. Бунинг натижасида жамиятимизнинг армияга бўлган муносабати тубдан ўзгарди.

Миллий армиямиз ташкил этилган дастлабки йилларда ҳарбий қисмларни ёш аскарлар билан тўлдиришда жиддий муаммолар мавжуд эди. Собиқ шўро тузумида армияда хизмат қилган катта авлод вакиллари яхши билади, ўша пайтда ҳарбий хизматни ўташ, айниқса, Ўзбекистон ёшлари учун оғир ташвиш ва машакқат эди. Чунки, юртимиз ёшлари асосан қурилиш батальонларига қора ишчи сифатида юбориларди.

Ҳарбий қисмлардаги носоғлом маънавий-рухий мухит, устав қоидаларига зид бўлган муносабатлар туфайли қанча-қанча навқирон йигитлар, ота-оналар жабр чеккани – булар ҳаммаси ҳақиқат.

Янги миллий армияни яратишда бундай салбий иллатларга мутлақо чек кўйиш керак эди. Шу мақсадда бир неча йиллар давомида изчил иш олиб борилди. Жумладан, муддатли ҳарбий хизмат бир йил этиб белгиланди, ҳарбий хизматчиларнинг ижтимоий-маиший шароитлари, озиқ-овқат таъминоти тубдан яхшиланди. Муддатли ҳарбий хизматни ўтаб, резервга бўшатилган ёшларнинг ишга жойлашиши ва олий ўкув юртларига ўқишига кириши билан боғлик имтиёзлар тизими белгиланди. Буларнинг барчаси ҳарбий жамоаларда соғлом маънавий-ахлоқий мухит шаклланиб, ёшлар ўртасида ҳарбий хизматнинг нуфузи кескин ошишида мухим омил бўлди.

Ана шу ислоҳотларнинг мантикий давоми сифатида фуқароларнинг сафарбарлик-чақириув-резерв хизматини ўташини назарда тутадиган ўзига хос ноёб тизим яратилди. Бу тизимда ёшлар нафакат зарур ҳарбий тайёргарликдан ўтади, балки жисмоний ва маънавий жиҳатдан чиниқади. Улар ўзларининг фуқаролик масъулияти, Ватан ҳимоячиси сифатидаги муқаддас йигитлик бурчини чукур англаб, ўз юртига фидойи инсон бўлиб етишади.

Бугунги кунда миллий армиямиз минг-минглаб ўғлонларимиз учун чинакам мардлик, фидойилик, ҳақиқий ватанпарварлик мактабига айлангани, ҳеч шубҳасиз, шу йўлда эришган энг катта ютуғимиздир. Бу ҳақиқатни юртимиздаги барча ота-оналар, бутун ҳалқимиз ғурур билан, миннатдорлик билан эътироф этмоқда.

**Ҳозирги кунда оналар ўз фарзандларини армияга кўзда ёш, юракда хавотир билан эмас, балки менинг ўғлим ҳақиқий Ватан ҳимоячиси бўлади, деб, юксак ишонч ва фахр туйғуси билан кузатмоқда.**

Оналар кўнглидаги розилик – бу бутун ҳалқимиз калбидаги розилик ифодаси, десам, айни ҳақиқатни айтган бўламан.

**Хурматли юртдошлар!**

Миллий армиямиз ривожланиб бориши билан уни қурол-яроғ ва техника билан таъминлаш бўйича ҳам кенг кўламли чора-тадбирлар амалга оширилмоқда. Қўшинлар замонавий ва модернизация қилинган

ўқ отар ва оғир қуроллар, вертолётлар, самолётлар, ҳаво ҳужумидан мудофаа воситалари, автомобиль ва зирхли техника, алоқа воситалари билан таъминланмоқда.

Ҳарбий хизматчилар ва уларнинг оила аъзоларини ижтимоий ҳимоя қилиш, ҳарбий шаҳарчаларда замон талабларига жавоб берадиган ижтимоий-маиший шароитлар яратишга алоҳида эътибор қаратилмокда. Шу мақсадда комплекс дастурлар амалга оширилмоқда. Ана шу дастурлар доирасида 15 мингдан ортиқ ҳарбий хизматчилар оиласи уй-жой билан таъминлангани, айниқса, эътиборлидир.

Ҳеч шубҳасиз, биз бу йўналишдаги тизимли ишларни келгусида ҳам изчил давом эттирамиз.

Мустақиллик йилларида Куролли Кучлар устидан фуқаролик назоратини амалга ошириш бўйича самарали механизм ишлаб чиқилди. Бу механизм миллий армия фаолиятида очиқликни таъминлашда катта аҳамиятга эга бўлмоқда. Шунингдек, ҳарбий қурилиш соҳасидаги сиёсатни ишлаб чиқиш ва амалга ошириш, ҳарбий хизматчилар ва чакирув ёшидаги фарзандларимизни тарбиялашга фуқаролик институтлари ва жамоат ташкилотларини кенг жалб этишда муҳим роль ўйнамоқда. Мудофаа ва хавфсизлик масалалари бўйича Олий Мажлис палаталари кўмиталари, Мудофаа вазирлиги хузурида 2012 йилда ташкил этилган Жамоатчилик кенгаши бутунги кунда Куролли Кучлар билан фаол ҳамкорлик олиб бормоқда.

Буларнинг барчаси миллий армиямизни халқимизга, халқимизни миллий армиямизга янада яқинлаштиришдек ғоят муҳим максадга хизмат килмоқда.

Фурсатдан фойдаланиб, Куролли Кучларимизни барпо этиш, унинг жанговар қудратини ошириш йўлида фидокорона меҳнат қилган ҳарбийларимизга, шу эзгу ишга ҳисса қўшган барча юртдошларимизга чукур миннатдорлик билдираман.

**Муҳтарам дўстлар!**

Ҳозирги вақтда жаҳонда ва минтақамизда ҳарбийсиёсий вазият кескин ўзгариб, миллий ва глобал ҳавфсизлик соҳасида ҳатар ва таҳдидлар тобора кучайиб бормоқда. Ана шундай ўта масъулиятли вазият ва ҳаётнинг ўзи эришган барча ютуқларимизни, шу билан бирга, йўл қўйган камчиликларимизни чукур ва танқидий таҳдил қилишни барчамиздан талаб этмоқда. Шу асосда миллий армиямизни янада ривожлантириш ва такомиллаштириш борасида пухта ўйланган ва изчил ҳаракатларни давом эттиришимиз даркор.

**Биринчидан, миллий ҳавфсизлик каби ўта муҳим соҳани қонун талаблари асосида бошқариш самарасини ошириш бизнинг устувор вазифаларимиз каторига киради.** Афсуски, бу соҳадаги кўплаб ҳужжатларимиз ҳозирги давр талабларига жавоб бермаяпти.

Биз миллий ҳавфсизликни таъминлашда стратегик режалаштириш бўйича аниқ давлат тизимини барпо этишга объектив зарурат сифатида эҳтиёж сезмокдамиз.

Ушбу тизимда доимо янгиланиб борадиган Миллий хавфсизлик концепцияси марказий ўринни эгаллаши шарт. Мазкур концепцияда Ўзбекистон ташқи сиёсатига хос мослашувчанлик ва очиқлик тамойиллари, бизнинг яқин қўшниларимиз билан конструктив муносабатларни ривожлантириш устувор вазифа экани акс эттирилиши даркор. Айни вақтда Ватанимиз мустақиллиги ва суверенитети, халқимизнинг маданий-тарихий ўзига хослигини асрash бўйича қатъий кўрсатмалар белгилаб берилиши керак.

Шу муносабат билан муҳим бир ёндашувни яна бир бор таъкидлашни ўринли, деб биламан: ҳеч қандай ҳарбий-сиёсий блокларга қўшилмаслик, Ўзбекистон Республикаси ҳудудида хорижий давлатларнинг ҳарбий база ва объектларини жойлаштиришга йўл қўймаслик, ҳарбий хизматчиликаримизнинг хориждаги тинчликпарварлик операцияларида иштирок этмаслиги сиёсатига содик қолиш бундан буён ҳам мамлакатимизнинг принципиал позицияси бўлиб қолади.

Жаҳонда ва минтақада вазиятнинг ривожланиш динамикасини хисобга оладиган бўлсак, вужудга келадиган хавф-хатар ва таҳдидларга муносиб зарба бериш зарурати, шунингдек, бизнинг устувор вазифа ва имкониятларимиз Ўзбекистон Республикаси Мудофаа доктринасини қайта ишлаб чиқишини талаб этади.

Фақат ана шундай тизимли ёндашув биз учун миллий хавфсизликни таъминлаш соҳасида ягона,

мувофиқлаштирилган ва изчил стратегияни ишлаб чиқиши, мавжуд ресурс ва маблағларни устувор мақсадларга йўналтириш, уларни беҳуда сарфламаслик, иккинчи даражали вазифаларга чалғиб кетмаслик имконини беради.

**Иккинчидан, Қуролли Кучлар қурилишининг ташкилий тизимини янада такомиллаштириш лозим.** Ҳарбий қурилиш соҳасида тўплланган тажрибани ҳисобга олган ҳолда, ҳар қайси ҳарбий округнинг таркибий тузилиши ва вазифаларини аниқлаш даркор. Бу борада улардан айнан қайси вазифаларни ҳал этиш учун фойдаланиш кераклиги, қўшинларнинг кўлланиш ва шунингдек, операцияларни ўтказиш йўналишлари бўйича ўзига хос хусусиятларига алоҳида эътибор қаратиш зарур. Шу билан бирга, бизнинг «ҳаво қалқонимиз» – Ҳаво ҳужумидан мудофаа ва Ҳарбий ҳаво кучлари қўшинларини оптималлаштириш вазифаси ҳам катта эътибор ва ресурсларни сафарбар этишни талаб қиласди.

Қиска муддатда уларнинг ташкилий тузилиши ва бошқарув тизимини такомиллаштириш, шунингдек, уларни замонавий техника ва қурол-яроғ билан таъминлаш бўйича комплекс тадбирларни амалга ошириш лозим.

**Учинчидан, қўшинларни тайёрлаш борасидаги тадбирларни режалаштиришга оид янгича ёндашувни ишлаб чиқиши муҳим ахамиятга эгадир.** Бу тадбирлар авваламбор ҳарбий бўлинмаларга юклангандан вазифаларга, уларнинг тайёргарлик ва таъминланиш даражасига мос бўлиши зарур.

Биз учун бу борадаги якуний мезон – амалий натижа, яъни, бутун эътиборни Куролли Кучларнинг жанговар қобилияти ва тайёргарлигини реал оширишга, уларнинг юқори даражадаги уюшқоқлиги ва самарали ҳамкорлигига қартишдан иборат.

**Тўртингчидан, барча бўғиндаги профессионал ҳарбий кадрлар тайёрлаш тизимини такомиллаштириш** бизнинг эътиборимиз марказида бўлиб колиши зарур.

Шу нуктаи назардан қараганда, мутлақо янги Куролли Кучлар академиясини ташкил этиш бу йўналишдаги биринчи қадам бўлиши даркор. Ушбу ўкув маскани Тошкент олий умумқўшин қўмондонлик билим юртининг шонли ҳарбий анъаналарини ва ҳозирги мавжуд академия ҳамда мамлакатимиздаги етакчи илмий-таълим муассасаларида тўпланган фаолият тажрибасини ўзига қамраб олиши керак.

Ишончим комил, бу академия ҳарбий таълимнинг ягона тизимида ҳақиқатан ҳам асосий ўринни эгаллайди, том маънода ҳарбий илм-фан марказига айланади. Академияда лейтенантлар тайёрлаш, фаолият кўрсатаётган офицерлар малакасини ошириш ва шунингдек, армиямиз бошқарув таркибидаги қўмондонлик кадрларини маҳсус тайёргарликдан ўтказиш давом эттирилади.

Бу вазифани амалга оширишда биз таълим жараёнига энг янги усул ва технологияларни жорий этишимиз, аудиторияларни замонавий тренажёрлар, ўкув ва лаборатория асбоб-ускуналари ва компьютер техникаси билан жиҳозлашимиз лозим.

Академия тингловчиларининг умумий маданиятини ошириш, уларнинг дам олиши ва спорт билан шуғулланиши учун барча кулай шароитларни яратишимиз даркор.

Бу жараёнда ҳарбий билим юртида ҳақиқатан ҳам таълим олишга муносаб, юксак ақл-заковат ва етакчилик қобилиятига эга бўлган ёшларни аниқлаш учун уларни ўқишга танлаб олишда талабни ошириш лозим. Шу мақсадда мамлакатимизнинг ҳар бир минтақасида икки-учтадан коллеж ва лицейни белгилаб қўйиш керак. Ана шу коллеж ва лицейлар ўзларининг асосий вазифалари билан бирга, олий ҳарбий ўкув юртларига кирадиган ёшларни чукур тайёрлаш билан ҳам шуғулланади.

Бундан ташқари, барча олий ҳарбий таълим муассасалари профессор-ўқитувчилари таркибини тайёрлаш, жумладан, уларнинг хориждаги етакчи олий таълим муассасаларида малака ошириш имкониятларидан кенг фойдаланиш мақсадга мувофиқдир.

**Бешинчидан, қўшиниларни замонавий қуроляроғ ва ҳарбий техника билан қайта таъминлаш – бугунги ва истиқболдаги энг муҳим вазифамиздир.**

Афсуски, бу масала биз қутган даражада жадал суръатлар билан амалга оширилмаяпти.

Шу муносабат билан биринчи галдаги вазифа сифатида 2017 – 2021 йилларга мўлжалланган комплекс дастур ишлаб чиқишимиз керак. Унда ҳарбий аҳамиятга эга маҳсулотлар сотиб олиш, мавжуд техника воситаларини таъмирлаш ва модернизация

қилиш, бу борадаги ишларни мақсадли молиялаштириш бўйича аниқ тадбирлар кўзда тутилиши даркор.

**Мамлакатимизда ҳарбий саноат мажмуасини барпо этиш вақти келди, деб ҳисоблайман.** Шу нуқтаи назардан, Бош вазирнинг биринчи ўринбосари А.Ж.Раматов бошлигига мудофаа саноати соҳасида ягона сиёсатни амалга ошириш учун масъул бўлган тегишли давлат органини ташкил этиш масаласини кўриб чиқиш керак. Унинг таркибига Мудофаа вазирлигининг таъмирлаш бўйича барча корхоналарини, шунингдек, Чирчик авиация таъмирлаш заводи ҳамда ўқ-дори тайёрлайдиган «Восток» илмий-ишлаб чиқариш бирлашмасини ўтказиш зарур.

Келгусида ана шу корхоналар фаолияти самарадорлигини ошириш билан бирга, илмий-ишлаб чиқариш базасини яратиш, сервис марказлари ва қўшма корхоналар ташкил этишга, шунингдек, мамлакатимизнинг етакчи корхоналарида ҳарбий аҳамиятга эга бўлган айрим турдаги маҳсулотларни ишлаб чиқаришни маҳаллийлаштиришга алоҳида эътибор қаратиш керак.

**Олтинчидан, ҳарбий хизматчиларни ижтимоий ҳимоя қилиш бўйича чора-тадбирлар самарадорлигини ошириш дикқатимиз марказида бўлиши даркор.** Бу соҳада қабул қилинган давлат дастурини амалга ошириш бўйича янги механизmlарни ишлаб чиқиш объектив заруратга айланганини бугун яккол ҳис этмоқдамиз.

Шу мақсадда хизматни ўташ тартиби, фронт орти таъминоти, ҳарбий хизматчиларни уй-жой билан таъминлаш, уларга тиббий хизмат кўрсатишни такомиллаштиришга қаратилган, кўпдан буён ҳаёт талабига айланган норматив-хукукий хужжатларни ишлаб чиқиши тезлаштириш муҳим аҳамиятга эга. «Ҳарбий хизматни, ички ишлар ва божхона идораларида хизматни ўтаган шахслар ҳамда уларнинг оила аъзоларини пенсия билан таъминлаш тўғрисида»ги Ўзбекистон Республикаси қонунини қабул қилиш зарур, деб ҳисоблайман.

Маълумки, мамлакатимизда якка тартибда уй-жойлар қуриш учун узоқ муддатли имтиёзли ипотека кредитлари ажратиш бўйича жорий этилган янги тизим бугунги кунда ижобий натижа бермоқда.

Ана шу тизимни ҳарбий хизматчиларни уй-жой билан таъминлаш бўйича ҳам кенг жорий этиш зарур.

Шу йилнинг ўзида мамлакатимизнинг барча минтақаларида ҳарбий хизматчиларнинг оиласлари учун уларга имтиёзли ипотека кредитлари бериш йўли билан уч қаватли 56 та уй-жой биносини барпо этамиз.

**Еттинчидан, ёшларимизни ватанпарварлик руҳида тарбиялаш бўйича узлуксиз олиб борила-диган ишлар биз учун долзарб аҳамиятга эгадир.**

Барчамизга яхши маълумки, ватанпарварлик ҳар бир давлат ҳаётининг маънавий асоси ҳисобланади ва жамиятни ҳар томонлама ривожлантириш борасида энг муҳим сафарбар этувчи куч сифатида намоён

бўлади. Шунинг учун ҳам фуқароларимизда бизга мутлақо ёт бўлган заарли таъсирларга қарши мустаҳкам иммунитетни шакллантириш ва Ватанимиз тақдири учун масъулият туйғусини мустаҳкамлаш бўйича аник чора-тадбирларни кўришимиз шарт.

Ана шу мураккаб ишда армия сафларида мардлик ва матонат, Ватанга садоқат билан хизмат килиш мактабини ўтаган навқирон ўғлонларимиз ишончли таянч ва суюнч бўлиб хизмат қилади.

Шу муносабат билан мудофаа ишлари бўйича бошқарма ва бўлимлар бундай ёшлар билан доимо алоқада бўлиши керак. Мазкур бошқарма ва бўлимларнинг бу йўналишдаги ва маҳаллий ҳокимият органлари билан ҳамкорлик қилиш соҳасидаги ваколатларини кенгайтириш муҳим аҳамиятга эгадир.

Шу борада Бош вазир А.Н.Арипов бошчилигида муддатли ҳарбий хизматни ва сафарбарлик-чакирув-резерв хизматини ўтаган фуқароларни ишга жойлаштириш бўйича республика комиссиясини, жойларда эса бевосита ҳокимлар раҳбарлигида вилоят, шаҳар ва туман комиссияларини ташкил этиш яна бир амалий қадам бўлур эди.

Сизларга яхши маълумки, Мудофаа вазирлиги хузуридаги Жамоатчилик кенгаши ёшларни ватан-парварлик рухида тарбиялаш бўйича кўпгина ютукларга эришмоқда. Шуни эътиборга олган ҳолда, вилоят ҳокимларни таркибида ушбу кенгашнинг минтақавий бўлинмаларини тузиш орқали унинг имкониятларини кенгайтириш зарур. Бу бўлин-

маларнинг ишини ҳарбий округлар қўмондонлиги билан яқин ҳамкорликда ташкил этиш максадга мувофиқдир.

### Қадрли дўстлар!

Хозиргина баён қилинган барча вазифаларни қатъий ва изчил амалга ошириш биздан миллий армиямизни янада ислоҳ этиш, унинг салоҳияти ва жанговар қобилиятини ошириш бўйича тизимли ишларни давом эттириш ва чукурлаштириш борасида бутун куч ва имкониятларимизни сафарбар этишни талаб қиласди. Айнан шунинг учун мамлакатимиз ижтимоий-сиёсий ҳаётининг бошқа соҳалари каби ушбу йўналишдаги долзарб вазифалар ҳам ҳозирги кунда ишлаб чиқилаётган **Ўзбекистон Республикасини 2017–2021 йилларда ривожлантириш Ҳаракатлар стратегиясида** аниқ белгилаб берилмоқда.

Ана шу ўта муҳим хужжатта биноан мудофаа соҳасидаги қонунчилик базаси, қўшин гурухларининг жанговар таркиби, ташкилий тузилмаси, ҳарбий кадрлар тайёрлаш ва уларнинг сафини тўлдириш самарадорлигини ошириш чоралари кўрилади. Шунингдек, қўшинларни замонавий курол-яроғ ва техника билан куроллантириш ҳамда уларни ҳар томонлама таъминлаш масалаларини яхшилашга йўналтирилган аниқ чора-тадбирлар қабул қилинади ва амалга оширилади.

### Азиз ва муҳтарам юртдошлар!

Мана шу кутлуг айёмда ҳарбий соҳада ўзининг масъулиятли ва шарафли бурчини муносиб адо этаётган мард ўғлонларимиз – аскар ва офицерлар,

барча Ватан посбонлари, уларнинг ота-оналарига ўз номимдан, халқимиз номидан самимий миннатдорлик билдираман.

Сиз, азизларни, сизларнинг тимсолингизда бутун халқимизни бугунги улуғ байрам – Куролли Кучларимиз ташкил топганининг 25 йиллик санаси билан яна бир бор чин қалбимдан муборакбод этаман.

Барчангизга мустаҳкам соғлик, оиласарингизга баҳту саодат, Ватанни ҳимоя қилишдек олижаноб фаолиятингизда куч-ғайрат ва ютуклар тилайман.

*Ватан ҳимоячилари куни ва Ўзбекистон Республикаси  
Куролли Кучлари ташкил этилганининг 25 йиллигига  
багишланган тантанали маросимдаги табрик нутқи.*

*2017 йил 13 январь*

**ТАНҚИДИЙ ТАҲЛИЛ,  
ҚАТЪИЙ ТАРТИБ-ИНТИЗОМ  
ВА ШАХСИЙ ЖАВОБГАРЛИК –  
ҲАР БИР РАҲБАР ФАОЛИЯТИНИНГ  
КУНДАЛИК ҚОИДАСИ  
БЎЛИШИ КЕРАК**

Ҳурматли мажлис иштирокчилари!

Мана, 2016 йил якунига етди.

Бу йил Ўзбекистон ва унинг халқи учун кўп жиҳатдан мураккаб йил бўлди. Охирги беш ойда юз берган воқеалар буни яққол тасдиқлаб турибди.

Юртимизда бўлиб ўтган Президент сайлови ва Ўзбекистон Конституциясининг 24 йиллигига бағишлиланган байрам тадбирлари давлатимиз тизими мустаҳкамлигини, ҳокимиятнинг барча бўғинлари, жамиятимиз ва халқимизнинг жипслигини бутун дунёга яна бир бор намоён этди.

Барчамиз учун азиз ва қадрли бўлган Ислом Абдуғаниевич Каримов бугун орамизда йўқ. Бироқ Биринчи Президентимиз томонидан ишлаб чиқилган тараққиётнинг «ўзбек модели»ни амалга ошириш ва замонавий давлат барпо этиш борасидаги стратегик тамойилларга биз ўз ишимизда доимо суюнамиз.

Бу тамойиллар Ўзбекистонда бундан буён ҳам сиёсий, иқтисодий ва ижтимоий ўзгаришларни таъминлашнинг мустаҳкам пойдевори ҳисобланади.

**2017 йилни биз Халқ билан мулокот ва инсон манфаатлари йили**, деб эълон қилдик. Бугунги мажлисимиизнинг асосий мазмунини айнан шу талабдан келиб чиқкан ҳолда белгилашни таклиф этаман. Шу муносабат билан сизларнинг эътиборингизни куйидаги энг муҳим масалаларга қаратишни зарур, деб хисоблайман.

**Биринчидан**, нима сабабдан ўтган йилда иқтисодиёт тармоқлари ва худудларни ривожлантиришнинг айрим кўрсаткичларига эришилмади? Бунинг учун ким шахсан жавоб беради?

**Иккинчидан**, 2017 йилга мўлжалланган иқтисодий дастурнинг энг муҳим йўналишлари ва устувор вазифаларини белгилаб олишимиз зарур.

**Учинчидан**, келгуси беш йил давомида қандай стратегик вазифаларни амалга оширишимиз керак?

Мажлис иштирокчиларини огоҳлантириб айтмоқчиман: «ғалаба рапортлари» ва қилинган ишга доир ҳисботларга берилмасдан, асосий диққат-эътиборни мавжуд камчиликлар ва уларнинг илдизларини пухта таҳлил қилишга қаратиш зарур. Шунингдек, мамлакат Президенти ва ҳукумати даражасида ечиладиган аниқ таклифлар ва муаммоли масалаларга эътибор бериш шарт.

Мажлисни асосан мулокот тарзида ўтказишни таклиф этаман. Кўйилган саволларга бериладиган жавоблар аниқ-равshan ва тушунарли бўлиши керак. Бу нафақат Бош вазир ўринбосарлари, ҳукумат аъзолари ва шу залда ўтирган мажлис иштирокчиларига, балки барча шаҳар ва туман раҳбарларига ҳам бирдек тегишлидир.

Бугун мамлакатимизнинг барқарор ривожланиш йўлида изчил илгарилаб боришини таҳлил қилас эканмиз, ўтган йили принципиал мухим ислоҳотларни амалга ошириш бўйича қатъий қадамлар қўйилди, деб айтишга барча асосларимиз бор.

Бу ислоҳотларнинг асосий мақсади – ахоли учун муносиб ҳаёт даражаси ва сифатини таъминлашдир.

**Жадал ва барқарор ривожланишга қаратилган бу сиёsat бундан кейин ҳам сўзсиз давом эттирилади.**

**Танқидий таҳлил, қатъий тартиб-интизом ва шахсий жавобгарлик ҳар бир раҳбарни – бу Бош вазир ёки унинг ўринbosарлари бўладими, ҳукумат аъзоси ёки худуд ҳокими бўладими, улар фаолиятининг кундалик қоидаси бўлиб қолиши керак.**

Энди ҳар биримиз, энг аввало, давлат бошқаруви органлари раҳбарларининг вазифаси – ўзимиз масъул бўлган соҳа ва тармоқда ишларнинг ахволини танқидий баҳолаш асосида зиммамизга юклатилган вазифаларни масъулият билан бажаришни таъминлашдан иборат. Шундай давр келди.

Ана шу талабни, шунингдек, 2017 – 2021 йилларда Ўзбекистонни янада ривожлантириш бўйича Ҳаракатлар стратегияси лойиҳасини кенг муҳокама қилиш давомида келиб тушган таклифларни инобатта олган ҳолда, 2017 йил учун мўлжалланган иқтисодий ва ижтимоий дастурнинг ўн битта энг мухим устувор вазифасини белгилашни таклиф этаман.

Ушбу устувор вазифалар бугунги мажлисимиз баённомаси лойиҳасида кўрсатилган. Шу муносабат

билан Баш вазир А. Ариповга ана шу йўналишларни амалга ошириш бўйича ўзаро боғлик чора-тадбирлар комплексини бир ой муддатда тақдим этиш топширилади.

Энг асосий устувор вазифа – «Халқ билан мулоқот ва инсон манфаатлари йили» Давлат дастурини амалга ошириш, **«Инсон манфаатлари ҳамма нарсадан устун»** деган олижаноб ғояни изчиллик билан ҳаётга татбиқ этишдан иборат.

Айнан ана шу энг муҳим вазифалар иқтисодий ислоҳотларни чуқурлаштиришнинг асосий йўналишлари ва устувор вазифаларига жиддий ўзгартиришлар киритиш учун пойdevor бўлиши керак.

Бунинг учун куйидаги вазифаларни бажаришимиз лозим.

**Биринчи** – фуқаролар билан очик мулоқотни йўлга қўйишининг янги самарали усул ва механизmlарини татбиқ қилиш, жумладан, барча даражадаги ҳокимлар, прокуратура ва ички ишлар органлари раҳбарларининг аҳоли олдида ҳисбот бериш тизимини жорий этиш керак. Ўйлайманки, ана шу муҳим ишда Конунчилик палатаси ва Сенат қўмиталари фаол иштирок этади.

Жорий йилнинг 1 февралидан бошлаб Конунчилик палатаси Спикери – Нуриддинжон Мўйдинхонович Исмоилов ва Сенат Раиси – Нигматилла Тўлқинович Йўлдошев ҳам жойларга чиқиб, мавжуд аҳволни шахсан ўрганиш асосида аҳолининг энг

мухим эҳтиёжларини ҳал этишда амалий ёрдам кўрсатишлари мақсадга мувофиқдир.

**Иккинчи** – Ўзбекистон Республикаси Президентининг Қорақалпоғистон Республикаси, вилоятлар ва Тошкент шаҳридаги, ҳар бир туман ва шаҳардаги Халқ қабулхоналари, Ўзбекистон Республикаси Президентининг Виртуал қабулхонаси фаолиятини самарали ташкил этишни таъминлаш даркор.

**Ана шу ишларнинг бош мақсади** – фуқароларнинг қонуний мурожаатларини қисқа муддатда синчилаб кўриб чиқишини ва ҳал этишини таъминлашдир. Бу борада рақамлар ва силлиқ ҳисоботларнинг орқасидан қувиб, навбатдаги кампаниябозликни уюштириш керак эмас.

**Буни халқ ҳеч қачон кечирмайди!**

Бундан буён агар аризачи олган жавоб хатидаги ўз қонуний муаммоси ечимидан қаноат ҳосил қиласа, бундай мурожаат назоратдан олинмайди.

**Учинчи** – Бош вазир бошчилигига тузилган маҳсус комиссия бир ҳафта муддатда «Халқ билан мулокот ва инсон манфаатлари йили» Давлат дастури лойиҳасини яна бир бор қайта кўриб чиқиб, тасдиқлаш учун киритиши керак.

**Макроиқтисодий барқарорликни янада мустаҳкамлаш ва иқтисодий ўсишнинг юқори суръатларини сақлаб қолиш, жумладан, Давлат бюджети барча даражада мутаносиб, миллий валюта ва ички бозордаги нарх даражаси барқарор бўлишини таъминлаш** – энг муҳим устувор вазифамиздир.

Бош вазирнинг барча ўринбосарлари, иқтисодиёт вазири Г.Саидова, молия вазири Б.Хўжаев, Давлат солик қўмитаси раиси Б.Парпиев ва Давлат божхона қўмитаси раиси М.Тоҳирийни 2017 йил учун белгиланган асосий макроиқтисодий кўрсаткичларга эришиш борасида шахсан жавобгар эканликлари тўғрисида яна бир бор огоҳлантираман.

**Макроиқтисодиёт комплекси раҳбари Р.Азимов, иқтисодиёт вазири Г.Саидова ва молия вазири Б.Хўжаевнинг жорий йил якуни бўйича Давлат бюджети дефицити прогнозига доир таклифларига қўшилиб бўлмасликни алоҳида таъкидламоқчи-ман.**

**Бу борада фақат бюджет профицити ҳақида сўз бориши мумкин ва зарур. Бу муҳокама қилишни эмас, балки сўзсиз бажаришни талаб этадиган стратегик вазифадир.**

Бунинг учун жойларга чиқиш, ҳар бир хонадоннинг тадбиркорлик борасидаги имкониятини ўрганиш, молиялаштиришни кенгайтириш билан боғлиқ муаммоларни ҳал этиш, тадбиркорларни ишонтириш ва уларга амалий ёрдам бериш – бутун Макроиқтисодиёт комплекси фаолиятидаги кундаклик қоидага айланиши керак.

Фақат шундагина натижага эриша оламиз. Шу муносабат билан ҳокимлар ва уларнинг биринчи ўринбосарлари ўз иш услуби ва дунёқарашини тудан ўзгартириши шарт.

Ҳар бир туман ва шаҳарда, республика аҳамиятига молик йирик корхоналар ҳиссасини эътиборга

олмаган ҳолда, солиққа тортиш базасини кенгайтириш бўйича амалий чора-тадбирларни ишлаб чиқиши хисобидан Қорақалпоғистон Республикаси ва Тошкент вилоятининг барча туманларини субвенциядан чиқаришни сўзсиз таъминлаш керак.

Бу йил бошқа ҳокимликлар ва тегишли органлар учун ҳам субвенциядан қутулиш масаласида синов йили бўлади. Бунинг учун Макроиктисодиёт комплекси таркибидаги вазирлик ва идоралар ҳар куни, ҳар ҳафта самарали ва тинимсиз иш олиб бориши керак. Бусиз натижага эришиб бўлмайди.

Шунинг учун Макроиктисодиёт комплекси раҳбари Р. Азимов иқтисодиётни бошкариш бўйича хозирги замонавий янги тизимлар самарадорлигига куйи бўғиндаги раҳбарларни ишонтириши, уларни шу асосда ишлашга ўргатиши, бу борадаги натижа учун жавоб бериши ва уни кафолатлаши керак.

**Хурматли дўстлар!**

Ҳаётнинг ўзи ва халқнинг талаблари бизнинг олдимизга амалий ечимини топиш лозим бўлган янги ва янада мураккаб вазифаларни қўймоқда.

Бу ўринда асосий муаммо, менинг назаримда, қуидагилардан иборат:

**Биринчидан**, айрим идоралар ва уларнинг раҳбарлари реал ҳаётдан ва халқ эҳтиёжларидан маълум даражада узилиб қолмоқда.

**Иккинчидан**, тармоқ ва ҳудудларни ривожлантириш концепциялари ва дастурларини ишлаб чиқишида юзаки ёндашувга йўл қўйилмоқда.

Ва ниҳоят, учинчи **асосий камчилик** – кўпчилик раҳбарларнинг мураккаб муаммоларни кабинет-

дан чиқмасдан, иқтисодиёт тармоқлари, ҳар бир корхонадаги, шаҳар ва туманлардаги, айниқса, қишлоқ жойлардаги ишлар қандай ахволда эканини чукур ўрганмасдан ҳал этишга одатланиб қолгани билан боғлиқ.

Шунинг учун бугун Бош вазир ўринбосарларидан ўзларига қарашли вазирлик ва идораларнинг адвокати бўлиб эмас, балки, энг аввало, давлат манфаатларидан келиб чиқсан ҳолда ана шу саволларга ғоят аниқ ва равshan жавоб беришни талаб қиласман. Шунингдек, комплекс таркибидаги ҳар бир бошқарув органи раҳбарига жиддий ва аниқ баҳо беришни сўрайман.

Барқарор иқтисодий ривожланиш пойдевори бўлган таянч тармоқлардаги ишларимиз қай ахволда?

Давлат томонидан бу тармоқлар доимо қўллаб-кувватланаётган бўлса-да, нима сабабда : изчил ва барқарор ўсиш таъминланмаяпти? Ва ниҳоят, нима сабабдан тажрибали комплекс раҳбари Ф.Ибрагимов томонидан самарали бошқарув жилови қўлдан чиқарип юборилган?

Аниқ далилларга мурожаат қиласлик.

«Ўзбекнефтгаз» компанияси тизимида – А.Султонов – 2010 – 2016 йилларда кариб 20 миллиард долларлик катта капитал қўйилмалар киритилганига қарамасдан, суюқ углеводород ва табиий газ қазиб олиш камайган.

Шу билан бирга, бу борада хомашё импорт килиш 1,3 баробар кўпайган. Йирик ва ҳаётий муҳим

лойиҳаларни амалга ошириш муддатлари доимо барбод қилинмоқда. 40 минг киши ишлайдиган «Ўзтрансгаз» компанияси тизимида муддати ўтган дебитор қарздорлик 14 фоизга ошган.

Нима сабабдан, Гулом Иномович, сиз илгари ўзингиз раҳбарлик қилган «Ўзкимёсаноат» акциядорлик жамияти тизимидағи ишлар аҳволига сусткашлиқ билан ёндашяпсиз? Нима сабабдан ушбу тармоқдаги ишлар доимий равишда издан чиқмоқда? Қишлоқ хўжалигига фосфорли ўғитларни тўлиқ етказиб бермаслик ва уларнинг танқислиги учун шахсан ким жавоб беради? Охирги 10 йилда минерал ўғитларнинг нархи неча баробар ўсган?

Табиий савол туғилади: ўғитнинг таннархи неча марта камайган? Афсуски, бундай ҳақли саволларга жавоб йўқ. Бундан ким зарар кўряпти? Албатта, дехқон ва фермерларимиз.

«Ўзбекэнерго» акциядорлик жамиятида 67 минг киши, жумладан, қўштириноқ ичидағи «пул йиғувчи»лар мавжуд бўлса-да, нима сабабдан улкан дебитор қарздорликнинг тагига етиб бўлмайди? Кўмир қазиб олиш тармоғи, таъбир жоиз бўлса, «ёнбошлаганича ётиди».

Сизга уч йил олдин ходимлар штати ҳаддан ташқари кенгайиб кетган, жумладан, қариндошлиқ асосида ишга олиш ва жуда юқори иш ҳақи белгилаш авж олган ўнлаб лойиҳа гуруҳлари фаолиятини пухта ўрганиб чиқиб, тартибга солиш топширилган эди. Нима учун топшириқни охиригача бажармадингиз?

Сиз ва сизга бўйсунувчи раҳбарлардан бугун ана шу саволларга жавоб беришингизни талаб қиласан. Шу билан бирга, биринчи ярим йилда асосий эътиборни қўйидаги вазифаларни амалга оширишга қаратиш зарур:

**биринчи** – Навоий ва Олмалиқ кон-металлургия комбинатларида маҳсулот ишлаб чиқариш ҳажмини кўпайтириш бўйича яқинда тасдиқланган дастурни сўзсиз амалга ошириш учун Қ. Санакулов ва А. Фармоновнинг шахсий жавобгарлигини таъминлаш шарт. Бир-икки фоиз микдордаги ўсиш суръатлари билан чегараланиб қолиш мумкин эмас.

Шу муносабат билан F.Ибрагимов қимматбаҳо металлар ишлаб чиқаришни кўпайтириш ва янги фабрикалар қуришга доир топшириқни бажариш бўйича қарор лойиҳасини киритишни тезлаштириши зарур;

**иккинчи** – нафакат жорий йилда, балки яқин 3–5 йилда фойдаланишга топшириладиган барча стратегик муҳим объектларни ўз вақтида ишга тушириш даркор;

**учинчи** – нефть-газ маҳсулотлари экспортини кўпайтириш, импортни кескин камайтириш ва асбобускуналар ишлаб чиқаришни маҳаллийлаштириш ҳажмини ошириш учун қўшма корхона ташкил этиш бўйича пухта ишлаб чиқилган аниқ чора-тадбирлар комплексини тақдим этиш зарур.

Кейинги 10 йилда Вазирлар Маҳкамаси комплексларига карашли вазирлик ва идоралар томонидан

олиб кирилган асбоб-ускуналар импорти таҳлил килинмаган. Уларни маҳаллийлаштиришдан ҳеч ким манфаатдор эмас, бу масала билан ҳеч ким астойдил шуғулланмаяпти. Бундай ёндашув замирида нима ётибди, деган ҳақли савол туғилади.

Шунинг учун бундан бүён Вазирлар Маҳкамасининг ҳар чорак якуни бўйича мажлисларидан олдин алоҳида йиғилишлар ўтказилиб, уларда ҳар қайси Бош вазир ўринbosарининг импортни ва таннархни камайтириш, маҳаллийлаштиришни кенгайтириш борасидаги ишларнинг аҳволи тўғрисидаги ҳисоботи эшитилади. Уларнинг фаолиятига холисона баҳо берилади.

Давлат геология қўмитаси тизими, шунингдек, унинг раҳбари И.Тўрамуратов фаолияти самарадорлиги алоҳида эътиборни талаб қиласи. Яқин вакт ичидаги 2017 – 2021 йилларда минерал-хомашё базасини ривожлантириш ва тиклаш дастури лойиҳасини тақдим этиш зарур.

Бош вазир ўринbosари У.Розуқулов раҳбарлик килаётган Машинасозлик комплексида юзага келган аҳвол бизни жиддий ташвишлантироқда.

Энг аввало, сиз раҳбарлик қилаётган автомобилсозлик саноатида ишлаб чиқариш ҳажми кейинги уч йилда 2,8 баробар камайган. Бу нафакат саноат маҳсулоти ўсиш суръатига, балки мамлакатимиз ялпи ички маҳсулоти ўсишига ҳам жиддий таъсир кўрсатмоқда. Бу соҳада импорт ҳажми экспортдан бир неча баробар юқори бўлиб, маҳаллийлаштириш даражаси эса импортга нисбатан 20 фоиздан ҳам паст бўлиб қолмоқда.

Бутун қишлоқ хўжалиги машинасозлиги тизими-ни тубдан қайта куриш таъминланмаган. Бу тизим ўз моҳиятига кўра нафақат қишлоқ хўжалигини механизациялаш ва фермер хўжаликлари меҳнатини енгиллаштиришнинг мустахкам пойдевори, айни вақтда мамлакатимиз валюта балансини тўлдириш бўйича кафолатланган манба бўлиши керак эди.

Охирги йилларда шахсан сиз кадрлар билан ишлашни бўшаштириб юбордингиз. Сизнинг такли-фингизга кўра «Ўзэлтехсаноат» компанияси раҳбари этиб Э.Иминов тайинланган эди. Бироқ унинг иш натижалари ва бутун тармоқдаги аҳвол қандай?

Кўпгина инвестиция лойиҳаларини ишлаб чиқиш чўзиб юборилмоқда. Ички бозоримизнинг кўплаб товарларга бўлган эҳтиёжи 50 фоиз даражасида ҳам қондирилмаяпти. Экспорт бўйича топшириклар барбод қилинган.

Сиз ва компания раиси хорижий инвестиция ва замонавий ўскуна олиб келиб, замонавий рақобатдош ишлаб чиқариш корхоналари ташкил этганингизни мен эслай олмайман ҳам.

Сиз хусусий тадбиркорларнинг ўзи ташаббус кўрсатаётганидан қаноатланиб юрибсиз. Тармоқда эса ҳалигача зарур силжиш йўқ.

Сиз томонингиздан «Ўзстандарт» агентлиги раҳбарлигига тавсия қилинган А.Курбонов номзоди ва унга нисбатан талабчанлик кўрсатилмагани туфайли соҳада аниқ иш ва якуний натижа бўлмади. Халқаро стандартлаштириш ташкилотининг 21 минг

стандартидан атиги 13 фоизи мамлакатимизда жорий этилган, холос.

Шунинг учун ҳам сиздан ва тармоқ раҳбарларидан бугун қуидаги вазифаларни амалга ошириш бўйича комплекс чора-тадбирлар тўғрисида ахборот беришингизни талаб қиласман:

**биринчи** – автомобилсозлик саноатини ривожлантириш, унинг маҳсулотлари рақобатдошлигини, энг аввало, яқин ва узоқ хорижий мамлакатлар бозорларида ошириш бўйича принципиал жиҳатдан янги тизим зарур.

Бу борада мен «отвертка билан машина йигиши» эмас, балки асосий ва ёрдамчи тармоқларни баркарор ривожлантириш, ортиқча харажатлар ва таннархни камайтириш, маҳаллийлаштириш даражасини ошириш ва импортни қисқартиришни назарда тутяпман;

**иккинчи** – аҳоли учун мақбул нархда турли маиший электр техника буюмлари ишлаб чиқаришни таъминлашимиз керак;

**учинчи** – ўтган йили биз «Ўзагротехсаноатхолдинг» акциядорлик жамиятини қайта ташкил этиш бўйича муҳим ҳужжатлар қабул қилдик. Савол: уларни муваффакиятли амалга ошириш ва бу ўта муҳим тармоқнинг баркарор иш юритишини таъминлаш бўйича сиз томонингиздан қандай аниқ чора-тадбирлар кўрилади?

**тўртинчи** – бутун стандартлаштириш тизимини тубдан қайта куриш керак. Бундан кўзланган мақсад – мамлакатимизда ишлаб чиқарилган маҳсу-

лотлар замонавий халқаро стандартларга жавоб бериси лозим.

Сиз ва Баш вазирнинг бошқа ўринбосарлари учун мамлакатимиз иқтисодиёти тармоқлари ва ҳудудларнинг экспорт салоҳиятини янада ривожлантириш бўйича комплекс чора-тадбирларни амалга ошириш 2017 йилда сўзсиз ҳал қилувчи фаолият йўналишига айланиши зарур.

Бу ўринда гап фақат экспорт ҳажмининг ўсиш кўрсаткичлари ҳакида бораётгани йўқ. Кун тартибida ўта жиддий масалалар турибди. Булар – мамлакатимизда яратилган технологияларнинг рақобатдошлигини таъминлаш, «ноу-хау» намуналарини яратиш, замонавий ахборот-коммуникация технологияларини жорий этиш, яъни юқори сифатли маҳсулот ишлаб чиқаришни таъминлаш бўйича тизимли чора-тадбирларни амалга оширишdir.

Бизда улкан резервлар бор. Лекин шунга қарамасдан, ўтган йили жами 1 миллиард 540 миллион долларлик прогноз кўрсаткичлари бажарилмай қолди. Шундан 570 миллион доллари Вазирлар Маҳкамаси комплексларига қарашли корхоналарга тўғри келади. 970 миллион доллар микдоридаги кўрсаткичлар эса ҳудудлардаги хўжалик юритувчи субъектлар томонидан бажарилмаган. Бизнинг маҳсулотимиз экспорт қилинадиган мамлакатлар сони 2010 йилга нисбатан 176 тадан 138 тага камайган.

Айни вактда машинасозлик комплекси, «Ўзфармсаноат» концерни ва «Ўзбекэнерго» акциядорлик

жамияти тизимидағи корхоналарда импорт ҳажми экспорт ҳажмидан ўнлаб марта кўп.

«Ўзкурилишматериаллари» акциядорлик жамияти ва «Ўзбекнефтгаз» компанияси тизимида маҳаллийлаштирилган маҳсулотлар ҳажми импорт миқдорига нисбатан 25 – 30 фоиздан ошмайди.

Нима сабабдан сиз ушбу муҳим вазифадан ўзини четга олаётган ва прогноз кўрсаткичи атиги 42 фоизни ташкил этган Тошкент шаҳри ҳокими Р.Усмонов ва туманлар ҳокимларининг шахсий жавобгарлигини белгилаш бўйича аниқ таклифлар киритмаяпсиз?

Ёки Ш. Абдураҳмонов, З. Рўзиев, Ш. Фаниев каби тажрибали ҳокимлар раҳбарлик қилаётган Андижон, Қашқадарё ва Фарғона вилоятларида прогноз кўрсаткичлари атиги 65 – 85 фоиз бажарилганини қандай тушуниш мумкин?

Энди, руҳсатингиз билан, 2017 йилда олдимизда турган вазифалар тўғрисида тўхталсак. Биз 10 миллиард 800 миллион доллар ҳажмидаги маҳсулот экспортини таъминлашимиз керак. Бу борада қандай кечикириб бўлмайдиган вазифаларни ҳал этишимиз зарур?

**Биринчи** – 15 кунлик муддатда комплекслар бўйича эмас, чунки бу ўзини оқламаяпти, балки экспортга маҳсулот чиқарадиган барча корхоналар бўйича ҳаракат дастурини пухта ишлаб чиқиш ва У.Розуқулов раҳбарлигидаги маҳсус комиссия мажлисида тасдиқлаш керак.

**Иккинчи вазифа** – 2016 йилда Тошкент шахри ва хорижда ўтказилган халқаро саноат ярмаркаларида жами 7,7 миллиард долларлик маҳсулотни экспорт қилиш бўйича тузилган шартномаларни амалга ошириш зарур.

Россия, Қозоғистон, Туркманистон, Украина ва Беларусь Республикасида, шунингдек, бошқа давлатларда маҳсулот сотишининг янги бозорларини излаш бўйича бошланган ишларни янада фаол давом эттириш керак. Болгария билан бу борада яқиндан ҳамкорлик қилиш бўйича берилган топшириқ, афсуски, натижасиз қолди.

Бу ишларга бизнинг хориждаги дипломатик ва колатхоналаримиз ҳам ўз ҳиссасини қўшиши лозим. Буни Сенат раисининг биринчи ўринбосари С.Сафоев ва ташқи ишлар вазири А.Комилов назоратга олсин.

**Учинчи вазифа** – «Ўзтадбиркорэкспорт» ва «Ўзсаноатэкспорт» акциядорлик жамиятлари, шунингдек, Миллий банк ҳузуридаги Кичик бизнес ва хусусий тадбиркорлик субъектларининг экспортини кўллаб-куватлаш жамғармаси йўналиши бўйича кичик бизнес ва хусусий тадбиркорлик субъектлари экспорти билан боғлик. Бу борада камида 1 миллиард 500 миллион долларлик экспортни таъминлаш керак.

**Тўртинчи вазифа** – мева-сабзавот маҳсулотларини экспорт қилиш. Бош вазир ўринбосари З.Мирзаевга 15 кун муддатда ўтган йили 650 миллион долларлик

мева-сабзавот экспорт қилинмай қолгани сабабларини атрофлича таҳлил қилиб, аниқ таклифлар киритиш топширилади.

Бу борада мамлакатимиздаги мева-сабзавот етиштиришга ихтисослашган 66 та туманнинг салоҳияти ва имкониятларини ҳам сўзсиз хисобга олиш зарур. Энди ушбу туманлар ҳокимлари, уларнинг ўринbosарлари ва тумандаги барча раҳбарлар прогноз кўрсаткичларига эришиш учун тўғридан-тўғри жавобгардир.

Бош вазир ўринbosари, маҳсус комиссия раиси У.Розуқулов ва янги департамент бу амалий вазифаларни ҳал этиш учун давлат ва хўжалик бошқаруви органлари, шунингдек, вилоятлар, шаҳар ва туманлар ҳокимларининг иқтисодиёт ва тадбиркорлик бўйича биринчи ўринbosарлари фаолиятини мувофиқлаштириши шарт.

Мазкур иккита комплексдаги ишларнинг ҳолатини, шунингдек, Ф.Ибрагимов ва У.Розуқуловнинг шахсий жавобгарлигини танқидий таҳлил қилишга эътиборингизни алоҳида қаратдим. Бунинг сабаби – бу соҳаларга нафақат саноат, балки бутун иқтисодиёт ривожида ҳал қилувчи ўрин тутади, деб ғоят катта ишонч билан қарайпмиз. Уларни ва комплекслар таркибидағи ташкилотлар раҳбарларини шахсан огоҳлантираман: агар жорий йил биринчи ярим йиллиги яқунлари бўйича реал натижалар таъминланмаса, сизларга нисбатан қаттиқ чора кўрилади.

**Хурматли мажлис иштирокчилари!**

**Маълумки, биз ижтимоий соҳада аҳоли саломатлиги, оналик ва болаликни муҳофаза қилиш,**

**дори воситалари билан ишончли таъминлаш, жисмоний бақувват ва маънавий жиҳатдан соғлом авлодни камол топтириш масалаларига алоҳида устувор аҳамият бермоқдамиз.**

Ана шу муҳим соҳаларда қандай муаммолар бор? Бундан илгари ҳам соғлиқни саклаш вазири лавозимида ишлаган Бош вазир ўринбосари А.Икромовга мурожаат қилиб сўрамоқчиман:

**бириинчидан**, нима сабабдан ўтган шунча йил мобайнида соғлиқни саклаш тизимининг бирламчи бўғини, энг аввало, қишлоқ врачлик пунктларини ислоҳ қилиш самарадорлиги таъминланмади? Бугунги кунда уларда 2 минг 500 нафар врач етишмайди, бу масканларни замонавий ускуналар билан жиҳозлаш ва дори воситалари билан таъминлаш дараҷаси жуда паст;

**иккинчидан**, диагностика даражаси пастлиги ва врачларнинг малакаси етарли эмаслиги натижасида йилига 30 мингдан зиёд юртдошимиз даволаниш учун хорижий мамлакатларга боришга ва оила бюджетидан катта маблағ сарфлашга мажбур бўлаётганидан сизнинг хабарингиз йўқми?

**учинчидан**, сиз қачон тез тиббий ёрдамнинг барча тузилмаларида тартиб ўрнатиб, уларнинг барқарор ишлашини таъминлайсиз? Нима сабабдан улар аксарият ҳолатларда bemорларга ҳақиқий тез ёрдам кўрсата олмайди?

**тўртинчидан**, тиббиёт ходимлари ўртасидаги салбий ҳолатларга қачон барҳам берилади? Бу борада **фақатгина ўтган йилнинг ўзида 174 та**

**жиноят иши қўзғатилган.** Соғлиқни сақлаш ходимлари билан яқинда бўлиб ўтган учрашувда тұғуруқхоналардаги таъмагирлик билан боғлиқ салбий ҳолатлар тўғрисида сизга ва тизим раҳбарларига алоҳида айтган эдим;

**бешинчидан,** сиз нима сабабдан экологиянинг жиддий муаммолари билан етарлича шуғулланмаяпсиз? Ахир, бу соҳа одамларнинг соғлиғига ва мамлакатимиздаги эпидемиологик ҳолатга таъсир килмайдими?

**олтинчидан,** шахсан сиз ва «Дори-дармон» компанияси раҳбари А. Комилов нима сабабдан дорихоналар тармоғидаги жиддий камчиликларга панжа орасидан қараб, уларни бартараф этиш учун таъсирчан чораларни кўрмаяпсиз? Ахир, бу соҳада қиммат дориларнинг 45 фоизини импорт дорилар, бунинг устига, нархи ҳаддан ташқари ошириб юборилган дорилар ташкил этади.

Адҳам Илҳомович, сиз раҳбарлик қилаётган комплекснинг яна бир мухим тармоғи – жисмоний тарбия ва спортни ривожлантириш билан боғлиқ. Албатта, бу соҳада, айниқса, олий маҳорат спорти борасида кейинги йилларда муайян ютуқларимиз бор. Биз улар билан ҳақли равишда фахрланамиз. Лекин охирги Олимпиадада фақатгина оғир атлетика, бокс, кураш ва дзюдо бўйича совринли ўринлар эгалланди. Бунинг сабаби нимада?

Сўнгти беш йилда жисмоний тарбия ва спортни ривожлантириш, шунингдек, унинг моддий-техник базасини мустаҳкамлаш учун бюджетдан 1 триллион

230 миллиард сўм ажратилган. Бу – Миллий олимпия қўмитаси маблағларидан ташқари.

Бизда болалар спорти, олий спорт маҳорати ва олимпия резервларини ривожлантириш бўйича қудратли база яратилган. Яна қандай база, кўшимча шарт-шароит ва воситалар керак?

Ана шу муаммоларнинг ичига чукур кириб бориш зарур. Шу муносабат билан куйидаги вазифаларни амалга ошириш талаб этилади:

**биринчи** – қишлоқ врачлик пунктлари, юқори технологиялар асосидаги ихтисослашган марказлар ва тез тиббий ёрдам станциялари бўйича мавжуд камчиликларни бартараф этиш ва уларга доир топшириқларни амалга ошириш юзасидан таклифларни ва тегишли хужжатлар лойиҳаларини тайёрлашни тезлаштириш зарур;

**иккинчи** – врачлар ва тиббиёт ходимлари малакасини ҳам мамлакатимизда, ҳам етакчи хорижий клиникаларда ошириш бўйича таъсирчан тизим яратишга қаратилган комплекс чора-тадбирларни ишлаб чиқиш даркор. Зарур бўлса, уларни моддий рағбатлантириш бўйича таклифлар киритиш керак;

**учинчи** – 340 номдаги дори воситалари ва тиббиёт буюмлари чегараланган нарх бўйича сотилишини назорат қилувчи органлар билан бирга катъий тартибга солиш зарур. Ҳар бир фуқаро қабул қилаётган қарорларимиз реал фойда бераётганини сезиши керак.

Шу билан бирга, ўтган йили сентябрь ойида тасдикланган 2016–2020 йилларда фармацевтика саноа-

тини янада ривожлантириш бўйича дастур самарали бажарилишини таъминлаш даркор;

**тўртинчи** – қариялар ва ногиронларни давлат томонидан қўллаб-қувватлаш бўйича тасдиқланган дастурни амалга ошириш алоҳида назоратга олиниши керак. Ҳар бир имтиёз ва ижтимоий ҳимоя чораси ўз эгасига етиб бориши даркор;

**бешинчи** – Бош вазирнинг биринчи ўринbosари А.Раматов билан биргаликда экология соҳасидаги ишлар аҳволини яхшилаш, энг аввало, жойларда чиқиндилар билан ишлаш соҳасида давлат назоратини кучайтириш бўйича таклифларни яқин вақт ичидан тақдим этиш зарур;

**олтинчи** – сиз ва шахсан маданият ва спорт ишлари вазири Б.Аҳмедовнинг эътиборини жисмоний тарбия ва спорт соҳасида яратилган қудратли базадан самарали фойдаланиш зарурлигига қаратаман.

«Умид ниҳоллари», «Баркамол авлод» ва Универсиада мусобақалари билан чегараланиб қолиш керак эмас. Иктидорли ўсмир ва қизларни танлаб олиш ва тарбиялаш бўйича жиддий селекция ишларини амалга ошириш зарур.

Таъкидлаш керакки, вазир Б.Аҳмедовнинг бугунги мажлисимизга тайёрлаб келган жонсиз ҳисботи ҳеч қандай танқидга чидамайди. Бу ҳисботда на таҳлил, на аниқ таклиф бор. Афтидан айнан шунинг учун ҳам сизнинг маданиятни ривожлантириш соҳасидаги ишларингиз асосан юбилей тадбирларини ўtkазиш билан чекланиб қоляпти. Сиз

ҳам, ўринбосарларингиз ҳам бу соҳага янгича мазмун киритиб, вазиятни тубдан яхшилашга ҳаракат килмаяпсизлар.

### Қадрли дўстлар!

Ҳаётнинг ўзи ва ўтган йиллар тажрибаси худудларни комплекс ривожлантиришни ва инфратузилма фаолиятини тубдан ўзгартиришни таъминлашдаги жиддий камчиликларни бартараф этишни талаб қилмоқда. Шу сабабли Вазирлар Маҳкамаси тузилмасида Баш вазирнинг биринчи ўринбосари раҳбарлик қиласиган янги комплекс ва департамент ташкил этилди. Уларнинг бош вазифаси қуидаги икки йўналиш бўйича барқарор ишлайдиган тизимни ташкил этишдир:

**биринчи** – туманлар, шаҳарлар, вилоятлар ва Қоракалпоғистон Республикасидаги кечиктириб бўлмайдиган ва истиқболли вазифаларни амалга ошириш юзасидан ҳокимлик ва тармокларни бошқариш органларининг куч ва ҳаракатини аник мувофиқлаштириш. Мақсад – иқтисодиёт ва ижтимоий соҳадаги, энг муҳими, одамларнинг ҳаёт даражасидаги жиддий тафовутни бартараф этишдир;

**иккинчи** – йўл-транспорт, муҳандислик-коммуникация ва ижтимоий инфратузилмани ривожлантириш ва модернизация қилиш бўйича дастурларнинг прогноз параметрларини ишлаб чиқиш ва амалга оширишни назорат қилиш ҳамда уларга эришиш.

Якуний мақсад – иқтисодиёт тармоклари учун ишончли инфратузилмани шакллантириш, шаҳар ва кишлоқ аҳолисига қулай шарт-шароит яратиб беришдир.

**А.Раматовнинг эътиборини шахсан ундан ва иккита департаментдан талаб этиладиган куйидаги вазифаларга қаратаман:**

**биринчидан**, комплекс таркибига кирадиган барча идораларнинг самарали фаолият юритишини таъминлаш. Пала-партиш таклифларни бериш ва шошма-шошарлик билан қарорлар қабул қилиш керак эмас. Яқинда шу сабабларга кўра Оролбўйи муаммоларини ҳал этиш бўйича комплекс дастурни қайтаришга мажбур бўлдим. Бу каби хатоликлар тақрорланмаслиги шарт;

**иккинчидан**, 14 та ҳудудда сайловчилар билан учрашувда кўтарилиган йирик муаммоли масалаларни ҳал этишга доир қарорлар лойиҳаларини ишлаб чиқишни яқин вакт ичида якунлаш ва тақдим этиш зарур;

**учинчидан**, 2017 – 2021 йилларга мўлжалланган 12 та ижтимоий ва инфратузилма дастурини амалда бажариш. Шундан 8 та дастур тасдиқланган. Яқин вакт ичида транспорт ва савдо хизматини яхшилаш, автомобиль йўлларини ва ичимлик сув таъминоти тизимини реконструкция қилиш бўйича хужжатлар тўпламини қайта ишлаб чиқиб, тақдим этиш керак.

Кун тартибида Уй-жой ва коммунал хизмат вазиригини ташкил этиш масаласи ҳам турибди. Ана шу лойиҳаларни тасдиқлаш жараёни сиз томонингиздан асоссиз равишда чўзиб юборилди;

**тўртинчидан**, мамлакатимиз ҳудудларига салмоқли инвестициялар киритишига доир муаммоларга

алоҳида эътибор қаратиш зарур. Шу сабабли тажриба лойиҳаси тариқасида Миллий банк мисолида куйидаги тизимни жорий этиш бўйича таклиф киритаман.

Банк инвестиция фаолиятига ўз маблаглари билан бирга, ташқаридан молиялаштириш манбаларини жалб этиш бўйича чора-тадбирлар ишлаб чиқиши керак. Банк раҳбари С.Раҳимов бугун ўз таклифларини бериши лозим.

Бундан ташқари, кечиктириб бўлмайдиган бир қатор ўта муҳим вазифалар бор. Улар орасида Давлат архитектура ва қурилиш қўмитаси тизимини тубдан қайта ташкил этиш, шаҳарсозликнинг эскирган методология ва нормативлари, капитал қурилишдаги номутаносиблик ва муаммоларни бартараф этиш, шунингдек, лойиҳа институтларининг самарасиз фаолиятини қайта кўриб чиқиш масалалари бор.

Айрим фактларни келтирмоқчиман. Шаҳарсозликни такомиллаштириш бўйича бир қатор ҳужжатлар қабул қилинган бўлса-да, уларнинг кўпчилиги назоратсиз қолган. 2012 – 2015 йилларда ишлаб чиқилган 18 та шаҳар ва посёлканинг бош режалари ҳалигача тасдиқланмаган.

Қўмита раҳбарияти бундан З йил аввал туман архитекторлари фаолиятини такомиллаштириш бўйича кенгашлар ташкил этиш, уларнинг моддий-техник базасини мустаҳкамлаш ва уларга «Дамас» автомобиллари ажратиш бўйича берилган топшириклар ижроси устидан назоратни таъминламади.

Лицензияга эга бўлган 850 та лойиҳа ташкилотларининг атиги 147 таси ёки 17 фоизи мамлакатимиз миқёсидаги инвестиция дастурларини амалга оширишга жалб этилган.

Очиқ тан олишимиз керак, бизнинг энг жиддий камчиликларимиздан бири – замонавий талабларга жавоб берадиган лойиҳа институтларининг йўклигидир. Уларнинг моддий-техник базаси ўтган асрнинг 80-йиллари даражасида қолиб кетган. Улар томонидан ахборот технологияларини, замонавий илм-фан, архитектура ва дизайн ютукларини қўллаш даражаси ҳақида гапирмаса ҳам бўлади.

Шу сабабли ҳаётнинг ўзи ҳар бир вилоятда биринкита замонавий лойиҳа институтини ташкил этишни талаб этмоқда.

Давлат маблағлари ва ресурслари талон-торож қилинмоқда. Ўтган йили инспекциялар томонидан пудрат ишлари ҳажми 4 миллиард 700 миллион сўмга камайтирилган. 24 мингта лойиҳа экспертиздан ўtkazilgанида уларнинг нархи 1 триллион 500 миллиард сўмга камайтирилган.

Савол: бундай жиддий камчиликларни Б.Зокиров ва унинг биринчи ўринбосари А.Тўхтаев билмайдими? Нима сабабдан сиз иккалангиз фақатгина айрим обьектлар билан чекланиб, кўрсатилган муаммоларнинг ичига кириш ва уларни ечишга умуман эътибор бермаяпсиз?

Бутун тизимни тубдан қайта ташкил этиш бўйича 20 кун муддатда аниқ таклифларни киритиш керак.

Бизни йўл қурилишидаги ишлар аҳволи ҳам қониктиrmайди. Молия вазирлиги ва унинг йўл жамғармаси айби билан маблағларнинг кескин етишмаслиги доим сезилиб турибди. Битумни барқарор етказиб бериш масаласи ҳал этилмаган. Ўғирликлар тутамаяпти. Кадрлар қўнимсизлиги юкори.

Ўтган йили «Ўзкоммунхизмат» агентлиги ва «Ўзқурилишматериаллари» акциядорлик жамияти раҳбариятини алмаштирилди. Бироқ бу ташкилотларнинг янги раҳбарлари – И.Маҳкамов ва Б.Зарипов зарур даражада ташаббус кўрсатмаяпти.

Умид қиласанки, А.Раматов ва бошқа раҳбарлар ўз хисоботида ана шу саволларга аник жавоб беришади. Шу йил бошида жорий қилинган хукумат аъзоларининг Президентга хисобот бериш тартиби доирасида бошқа раҳбарлар билан ҳам албатта учрашаман. Бунга барча раҳбар ходимлар ва худудлар ҳокимлари пухта тайёргарлик кўришини сўрайман.

Жойлардаги аҳволнинг жиддийлиги ва оғирлигидан келиб чиқкан ҳолда, А.Раматовни Бosh вазирнинг биринчи ўринbosари лавозимига тайинладик ва унга шу оғир участкани топширилди. Шунинг учун Бosh вазирнинг барча ўринbosарлари, ҳокимлар, вазирлик ва идоралар раҳбарлари ўз саъй-харакатини бирлашириб, унга ёрдамчи бўлиб фаол кўмак бермаса, кутилган натижага эришиш кийин бўлади.

Агар жойларда инфратузилма ва ижтимоий обьектларда ўта ачинарли аҳволга дуч келсангиз,

мавжуд ҳолати улардан кўра яхшироқ бўлган объектлар ўрнига ана шу ёмон аҳволдаги объектларни киритиш йўли билан, А.Раматов, сизга тасдиқланган манзилли дастурларга ўзгартириш киритиш хукуки берилади. Буни барча раҳбарлар билиб олсин.

**Хурматли мажлис иштирокчилари!**

Барчамиз сўзсиз тушунамиз, иқтисодий ислоҳотлар ва ижтимоий ўзгаришларни муваффакиятли амалга ошириш энг аввало иқтисодий ва молиявий органларнинг фаолияти самарадорлигига боғлиқдир. Улар яқин ва узоқ истиқболга мўлжалланган, мамлакатимиз иқтисодий қудратини мустаҳкамлашга доир стратегик вазифаларни нафақат ишлаб чиқиши, балки амалга оширишни таъминлаши зарур.

Бундан бир неча йил олдин хукумат мажлисида Иқтисодиёт вазирлиги ва унинг собиқ раҳбари Р.Ғуломовнинг фаолияти қаттиқ танқид қилинган эди. Иқтисодиёт вазирлиги мамлакатимиздаги бошқа вазирлик ва идоралар учун ҳаракатлантирувчи куч, яъни локомотив вазифасини бажара олмаётгани таъкидланган эди. Афсуски, бугун очиқ айтиш керак, ана шу вазифа ҳалигача бажарилмади.

**Аниқ далил ва муаммоларга мурожаат қиласман.**

Биринчи – ислоҳотларнинг қай даражада самара берәётганини кўрсатадиган мақсадли дастурларни амалга ошириш натижадорлиги. Булар каторида саноат ва бошқа тармоқларни ривожлантиришнинг куйидаги иқтисодий ва молиявий кўрсаткичларини келтириш мумкин: ишлаб чиқариш кувватларининг аҳволи, харажатларни ва таннархни пасайтириш,

маҳаллийлаштириш ва рентабеллик даражасини, маҳсулот рақобатдошлигини сўзсиз ошириш.

Тармоклар бўйича таннарх ўртача 10 фоизга қискартирилган бўлса-да, кимё ва енгил саноат, автомобилсозлик, курилиш материаллари ва бошқа бир катор тармокларнинг айrim маҳсулотлари кимматлиги сабабли ташки бозорларда рақобатдош бўла олмаяпти. Айrim корхоналар зарар билан ишламоқда.

Маҳаллийлаштириш дастурини шакллантиришнинг аввалги усуллари эскирди. Экспортни прогноз қилиш билан бирга, импортни пухта ва синчиклаб прогноз қилмаслигимизни қандай тушуниш мумкин?

Фақат ўтган йилнинг ўзида мамлакатимизда маҳаллийлаштирилган қарийб 400 миллион долларлик маҳсулот четдан импорт қилинган. Айниқса, «Ўзбекэнерго», «Ўзкурилиш материаллари» акциядорлик жамиятлари, Олмалиқ кон-металлургия комбинати, «Ўзфармсаноат» концерни бунга берилиб кетган.

Энди, хурматли Галина Каримовна, бундан кейин ҳар ой, ҳар чорак якуни билан, мавжуд аҳволни чукур таҳлил қилган ҳолда, таннархни ва импортни қискартириш, маҳаллийлаштириш даражасини ошириш бўйича хўжалик бирлашмалари ва ҳокимликлар томонидан амалга оширилаётган ишлар тўғрисида Президентга шахсан маълумот киритасиз.

Бу маълумотномада чукур таҳлил, кўрилаётган ёки кўрилмаётган чоралар ёритилиши, шунингдек,

аниқ таклифлар берилиши керак. Айрим раҳбарларнинг чилдирмасига ўйнаш даври ўтди энди. Шу асосда ҳар ойда бир марта Президент раҳбарлигига селектор йиғилиши ўтказилади ва тегишлича баҳо берилади.

Ўз вактида, Галина Каримовна, шахсан сиз ва жаноб Э.Ғаниев эркин иқтисодий зоналар ташкил этишни таклиф этган эдингиз. Бу – яхши ташаббус, лекин у охиригача аниқ ҳаракатлар билан мустаҳкамланмади.

Исбот тариқасида «Навоий» эркин иқтисодий зонаси бўйича маълумотларни келтираман. Ўтган 8 йил мобайнида бу ерда атиги 24 та лойиҳа амалга оширилиб, уларда тўғридан-тўғри хорижий инвестициялар улуши жуда паст ва атиги 900 та одам ишга жойлаштирилган. Ўтган йили эса маҳсулот ишлаб чиқариш ҳажми 24 фоизга пасайган.

Принципial жиҳатдан янги асосларда «Ургут», «Гиждувон», «Қўкон» ва «Ҳазорасп» эркин иқтисодий зоналарини ташкил этиш бўйича куни кеча фармон қабул килинди. Ўтган йиллардаги хатоларни яна тақрорлашга энди йўл кўйиб бўлмайди.

Бундан деярли 10 йил олдин Иқтисодиёт вазирлигининг собиқ раҳбарияти мева-сабзвот балансини ишлаб чиқмасликни ва тасдиқламасликни қатъий таклиф этган эди. Бу нимага олиб келиши мумкинлигини, энг аввало, ички истеъмол бозорига таъсири қандай бўлишини биз бугун бошқалар мисолида кўриб турибмиз. Бунинг устига,

валюта балансининг муҳим тушум манбаидан ажралган бўлар эдик.

Хорижий инвестицияларни, биринчи навбатда, тўғридан-тўғри хорижий инвестицияларни жалб этиш бўйича ишлар қандай аҳволда экани танқидий таҳлилни талаб этади. Бундай инвестицияларнинг улуши 30 фоизга тушиб қолган.

Халқаро молия институтларининг кредитлари, айниқса, лойиҳалар буюртмачилари бўлмиш Республика йўл жамғармаси ва «Ўзкоммунхизмат» агентлиги томонидан самарасиз ишлатилмоқда. Чунки уларнинг фаолиятида тизим, назорат ва масъулият йўк.

Лойиҳаларни экспертиза қилиш ва тендерларни ўтказиш бюрократлашиб кетгани энг асосий тўсиклардан бири ҳисобланади. Лойиҳаларнинг техник-иктисодий асосланишини экспертиза қилиш агентлиги ташкил этилганидан кейин ҳам сезиларли ўзгариш ва натижалар йўқ. Агентлик раҳбари Ш.Ҳошимовда ташабbus етишмайди.

Ушбу масалага доир ҳукумат қарори ишламасдан, таъбир жоиз бўлса, жойида тошдек котиб қолган ва ўн йилдан буён қайта кўриб чиқилгани йўқ. Бундан экспертиза органларининг айрим кўли эгри раҳбарлари ва мутахассислари усталик билан нопок мақсадларда фойдаланмоқда.

Сиздан, Галина Каримовна, 15 кун муддатда ушбу қарорга ўзгартиш киритиш бўйича таклиф киритишни сўрайман.

Маҳаллий ҳокимларнинг айби билан мамлакатимиз ҳудудларига хорижий инвестициялар жалб этиш ўта қониқарсиз аҳволда қолмоқда.

Биргина мисол келтираман. Қашқадарё, Наманган, Сурхондарё вилоятларида атиги 18 та лойиҳани амалга оширишга 55 миллион доллар ёки ҳар бир лойиҳага ўртача 3 миллион доллардан хорижий инвестиция жалб этилган.

Ана шу ҳудудларнинг саноати ва инфратузилмасини ривожлантириш бўйича мамлакат Президенти томонидан тасдиқланган маҳсус дастурлар амалга оширилаётган бир шароитда бу албатта етарли эмас.

Шунинг учун вилоят ҳокимлари ҳар чорак якунига кўра тижорат банклари билан биргаликда хорижий инвестициялар олиб кириш бўйича ишларнинг қандай аҳволда экани тўғрисида шахсан Президентга ахборотнома киритади. Буни Давлат маслаҳатчиси У.Исмоилов алоҳида назоратга олсин.

Юқорида зикр этилган масалаларнинг барчаси Иқтисодиёт вазирлиги ва унинг раҳбарияти вазифасига кирмайдими?

«Биз ишлаб чиқдик ва тасдиқладик, энди сизлар амалга ошириш ва натижа учун жавоб беришга мажбурсиз» деган кайфият билан яшаб, уни одат килиб олиш мумкин эмас. «Бизнинг қароримиз – энг юқори босқичдаги ҳакиқат ва конун» деган яроқсиз, кўштириноқ ичидаги «принцип»га асоссиз равишда таяниш ва амал қилиш мумкин эмас.

Шу муносабат билан Бош вазир А.Ариповдан вазирликнинг бутун тизимини қайта ташкил этишини таъминлайдиган ҳужжатлар тўпламини ишлаб чикишни ва тақдим этишини тезлаштиришни сўрайман. Бунда унинг таркибий тузилмасига хокимликларнинг тугатилган Йиғма бошқармалари ва иктисодиёт бўлимларини киритишни назарда тутиш керак.

Бироқ, энг асосийси – Иктиносидиёт вазирлигининг вазифа ва функцияларини тубдан қайта кўриб чикиш зарур. Бунда ушбу ташкилотнинг энг муҳим вазифаси сифатида вазирлик, унинг раҳбарияти, жумладан, шахсан вазирнинг якуний натижалар, шунингдек, таклиф этилаётган концепциялар, дастурлар ва улар бўйича қабул қилинган қарорларнинг иктиносидий ва ижтимоий оқибатлари учун жавобгарлиги белгиланиши лозим. Хукумат ушбу таклифнинг хуқукий асосларини Қонунчилик палатаси ва Сенат билан бирга пухта ўрганиб чиксин.

Солик-бюджет сиёсатига қатъий амал қилиш, давлатнинг ижтимоий мажбуриятларини бажариш, иш ҳаки, пенсия, нафака ва стипендиялар ҳажми, йирик инвестиция лойиҳалари ва мамлакат мудофаа қобилиятини мустаҳкамлашни молиялаштириш – ушбу энг муҳим вазифаларни амалга ошириш, аввало, Молия вазирлиги ва шахсан вазирнинг фаолияти самарадорлиги билан белгиланади.

Мажлисимиз иштирокчиларига мурожаат қиласи эканман, куйидаги саволларни беришни зарур, деб

ҳисоблайман. Ушбу масалалар қай даражада самарали ҳал этилмоқда?

Нима сабабдан Молия вазирлигининг низоми 1992 йилда тасдиқланган бўлса-да, 25 йилдан буён асосий вазифа ва функциялари тубдан қайта кўриб чиқилмаган? Ахир, ислохотлар вазирлик ва унинг раҳбарларига тааллуқли эмасми? Нима сабабдан вазирлик ўзига юклатилган энг муҳим вазифаларни самарали бажаришни, иқтисодиёт ва ижтимоий соҳанинг молиявий барқарорлигини мустаҳкамлашни таъминламаяпти? Ахир, вазирлик таркибида 16 мингдан ортиқ ходим ишлайди, ҳаддан ташқари кенгайиб кетган марказий аппарат, ҳудудий органлар, Фазначилик, Назорат-тафтиш бошқармаси, Пенсия жамғармаси ва яна 4 та маҳсус жамғарма мавжуд. Уларни саклаш учун бюджетдан ҳар йили 350 миллиард сўм харажат қилинади.

Энг муҳим дастурлар, лойиха ва вазифалар бўйича қабул қилинган айrim қарорлар ёки умуман реал молиялаштириш манбалари билан таъминланмаган ёки қолдиқ принципи бўйича молиялаштирилади. Нима сабабдан тўлов интизоми оқсаняпти?

Жами 18 триллион сўмлик дебитор қарздорликдан 11 триллион сўми ёки 60 фоизи охирги 3 йил мобайнида чўзилиб келяпти.

Нима учун ушбу муаммо билан Муддати ўтган қарздорликни қисқартириш комиссиясига бошлиқ қиласидиган молия вазири ва Марказий банк раиси жиддий шуғулланмаяпти?

Нима сабабдан пластик карточкаларни муюмалага киритишдан илгари барча механизмлар пухта ишлаб чиқилмаган? Нима учун кўплаб ташкилотлар, энг аввало, бюджет ташкилотлари ходимлари – ўқитувчилар, врачлар, хизматчилар ва ҳатто пенсионерлар айрим амалдорларнинг кўштирик ичидаги «янгилик»ларидан қийналиши керак?

Албаттга, Давлат бюджети ўлчовсиз эмас, маблағларни қаттиқ тежаш, белгиланган мақсад учун ва оқилона ишлатишни таъминлаш зарур. Бу – ҳаммага равshan ва рад этиб бўлмайдиган ҳақиқат.

Шундай экан, нима учун Ғазначилик ва Назорат-тафтиш бошқармасининг аппаратлари ҳаддан ташкари кенгайиб кетган? Уларда жами 4 минг нафар ходим ишлайди ва уларнинг харажатига йилига 90 миллиард сўм давлат маблағи сарфланади. Ана шу тузилмалар раҳбар ва ходимлари шундай тасаввур билан яшамоқдаки, уларнинг вазифаси гўё фақатгина назорат қилиш ва бошқаларни жазолашдир.

Лекин факат камчи ва қилич билан ижобий натижаларга эришиб бўладими? Бу – нафақат хато фикр, балки чукур янгилиши, деб ҳисоблайман. Бу борада профилактика ишларини ким самарали олиб боради?

Ўтган йилнинг ўзида 22 мингта ташкилотда жами 200 миллиард сўмлик ўзлаштириш ва маблағларни бошқа мақсадлар учун сарфлаш ҳолатлари аниқланган. Уларнинг асосий қисми ижтимоий соҳа ташкилотларига тўғри келади. Ана шу камчиликларни бар-

тараф этиш тегишли вазирликлар раҳбарлари билан бирга молия вазирининг биринчи ўринбосари этиб тайинланган Ж.Кўчқоровнинг фаол иш йўналиши бўлиб қолиши керак.

Ҳисоб палатаси (Қ.Акмалов)дан бир ой муддатда Давлат бюджети маблағларининг нафақат самарали ва мақсадли ишлатилишини ҳар тарафлама ўрганишни, балки, биринчидан, раҳбарларнинг шахсий жавобгарлиги чоралари бўйича, иккинчидан, аллақачон вақти келган масалаларни ҳал этишга доир таклифларни киритишни сўрайман.

Молия вазирлиги, унинг таркибий тузилмалари ва аппаратининг иш юритиш шакли ва усулларига алоҳида эътибор қаратиш зарур.

Ҳукуматнинг аксарият топшириклари белгиланган муддатларни қўпол равища бузган ҳолда бажарилмоқда, иш сифати ҳам аксарият ҳолатларда оқсамоқда. Шунга қарамасдан, бу тузилмалар раҳбарларининг ўзига бўлган ишончи осмон қадар баланд.

Нима учун бошқа идоралар раҳбарлари давлатнинг аниқ муаммоларини ҳал этиш бўйича малакали тавсия олиш ўрнига, доимо қоғозбозлик ва сансалорлик ҳолатлари, шунингдек, айрим вазир ўринбосарларининг баланд димоғлиги ва қайсарлиги билан тўқнашиши керак?

Нихоят, нима сабабдан баъзан инсон қадркиммати ерга урилади, бунга ким ҳукуқ берган?! Нима учун Бош вазир ўринбосари ёки ҳукумат

аъзоси қабулхонада соатлаб кутиб ўтириши керак? Нима учун Вазирлар Маҳкамасининг тармок департаменти мудири жиддий масалалар бўйича юзаки презентация ўтказилишини кунлаб ва ҳафталаб кутади, кейин эса ҳужжат қайта ишлашга қайтарилади? Ва нима сабабдан бу жараёнларнинг барчасини штатдаги ёрдамчи эмас, балки чаласавод ва беандиша қабулхона инспектори белгилайди?

Ўйлайманки, ана шу оддий бўлмаган ва муҳим саволларга аниқ ва равшан жавоб топиш вакти келди. Шу муносабат билан Бош вазир А.Ариповга ва янги вазир Б.Хўжаевга бир ой муддатда Молия вазирлигининг ташкилий тузилмаси, унинг вазифа ва функцияларини тубдан қайта кўриб чиқиш бўйича аниқ таклифлар киритиш топширилади.

Кадрлар билан ишлаш ҳолатини ҳам танқидий таҳлил қилиш зарур. Ўйлайманки, молия органларининг буғун тизимидағи раҳбар ва ходимларни аттестациядан ўтказиш керак.

Ҳақиқий факт шундан иборатки, агар Р.Азимовда ана шу жиддий камчилик ва муаммоларни кўриш хоҳиши бўлганида, уларни кескин барта-раф этиш бўйича у зарур ташаббус кўрсатганида, биз бугун иқтисодий ва молиявий соҳаларда бундан ҳам юқорироқ натижаларга эришган бўлар эдик.

Такрор айтаман, факатгина «ғалаба рапортлари» билан, шунингдек, муаммоларга умуман алоқаси йўқ, ўз орзу-истагидаги мавхум нарса-

ларни ҳақиқат деб кўрсатадиган шахслар томонидан тайёрланган ахборотномалар билан чекланиб қолиш мумкин эмас.

**Ҳақиқат эса хизмат вазифангизга кўра сиз шахсан жавоб берадиган қўйидаги жиҳдий муаммоларда ўз аксини топган.**

**Биринчи** – иқтисодиёт ўсишининг юқори суръатлари ва инвестиция ресурсларига ўсиб бораётган талабни қаноатлантириш бир-бирига мувофиқ эмас.

**Иккинчи** – нақд ва нақдсиз шаклдаги ҳисобкитобларда фарқ мавжудлиги.

**Учинчи** – худудларни баркарор ижтимоий-иктисодий ривожлантиришни молиялаштириш учун маҳаллий бюджетларнинг маблағлари етарли эмаслиги.

Сиз бу очик-ойдин фактларни инкор қилмайсиз, деб ўйлайман. Сиздан реал таклифларни кутаман.

Макроиктисодиёт комплекси таркибига кирувчи бошқарув органларининг самарали ишлаши ва уларга раҳбарлик қилиш талаб даражасида таъминланмаяпти. Шу муносабат билан шахсан сизга қўйидагилар топширилади:

**биринчи** – Ташқи иқтисодий алоқалар, инвестициялар ва савдо вазирлиги ўзининг вазифа ва функцияларини самарали ва тўлиқ ҳажмда бажаряптими? Унинг раҳбарлари Э.Фаниев ва Ш.Тўланов-чи? Бу – принципиал савол. Ушбу вазирликнинг 163 та мутахассис ишлаётган марказий аппарати ва худудий бўлинмалари нима билан машғул?

Бош вазирга 10 кун ичида аллақачон ҳал этиш вақти келган ушбу саволлар бўйича таклифлар киритиш юкланди;

**иккинчи** – Мехнат вазирлиги ва унинг раҳбари А.Абдуҳакимов фаолияти самарадорлигини тубдан кайта кўриб чиқиши зарур.

Юртимизда йилига 1,5 миллион одамни ишга жойлаштиришга эҳтиёж бўлса-да, ўтган йили Бандликка кўмаклашиш марказлари атиги 248 минг кишини ёки 16,5 фоизини ишга жойлаштирган. Бунинг асосий сабаблари иш фаолиятидаги эскирган шакл ва усуллар ҳамда бандлик муаммоларини ҳал этишдаги расмиятчилик билан боғлиқ.

Айниқса, касб-хунар коллежлари битирувчиларини ишга жойлаштириш бўйича тўрт томонлама шартномаларни амалга ошириш борасида кўплаб кўшиб ёзиш ҳолатлари бартараф этилмаган.

Ана шу муаммоларга барҳам бериш бутун Макроинтиксодиёт комплекси ва шахсан меҳнат вазирининг биринчи даражали вазифасига айланиши керак.

Сизга, Рустам Содикович, 15 кун муддатда ушбу ишга барча иктиносидий ва молиявий органлар, банк муассасалари ва Ўрта маҳсус, касб-хунар таълими марказининг ҳудудий бўлинмалари ходимларини, шунингдек, барча бўғиндаги ҳокимлар ўринbosарларини жалб этишни назарда тутадиган, принципиал жиҳатдан янги, таъсирчан механизмни жорий этиш юзасидан аниқ таклифлар киритишни топшираман.

Аниқ бир мисол билан ушбу муаммони ҳал этишнинг реал йўлини айтмоқчиман. Андижон вилояти-

нинг аҳоли зич жойлашган Олтинқўл туманида 7 та касб-хунар коллежи бор, уларни бу йил турли мутахассисликлар бўйича 2 минг 300 нафар битирувчи таомомлайди. Туман худудида 714 та хўжалик юритувчи субъект, жумладан, саноатда – 371 та субъект, курилишда – 167 та субъект, савдо ва хизмат кўрсатиш соҳасида – 156 та субъект ва бошқа ташкилотлар фаолият кўрсатади.

Тумандаги ҳар бир хўжалик субъектига ўртача 3 нафар битирувчи тўғри келади.

Туманда бюджетдан ойлик оладиган иқтисодий комплекс ташкилотларида жами 400 нафар ходим ушбу корхоналарнинг самарали ишлашига амалий ёрдам берса, масалан, кимгadir кредит, яна кимга хомашё ёки малакали маслаҳат билан кўмаклашса, бу ишни бемалол бажарса бўлади. Агар ана шу 400 нафар одам ойига биттадан иш ўрни ташкил этишга кўмаклашса, бир йилда 4 минг 800 та янги иш жойига эга бўлиш мумкин.

Бугуннинг ўзида ҳар бир битирувчини аниқ бир ташкилотга бириктиришни таъминлаш билан бирга, унинг бўлажак иш жойи, иш ҳақи ва ижтимоий шароитларини аниқ белгилаш зарур.

Буларнинг барчасини хукуқий хужжатлар билан мустаҳкамлаш ва энг асосийси, хўжалик юритувчи субъект раҳбарининг нафақат мажбуриятини, балки шахсий масъулиятини ҳам белгилаш зарур.

Фақат шундай йўл билан биз давлатнинг ўкувчилар ва уларнинг ота-оналари олдидағи мажбуриятини бажаришимиз мумкин. Худди шундай амалиёт-

ни республика олий таълим муассасалари битирувчилари бўйича ҳам ишлаб чиқиш ва жорий этиш даркор.

Навбатдаги муҳим вазифа – бу бандлик масаласини ҳал қилишнинг бутун тизимини тубдан ўзгартириш бўйича комплекс раҳбарияти, ҳокимлар ва уларнинг биринчи ўринbosарлари шахсий масъулиятини оширишдан иборат. Шу масала бўйича қуидаги таклифларни киритаман.

**Биринчидан**, ҳокимлар янги иш ўринлари яратиш юзасидан тасдиқланган кўрсаткичларнинг, ҳар ой якунига кўра бажарилишини таъминлаган тақдирда, уларнинг иш ҳақига 15 фоиз кўшимча кўшиш билан рағбатлантирилади. Ана шу кўрсаткичлар бажарилиши таъминланмаса, аксинча, уларнинг иш ҳақидан 15 фоиз ушлаб қолинади.

**Иккинчидан**, мазкур йўналиш учун бевосита жавоб берадиган ҳокимларнинг биринчи ўринbosарлари ҳам шунга мос равишда иш ҳақининг 20 фоизи миқдорида ё рағбатлантирилади, ё жазоланади. Бу тартиб вилоят, туман ва шаҳарларнинг иқтисодий комплекслари барча раҳбарларига нисбатан ҳам кўлланади.

Шунинг учун Бош вазир А.Ариповга, Бош вазир ўринbosари Р.Азимовга 15 кунлик муддатда иш жойлари ташкил этишни моддий рағбатлантиришга доир таклиф этилаётган ушбу тизимни шу йилнинг 1 мартадан бошлаб амалиётга жорий этиш тўғрисида Вазирлар Маҳкамасининг пухта ишланган қарорини қабул қилишни топшираман.

**Учинчидан**, биз бугун Давлат рақобат қўмитасининг раиси Д.Хидоятовдан шахсан сиз ва қўмитанинг бўлинмалари хусусийлаштириш жараёнида пировард натижани нима учун назорат қилмайсиз ёки таъминламайсиз, деган саволга жавоб беришни қатъий талаб килишга ҳақлимиз.

Сиз нима учун ушбу муаммоларни амалда ҳал этиш ўрнига менга ўзингизнинг ҳеч қандай натижажа бермаган ва бермайдиган хорижий хизмат сафарларингиз ва «такдимот»ларингиз тўғрисида оғиз кўпиртириб ахборот берасиз?

Бугун давлат бюджети ҳисобидан катта маблағларни харажат килиб, хорижга хизмат сафарига бориб келаётган раҳбарлар ва ишчи гурухларидан сўрашга ҳақлимиз: қани сизлар оғиз тўлдириб, қоғозга чиройли қилиб ёзиб берган натижалар, қани инвестор ва инвестициялар?

Сиз бу ишларга мутасадди давлат қўмитасининг раҳбари бўлиб, бундай натижаларни кимдан талаб киляпсиз? Биргина Корея Республикасига корхоналарни сотамиз, инвестициялар олиб келамиз, деб ташкил этган бир нечта бизнес форумларингиз натижа бердими, қани ваъдалар?

Агар сизлар хорижий сафарларга сарф килган харажатларни ҳисоб-китоб килсак, шу пулнинг ўзига иккита йирик корхонани сотиб олса бўларди.

«Ноль» киймати бўйича 1 минг 27 та объект сотилган. Албатта, бу яхши, бироқ нима учун уларнинг кўпчилиги, баъзиларини ҳисобга олмаганда, ишга туширилмаган ва вайронна ҳолида ётибди?

Биз уларнинг ўрнига нимани ташкил этдик, қандай кувватлар ва ишлаб чиқаришлар барпо этилди, қанча одам иш билан банд? Нима учун сотилиши лозим бўлган 119 та акциядорлик жамиятидан факат ярмининг 15 фоизлик улуши хорижий инвесторларга сотилган?

Давлат мулки талон-торож қилингани учун бугун ким шахсан жавоб бериши керак? Сўзсиз ва биринчи навбатда сиз қўмита раиси сифатида жавоб беришингиз шарт.

Сиз олдинги раҳбарларнинг хатоларини такрорлаб, сусткашлик қилиб ва факат статистика билан шутгулланиб, асосий бўғинни – мамлакатнинг ва халқнинг бойлигига эҳтиёткорлик билан муносабатда бўлишни бой беряпсиз.

Сизга охирги марта, комплекс раҳбари ва Давлат маслаҳатчиси О.Муродов билан биргаликда, Олий Мажлис билан ўзаро ҳамкорликда 20 кун муддатда, биринчидан, ушбу муаммоли масалаларни бартараф этишни, иккинчидан, сотилган ва сотиб олинган давлат мулкининг ишламаслиги, ундан самарасиз фойдаланилгани ёки талон-торож қилингани учун раҳбарлар ва мансабдор шахсларнинг ҳукукий мажбурият ва масъулиятини пухта ишлаб чиқишни назарда тутадиган комплекс аниқ чора-тадбирларни тақдим этишни топшираман.

Давлат статистика қўмитаси раҳбариятининг фаолиятида ҳам эскича ёндашувлар бартараф этилмаган. Уларнинг иш усули, ҳисоб-китоблари ва маълумотлари амалий ва тезкор чора-тадбирлар

кўришни талаб этадиган камчилик ва муаммоларнинг сабабларини тўлиқ очиб бермаяпти.

Охирги йилларда туризмдек мухим соҳа комплекс раҳбарининг зарур даражадаги эътиборидан четда қолиб кетди. Бу хатони сўзсиз ва энг муҳими, натижали равишда тўғрилаш керак. Биз ҳозир факат туризмни ривожлантириш билан шуғулланадиган тузилмага доир масалаларни тасдиқладик.

Бу чоралар туризмнинг Ўзбекистон иқтисодиёти ривожига қўшадиган ҳиссасини ошириш, тарихий ва маданий қадриятларимизни тарғиб қилиш, шунингдек, валюта захираларини тўлдириш бўйича аниқ чора-тадбирлар билан кучайтирилиши зарур. Бу вазифани ҳал қилиш учун 1 ой муддат берилади.

Ушбу муаммолар кўп жиҳатдан вазирликлар, хўжалик бирлашмалари ва ҳокимликларнинг иқтисодий тузилмалари билан тизимли ишлар йўлга кўйилмагани натижасидир.

Ахир, қачондир ва кимдир туроператорларнинг дардини эшитганми? Улар қандай масалалар билан шуғулланяпти, қандай муаммоларга тўқнаш келяпти? Уларга аниқ профессионал ёрдам кўрсатиш ҳақида умуман гапирмаса ҳам бўлади.

Тақдим этилган ҳисоботларда зарур саволларга умуман жавоб йўқ. Биринчи – қанча одам меҳнат қиляпти? Иккинчи – худудларда ислоҳотларни амалга ошириш бўйича муаммолар билан ким шуғулланяпти: менежерми ёки иқтисодиётдан умуман узоқ одамларми? Яна бир бор комплекс раҳбарига ушбу муаммо билан яқиндан шуғулла-

нишни топшираман. Фақат энди талаб қаттиқ бўлади.

Комплекс раҳбари Р.Азимов, тегишли тузилма ва ҳокимликларнинг жиддий ва кундалик эътиборини талаб қиласиган яна бир мухим йўналиш бор. Бу – хусусий мулк ва тадбиркорликни янада ривожлантириш ва уларнинг таъсирчан ҳимоясини таъминлашdir.

Тадбиркорлар билан шахсан учрашишга сизларга нима ҳалакит беради? Албатта, бу учрашувларда сизларга ёкмайдиган саволлар берилиши табиий.

Тадбиркорлар билан бўлиб ўтган учрашувларда шахсан ўзим шунга қаттиқ ишонч ҳосил қилдимки, бундай саволларни беришга уларнинг тўлиқ ва қонуний хукуки бор.

Бу хукукни улар турли маълумотнома, рухсатнома ва сертификатлар, кредит олишда неча кунлар навбатда туриш, ноқонуний текширувлар, бой берилган иқтисодий ва молиявий фойда ҳисобидан кўлга киритган.

Шу билан бирга, тадбиркорларнинг кўпчилиги ҳақиқий фуқаролик позициясида туриб, етим болалар ва ночор оиласларга, маҳаллалар ва ижтимоий соҳа мусассасаларига беғараз ёрдам бермоқда.

Бунинг эвазига улар нима оляпти? Биринчи – фақат кўркув, яна текширишни ва сикувга олишни бошлашади, эркин меҳнат қилишга, оиласларни, бола-чақамни боқишишга яна имконият бермайди, деган кўркув. Шу сабабли улар ўз ишида камчилиги ва қонунбузарлик ҳолати бўлмаса ҳам тур-

ли даражадаги амалдорлар билан «келишиб олишга» мажбур бўлмоқда.

Ўйлайманки, буларнинг барчасидан сиз, Рустам Содикович, танқидий хуоса чиқарасиз ва жорий йил якуни бўйича хукумат мажлисида реал натижалар билан ҳисобот берасиз.

Хурматли дўстлар!

2016 йилда қишлоқ хўжалигида иқтисодий ислоҳотларни ва таркибий ўзгаришларни яна-да чукурлаштириш бўйича тизимли ишлар давом эттирилди.

Шу билан бирга, 2016 йил учун белгиланган прогноз кўрсаткичлар ва устувор вазифаларни бажаришни таъминламаган айrim раҳбарларга бугун хукумат мажлисида алоҳида баҳо беришни зарур, деб ҳисоблайман.

**Биринчи** – бу ер майдонларини оптималлаштиришдаги камчиликлар. Тошкент, Наманган, Жиззах, Сурхондарё ва Қашқадарё вилоятларида бу жараён талаб даражасида ўтказилмаган.

Халқ депутатлари туман кенгашлари томонидан фермер хўжаликларини ташкил этиш бўйича номзодлар танлашда жиддий хатоларга йўл қўйилган.

**Иккинчи** – айrim фермер хўжаликлари етарлича айланма маблағлар, зарур техника ва бошқа моддий-техник ресурсларга эга эмас. Бу қишлоқ хўжалиги экинларининг ҳосилдорлигига, шартнома мажбуриятлари бажарилишига ва фермер хўжаликларининг рентабеллигига салбий таъсир кўрсатмоқда.

**Учинчи** – ишлар етарли даражада ташкил этилмагани ва айrim раҳбарларнинг, жумладан, Сур-

хондарё, Сирдарё, Жиззах ва Бухоро вилоятлари сабаби ҳокимларининг шахсий масъулиятсизлиги сабабли бир қатор туманлар ва фермер хўжаликларида кутилган даражада пахта ҳосили олинмади.

Косонсой, Ангор, Музработ, Қизириқ, Шеробод, Қўйичирчиқ, Кўштепа туманларида пахта со-тиш бўйича шартнома мажбуриятлари 60 – 65 фоиз даражасида қолиб кетган. Зарбдор, Пахтакор, Арнасой, Мирзаобод, Ховос, Сардоба, Гулистон, Чуст ва Бекобод туманларида давлат захираси учун ғалла етказиб бериш мажбуриятлари бажарилмаган.

Ана шу фактларнинг ҳар бири бўйича мажлис баённида принципиал ва қатъий баҳо бериш зарур.

2017 йилда Қишлоқ ва сув хўжалиги вазирлиги, компаниялар ва бошқа идоралар, шунингдек, барча бўғиндаги ҳокимликлар куйидаги стратегик муҳим вазифаларни амалга ошириши шарт:

**биринчи** – экин майдонлари ва экинлар таркиби-ни оптималлаштириш, илғор агротехнологияларни жорий этиш ва ҳосилдорликни ошириш, мева-сабзавот ва узум этиштиришни кўпайтириш;

**иккинчи** – фермер хўжаликларининг молиявий-иктисодий ҳолатини мустаҳкамлаш. Охирги 10 йил мобайнида минерал ўғитлар, ёқилғи-мойлаш материаллари ва уруғлик нархининг ўсиши билан пахта хомашёси ва ғаллани харид қилиш нархлари ўсиши ўртасида кескин фарқ борлиги кузатилмоқда;

**учинчи** – ўтган йилларда Молия вазирлиги ва унинг хузуридаги Жамғарма раҳбарияти томонидан шакллантирилган, агротехника тадбирларини молия-

лаштиришда ижобий натижа бермаётган ва мутлақо чала тизимга барҳам бериш зарур.

Неча йилдан бери савол бераман: агарки қишлоқ хўжалиги масъулиятсизларча ёндашув асосида молиялаштириладиган бўлса, давлат ҳариди учун маҳсулотни қандай етишиши мумкин? Бу саволга ҳалигача аниқ жавоб йўқ. Нима сабабдан?

Жорий йилнинг 1 январь ҳолатига кўра, Жамғарма томонидан фермер хўжаликларига 300 миллиард сўм маблағ тўлаб берилмаган. Табиий савол туғилади: агар фермер давлат олдида ўз мажбуриятини бажарган бўлса, нега давлат ва унинг баъзи бир раҳбар ходимлари бу масалага бефарқ ва беэътибор муносабатда бўлмоқда? Ким бунга масъул? Ким шахсан жавоб бериши зарур ва шарт?

**Тўртинчи** – охирги йилларда агросаноат комплексида ташкил этилган янги бошқарув органлари фаолиятидаги бир қатор муаммоларни бартараф этиш юзасидан қатъий чоралар кўришимиз зарур.

Энг аввало, бу ўринда гап «Ўзпахтасаноатэкспорт» компанияси (А.Камолов) ва унинг таркибида кирувчи «Ўзпахтасаноат» (Я.Хидиров), «Ўзпахтаэкспорт» (Ж.Қодиров) ва «Ўзпахтаёғ» (В.Жўраев) акциядорлик жамиятлари тўғрисида боряпти.

Ушбу тармокларни модернизация килиш ва инвестиция лойиҳаларини амалга ошириш, жумладан, пахта хомашёсини қайта ишлаш бўйича марказларни ташкил этиш борасидаги ишлар ўта қониқарсиз йўлга кўйилган.

«Ўзбекозикоқат-холдинг» компанияси раҳбарлари О.Рустамов ва А.Салимовга саволлар тўпланиб қолмоқда. Мева-сабзавотни қайта ишлаш даражаси 20 фоизга ҳам етмайди. Янги технология ва стандартлар ўта сусткашлик билан жорий этилмоқда.

Кўшма корхоналарда ишлаб чиқариш ҳажми кескин пасайган. Ана шу раҳбарларга нисбатан вақт ва ишонч захираси тез вақт ичида ниҳоясига стади. Улар бундан хулоса чиқариши зарур.

«Ўзбекенгилсаноат» акциядорлик жамияти раҳбари И.Ҳайдаров, «Ўзвиносаноат-холдинг» – Ш.Рахимов ва «Ўзбекчармпойабзали» уюшмаси – М.Мансуров фаолиятида замонавий ёндашув ва янгиликлар сезилмаяпти.

Аник фактларни келтираман. Экспорт таркибида ип-калаванинг улуши юқорилигича – 53 фоиз даражасида қолмоқда. Ахолининг пойабзалга бўлган эҳтиёжини қондириш даражаси 41 фоизни ташкил этади. Узум етиштирадиган, вино ва ароқ маҳсулотлари ишлаб чиқаришга ихтисослашган кўплаб корхоналар самарасиз ишлайпти.

Ана шу устувор вазифаларни амалга ошириш Бош вазир ўринбосари – қишлоқ ва сув хўжалиги вазири З.Мирзаев учун биринчи ва жиддий имтиҳон бўлади.

Сиздан яқин вақт ичида уларни бажаришни таъминлаш бўйича тизимли чора-тадбирларни белгилаб, ахборот беришингизни сўрайман.

**Хурматли мажлис иштирокчилари!**

Бугун Баш вазир ўринбосари – Хотин-қизлар қўмитаси раиси Т.Норбоевадан кечиктириб бўлмайдиган қуидаги вазифалар бўйича жавоб беришни ва уларни амалда ҳал этиш юзасидан аниқ таклифларни кутамиз.

**Биринчи вазифа** – биз учун муқаддас бўлган оила асосларини янада мустаҳкамлаш, хонадонларда тинчлик-хотиржамлик, аҳиллик ва ўзаро хурмат мухитини яратиш, маънавий-маърифий ишларни аниқ мазмун билан тўлдиришдан иборат бўлмоғи зарур.

**Иккинчи вазифа** – аёллар ўртасида жиноятчилик, оиласарда ажралишлар кўпайгани, ёшларнинг турли диний-экстремистик оқимлар ва террористик ташкилотлар таъсирига тушиши каби халқимизга хос бўлмаган аччиқ ва нохуш масалалар билан боғлиқ.

**Учинчи вазифа** – аёлларни уларга муносиб меҳнат билан бандлигини таъминлаш масаласидир. Аёллар учун доимий иш жойлари яратиш борасидаги муҳим масала билан бир қаторда, оиласавий бизнес, касаначилик, ҳунармандлик, томорқа ҳўялигини кенг ривожлантириш ишлари ҳам оқсанмоқда.

Бу ўринда расмиятчиликка, қоғозбозликка, ҳатто кўзбўямачиликка берилиш ҳолатлари ҳам кам эмас ва бу ҳакда кўплаб ҳаққоний мисолларни келтириш мумкин. Савол туғилади: кимни ва нима учун алдаяпмиз?

Шунинг учун Бош вазир ўринбосари Т.Норбоева бошчилигида Хотин-қизлар қўмитаси, Касаба уюшмалари федерацияси кенгаши, «Нуроний», «Маҳалла», «Камолот» тузилмалари, Дин ишлари бўйича қўмита, Савдо-саноат палатаси ва тижорат банклари раҳбар ва мутасаддиларидан иборат ишчи гурухлари ташкил этилсин.

Ушбу гурухлар жорий йилнинг 20 январидан бошлаб Андижон, Фарғона ва Наманган вилоятларига бориб, уч ой давомида кўчама-кўча, хонадон-ма-хонадон юриб, мавжуд вазиятни чукур ва пухта ўрганади, таҳлил қиласи ва жойлардаги оддий оиласалардан, кўпни кўрган отахон ва онахонларимиздан ҳам таклифлар олади.

Бош вазир А.Ариповдан Давлат маслаҳатчиси О.Муродов билан биргаликда, ана шундай ўрганишлар натижалари ва аччик сабоқлари асосида мавжуд муаммо ва масалаларнинг ҳам ҳуқуқий, ҳам ижтимоий-иқтисодий, ҳам маънавий-маърифий, ҳам ташкилий томондан ечимини ўзида акс эттирган Президент қарори лойиҳаси ва аниқ чора-тадбирлар комплексини ишлаб чиқиб, 20 апрелгача тасдиқлаш учун киритишни сўрайман.

Хурматли мажлис иштирокчилари!

Аввалги учрашувларда таълим ва илм-фан, давлатнинг ёшларга доир сиёсатини амалга ошириш, таълимнинг янги, замонавий усусларини, жумладан, ахборот-коммуникация технологияларини жорий этиш соҳасидаги ишлар ахволи танқидий таҳлил қилиб берилган эди.

Бу борадаги долзарб вазифаларни амалга ошириш ёшларимиз, жамиятимиз ва мамлакатимизнинг келажаги учун стратегик аҳамиятга эга экани сабабли ушбу соҳадаги ишлар шахсан Бош вазирга юклатилган. Сизнинг эътиборингизни қуидаги вазифаларни амалга оширишга қаратаман.

**Биринчи вазифа** – мактабгача таълим соҳасида. Очиқ тан олишимиз керак, биз бу муҳим соҳадаги ишларни эътибордан четда қолдирдик. Ушбу соҳада болаларни қамраб олиш 27 фоизни ташкил этади.

**Яқинда** тасдиқланган дастурга кўра, бу йўналишда 2 минг 200 та муассасанинг моддий-техник базаси мустаҳкамланади.

Шунингдек, тажрибали педагог ва мутахассисларни жалб этган ҳолда, ўқув режа ва дастурларини тубдан қайта кўриб чиқиш зарур. Оддимизда ёшларга тарбия бериш, психология ва бошқа турли соҳаларда кадрлар тайёрлаш ва қайта тайёрлаш бўйича мураккаб вазифалар турибди.

**Иккинчи вазифа** – умумтаълим мактаблари, лицей ва касб-хунар коллежлари, шунингдек, олий ўқув юртларидағи ўқитиш сифати билан боғлиқ. Замонавий ўқув режа ва услубларини жорий этиш талаб даражасида эмас.

Болалар ва ёшларга маҳсус фанлар, мамлакатимиз ва жаҳон цивилизацияси тарихини, хорижий тилларни ва замонавий компьютер дастурларини чукур ўргатиш вазифалари ҳали сифатли ва тўлиқ ҳолда ечилгани йўқ.

Яна бир муаммони ҳал этиш ҳам ўта муҳим хисобланади: бу – педагоглар ва профессор-ўқитувчи-

лар таркибининг профессионал даражаси, уларнинг махсус билимлари дир. Бу борада таълим олиш, маънавий-маърифий камолот масалалари ва ҳақиқий қадриятларни шакллантириш жараёнларига фаол кўмак берадиган мухитни яратиш зарур.

**Учинчи вазифа** – таълим муассасаларини, энг аввало, касб-хунар коллежларини оқилона жойлаштиришни, шунингдек, иқтисодиёт, ижтимоий соҳа ва ҳар бир ҳудуднинг зарур мутахассисларга бўлган талабини тўғри аниқлашни танқидий таҳлил қилишдир.

Ҳозирча ушбу механизм ишламаяпти. Тармоқлар раҳбарлари кадрларга эҳтиёж тўғрисидаги маълумотни Олий таълим вазирлиги ва Иқтисодиёт вазирлигига тақдим этишади. Кейин мутахассислар тайёрлаш квоталари бўйича чуқур ўйланмаган таклифлар ишлаб чиқилади. Бунинг натижасида кадрлар сифати ва уларни ишга жойлаштириш муаммоси йилдан йилга кучайиб бормоқда.

Афсуски, ҳеч ким бунинг учун жавобгар эмас. Нима сабабдан? Ахир, бу ўринда гап барчамизнинг фарзандларимиз тўғрисида, ҳеч бир муболағасиз айтиш керакки, мамлакатимизнинг келажаги ҳақида кетяпти.

Олий ва ўрта махсус таълим вазири Р.Қосимовни огоҳлантириб айтмоқчиман. Сиз бу соҳада катта тажрибага эга бўлган ҳолда, нафақат ушбу камчиликларни бартараф этиш, балки туб ва сифатли ўзгаришларни таъминлаш учун ҳам шахсан жавоб берасиз. Олдинги йиллардаги хатоларни тақрорлаш мумкин эмас.

**Тўртинчи вазифа** – нафақат академик илм-фани, балки олий ўкув юртларидағи илм-фани янада ривожлантириш. Бунга Фанлар академияси аъзолари билан яқинда ўтказилган учрашув ва узок муддатли мулокот давомида қатъий ишонч ҳосил қилдим.

Бу ўринда, менинг назаримда, иккита асосий вазифани ҳал этиш зарур:

**биринчи** – илмий муассасаларнинг моддий-техник базасини илғор хорижий марказлар даражасида ва олимлар талабларига мувофиқ сезиларли равишда мустаҳкамлаш керак. Бунда, албатта, давлатнинг эҳтиёжлари ва унинг мақсадли вазифалари инобатга олиниши шарт;

**иккинчи** – академикларни ҳар тарафлама қўллаб-куватлаш, жумладан, моддий рағбатлантириш бўйича аниқ чора-тадбирларни ишлаб чиқиш ва амалга ошириш.

Сизга, Абдулла Нигматович, Фанлар академиясининг янги президенти Б.Йўлдошев, Олий ва ўрта махсус таълим вазирлиги ва бошқа идоралар билан биргаликда бир ой муддатда олимлар билан учрашувда берилган топширикларни ижро этиш бўйича пухта ишланган чора-тадбирлар комплексини тақдим этиш топширилади.

**Бешинчи вазифа** – китоб чоп этиш ва тарқатишдаги муаммоларни ҳал қилишdir. Бу ўринда гап, энг аввало, ёшлар ва ахоли ўртасида мамлакатимизнинг бой тарихини, унинг бетакрор маданијати ва миллий қадриятларини кенг тарғиб қилиш, жаҳон илм-фани ва адабиёти ютукларини етказиш

учун зарур муҳит ва шарт-шароит яратиш ҳақида бормоқда.

Бу борада замонавий компьютер технологиялари ва, айникса, Интернет тизими биздан анча илдамлаб кетганини ҳам инобатга олиш зарур.

Ана шу вазифани ҳал этишда турли дарсликлар яратиш, уларни чоп этиш ва молиялаштириш масалаларида идоралар ўртасидаги ўзаро келишмовчилик, афсуски, жиддий тўсик бўлмоқда.

Шу муносабат билан Бош вазирга алоҳида комиссия тузиб, бир ой муддатда дарсликлар, маҳсус ва бадиий адабиётга бўлган реал эҳтиёжни, уларни бошқа тилларга таржима қилиш, улар билан ўкув юртлари, кутубхона ва ахборот-ресурс марказларини таъминлаш бўйича чора-тадбирлар комплексини тақдим этиш топширилади.

Бунда ёшлар ва ахолининг кенг қатламлари ўртасида китобхонликни тарғиб қилиш масалаларига ҳам алоҳида эътибор бериш лозим бўлади. Китобларнинг ҳақиқий нархи шаклланишини жуда ҳам пухта ўрганиш зарур.

Хозирги пайтда ҳаммамизнинг олдимизда жуда муҳим аҳамиятга эга бўлган масала, яъни китобхонликни кенг ёйиш ва ёшларимизнинг китобга бўлган муҳаббатини, уларнинг маънавий иммунитетини янада оширишга қаратилган ишларимизни янги боскичга олиб чиқиш вазифаси турибди.

Ушбу масалаларни амалга ошириш учун биз куни кеча алоҳида фармойиш ҳам қабул қилдик.

Бизнинг навбатдаги кечиктириб бўлмайдиган ва истиқболдаги вазифамиз – «Электрон хукумат» тизими самарали ишлашини таъминлашдан иборат. Ҳозирча у тўлиқ ҳажмда ишламаяпти. Айрим идоралар эса бу тизимга ёки уланмаган, ёки очик айтадиган бўлсак, уни нима қилишни ҳам билмайди.

2016 йилдаги айрим фактлардан ўзингиз хулоса чиқариб олинг. Давлат хизматлари ягона порталига 534 минг фуқаро ва юридик шахслардан келиб тушган мурожаатлардан 6 мингдан ортиғи ёки кўриб чиқилмаган, ёки уларга ўз вақтида жавоб берилмаган.

Рўйхатга олинган 4 мингдан ортиқ норматив-хукукий хужжатнинг атиги мингга яқини тизимга жойлаштирилган. Туман ва шаҳарлар ҳокимликларининг кўпида ушбу тизим самарасиз ишлатилмоқда.

Хатто, технологик жараёнларни ва бошқариш тизимларини такомиллаштиришга жиддий эҳтиёж бўлган йирик корхоналар, ташкилот ва хўжалик бирлашмалари ҳам ахборот-коммуникация технологияларини жорий этишда зарур ташаббус кўрсатмаяпти. Улар қаторида «Ўзбекнефтгаз», «Ўздонмаҳсулот» компаниялари, «Ўзфармсаноат» концерни, «Ўзбекчармпойабзали» уюшмаси, «Ўзкурилишматериаллари» акциядорлик жамияти ҳам бор.

Бундай юзаки ёндашув билан кўплаб муаммоларимизни ечишимиз мумкинми? Шу сабабли яқин вақт ичida ана шу ишлар ахволини муҳокама қилиб, бу борада тасдиқланган Миллий

дастурни бажарышнинг самарадорлиги юзасидан кўрилган чора-тадбирлар, шунингдек, истикболдаги вазифалар тўғрисида ахборот бериш керак.

**Хурматли мажлис иштирокчилари!**

Ҳокимларнинг мавқеи ва роли, уларнинг тумандаги, шаҳар ва вилоятдаги ишлар ахволи учун шахсий жавобгарлиги Конституциямизда принципиал қоида сифатида белгилаб қўйилганини барчангиз яхши биласиз.

Биз ҳар доим уларнинг фаолияти натижаларига алоҳида эътибор қаратганмиз ва бундан кейин хам бу масала дикқатимиз марказида бўлади.

Шуни инобатга олиб, яқинда барча бўғиндаги ҳокимликларнинг тузилмасига принципиал ўзгаришлар киритилди. Бунга қандай зарурат бор эди?

**Биринчидан**, худудларни, айниқса, колоқ шаҳар ва туманларни комплекс ривожлантиришга доир энг муҳим устувор вазифани амалга ошириш заруратидан келиб чиқилди.

Агар худудларнинг аҳоли жон бошига тўғри келадиган кўрсаткичларини солиштирсан, улар кун ва тундек бир-биридан фарқ қиласди.

**Иккинчидан**, худудий ва тармоқ бошқаруви самарасига, уларнинг ривожига холис баҳо беришини қийинлаштирадиган ҳолатлар мавжуд. Масалан, республикага бўйсунадиган йирик корхоналар кўрсаткичини чиқариб ташласак, вилоятлар ялпи худудий маҳсулоти ҳажми жуда кичик бўлиб қолади.

Бош вазир А.Ариповга бир ой муддатда ҳудуд ва тармоқлар кўрсаткичлари ҳисоби ва уларни статистикада акс эттириш механизмини такомиллаштириш юзасидан карор тайёrlаш ва қабул қилиш юкланди.

Масалан, Навоий ва Олмалик кон-металлургия комбинатлари, нефть-газ ва кимё саноати корхоналарининг ҳудудларга бевосита алоқаси йўқ. Уларни ривожлантиришга эришишда ҳокимликларнинг ҳеч қандай роли ва хизмати йўқлигини ҳаммамиз яхши биламиз.

Шунинг учун окни – окка, қорани – қорага ажратиш вакти ҳам келди. Шунда статистик ракамлар ҳам ҳақиқий ҳолатни акс эттиради.

Учинчидан, ҳокимликларнинг тузилмасини ишлаб чиқиша тўплантган тажриба ҳамда бир қатор вилоятлар ҳокимларининг таклифлари ҳисобга олинди.

Тузилмага қўшимча равишида қуйидагилар киритилди. Барча вилоят, шаҳар ва туман ҳокимликларида ҳокимнинг иқтисодий ислоҳотлар ва тадбиркорлик масалалари бўйича биринчи ўринбосари, шунингдек, ёшлар сиёсати, ижтимоий ривожлантириш ва маънавий-маърифий ишлар бўйича ўринбосари лавозимлари жорий этилди.

Ахборот-тахлил гурухлари кучайтирилди. Чегарага яқин 80 та туманда ҳокимнинг маҳсус ёрдамчиси лавозими киритилди. Жами 739 та қўшимча штат ташкил этилди.

Яқинда ҳокимлар ва ҳокимликларнинг барча ходимлари иш ҳақини уларнинг меҳнат стажидан

келиб чиққан ҳолда ошириш бўйича қарор қабул килинди.

Ўйлайманки, энди барча бўғиндаги ҳокимларнинг ходимлар сони етишмаслиги тўғрисида шикоят килиши учун объектив асос йўқ. Энди ушбу лавозимларга самарали ишни таъминлайдиган, муносиб кадрларни танлаш бўйича олдимиизда муҳим вазифа турибди.

А.Арипов, А.Раматов ва Р.Азимовнинг эътиборини ҳокимларнинг биринчи ўринbosари лавозимларига муносиб номзодларни тақдим этиш чўзиб юборилганига қаратаман.

Бироқ яна бир устувор вазифа бор. Бу – Бош вазирнинг барча ўринbosарлари, департаментлар, тармоқларни бошқариш органлари раҳбарларининг ҳокимлар ва уларнинг тегишли ўринbosарлари билан ўзаро яқин алоқаси ва фаолиятини мувофиқлаштиришни таъминлашдир. Энди самарали ишлаш барча раҳбарлар учун ҳам қарз, ҳам фарз.

**Хурматли мажлис иштирокчилари!**

2017 йил ва ундан кейинги даврга белгиланган вазифаларни амалга ошириш учта энг муҳим талабга ҳал этувчи даражада боғлиқдир.

**Биринчи** – давлат раҳбари – Президентдан бошлаб барча бўғиндаги раҳбарларнинг якуний натижалар учун шахсий жавобгарлиги.

**Иккинчи** – ҳамма соҳада аниқ тартиб ва қаттиқ интизомни таъминлашимиз даркор. Яна бир бор таъкидлайман, ишни биргаликда бажарамиз, натижа учун эса ҳар биримиз шахсан жавоб берамиз.

**Учинчи талаб** – сафларимиз ва кадрларимизнинг соғлигини таъминлаш, ишдаги ҳар қандай салбий ҳолатларнинг олдини олиш ва бундай иллатларнинг илдизини қуритиш.

Ўтган йили ишдаги жиддий камчиликлар ва шахсий масъулиятсизлиги учун олий ва ўрта маҳсус таълим вазирини, «Ўзстандарт» агентлиги, «Ўзбекэнерго» акциядорлик жамияти, «Ўзагросаноатмаш-холдинг» компанияси, «Асакабанк» ва бошқа бир қатор бошқарув органлари ва ташкилотлар раҳбарларини лавозимидан озод этдик.

Айнан ана шу сабабларга кўра Бухоро, Жиззах, Сурхондарё, Сирдарё ва Тошкент вилоятлари, шунингдек, бир қатор шаҳар ва туман ҳокимлари лавозимидан озод қилинди.

Буларнинг барчаси давр талаби. Бу талаб иқтисодиёт ва, айниқса, ижтимоий соҳанинг, шунингдек, аҳолининг муҳим муаммоларини бир ой ёки бир йилдан кейин эмас, балки шу бугун, ҳозирнинг ўзида ечиш заруратидан келиб чиқади.

Ҳисобот берувчи Бош вазир ўринбосарлари, тармоқлар раҳбарлари ва ҳокимлардан, шунингдек, мажлисда иштирок этаётган барча мутасадди шахслардан асосий эътиборни қуидаги саволларга қаратишни сўрайман:

**биринчи** – ҳар бирингиз камчилик ва муаммоларни бартараф этиш учун қандай аниқ чораларни кўрасиз?

**иккинчи** – иқтисодиёт тармоқлари ва ижтимоий соҳани, шунингдек, мамлакатимиз ҳудудларини ри-

вожлантириш бўйича қайси энг муҳим кўрсаткичларни жорий йил биринчи чораги ва биринчи ярим йиллигида бажариш учун нима қилиш керак?

Яна бир бор таъкидламоқчиман: бизга назарий ва умумий фикрлар эмас, ана шу иккита саволга аник ва лўнда жавоб керак.

\* \* \*

Бўлиб ўтган муҳокамалардан сўнг Ўзбекистон Республикаси Президенти Шавкат Мирзиёев мажлисга якун ясаб, куйидаги фикрларни таъкидлади.

— Азиз дўстлар, ҳозир сизлар билан белгилаб олган мақсад ва вазифаларга эришиш учун ишимизни янгича асосда ташкил этиб, ҳар биримиз ўз жойимизда масъулиятни чукур ҳис қилиб, қаттиқ иш олиб боришимиз керак. Бугунги мажлисда билдирилган барча таҳлилий ва танқидий фикрлар эртанги кун учун, янги мэрраларни эгаллашимиз учун мустаҳкам замин бўлиб хизмат қиласди.

Ҳаммамизга бир ҳақиқат равшан бўлиши лозим: биз мавжуд ривожланиш суръатлари билан ўз олдимизга қўйган юксак мақсадларга эриша олмаймиз. Бугун замон ўзгармокда, унинг талаби, олдимизга қўяётган вазифалари тобора ортиб бормокда. Мана шундай мураккаб шароитда «Сен – менга тегма, мен – сенга тегмайман» деган кайфият билан ишлашнинг вақти ўтди. Биз «вазият ёмон, вазият оғир» деб баҳона қидиришга ўрганиб қолганмиз. Лекин шу вазиятни ким ўзгартиради, ким изга солади, деган саволни, келинг, ўзимизга берайлик. Вазиятни ўзимиз, ўз ақл-заковатимиз, меҳнатимиз билан

ўзгартирмасак, ҳеч ким четдан келиб бу ишни биз учун килиб бермайди.

Бугун бу мажлисда ҳамма нарса ўз номи билан айтилиб, иқтисодиётимиздаги мавжуд аҳвол холис таҳлил қилинди, келгуси режалар белгилаб олинди.

Энг муҳим вазифамиз – мамлакатимизда тинчлик ва фаровонликни мустаҳкамлаш, одамларни, ҳалқимизни ҳаётдан рози қилишдан иборат. Бунинг учун эл-юртимиз, аввало биз – раҳбарларнинг фаолиятидан рози бўлиши керак. Бунинг учун ҳар бир раҳбар ўз аравасини ўзи тортиши, ўз соҳасидаги ишларнинг аҳволи учун ўзи шахсан жавоб бериши керак. Шундан кейин жамиятимизда ўзгариш бўлади, ривожланиш бўлади.

Ўтган йили декабрь ойида бўлиб ўтган Президент сайлови ҳалқимизнинг эртанги кунга, келажакка бўлган ишончини кўрсатди. Энди биз ана шу юксак ишончни амалий ишлар билан оқлашимиз шарт. Шунинг учун ҳам ҳаммамиз хулоса қиласилик: жона-жон Ватанимиз, олижаноб ҳалқимизнинг ишончини қозониш, унинг орзу-умидларини рўёбга чиқариш учун фақат тинимсиз меҳнат, изланиш ва ташаббус кўрсатиб яшаш керак. Одамлар буни кундалик ҳаётда сезиши, кўриши зарур.

Ҳалқимизда «Дўст ачитиб гапиради» деган мақол бор. Биз бир-биримизга нисбатан айтилган танқидий гапларни, албатта, тўғри тушунамиз, деб ўйлайман.

Ҳаммамизга маълум, ўтган йил биз учун осон бўлмади. Жуда оғир қийинчилик ва мусибатларни

бошимиздан ўтказдик. Лекин бу синовлардан муносиб ўтдик.

Худога шукр, мана, 2017 йил ёмон келмаяпти. Тоғларда кор мўл, «оби раҳмат» – ёмғирлар ёғиб турибди. Бу – қишлоқ хўжалиги, дехкон ва фермерларимиз учун кут-барака, мўл ҳосил дегани.

Мана шундай имкониятлардан самарали фойдаланиб, замон талабини ҳис этмасдан, эскича ишлашга энди ҳеч биримизнинг ҳаққимиз йўқ. Халқимиз бугун катта орзу-умидлар билан яшаяпти. Бу орзу-умидларни ким амалга оширади? Аввало, мана шу залда ўтирган раҳбарлар, мутасадди ва мутахассислар, навқирон ёшларимиз. Бунинг учун бизда куч ва имконият, билим ва салоҳият ҳам, қатъий ирода, интилиш ва азму шижаот ҳам етарли.

Шу йўлда барчангизга сиҳат-саломатлик, баҳт ва омад, янги ютуқлар тилайман.

*Мамлакатимизни 2016 йилда ижтимоий-иқтисодий ривожлантиришининг асосий якунлари ва 2017 йилга мўлжалланган иқтисодий дастурнинг энг муҳим устувор йўналишларига багишланган Вазирлар Маҳкамасининг кенгайтирилган мажлисидаги маъруза.*  
2017 йил 14 январь

## **МИЛЛАТЛАРАРО ДЎСТЛИК ВА ҲАМЖИҲАТЛИК – ХАЛҚИМИЗ ТИНЧЛИГИ ВА ФАРОВОНИГИНИНГ ҲАЁТБАХШ МАНБАИ**

Қадрли дўстлар!

Сизларни ва сизларнинг тимсолингизда кўп миллатли бутун Ўзбекистон халқини қутлуғ сана – Республика байналмилал маданият маркази ташкил этилганинг 25 йиллиги билан чин қалбимдан самимий табриклайман.

Маълумки, бизнинг қадимий ва саховатли заминимизда кўп асрлар давомида турли миллат ва элат, маданият ва дин вакиллари тинч-тотув яшаб келган. Мехмондўстлик, эзгулик, қалб саховати ва том маънодаги бағрикенглик бизнинг халқимизга доимо хос бўлган ва унинг менталитети асосини ташкил этади.

Мустақиллик йилларида мамлакатимизда миллатлараро муносабатлар ривожида янги босқич бошланди. Бағрикенглик ва инсонпарварлик маданиятини ривожлантириш, миллатлараро ва фуқаролараро ҳамжихатлик ва тотувликни мустаҳкамлаш, ёш авлодни шу асосда, Ватанга муҳаббат ва садоқат рухида тарбиялаш Ўзбекистонда давлат сиёсатининг энг муҳим устувор йўналишларидан бири этиб белгиланди. Буларнинг барчаси ҳаётда ўзининг тўлиқ ифодасини топди.

Юртимизда хукм суроётган дўстлик ва бирдамлик муҳити – тинчлик ва барқарорлик, амалга оширилаётган ислоҳотлар самарадорлигини ошириш, Ўзбекистоннинг халқаро майдондаги обрў-эътиборини янада юксалтиришнинг энг муҳим омилидир. Биз барчамиз мамлакатимизнинг Биринчи Президенти Ислом Абдуғаниевич Каримовнинг ана шу том маънодаги бебаҳо бойлигимизни асраб-авайлаш ва мустаҳкамлаш борасидаги хизматларини яхши биламиз ва юксак қадрлаймиз.

Бугун мамлакатимизда 130 дан ортиқ миллат ва элат вакиллари бир оила фарзандлариdek ахил ва иноқ яшамоқда. Улар умумий уйимиз – Ўзбекистонимиз равнақи йўлида бирлашиб, барча соҳа ва тармокларда фидокорона меҳнат қилмоқда, ривожланган бозор иқтисодиёти ва кучли фуқаролик жамиятига асосланган ҳукукий демократик давлат қуришга муносиб хисса кўшмоқда.

Бизнинг Конституциямиз ва қонунларимизда Ўзбекистон Республикасининг барча фуқаролари миллати, тили ва динидан қатъи назар, тенг ҳукуқ ва эркинликларга эга экани мустаҳкамлаб қўйилган. Уларга ўз миллий маданияти, анъана ва урф-одатларни сақлаш ҳамда ҳар томонлама ривожлантириш учун барча имкониятлар яратилган. Мамлакатимизда 16 та конфессияга мансуб диний ташкилотлар эркин фаолият юритмоқда. Давлат таълим муассасаларида ўқитиш 7 тилда олиб борилмоқда. Ўзбекистон Миллий телерадиокомпанияси ўз кўрсатувларини

12 тилда намойиш этмоқда, ўндан ортиқ тилда газета ва журналлар нашр этилмоқда.

Мамлакатимизда этник ўзига хосликни ривожлантириш ва миллатлараро муносабатларни янада уйғунлаштиришда 137 та миллий маданий марказ етакчи роль ўйнамоқда. Улар ўзларининг ўзига хос маданияти, тили, халқ ҳунармандлигини ривожлантириб, турли маданиятларнинг бир-бирини ўзаро бойитишига, ҳар биримизда кўп миллатли ягона оила туйғусини мустаҳкамлашга салмоқли ҳисса кўшмоқда.

Республика байналмилал маданият маркази уларнинг фаолиятини мувофиқлаштириб, амалий ва услубий ёрдам бераётгани алоҳида дикқатга сазовордир.

Марказ мамлакатимизнинг барча ҳудудларида ўтказилаётган ёркин тадбирлари асосида маданий ва ижтимоий ҳаётимизни янада теран маъно-мазмун билан бойитмоқда, Ўзбекистонда яшаётган турли миллат ва элат вакиллари ўртасида дўстлик ва бағрикенглик муносабатларини мустаҳкамламоқда. МДҲ давлатлари ўртасида факат Ўзбекистонда шундай тузилма ташкил этилгани эътиборга лойикdir.

Буларнинг барчаси мамлакатимизда миллатлараро муносабатлар соҳасида нодавлат ташкилотларнинг ноёб тизими шаклланганидан далолат беради. Ушбу ташкилотларнинг серкирра фаолияти мамлакатимизда тинч ва фаровон ҳаётни таъминлаш, муҳим маданий-маърифий вазифаларни ҳал этиш, шунингдек, хорижий давлатлар билан ҳамкорликни ривожлантиришга хизмат қилмоқда.

**Хурматли учрашув иштирокчилари!**

Барчангизга маълумки, ҳозирги вактда дунёning турли минтақаларида миллатлараро ва динлараро кескинлик кучайиб бормоқда, миллатчилик, диний муросасизлик бош кўтармоқда. Бу иллатлар давлатни емириб, жамиятни парчалаб, радикал гурух ва оқимлар учун мафкура базасига айланмоқда.

Ана шундай мураккаб вазиятда мамлакатимизда турли миллат ва динга мансуб инсонлар ўртасида дўстлик ва ҳамжиҳатликни янада мустаҳкамлаш биз учун борган сари муҳим аҳамият касб этмоқда. Ҳеч шубҳасиз, бу бизнинг заминимизда тинчлик ва осойишталиктининг мустаҳкам кафолати, халқимиз бунёдкорлик салоҳиятини, унинг эртанги кунга бўлган ишончини оширишнинг асоси бўлиб хизмат қилмоқда.

Шу муносабат билан Маданият ва спорт ишлари вазирлиги, Халқ таълими, Олий ва ўрта маҳсус таълим вазирликлари, Ўзбекистон Бадиий академияси, «Тасвирий ойина» ижодий уюшмаси, Хотин-қизлар кўмитаси, «Маҳалла», «Нуроний» жамғармалари, «Камолот» ёшлар ижтимоий ҳаракати ва бошқа кўплаб ташкилотлар, ўйлайманки, маданият ва маърифат, ёшларни миллий ва умуминсоний қадриятлар руҳида тарбиялаш соҳасидаги ишларни янада кучайтириши зарур. Бу бугун бизнинг барчамиз учун ҳаётий муҳим вазифадир.

Янада огоҳ ва сергак бўлиш, энг асосий бойлигимиз бўлган ва биз ҳакли равишда фаҳрланадиган кўп миллатли халқимизнинг бирдамлиги ва жипслигини

кўз қорачигидек асраш ҳамда янада мустаҳкамлаш Ўзбекистонни ўз Ватани, деб биладиган ҳар бир инсоннинг муқаддас бурчидир.

Биз фақат шу йўл билан бугунги куннинг барча таҳдид ва хавф-хатарларига самарали қарши туришимиз, жамиятимизда турли бузғунчи ғояларга қарши қатъий иммунитет яратишимиз, ўзимиз танлаган демократик тараққиёт йўлида янада салмоқли натижаларга эришишимиз мумкин.

Биз ўзимиз учун энг муҳим бўлган ана шу масалага бундан буён ҳам устувор аҳамият қаратамиз, жумладан, миллий маданий марказлар фаолиятини амалий жиҳатдан қўллаб-қувватлаш бўйича зарур барча ишларни бажарамиз.

Масалан, яқинда менга мослаштирилган биноларда жойлашган қатор марказларнинг бир гурух фаоллари ўзларининг меҳнат шароитларини яхшилашга кўмаклашиш тўғрисида мурожаат қилди.

Шу муносабат билан пойтахтимиз кўркига кўрк кўшиб турган, илгари «Ўзбекенгилсаноат» акциядорлик жамиятига тегишли бўлган Бобур кўчасидаги бинони Республика байналмилал маданият марказига беришни ва уни Дўстлик саройи деб номлашни таклиф этаман. Биз мазкур бинони реконструкция қилиш ва унинг атрофини ободонлаштиришни кўзда тутадиган тегишли ҳукумат қарорини қабул киламиз.

Ана шу бинонинг ёнида жойлашган ва мустакиллик йилларида Республика байналмилал маданият маркази ўзининг кўплаб тадбирларини ўtkазиб

келаётган боғни «Дўстлик боғи» деб номлашни таклиф қиласан.

Шу муносабат билан Бош вазир А.Арипов тегишли идоралар билан биргаликда, бир ой муддатда мазкур боғ ҳудудида Ўзбекистонда истиқомат қилаётган барча элу элат вакилларининг ўзига хос маданияти, урф-одатлари ва пазандалик анъаналарини намойиш этиш учун павильонлар барпо қилиш лойиҳасини ишлаб чиқиши зарур.

Тошкент шаҳрининг Мирзо Улуғбек туманида Наврӯз байрами арафасида очиладиган янги боғ эса энди буюк аждодимиз Захириддин Муҳаммад Бобур номи билан аталади.

Фанлар академияси институтлари билан ҳамкорликда мамлакатимизда миллатлараро муносабатларни янада ривожлантириш ва уйғунлаштиришга бағишиланган илмий тадқиқотлар ўтказишни ташкил этиш Республика байналминал маданият марказининг яна бир долзарб вазифаси, деб ҳисоблайман.

Агар Ўзбекистонда фаолият кўрсатаётган ҳар бир миллий маданий марказнинг фаоллари ўзларининг тарихий ватанлари билан маданий-гуманитар соҳадаги муносабатларни янада фаол ривожлантирадиган бўлса, ўйлайманки, мақсадга мувофиқ бўлади. Республика байналминал маданият маркази биз учун муҳим бўлган бу масалада катта вазифани бажариши керак.

Ишонаманки, яна бир таклифни сизларнинг барчангиз қўллаб-кувватлайсиз.

Афсуски, ҳозирги вақтда шундай тажриба шаклланганки, мамлакатимизнинг аксарият ахолиси турли миллат ва элатлар маданиятининг ўзига хос хусусиятлари билан бир йилда атиги икки-уч марта, энг аввало, Наврўз байрами кунларида танишиш имкониятига эга, бу албатта етарли эмас.

Шундан келиб чиккан ҳолда, Республика байналмилал маданият маркази Маданият ва спорт ишлари вазирлиги ҳамда юртимиздаги ижодий ташкилотлар билан ҳамкорликда кенг жамоатчиликни Ўзбекистонда яшаётган турли миллат ва ҳалқлар вакилларининг бетакрор маданияти, ҳалқ ҳунармандлиги, анъана ва урф-одатлари билан тизимли ва доимий асосда танишириш бўйича дастур ишлаб чиқиши ва ҳар йили йил давомида уни амалга ошириши айни муддао бўлур эди. Бунинг учун уларга мамлакатимиздаги энг яхши концерт майдончалари, театр саҳналари ва кўргазма залларини бериш керак.

Ҳеч шубҳасиз, буларнинг барчаси турли ҳалқлар маданиятларининг бир-бирини ўзаро бойитишига, бизнинг кўп миллатли Ўзбекистонимизнинг маънавий ва маданий ҳаётини янада ёрқин намоён этишга хизмат қиласи.

### Қадрли дўстлар!

Биз сизлар билан мамлакатимизда Ҳалқ билан мулоқот ва инсон манфаатлари йили, деб эълон килинган жорий йил бошида учрашиб турганимиз чуқур рамзий маънога эга.

Одамларнинг дарду ташвиши, манфаатларини ўйлаб яшаш, аҳоли учун муносиб шароитлар яратиш, дунёдаги ривожланган демократик давлатлар каторидан муносиб ўрин олишни давлат сиёсатининг устувор йўналишлари этиб белгилаганмиз.

Ишончим комил, сизлар ана шу дастурий вазифаларни ҳаётга татбиқ этишда фаол иштирок этасиз. Халқимиз сизларнинг биз учун ўта мухим, шунчалик зарур фаолиятингизни юксак қадрлайди ва у муносиб баҳоланмоқда.

Мустақиллик йилларида Республика байналмилал маданият маркази ва миллий маданий марказларнинг юздан ортиқ фаоллари фаҳрий унвонларга сазовор бўлди, орден ва медаллар билан тақдирланди.

Турли миллатлар вакили бўлган 14 нафар фуқаромиз Ўзбекистон Қаҳрамони деган юксак унвон билан мукофотланганини алоҳида таъкидлаш ўринлидир.

Мен сизларнинг кўпчилигингизни шахсан танийман, аксариятингизни телевидение, матбуотдаги чиқишлиарингиз орқали биламан ва бугун бошқаларга ўрнак бўладиган, халқимизнинг бирлиги ва жисплигини мустаҳкамлашга муносиб ҳисса кўшаётган яна 20 нафардан зиёд ташаббускор ва фидойи юртдошларимизга Ватанимизнинг юксак мукофотларини топширишдан хурсандман.

Уларнинг орасида Навоий вилояти Конимех туманидаги қорақалпоқ миллий маданий маркази фаоли Нуркул Базарбаева, Республика байналмилал маданият маркази директорининг ўринбосари Сергей Миронов, Тошкент вилояти Янгийўл тумани татар

миллий маданий маркази раиси Анися Гатауллина, Сирдарё вилояти рус миллий маданий маркази раиси Фаина Голубцова, Хоразм вилояти қозоқ миллий маданий маркази раиси Пўлатбек Изюмов, Жиззах вилояти корейс миллий маданий маркази раиси Олег Ким, Фарғона вилояти яхудий миллий маданий маркази раиси Семён Абдураҳмонов, Тошкент шаҳридаги литва миллий маданий маркази раиси Лидия Довидайтис, Самарқанд вилоятидаги немис миллий маданий маркази раиси Наталья Кайзер, Нукус шаҳридаги «Славутич» украин миллий маданий маркази раиси Ольга Миронец, Қашқадарё вилоятидаги тожик миллий маданий маркази раиси Абдурасул Эргашев каби юртдошларимиз бор.

Шунингдек, Тошкент шаҳридаги «Свитанак» белорус миллий маданий маркази раисининг ўринбосари Нина Шубникова, Қашқадарё вилоятидаги араб миллий маданий маркази раисининг ўринбосари Ниёзмуҳаммад Панжиев, Бухоро вилоятидаги турк миллий маданий маркази раиси ўринбосари Жума Шукуров, республика озарбайжон миллий маданий марказининг «Озарбайжон қизлари» ансамбли бадиий раҳбари Кайкеп Алиева, Қорақалпоғистон Республикаси туркман миллий маданий маркази фаоли Аразмуҳаммет Абаев, Андижон вилоятидаги кирғиз миллий маданий маркази фаоли Умутхон Маматалиева, республика арман миллий маданий маркази фаоли Георгий Сааков ва бошқалар ҳам давлат мукофотлари билан тақдирланди. Улар биргаликдаги саъй-ҳаракатлари билан энг муҳим вазифани бажармоқда, яъни мамлакатимизни ривожлантириш-

га, унинг маънавий ва инсонпарварлик асосларини мустаҳкамлашга муносиб ҳисса қўшмоқда.

Энди учрашувимизнинг ҳаяжонли қисмига ўтиш – Ватанимизнинг юксак мукофотларини топширишга рухсат бергайсиз.

**Хурматли дўстлар!**

Сизларнинг барчангизни Республика байналмилал маданият маркази ташкил этилганининг 25 йиллиги билан яна бир бор табриклаб, жонажон Ўзбекистонимизнинг барқарор таракқиёти ва фаровонлиги йўлидаги беғараз меҳнатингиз учун ўзимнинг чукур миннадорлигимни изҳор этишга ижозат бергайсиз.

Сизлар билан, кўп миллатли ва меҳнатсевар халқимиз билан биргаликда эркин демократик ва фаровон давлат қурамиз ҳамда кўзлаган юксак мақсадларимизга албатта эришамиз.

Сизларнинг барчангизга мустаҳкам соғлик ва омад, оиласвий баҳт, хонадонларингизга файзу барака тилайман.

**Барча эзгу ишларимизда Яратганинг ўзи қўлласин!**

**Гўзал диёrimизда доимо тинчлик-осойишталик барқарор бўлсин!**

**Ватанимиз осмони ҳамиша мусаффо, халқимиз омон бўлсин!**

*Республика байналмилал  
маданият маркази ташкил этилганининг  
25 йиллигига бағишиланган учрашувдаги нутқ.  
2017 йил 24 январь*

## **ЗАМОНАВИЙ, ҚУДРАТЛИ АРМИЯ – ТИНЧ-ОСОЙИШТА ҲАЁТИМИЗ КАФОЛАТИ**

Ўзбекистон Республикаси Президенти, Қуролли Кучлар Олий Бош Қўмандони Шавкат Мирзиёев 2017 йил 26 январь куни Тошкент олий умумқўшин қўмандонлик билим юргида Мудофаа вазирлиги раҳбарияти билан йигилиш ўтказди.

Ўзбекистон Республикаси Олий Мажлиси Сенати аъзолари, Қонунчилик палатаси депутатлари, ҳукумат аъзолари иштирок этган тадбирда Ўзбекистон Республикаси Президентининг мамлакатимиз Қуролли Кучлари ташкил этилганининг 25 йиллиги муносабати билан Ватан ҳимоячиларига байрам табригида белгиланган вазифалар ижросининг бориши муҳокама қилинди, катор вазирлик ва идоралар раҳбарларининг ахбороти тингланди.

Давлатимиз раҳбари хавфсизлик соҳасига оид қонунчилик самарадорлигини юксалтириш, Қуролли Кучлар ташкилий тизимини янада такомиллаштириш, унинг шахсий таркибини тайёрлаш, замонавий қурол-яроғ ва ҳарбий техника билан таъминланганлик даражасини янада оширишга қаратилган аниқ вазифаларни белгилаб берди.

Ҳарбий хизматчиларни ҳар томонлама ижтимоий ҳимоя қилиш, жумладан, ҳарбийлар ва уларнинг оила аъзолари учун замонавий уй-жойлар куриш билан боғлиқ масалалар кўриб чиқилди.

Президентимиз Шавкат Мирзиёев ёшларни ватанпарварлик рухида тарбиялаш, юртдошларимизда Ватан тақдири ва келажаги учун масъулият туйғусини янада юксалтириш каби муҳим вазифаларга алоҳида эътибор қаратди.

Йиғилишда хукумат аъзоларига, вазирлик ва идоралар раҳбарларига Куролли Кучларимиз қудратини ошириш борасидаги ишларни янада такомиллаштириш, миллий армиямиз ва халқимиз яқдиллинини янада мустаҳкамлашта доир аниқ топшириқлар берилди.

Давлатимиз раҳбари мазкур билим юртида курсантлар учун яратилган шароитлар билан танишди.

*2017 йил 26 январь*

## **СОҒЛИҚНИ САҚЛАШ ТИЗИМИНИ ЗАМОН ТАЛАБИ ДАРАЖАСИДА ТАКОМИЛЛАШТИРИШ – КУН ТАРТИБИДАГИ АСОСИЙ МАСАЛА**

Президентимиз Шавкат Мирзиёев 2017 йил 5 январь куни соғлиқни сақлаш соҳаси мутахассислари билан учрашиб, ушбу тизимни такомиллаштириш, муаммона ва камчиликларни бартараф этиш бўйича кўрсатмалар берган эди. Халқимиз саломатлиги, айниқса, ёш авлод келажагига дахлдор бу соҳа Президентнинг доимий эътиборида бўлишини алоҳида тъкидлаган эди.

Давлатимиз раҳбари мамлакатимиз ҳудудларига сафарлари чоғида қишлоқ врачлик пунктлари ва клиникаларда бўлиб, шифокор ва bemорлар билан мулоқот қилмоқда. Бу Президентимизнинг мазкур соҳага – халқимиз саломатлигига доимий эътиборидан далолат беради.

Ўзбекистон Республикаси Президенти Шавкат Мирзиёев раислигига 7 февраль куни юқорида эслатилган мажлисда белгиланган вазифалар ижроси, соғлиқни сақлаш тизимидағи муаммолар ва соҳанинг ривожланиш истиқболларига бағишлиланган видеоселектор йиғилиши бўлиб ўтди.

Мажлисда тегишли вазирлик ва идоралар раҳбарлари, тиббиёт олий ўкув юртлари ректорлари,

республика ихтисослаштирилган тиббиёт марказлари директорлари, Қорақалпоғистон Республикаси Жўкорғи Кенгеси раиси, вилоятлар, Тошкент шаҳри, туман ва шаҳарлар ҳокимлари, соғлиқни саклаш муассасалари раҳбарлари иштирок этди.

Давлатимиз раҳбари соғлиқни саклаш тизимидағи муаммоларни чукур таҳлил қилиб, уларни бартараф этиш юзасидан амалга оширилаётган ишлар самарадорлиги, раҳбарлар масъулияти ва шахсий жавобгарлиги хусусида атрофлича тўхталди.

Президентимиз таъкидлаганидек, кўрилаётган чоратадбирларга қарамасдан, жойларда тиббиёт соҳасидаги вазиятни ўзгартириш ишлари талаб даражасида олиб борилмаяпти. Буни аҳолидан Президентнинг Ҳалқ қабулхоналари ва Виртуал қабулхонага келиб тушаётган кўплаб ариза ва шикоятлар тасдиқлаб турибди.

Бирламчи тиббиёт муассасалари, айниқса, қишлоқ врачлик пунктлари, оиласвий поликлиникалар, патронаж хизмати, тез тиббий ёрдам тизимининг фаолияти ҳамон қониқарсиз аҳволда қолмоқда. Шифохоналар ва аҳолини дори-дармон воситалари ва тиббиёт буюмлари билан таъминлаш, жумладан, ижтимоий дорихоналар ташкил этиш бўйича берилган топшириклар ижроси талаб даражасида эмаслиги қайд этилди.

Тиббиёт муассасаларини малакали кадрлар билан таъминлаш, республика ихтисослаштирилган тиббиёт марказларининг фаолиятини такомиллаштириш бўйича сезиларли ишлар кўзга ташланмаяпти.

Соғлиқни сақлаш тизимида хусусий секторни ривожлантириш ишларига етарлича эътибор берилмаяпти.

Маълумки, тиббий хизмат – инсон манфаатларини таъминлашнинг муҳим омилларидан биридир. Тиббиёт ходимлари уйма-уй юриб, касалликларни профилактика қилиши, соҳадаги ўзгаришларни одамлар сезиши керак. Бунинг учун шифокорларнинг маданиятини, маънавиятини, масъулиятини ошириш, ишга ва беморларга муносабатини ўзгартириш зарур, деди давлатимиз раҳбари.

Қишлоқ врачлик пунктлари жойлашувини қайта кўриб чиқиш, самараисиз ишлаётган пунктларни оптималлаштириш, уларга сарфланаётган маблағларни талаб юқори бўлган қишлоқ врачлик пунктларини моддий-техник жиҳатдан мустаҳкамлаш, мақсадга мувофиқларини поликлиникаларга айлантириш, малакали шифокорларни рағбатлантиришга йўналтириш зарурлиги таъкидланди. Қишлоқ врачлик пунктлари туну кун ишлаши, врач у ерда яшами учун зарур шароитлар яратиш масалаларига эътибор қаратилди.

Ўтган йилларда аҳолини тиббий хизмат билан қамраб олиш бўйича улкан ишлар амалга оширилди. Жойларда қишлоқ врачлик пунктлари бунёд этилиб, замонавий асбоб-ускуналар билан таъминланди. Лекин одамлар қуруқ бинога бормайди, мутахассисга боради. Шу боис қишлоқ врачлик пунктлари ва поликлиникаларда энг яхши мутахассислар ишлаши керак. Ихтисослаштирилган тиббиёт марказлари, республика ва вилоят шифохоналаридаги малакали

врачлар жадвал асосида қишлоқ врачлик пунктлари ва оиласвий поликлиникаларда қабуллар ўтказиши лозим, деди Президентимиз. Шунда халқимиз тиббий хизматдан рози бўлади.

Соғлиқни саклаш вазирлиги ва унинг худудий тузилмалари фаолиятини янада такомиллаштириш, ихтисослаштирилган марказларнинг туман тиббиёт бирлашмалари, бу бирлашмаларнинг қишлоқ врачлик пунктлари ва поликлиникалар билан ҳамкорлигини мустаҳкамлаш ҳақида сўз юритилди. Тиббий хизматнинг қайси турлари бепул амалга оширилиши ва қайсиларига пул тўланишини аниқ белгилаш, бу маълумотларни ҳар бир муассасада кўринарли жойга ёзиб қўйиш зарурлиги қайд этилди.

Давлатимиз раҳбарининг 2016 йил 31 октябрда қабул қилинган «Аҳолини дори-дармон воситалари ва тиббиёт буюмлари билан таъминлашни янада яхшилашга доир чора-тадбирлар тўғрисида»ги қарорига мувофиқ бу маҳсулотларнинг нархи анча арzonлашди. Ўзбекистон Республикаси Бош прокуратураси ҳузуридаги департамент, тегишли вазирлик ва ҳокимликлар вакиллари иштирокида дори-дармон воситаларининг белгиланган нархларда сотилиши назорат қилиб борилмоқда.

Президентимиз дори-дармон воситалари ноқонуний равишда баланд нархда сотилишига йўл қўймаслик, халқ манфаатларини таъминлаш мақсадида Бош прокуратура ҳузуридаги департаментда «Ишонч телефонлари» ташкил этиш бўйича кўрсатма берди. Бу телефон рақамлари ҳар бир дорихонага осиб қўйилади, телевидение орқали кўрсатилади.

Йигилишда Ўзбекистон Республикаси Бош вазирининг ўринбосари, соғлиқни саклаш вазири А.Икромов, вазирнинг биринчи ўринбосари А.Хожибоев, вазир ўринбосари Э.Боситхонова, Ўзбекистон Республикаси Бош прокуратураси хузуридаги департамент бошлиғи З.Дўсанов, Қорақалпоғистон Республикаси Жўқорғи Кенгеси раиси М.Ерниязов, Тошкент шаҳри, Андижон, Сурхондарё, Самарқанд, Хоразм, Тошкент, Фарғона, Бухоро, Жиззах вилоятлари ҳамда Бекобод, Олтиарик, Вобкент туманлари ҳокимларининг ахборотлари тингланди.

Ўзбекистон Республикаси Президенти Шавкат Мирзиёев тиббий хизмат самарадорлигини янада ошириш, бу борада белгиланган устувор йўналиш ва вазифаларни беками кўст бажариш бўйича мутасаддиларга алоҳида топшириқ ва кўрсатмалар берди. Танқидий таҳлил руҳида ўтган йигилиш тиббиёт соҳасини янада такомиллаштириш, тиббий хизмат сифати ва самарадорлигини замон талаблари даражасига кўтариш ишлари тизимли равишда олиб борилиши ва қатъий назоратда эканини кўрсатди.

2017 йил 7 февраль

## **ИНСОН МАНФААТЛАРИНИ ТАЪМИНЛАШ УЧУН АВВАЛО УНИНГ ҲУҚУҚ ВА ЭРКИНЛИКЛАРИ ИШОНЧЛИ ҲИМОЯ ҚИЛИНМОГИ ЗАРУР**

Ассалому алайкум, хурматли видеоселектор қатнашчилари!

Бугунги мажлисимиизда сизлар билан ҳозирги пайтда жуда муҳим ва долзарб бўлиб турган, ички ишлар тизимидағи ҳақиқий аҳвол, жойларда жамоат ҳавфсизлиги ва фуқароларимиз осойишталигини таъминлаш борасида аҳолини ташвишга solaётган, ечимини кутаётган кўплаб масалаларни мухокама килиш учун йигилдик.

Шунинг учун бугунги йигилишиимиизда асосий эътиборни мавжуд муаммо ва камчиликларни танқидий таҳлил қилишга, уларни бартараф этиш ва ишимиз сифатини тубдан яхшилаш бўйича, вазифаларни белгилаб олишга қаратишни таклиф этаман.

Бугунги кунда мамлакатимиизда юритилаётган давлат сиёсатининг асл моҳияти ва пировард мақсади – халқимизнинг дарду ташвишлари, ҳаётий муаммо ва эҳтиёжларидан доимо хабардор бўлиб, унинг моддий фаровонлигини ошириш, муносиб турмуш даражаси ва сифатини таъминлаш, тинч ҳаётини ҳимоя қилишдир.

Энг муҳими – ҳалқимиз ўз ҳаётидан ва давлатдан рози бўлиб яшашини таъминлаш бугун барчамизнинг бош вазифамиздир.

Ўйлайманки, асосий вазифаси мамлакатимизда ҳукуқ-тартиботни ва ахоли осойишталигини таъминлаш бўлган ички ишлар органларидан ҳалқимиз бугунги кунда розими, улар фаолияти замон та-лабларига мос келадими ёки йўқми, деган саволга жавоб бериш вақти келди.

Қайси худудда ҳокимлик, прокуратура ва ички ишлар органлари, жамоат ташкилотлари бир ёқадан бош чиқариб, оқилона иш олиб бораётган бўлса, энг муҳими, адолат ва ҳалоллик билан иш кўраётган бўлса, ўша ерда одамлар ҳаётдан рози бўлиб яшапти ва ўша жойда вазият барқарор бўлиб келмоқда.

Шу билан бирга, бунга амал қилинмаётган баъзи туман ва шаҳарлардаги аҳвол ўзгаришсиз қолаётганини афсус билан тан олиш керак.

Ички ишлар идоралари фаолиятида сурункали тарзда қатор камчиликларга йўл қўйилмоқда.

**Биринчидан**, аҳолининг мурожаатларини юзаки кўриб чиқиши ҳолатлари кенг тарқалган. Айниқса, худуд бўйича жиноят кўрсаткичларини камайтириш ва жиноятларни яшириш мақсадида аризаларни асоссиз равишда қабул қиласлик ҳолатлари мавжудлигини алоҳида таъкидлаш керак. Масалан, 2016 йилда Андижон вилояти ички ишлар бошқармасига аҳолидан 2463 та шикоят келиб тушган, шундан 947 та ҳолатда масаласи ҳал бўлмагани учун одамлар бошқа ҳукуқни муҳофаза қилувчи

идораларга такрор мурожаат қилишга мажбур бўлган. Андижон шаҳар ички ишлар бошқармаси раҳбариятининг ҳаракатсизлиги оқибатида 38 та ўғирлик ва талончилик жинояти узоқ вақтдан буён очилмасдан қолмоқда.

**Иккинчидан**, жойларда тезкор-қидирув ишларни амалга оширадиган ходимларда амалий иш тажрибаси етишмайди, тергов ва тезкор тузилмалар ўргасидаги ўзаро ҳамкорлик жуда паст даражада. Масалан, Хоразм вилояти ички ишлар бошқармаси қидирувдаги шахсларни излаш ва қўлга олиш бўйича энг пастки ўринлардан бирида турибди. Вилоятда диний-экстремистик оқимларга алоқадор бўлган, қидирувдаги 214 нафар шахсни излаш бўйича ишлар жуда суст олиб борилмоқда.

**Учинчидан**, хуқуқбузарликларни профилактика килиш ишлари талаб даражасида олиб борилмаяпти. Профилактика инспекторлари фаолиятида уларга ҳаддан ташқари кўп иш юклаш, ишларни сохталаштириш, фуқароларнинг ўзини ўзи бошқариш органдари билан етарли даражада ҳамкорлик қилмаслик ҳолатлари кенг тарқалган.

**Тўртинчидан**, вояга етмаганлар билан излаш соҳасида тизимли иш умуман йўқ, деса ҳам бўлади. Бу йўналиш бошқа соҳаларда ўз ишини эплай олмаган, интизомий жазоланган ходимлар ишлайдиган бўлинмага айланниб қолган. Бу ходимлар таълим муассасаларида давомат билан мутлақо шуғулланмайди, болаларнинг ота-оналари билан тушунтириш ишларини олиб бормайди.

**Бешинчидан,** кадрлар билан ишлаш масаласи узоқ вақт давомида вазирлик раҳбариятининг эътиборидан четда қолиб келган. Бу эса ички ишлар идоралари ходимларида «шараф» («честь») тушунчаси йўқолишига олиб келган, янги ходимларни ишга қабул қилишда аксарият ҳолларда таъмагирликка йўл қўйилган.

2016 йилда биргина Тошкент вилоятида 9 та ана шундай жиноят иши очилиб, 11 нафар ходим жиноий жавобгарликка тортилган, 113 нафар ходим лавозимидан бўшатилган.

Кейинги пайтларда аҳолимиз томонидан қийинчилик ва мashaққатли меҳнат натижасида ишлаб топилган мол-мulkка жиноий тажовузлар қилиш каби салбий ҳолатларга тўлиқ чек қўйилмагани фуқароларимизнинг ҳакли эътиrozларига сабаб бўлмоқда.

Бугунги кунда инсон манфаатлари билан боғлиқ масалаларни кечиктирмасдан ҳал қилиш зарур. Шундай бир вақтда ички ишлар органларида эскича фикрлаш, ўз хизмат вазифасини халққа хизмат қилиш тамойилига асосланиб эмас, балки шахсий манфаатидан келиб чиқкан ҳолда бажариш каби яроқсиз иш усули ҳали ҳам кўп учраётгани ҳеч кимга сир эмас.

Энди ўзимизга бир ўринли савол берайлик: жиноятчилар томонидан талончилик йўли билан олиб қўйилган ёки ўғирланган мол-мulkни фуқароларга ким қайтариб беради? Нима учун бундай жиноятларнинг ўз вақтида олди олинмаяпти?

Масалага шу нуқтаи назардан қарайдиган бўлсак, Ички ишлар вазирлигининг барча тизимлари ва худудий бўлинмалари фаолияти бугунги кунда

хукукбузарликлар профилактикасини таъминлаш ўрнига, фақат жиноятчиликнинг оқибатлари билан курашишга қаратилгани якъол аён бўлмоқда. Бунинг натижасида оғир ва ўта оғир жиноятлар сони ошиб бораётгани кузатилмоқда.

Энг ачинарли томони шундаки, ўтган йилнинг ўзида мамлакатимиз бўйича жиноят-қидирув йўналишидаги 7 минг 66 та жиноят аниқланмаган. Уларнинг асосий қисми Тошкент шаҳри, Фарғона, Тошкент, Самарқанд, Сирдарё ва Қашқадарё вилоятлари ҳиссасига тўғри келади. Ушбу худудларда оғир ва ўта оғир жиноятларнинг кўрсаткичи энг юкори даражада қолаётган экан, жойлардаги ички ишлар бошқармалари раҳбарларининг бу борадаги масъулиятини қандай баҳолаш мумкин? Жаноб вазир ва унинг ўринбосарлари бу йўналишда қандай чоралар кўряпти? Ҳокимлар, прокуратура идоралари нима учун бу ҳолатларга фақат кузатувчи, томошабин бўлиб қараб турибди?

Энди ички ишлар органлари фаолиятининг яна бир асосий йўналишларидан – тезкор-қидирув ишларининг ахволига тўхталсак.

Тезкор-қидирув ишларидағи камчиликлар, айниқса, ходимлар малакасининг пастлиги натижасида бир қатор жиноятлар йиллар давомида фош этилмаяпти. Масалан, 2016 йил февралда Самарқанд шаҳридаги Амир Темур кўчасида икки нафар номаълум шахс фуқаро Б.Мамажоновнинг уйига кириб, унга тан жароҳати етказган ҳамда уйдан қимматбаҳо буюмлар ва пул маблағларини олиб кетган. Аммо бу жиноят бугунги кунгача очилмаган.

Ёки 2015 йил февралда Сирдарё вилоятининг Сирдарё шаҳридаги «Пахтакор» маҳалласида аёл кишининг жароҳат етказилган жонсиз танаси топилган. Лекин бу жиноятни амалга оширган шахслар ҳанузгача аниқланмаган.

Шу билан бирга, бугунги кунда жиноят содир этиб, қидиувда юрган шахсларни қидириб топиш борасидаги ишлар ҳам қониқарсиз даражага тушиб қолган. Натижада қидиувда юрган шахслар сони йилдан йилга кўпайиб бормоқда. Масалан, қидиув эълон қилинган 12 минг 447 нафар жиноятчидан 8 минг 756 нафари ушланмагани ҳаммамизни ташвишга солиши керак. Уларнинг асосий қисми Тошкент шаҳри, Фарғона, Самарқанд, Тошкент, Андижон, Қашқадарё, Сурхондарё ва Наманган вилоятлари хиссасига тўғри келаётганини қандай баҳолаш мумкин?

Қидиувда юрган жиноятчиларнинг ушланмай қолгани – улар жиноий қилмишларини республика мизда ёки чет элларда давом эттириб юрганидан далолат эмасми?

Қидиув фаолиятидаги жиддий камчиликлар, айниқса, ҳукуқни муҳофаза қилувчи органларнинг кўйи тизимларидағи ҳамкорлик етарли даражада ташкил этилмаганида намоён бўлмоқда.

Бу соҳада жиддий ўзгариш қилмаса бўлмайди.

Шунинг учун Миллий хавфсизлик хизмати раиси ўринбосари Р.Ғуломов бошчилигига Бош прокуратура, Олий суд, ички ишлар вазирлиги, бошқа вазирлик ва идоралар билан биргаликда, икки ҳафта муддатда ҳукуқни муҳофаза қилувчи идораларнинг

ўзаро ҳамкорлигини мувофиқлаштирувчи идоралар аро комиссия тузиш керак. Бу комиссия ҳуқукни мухофаза қилувчи органлар ўртасидаги, айникса, қуйи тизимлардаги ҳамкорликни самарали ва тўғри йўлга қўйиш, очилмай қолаётган жиноятларни ва қидирудаги шахсларни ушлаш бўйича ишлар аҳволини танқидий кўриб чиқиши билан шуғулланиши лозим. Керак бўлса, комиссия қарори билан ҳуқукни мухофаза қилувчи органларнинг юкори тизими раҳбарлига 10–15 тадан очилмай қолаётган жиноят иши учун масъулиятни юклаб, натижасини сўраб бориш зарур.

Жиноят-қидирув соҳасидаги долзарб муаммолардан бири **терроризм ва диний экстремизмга қарши қурашишдир**. Ҳозирги кунда диний экстремистик оқимга кўшилаётганлар сонини кескин камайтириб, бу иллатни илдизи билан бутунлай куритиш таъминланмаётгани учун ким жавоб беради?

Энг ачинарлиси, мазкур шахсларнинг 11 фоизини аёллар, 9 фоизини эса 18 ёшдан 30 ёшгacha бўлган ёшлар ташкил этади.

Қидирув эълон қилинган 2 минг 988 нафар диний экстремизм тарафдоридан ўтган йили бор-йўғи 75 нафари ушланган, холос.

Хабарингиз бор, 2017 йил 1 январь куни Туркия-нинг Истанбул шаҳридаги тунги кафеда мижозларга қаратса ўқ узган, 2011 йилдан бери қидирудва бўлган Абдулқодир Машарипов иштирок этган террорчилик акти натижасида 39 нафар шахс ўлдирилган, 70 га яқин киши турли тан жароҳати олган.

**Жаҳон оммавий ахборот воситалари ушбу террорчини Ўзбекистон фуқароси деб эълон қилди. Бу қандай шармандалик, бунга қандай изоҳ бериш мумкин?**

Шу ўринда бир таклиф киритмоқчиман. Президентнинг Давлат маслаҳатчиси О.Муродов икки ҳафта муддатда тегишли вазирлик ва идоралар билан биргаликда қидирудаги жиноятчи кўп йиллардан буён хорижда юрган бўлса, уни Ўзбекистон фуқаролигидан маҳрум қилиш бўйича қонунчиликка ўзгартириш киритиш юзасидан таклиф киритсин.

Ички ишлар органлари фаолиятини баҳолашга таъсир этадиган яна бир масала, бу – **жиноят ишларини сифатли тергов қилиш, шахснинг жиноий қилмишига муносаб, адолатли хукукий баҳо бериш** ҳисобланади.

Масаланинг яна бир жиҳатини алоҳида қайд этиш зарур: жиноят ишларини фақатгина тергов қилиш ва жиноятчиларни айблаш билан чекланиб қолмасдан, жиноятларнинг келиб чиқиш сабаблари ва шартшароитлари, омилларини чукур таҳлил асосида ўрганиш лозим.

Бироқ, тан олишимиз керак, бу борадаги ишлар етарли самара бермаяпти. Шунинг учун Бош прокурор И.Абдуллаев ва ички ишлар вазири А.Азизов тегишли вазирлик ва идоралар билан биргаликда, жиноят-қидиув ва тергов билан шуғулланувчи бўлинмалар фаолиятини такомиллаштириш, уларнинг тузилмасига тегишли ўзгартиришлар киритиш,

масъулиятини оширувчи ва моддий рағбатлантирувчи механизмларни жорий этиш юзасидан ҳукумат қарори лойихасини бир ой муддатда тайёрлаб, киритсин.

Таъкидлаш керакки, умумий жиноятчилик йилдан йилга камайиб бораётган бир вақтда ўзгалар мол-мулкини ўғирлаш ва фирибгарлик жиноятлари салмоғи юқори бўлиб қолаётгани барчамизни ташвишлантиради. Масалан, мамлакатимиз бўйича содир этилаётган жиноятларнинг ҳар олтинчиси ўғриликка, уларнинг ҳар учинчиси эса – хонадон ўғрилигига тўғри келади.

Амалга оширилаётган тезкор-тергов ишларига етарли даражада эътибор қаратилмагани оқибатида ушбу жиноятларнинг ҳар бештадан биттаси фош этилмасдан қолган. Бу ҳолат ички ишлар органдари ходимларининг касб малакаси юзасидан ҳам ҳақли эътиrozларни келтириб чиқаради.

Шундай экан, ким аниқ жавоб беради: содир этилган жиноятлар қачон ўз вақтида фош этилади?

Умуман, ҳар қандай жиноят, айниқса, ўғрилик – халқимиз томонидан қаттиқ қораланадиган ва нафратланадиган ҳолат, керак бўлса, халқимиз буни касб қилганлардан ҳазар қиласи, десак, айни ҳақиқатни айтган бўламиз.

**Биз жиноятларга қарши қурашишда профилактика ишларини кучайтиришимиз, айниқса, қуйи поғонадаги ишларни тубдан ўзgartиришимиз зарур ва шарт.**

Бунинг учун Бош прокурор И.Абдуллаев, Давлат маслаҳатчиси Т.Худойбергенов, ички ишлар вазири

**А.Азизов** куйи погонада профилактика ишларини кучайтириш бўйича янги тизимни пухта ишлаб чиқишини ва жорий этишини тъминлашлари зарур.

**Биринчидан**, ҳар ҳафтанинг пайшанба кунини республика бўйича жиноятларнинг олдини олиш бўйича профилактика куни деб эълон қилиш керак.

**Иккинчидан**, барча ҳудудларда, биринчи навбатда Тошкент вилоятида, ички ишлар бошқармаси бошлиғи ҳар ҳафтанинг пайшанба куни маҳаллий телевидение орқали кўрсатувда шахсан қатнашиб, ҳафта давомида вилоятда содир этилган жиноятлар, уларнинг сабаблари, жиноятни очиш учун нима ишлар килинаётгани ва натижаси тўғрисида халқка тушунтириш ва ҳисобот беради.

**Учинчидан**, шу куни кечқурун вилоят ҳокими йигилиш ўтказиб, жиноятчиликнинг олдини олиш ва жиноятларни очиш бўйича ишларни муҳокама этиб, тегишли қарор қабул қиласди.

**Тўртинчидан**, ҳафтанинг пайшанба кунлари маҳаллаларда прокуратура идоралари раҳбарлари бош-қош бўлиб, содир этилган жиноятларни аҳоли ўртасида муҳокама қиласди. Бунда «Маҳалла» ва «Нуроний» жамғармалари, «Камолот» ёшлар ижтимоий ҳаракати, Хотин-кизлар кўмитаси, касаба уюшмалари ва диний идоралар вакиллари ҳам фаол қатнашиши керак. Маҳаллий аҳоли ўртасида ўтказиладиган бундай муҳокамалар, жиноят кўламидан қатъи назар, ҳар бир содир этилган ҳукуқбузарлик бўйича алоҳида ташкил қилиниши керак.

**Бешинчидан**, хар ҳафтанинг пайшанба куни маҳаллий оммавий ахборот воситаларида жиноятларнинг олдини олишга бағишиланган чиқишлилар ташкил этилади.

Давлат маслаҳатчиси У.Исмоилов ва Давлат маслаҳатчиси ўринбосари С.Самадов бу ишларни шахсий назоратига олиши керак. Агар бу ишни тез ва тўғри ташкил этадиган бўлсак, қанчадан-қанча одамлар, энг муҳими, ёшларимизнинг ҳаёти синишига йўл қўймаган бўламиз.

**Бугунги кунда профилактика инспекторининг асосий вазифаси** – факат содир этилган жиноятларни ҳисобга олиш, уларнинг оқибати билан курашиш эмас, балки ҳуқукбузарликларнинг сабаб ва омилларни чукур таҳлил қилиш асосида уларнинг барвакт олдини олишга қаратилган чораларни ўз худудида амалга оширишдан иборат. Мен бу масалага алоҳида эътибор қаратмоқчиман.

Бугунги кунда мамлакатимиз бўйича 3 минг 819 та милиция таянч пунктида 5 минг 867 нафар профилактика инспектори хизмат олиб бормоқда. Мазкур рақамлар ҳақида эшитгач, юртимиз худуди тўлиқ назоратда, жойларда тинчлик-тотувлик таъминланмоқда, деган фикрга бориш мумкин. Бироқ ички ишлар идораларида профилактика ишларини кампаниябозлик асосида ташкил этишга кўпчилик ходимлар ўрганиб қолган, десак, айни ҳақиқатни айтган бўламиз.

Масалан, ўтган йили паспорт-виза тизими бўйича ўtkazilgan профилактик тадбирлар натижасида

паспорт тизими қоидаларини бузган 492 мингга яқин шахс аниқланган. Шундан 155 мингтаси қалбаки паспорт ва яшаш гувоҳномалари билан яшаётган, 265 нафари виза муддати тугаган, 413 нафари Ўзбекистон Республикасида визасиз яшаётган инсонлардир. Лекин буларнинг асосий кисми Шанхай ҳамкорлик ташкилоти саммити ва Президент сайлови олдидан ўтказилган тадбирларда аниқланган, десак, айни ҳақиқат бўлади. Яъни, бу борада тизимли иш умуман йўқ, деб баҳолашга тўлиқ асосимиз бор.

**Яна бир муҳим масала – аёллар ва ёшлилар томонидан жиноятлар содир этиш даражаси ҳам хозирги кунга қадар юқорилигича қолмоқда.** Жумладан, аёллар томонидан содир этилган жиноятлар қарийб 14 мингтани ёки содир этилган жиноятларнинг ҳар олтинчисини ташкил этади. Бундай ҳолатларни бартараф этиш учун маҳалла идоралари ва хотин-қизлар қўмиталари билан ҳамкорликда кенг тушунтириш ва профилактика тадбирларини амалга ошириш лозим. Бунинг учун Бош вазир ўринбосари Т.Норбоева Караба уюшмалари федерацияси кенгаши раиси Қ.Рафиков билан биргаликда жойларда юрган ишчи гурӯҳлари, яъни Хотин-қизлар қўмитаси, «Маҳалла» Кенгаши, «Камолот» харакати, «Нуроний» жамғармаси, диний идоралар вакиллари иштирокидаги ишчи гурӯҳлари фаолияти самарадорлигини кескин оширишлари лозим.

Ишчи гурӯҳлари бир ой муддатда шаҳар ва туманлардаги ҳар бир маҳалла ва хонадонда бўлиб, улардаги ижтимоий-маънавий мухит, аҳоли тур-

муш даражаси ва саломатлиги, мактаб ва коллежлардаги давомат, содир этилган жиноятлар маҳаллаларда муҳокама қилиниб, тўлик ўрганиб чиқилишини таъминлаши зарур.

Ўрганиш натижалари асосида аниқланган муаммоларни бартараф этиш юзасидан ҳар бир маҳалла, туман ва шаҳар бўйича алоҳида чора-тадбирлар режаси ишлаб чиқилиши ва қатъий бажарилиши шарт. Ана шу чора-тадбирлар Олий Мажлис Қонунчилик палатаси Кенгаши томонидан тасдиқланиши керак.

2016 йилда фақат академик лицейлар ва касб-хунар коллежлари ўкувчилари томонидан 1 минг 427 та жиноятга қўл урилган.

Ёшлилар тарбиясига етарли эътибор қаратилмагани оқибатида ўтган йили 18 дан 30 ёшгача бўлган фуқаролар томонидан жами 31 минг 933 та жиноят содир этилган. Бундай ҳолатлар учун Ўрта маҳсус касб-хунар таълими маркази ва Халқ таълими вазирлиги раҳбарлари ҳам жавоб бериши керакми ёки йўқми?

Президентнинг Давлат маслаҳатчиси О.Муродов ва Бош прокурор И.Абдуллаевга тегишли идоралар билан биргаликда 15 кунда вояга етмаганлар билан ишлаш тизимини такомиллаштириш бўйича Президент қарори лойиҳасини тайёрлаб, киритиш топширилади.

Қарор билан бирга ота-оналарнинг бола учун масъулиятини кучайтириш, айниқса, ўқишдаги давомати учун жавобгарлигини ошириш юзасидан қонун-

ларга ўзгартириш киритиш бўйича қонун лойиҳасини ҳам киритиш керак. Албатта, бола – ота-онанини, лекин у биринчи навбатда фуқаро, халқнинг, Ватаннинг фарзанди!

Бош вазир ўринбосари Т.Норбоева ва Касаба уюшмалари раҳбари Қ.Рафиқов «Маҳалла» ва «Нуроний» жамғармалари, «Камолот» ёшлар ижтимоий ҳаракати, Хотин-қизлар қўмитаси, диний идоралар вакиллари билан биргаликда жиноят қилган ёшларни уларнинг ота-оналари яшайдиган маҳаллаларда муҳокама қилишни ташкил этиши керак.

Профилактика хизматини тубдан яхшилаш борасида амалга оширилаётган ишлар доирасида асосий эътиборни ёшлар билан бевосита олиб борилаётган профилактика тадбирлари самарадорлигини оширишга қаратиш зарур. Шу мақсаддада ҳар бир шаҳар ва туман ички ишлар органлари бошлиқларининг ёшлар билан ишлаш ва ҳуқуқбузарликлар профилактикаси бўйича ўринбосари лавозими жорий этилмоқда.

«Маҳалла институтини янада такомиллаштириш чора-тадбирлари тўғрисида»ги фармонга мувофиқ, фуқаролар йигинида раиснинг ёшлар масалалари бўйича маслаҳатчиси лавозими киритилиши профилактика инспекторлари олдига долзарб вазифаларни қўймоқда. Энди улар жамоат ташкилотлари билан ҳамкорликни янада кучайтириб, ёшлар ўртасида соғлом турмуш тарзини тарғиб этиш, таълим-тарбия муассасаларида давомат ва таълим

сифатини ошириш, уюшмаган ёшлар билан ишлашда юқори натижадорликка эришиш учун шахсан жавоб беради.

Умуман, бу масалада таклифим бор – бундан бүён вилоят, шаҳарлар ва туманлар ҳокимлари ҳар ҳафтада мактаб, коллеж ва лицейларга бориб, у ердаги ишларнинг аҳволини, айниқса, давоматни ўрганиши ва бу борадаги камчиликларни тутгатиш бўйича зарур чораларни кўришлари керак. Агар шу тизимни жорий қилмасак, ҳеч қандай натижага эриша олмаймиз.

Фармон талабига кўра, профилактика инспекторларининг фуқаролар йигини Кенгаши таркибиға киритилиши ҳамда уларнинг фаолияти юзасидан ҳар чоракда ҳисботлар эшлишиб борилиши уларга янада кўпроқ масъулият юкламоқда.

Ҳаммамиз бир ҳақиқатни англаш олишимиз керак: бугунги кун профилактика инспектори энди кичкина одам эмас. Буни улар англаши ва ҳис қилиши лозим.

Ваҳоланки, шу пайтгача профилактика инспекторларининг аксарияти жиноятларнинг олдини олиш билан шуғулланиш ўрнига, аксинча, содир этилган жиноятларни фақатгина рўйхатга олиш, юқори идораларга ҳисботлар ёзиш, мажлисларга одам ийғиш билан машғул бўлиб, ҳокимлар ва прокурорларнинг «югурдаги»га айланиб қолгани жуда аянчли ҳолдир.

Профилактика инспекторларини уларнинг асосий фаолияти билан бевосита боғлиқ бўлмаган

ишларга жалб қилиш амалиётига чек қўйиш вақти келди, деб ҳисоблайман. Уларнинг 50 фоиз вақти кераксиз қофозларни тўлдириш ва ҳисботлар ёзишга сарф бўлмоқда. Бундан буён профилактика инспекторларини ортиқча қофозбозликдан умуман озод қилиш керак. Шунинг учун соҳани тубдан ислоҳ қилиш доирасида, янги талаблар асосида профилактика инспекторларининг хизмат вазифалари ва функцияларини қайта ишлаб чиқиш ва бу ишларни доимий назоратга олиш лозим.

Ички ишлар вазири А. Азизовга Бош прокуратура ва тегишли вазирликлар билан бирга профилактика инспекторлари фаолиятини ташкил этиш принциплари, улар фаолиятини баҳолашнинг мезонлари, профилактика инспектори лавозимига тайинланадиган шахсларга қўйиладиган талаблар, уларнинг вазифа ва функциялари, ҳуқуқ ва мажбуриятларини назарда тутадиган Ички ишлар органлари таянч пунктлари тўғрисидаги низомни 1 ой муддатда ишлаб чиқиш ва Президент девонига киритиш топширилади. Бунда профилактика инспекторининг фуқаролар йигини раиси (оқсоқоли) билан ҳамкорликни амалга ошириш тартибига, унинг ўзига қарашли худудда яشاши, уни тасдиқлашни вилоятлар ва Тошкент шаҳар ҳокимлари номенклатурасига ўтказиш масалаларига алоҳида эътибор бериш керак. Профилактика инспекторининг оиласи ўз худудидаги энг тинч ва намунали оила бўлиши лозим.

Шунингдек, ички ишлар вазири (А.Азизов) Ички ишлар вазирлиги академияси (Б.Матлюбов) билан бирга профилактика инспекторларини тайёрлаш, қайта тайёрлаш ва малакасини ошириш бўйича амалдаги ўкув дастурлари қайта ишлаб чиқилишини таъминлаши зарур. Бу борада ўкув жараёнларини интерфаол усулда, илғор хорижий тажрибага таяниб олиб боришга, аҳоли олдида ҳисботлар бериш, фуқароларнинг мурожаатлари, ёшларнинг уюшмаган қисми билан ишлаш, жамоат ташкилотлари билан ҳамкорликни кучайтириш йўналишларига алоҳида эътибор қаратилиши керак.

Профилактика инспектори хизмат хонасининг эшиги ҳалқ учун доимо очиқ бўлиши шарт. Чунки профилактика инспектори ҳалқ билан ички ишлар органларини боғлайдиган асосий кўприк бўлиб хизмат қилиши даркор. Бундан буён маҳаллий ҳокимликлардан бошлаб, хуқук-тартибот идоралари, кенг жамоатчилик вакиллари уларга яқиндан ёрдам кўрсатиши, инспекторлар фаолияти учун зарур шартшароитларни яратиб бериши керак.

Профилактика инспекторларининг давлат бошқаруви органлари, жамоатчилик вакиллари, қолаверса, бошқа соҳа хизматлари билан ҳамкорликда амалга оширадиган ишлари натижалари ички ишлар таянч пунктларида уларга яратилган шароитларга бевосита боғлиқдир.

Афсуски, профилактика инспекторларининг фуқаролар йиғинлари ва маҳалла фаоллари билан бир бинода, ўзаро ҳамкорликда фаолият олиб боришида бир қатор камчиликларга йўл қўйиб келинмоқда.

Ҳозирги вақтда 372 та ички ишлар таянч пункти маҳалла фуқаролар йигини билан бир бинода жойлашмаган. Бошқа корхона ва ташкилотлар, тадбиркорлик субъектлари тасарруфида бўлган милиция таянч пунктлари 390 тани ташкил этади. Бугунги кунда кўшимча 678 та милиция таянч пункти учун бинолар топиш ва 500 тасини таъмирлашга эҳтиёж мавжуд.

Биз замонавий ахборот-коммуникация технологиялари ривожланган даврда яшайпмиз. Шунга қарамасдан, ҳозирги кунда бир қатор милиция таянч пунктларида оддий радиоалоқа воситалари етишмайди, хизмат хоналарида Интернет у ёқда турсин, оддий телефон ёки компьютер ҳам йўқ.

Вилоят ҳокимлари молия вазири Б.Ходжаев билан бирга маҳаллий бюджет тушуми прогнозини бажаришдан ошган қисми ҳисобидан профилактика инспекторларини рация ва телефон билан таъминлаш масаласини 15 кунда ҳал этсин.

Нима учун маҳаллий ҳокимликлар томонидан барча ички ишлар таянч пунктларини қуриш, таъмирлаш, профилактика ходимлари хизмати учун кулай шарт-шароитлар яратиш ишлари якунига етказилмаган?

Вилоят ҳокимлари молия вазири Б.Ходжаев билан бирга маҳаллий бюджет тушуми прогнозини бажаришдан ошган қисми ҳисобидан ички ишлар таянч пунктларини таъмирлаш ва жиҳозлаш юзасидан чора-тадбирлар дастурларини ишлаб чиқиб, уларнинг 2018 йил 1 июлга қадар тўлиқ бажарилишини

таъминласин. Давлат маслаҳатчиси ўринбосари С. Самадов бу топшириқ ижросини шахсан назоратга олсин.

Яна бир муаммо – бугунги кунда профилактика инспекторлари хизмат жойларига 15 километрдан 140 километргача бўлган масофадан қатнаб хизмат қилмоқда. Масалан, Самарқанд вилояти, Каттакўрғон тумани, Пайшанба шаҳарчасига – 140 километр, Сурхондарё вилояти, Денов тумани, Шаҳринав маҳалласига – 55 километр ҳамда Хоразм вилояти, Гурлан тумани, Дўсингбай маҳалласига – 51 километр масофадан қатнаб хизмат қилаётган профилактика инспекторининг шарт-шароити билан кимдир қизиқдими?

Мен фақат айрим ҳудудлардаги аҳволни мисол қилиб келтирдим, холос. Ваҳоланки, бундай шароитда хизмат қилаётган профилактика инспекторларининг сони кўпчиликни ташкил этади.

Уларнинг на хизмат уйи, на автотранспорт воситаси бор. Ким бу масалалар билан шуғулланиши керак? Бундай аҳволни тузатиш, ўнглаш учун нима килиш керак?

Бош вазир А.Арипов, унинг биринчи ўринбосари А.Раматов, молия вазири Б.Ходжаев, ички ишлар вазири А.Азизовга профилактика инспекторлари ва ички ишлар идораларининг бошқа ходимларига уй-жой қуриб бериш юзасидан З йиллик дастур ишлаб чиқиш ва тасдиқлаш учун киритиш топширилади. Бунинг учун вилоят марказларида ҳар йили 46 квартирали ва туман марказларида 24 квартирали арzon уйларни куришни назарда тутиш керак.

Ички ишлар органлари тизимида курилиш учун бюджетдан ажратиладиган маблағларни тұхтатиб қўйиб, ушбу маблағларни ходимлар учун уй-жой куришга йўналтириш зарур.

Бугунги йиғилиш давомида ички ишлар таянч пунктлари инфратузилмасини такомиллаштиришда ички имкониятлардан фойдаланиш, уларнинг тўлақонли фаолият юритиши учун зарур шароитлар яратиш масаласи юзасидан ҳар бир вилоят ва туманлар ҳокимлари, ички ишлар бошқармалари бошлиқлари ҳамда бошқа мутасадди раҳбарлар тўлиқ ҳисобот беришга тайёр бўлиб турсин.

**Хурматли селектор иштирокчилари!**

Биз ҳозирги кунда ички ишлар органлари тизимида жиддий ўзгаришлар, янгиланиш ва ислоҳотлар қилиш арафасида турибмиз. Бунда қуйидаги масалаларга эътибор қаратишимиз зарур.

**Биринчидан**, ички ишлар органлари тизимини комплекс ислоҳ қилиш, унинг таркибий тузилмаларини оптималлаштириш, қуи бўғин бўлинмалари, ички ишлар таянч пунктлари ва профилактика инспекторлари фаолияти самарадорлиги ва натижадорлигини ошириш керак.

Ички ишлар вазири А.Азизов, Тошкент шахри ҳокими Р.Усманов, Ички ишлар академияси раҳбари Б.Матлюбов, Тошкент шаҳар ички ишлар бошқармаси бошлиғи Б.Курбонов 1 ой муддатда ҳар бир жиноятнинг илмий асосланган сабабларидан келиб чиқкан ҳолда, жиноятчиликка қарши курашиш ва унинг олдини олиш, ички ишлар органлари фаолиятини

такомиллаштириш бўйича Тошкент шаҳрида янги тизим жорий этсин. Ички ишлар академияси тегишли қонунларга ўзгартеришлар киритиш бўйича асосланган таклифлар тайёрлаб киритсин.

Бу ишларни Бош прокурор И. Абдуллаев ўз назоратига олсин.

**Иккинчидан**, ички ишлар органларининг ёнғин хавфсизлиги, жамоат тартибини сақлаш ва бошқа хизматлари томонидан тадбиркорлик фаолиятига қонунга хилоф равишда аралashiш ёки тўсқинлик қилиш каби ҳолатларга мутлақо чек қўйиш лозим.

**Учинчидан**, мурожаатлар билан ишлаш тизимини тубдан такомиллаштириш, ҳалқ билан очик мулоқотни йўлга қўйиш, содда қилиб айтганда, ҳалқ ичига кириш, унинг дарди ва ташвиши билан яшаш ички ишлар органларининг энг долзарб вазифасига айланиши шартлигини алоҳида таъкидламокчиман.

Виртуал қабулхона иш бошлаганидан буён ўтган киска муддатда ички ишлар органларига тааллукли масалалар бўйича жуда кўп мурожаатлар келиб тушган. Уларнинг салмоқли қисми Тошкент шаҳри (535 та), Қашқадарё (437 та), Тошкент (208 та), Хоразм (143 та) вилоятларига тўғри келади.

Бу мурожаатлар ҳал этиш учун жойларга юборилган бўлса-да, биздаги мавжуд маълумотларга кўра, уларни ечишда сусткашликка йўл қўйилмоқда. Мисол учун, прокуратура томонидан Бухоро вилояти ички ишлар органларига келиб тушган 52 та мурожаатни яшириш ҳолати аникланган.

Мана яна бир аниқ мисол: жорий йил 16 январда Тошкент шаҳрида яшовчи фуқаро Ирина Мочалованинг Президент номига ёзган аризасида уйи олдида номаълум шахс талончилик йўли билан кўлидаги сумкасини тортиб олгани юзасидан бир неча бор Учтепа тумани ички ишлар бўлимига мурожаат қилгани, бироқ ҳеч ким ҳеч қандай чора кўрмагани айтиб ўтилган. Бундай ҳолатда ички ишлар ходими ахоли ўртасида хурмат ва обрў-эътибор қозона оладими, бошқаларга ўrnак бўла оладими? Йўқ, албатта!

**Тўртингчидан, фуқароларимиз хавфсизлигини таъминлашдаги муҳим омиллардан бири – кўча ва жамоат жойларида жиноят ва хукуқбузарликларнинг олдини олиш экан, бугунги кунда патруль-пост хизматининг фаолиятини ҳам талаб даражасида, деб бўлмайди.**

Хусусан, ўтган йилда патруль-пост хизмати бўлинмаларига тақсимланган йўналишларда содир этилган жиноятлар таҳлилларига кўра, Фаргона вилоятида 18 та қасддан одам ўлдириш, Самарқанд вилоятида 23 та қасддан оғир тан жароҳати етказиш, Тошкент вилоятида 107 та талончилик, Сурхондарё вилоятида 133 та безорилик ва Тошкент шаҳрида 775 та ўғрилик жинояти содир этилган.

Мен фақат мазкур йўналишдаги жиноятларнинг сони ошган айрим вилоятларни кўрсатиб ўтдим, холос. Қолган вилоятларда ҳам бу борадаги ишларни қониқарли деб бўлмайди.

Ана шу салбий кўрсаткичлар соҳага оид қатор ўзгаришлар киритиши, авваламбор, кўча ва жамоат жойларидағи хизматнинг замонавий моддий-техник базасини чет элдаги илфор тажрибадан келиб чиқиб, такомиллаштиришни талаб этмоқда.

**Бешинчидан**, кейинги вақтларда жойларда, айниқса, Тошкент шаҳри, Қашқадарё, Самарқанд, Наманган ва бошқа вилоятлар ҳудудларида йўл ҳаракати қоидаларини қўпол равишда бузაётган ҳайдовчиларнинг фуқаролар ҳаёти ва соғлигига жиддий хавф солиб келаётганини кузатиш мумкин. Бунинг натижасида йўл-транспорт ҳодисаларининг ҳар иккинчиси пиёдаларга нисбатан содир этилмоқда.

Биргина ўтган йилнинг ўзида мамлакатимизда 2 минг 269 та фуқаро йўлларда ҳалок бўлди, 11 мингдан ортиқ киши жароҳат олди.

Тошкент шаҳрида йўл ҳаракати хавфсизлигини таъминлайдиган компютерлаштирилган видеоназорат тизимини ишга тушириш таъминланмаган. Ҳолбуки, бунга қанча маблағ сарфланган эди.

Йўловчи, ҳайдовчи ва пиёдаларнинг хукукий маданиятини юксалтириш, йўллардаги тирбандлик масаласини ечиб, аҳоли норозилигига йўл қўймаслик, йўловчи ташиш хавфсизлигини таъминлаш ва уларга хизмат кўрсатиш сифатини ошириш – **йўл ҳаракати хавфсизлиги масъул ходимлари учун энг устувор йўналиш экани қатъий қоида этиб белгиланиши даркор**.

Бу борада йўл ҳаракати хавфсизлиги ходимлари ўртасидаги порахўрлик ва хизмат вазифасини

суиистеъмол қилиш ҳолатлари юзасидан эътирозлар ҳар қачонгидан ҳам кўпайиб кетгани учун ким жавоб беради?

**Олтинчидан**, шахсий таркиб ўртасида хизмат интизоми ва конунчилликни кучайтириш, ички ишлар идоралари таркибига адашиб кириб қолган бефарқ, масъулиятни тўлиқ англамасдан, фуқароларнинг ҳақли эътиrozларига сабабчи бўлаётган ходимлардан бу соҳани тозалаш масаласи доимо долзарб бўлиб келган.

Ўтган йили 4 минг 517 нафар ходим, шундан 966 нафар ходим салбий сабабларга кўра ички ишлар идораларидан бўшатилган.

Хизмат интизомини бузган 7 минг 795 нафар ходимга нисбатан интизомий жазо чоралари қўлланган бўлса, 219 нафар ходим томонидан жиноятлар содир этилишига йўл кўйилган. Уларнинг аксарияти порахўрлик, мансаб ваколатини суиистеъмол қилиш, мансаб ваколати доирасидан четга чиқиш каби жиноятларни содир этган. Бундай ҳолатда аҳоли орасида ички ишлар ходимининг обрўсини қандай қилиб ошириш мумкин? Конун ҳимоячисининг ўзи жиноят содир этса, оддий одам дардини кимга айтиши керак?

Бу борада вазирлик шахсий таркиби томонидан қонунчилик ва хизмат интизомига риоя қилиниши устидан назорат тизимини, хусусан, шахсий таркиб бўйича маҳсус инспекциялар фаолиятини тубдан такомиллаштириш чораларини кўриш лозим.

Вазирликнинг муҳим бўлинмаларидан бири бўлган Транспортдаги ички ишлар бошқармасида вази-

ят мутлақо издан чиқиб кетган. Бошқарма шахсий таркиби ўртасида ишчанлик, ҳамкорлик ва ишга бўлган масъулият ҳисси йўқолган.

Хусусан, раҳбарлар томонидан оператив хизмат ҳамда ходимларнинг фаолияти тўғри ташкил этилмаган. Бунинг оқибатида бошқарманинг жиноятларни фош этиш, кидирудаги шахсларни ушлаш каби асосий кўрсаткичлари пасайиб, терроризм ва диний экстремизмга қарши кураш ва бошқа муҳим йўналишларда ижобий натижаларга эришилмаган.

Тизимда кадрларни танлаш, жой-жойига қўйиш ходимларнинг жанговар, касбий, жисмоний тайёргарлик масалаларига мутлақо эътибор қаратилмаяпти.

Шунингдек, раҳбарнинг қўл остидаги ходимлари устидан назорат олиб бормаслиги, юклатилган вазифаларни бажармаслик ҳолатлари кўплаб қайд этилмоқда. Натижада ўтган йил мобайнида хизматда йўл қўйган камчиликлари учун бошқарманинг 49 нафар ҳодими ички ишлар органлари хизматидан бўшатилган.

Шу билан бирга, 6 нафар ҳодим томонидан пораҳўрлик, фирибгарлик, мансаб ваколатидан четга чиқиши жиноятлари содир этилган.

Юкорида баён килинган салбий ҳолатларни инобатга олган ҳолда, вазирликнинг Транспортдаги ички ишлар бошқармаси бошлиғи Fafforovni эгаллаб турган лавозимига нолойик деб қарор чиқариш керак. Шунингдек, Тошкент ва Андижон вилоятлари ички ишлар бошқармалари томонидан ҳам назоратнинг сусайтириб юборилиши, раҳбарларнинг совук-

қонлиги, бепарволиги натижасида қуйи бўғин бўлинмалари фаолиятида сурункали тарзда тизимли камчиликларга йўл қўйиб келинмоқда.

Айниқса, босқинчилик, талончилик, ўғирлик жиноятларини фош этиш борасидаги ишлар ўз ҳолига ташлаб қўйилган. Уларни рўйхатдан ўтказмаслик оқибатида босқинчи ва мол-мулк ўғрилари жазоланмасдан, ўзларининг ёвуз қилмишларини давом этириб юрибди. Бу эса аҳолининг ҳақли эътиrozига сабаб бўлиб, милицияга нисбатан ишончини сўндирамоқда.

Тошкент вилоятидаги қидиув эълон қилинган 3806 нафар шахсдан 1712 нафари ёки 45 фоизи, Андижон вилоятидаги 2121 нафар жиноятчидан 857 нафари ёки 41 фоизи ушланмасдан қолиши нимадан далолат беради?

Тезкор тадбирлар етарли даражада ўтказилмагани натижасида, айниқса, узок муддатта чет элларга кетган диний экстремизм тарафдорларини қайтариш чоралари кўрилмаган, одам савдоси ва ноқонуний миграцияга қарши курашиш бўйича умуман натижа йўқ.

Профилактика хизматлари томонидан тегишли ишлар талаб даражасида ташкил этилмаган ва бошқа мутасадди ташкилотлар билан ҳамкорлик етарли эмас. Бунинг натижасида Андижон вилоятида диний вальзхонлик ҳолатлари давом этмоқда. Тошкент вилоятида эса профилактик ҳисобда турғанлар томонидан ўғрилик содир этиш ошиб бормоқда. Ушбу вилоятларда фаолият кўрсатаётган аксарият милиция

таянч пунктларининг ҳолати ҳозирги кун талабига умуман жавоб бермайди. Ҳокимликлар тасарруфига олинмаган ва фуқаролар йигинлари билан бир бинога жойлаштирилмаган милиция таянч пунктлари ҳам бир талай.

Жамоатчилик билан ҳамкорлик яхши йўлга қўйилмаган, қўйилган бўлса ҳам номига йўлга қўйилган.

Профилактика инспекторларининг билим савиаси ва касбий тайёргарлиги ниҳоятда пастлиги натижасида вояга етмаганлар, уюшмаган ёшлар ва аёллар томонидан ҳукуқбузарликлар содир этиш ҳолатлари камаймаяпти.

Фуқаролар мурожаатларининг сифатсиз қўриб чиқилиши натижасида Андижон вилоятида 36 та, Тошкент вилоятида 103 та мурожаат такроран келиб тушган.

Хизмат жамоаларида носоғлом муҳитнинг ҳукм суриши туфайли Андижон вилоятида 300 нафар, Тошкент вилоятида 581 нафар ходим хизмат интизомини бузиб, интизомий жавобгарликка тортилган. Андижонда 24 нафар, Тошкент вилоятида 36 нафар ходим қонунни бузиб, жиноий жавобгарликка тортилган.

Қайд этилган салбий мисоллардан келиб чиқсан ҳолда, Андижон вилояти ички ишлар бошқармаси бошлиғи Бобожоновни ва Тошкент вилояти Ички ишлар бошқармаси бошлиғи Бобохўжаевни эгаллаб турган лавозимларига нолойиқ деб қарор чиқариш керак.

**Хурматли йиғилиш иштирокчилари!**

Ички ишлар тизимида кадрлар билан ишлаш, уларнинг малакаси ва масъулиятини ошириш ишларига алоҳида эътибор қаратилиб, назоратга олиниши лозим деб ўйлайман.

Бу борада Ички ишлар вазирлиги тизимидағи ўқув муассасалари, жумладан, Ички ишлар академиясининг ўрнини алоҳида таъкидлаб ўтиш зарур. Ушбу ўқув маскани ёш офицерларга чукур билим бериш билан бирга ўзининг тарбиявий таъсирини ҳам ўтказиши лозим. Ички ишлар органларида хизмат қилишга муносиб ходимларни етказиб беришда айнан ўқув муассасалари раҳбарияти ва ўқитувчиларининг масъулиятини оширишга алоҳида эътибор қаратиш керак.

Бу масалада ички ишлар вазири А.Азизов тегишли вазирликлар билан бирга ички ишлар органлари ходимлари лавозимига номзодларга қўйиладиган малакавий талаблар, кадрларни танлов асосида ишга олиш жараёнлари, ички ишлар органлари ходимлари фаолияти самарадорлигини баҳолашнинг аник мезонларини назарда тутадиган ички ишлар органларида хизматни ўташ тартиби тўғрисидаги низом лойиҳаси ишлаб чиқилишини таъминласин. Шунингдек, ички ишлар органлари ходимлари хулк-авторининг янгилangan коидалари, ходимларни тарбиялаш ва хизмат вазифаси лозим даражада бажарилишини таъминлаш чораларини назарда тутадиган ички ишлар органларининг интизом устави ҳам ишлаб чиқилиши зарур. Бу хужжатларни

бир ой муддатда тасдиқлаш учун Президент девонига киритиш керак.

Давлат маслаҳатчиси У.Исмоилов, ички ишлар вазири А.Азизов, Ички ишлар академияси раҳбари Б.Матлюбов икки ҳафта муддатда ҳар бир вилоятдаги университетлар хузурида профилактика инспекторлари ва ички ишлар органлари ходимлари малакасини асосий фаолиятдан ажралмаган ҳолда ошириш ва қайта тайёрлаш бўйича таклифлар киритсин.

Хулоса қилиб айтадиган бўлсак, таҳлиллардан барчамиз тушуниб турибмиз, ички ишлар идоралари тизимида асосий йўналишлар, жумладан, жинояткидирув ва хукуқбузарликлар профилактикаси бўйича камчиликлар ҳали кўп. Соҳадаги мавжуд вазиятни ўнглаш ва ишларни тизимли ташкил этиш борасида олдимизда жуда кўп вазифалар турибди. Хотиржамликка берилишга ҳеч қандай асос йўқ.

Кун тартибидаги масаланинг нақадар долзарблиги ва муҳимлігини инобатга олган ҳолда, хисобот берувчилардан унга жиддий ёндашишни, аниқ ва лўнда хисобот беришни талаб қиласман.

*Ички ишлар органлари фаолияти, тизимда мавжуд  
муаммо ва камчиликлар, истиқболдаги вазифаларга  
багишиланган йигилишдаги маъруза.*

2017 йил 9 февраль

## **МУНИС ВА МЕҲРИБОН АЁЛЛАРИМИЗГА ЭҲТИРОМ ВА ҒАМҲЎРЛИК КЎРСАТИШ, УЛАРНИНГ ОҒИРИНИ ЕНГИЛ ҚИЛИШ – БАРЧАМИЗ УЧУН ҲАМ ҚАРЗ, ҲАМ ФАРЗ**

Ассалому алайкум, азиз опа-сингиллар!  
Мухтарам дўстлар!

Аввало, сиз, азизлар билан юртимизга баҳор нафаси кириб келаётган ёруғ кунларда, Халқаро хотин-кизлар байрами арафасида мана шу муҳташам кошонада учрашиб турганимдан ғоят хурсандман.

Шу қутлуг айём – 8 март байрами билан сизларни, сизларнинг тимсолингизда бутун мамлакатимиз аёлларини, муҳтарама онахонларимиз, қадрли опа-сингилларимиз, гўзал қизларимизни чин қалбимдан муборакбод этиб, барчангизга ўзимнинг чукур ҳурмат-эҳтиромим ва эзгу тилакларимни билдиришга ижозат бергайсиз.

Барчамиз учун азиз ва мўътабар бўлган аёл зоти ҳакида сўз юритар эканмиз, аввалимбор, бизни дунёга келтирган, оқ сут бериб вояга етказган Она сиймоси олдида бош эгиб таъзим қиласиз.

Ер юзида муқаддас деган сўзга энг муносиб зот бу – аввало, Онадир. Халқимиз она сиймосини доимо улуғлаб, ардоклаб яшайди. Юртимизда оналарни шарафлаб муҳташам ҳайкаллар бунёд этилгани ҳам шундан далолат беради.

Биз Она тимсолида Ватанимизни, унинг гўзал ва бетакор қиёфасини кўрамиз. «Она Ватан» деган ибора бежиз айтилмаган, бунда чукур маъно бор. Инсонни инсон қиласиган мана шундай юксак туйғу ва тушунчаларни болаларимиз қалбига ёшлигидан сингдирсак, шоирларимиз, рассомларимиз, санъаткорларимиз оналарни, аёлларни таранинум этадиган янги-янги асарлар яратсалар, нур устига нур бўулур эди.

Аёлни эъзозлаш, аёлга эҳтиром кўрсатиш халқимизга хос олижаноб қадрият ҳисобланади. Биз, барчамиз қандай касб, қандай лавозимда ишламайлик, қалбимиз, юрагимиздаги жамики эзгу фазилатлар учун сиз, меҳрибон аёллардан умрбод қарздормиз.

Айникса, сиз, азизларнинг соғлом зурриёд, баркамол авлодни тарбиялаб вояга етказишдаги ўрнингиз ва хизматингизни ҳеч нарса билан қиёслаб, баҳолаб бўлмайди.

Сизларнинг меҳр-муҳаббатингиз, вафо ва садоқатингиз, фидойилигингиз сабабли ҳаётимиз чароғон. Сизлар туфайли оилаларимизда тинчлик-осойишталик, кут-барака ҳукм сураётгани учун барчангизга ҳар қанча тасанно айтсак, арзийди, албатта.

**Қадрли юртдошлар!**

Бугунги кунда Ўзбекистон хотин-қизлари ҳаётимизнинг барча соҳа ва тармоқларида ўзларини тўла намоён этиб келмоқда.

Сизлар давлат ва бошқарув идоралари, вакиллик органларида, ишлаб чиқариш, тадбиркорлик ва фермерлик тармоқларида, ижтимоий соҳаларда самарали

мехнат қилиб, Ватанимиз тараққиётига муносиб ҳисса қўшмоқдасиз.

Бу ҳақиқатни халқимиз, жамиятимиз яхши билади ва юксак қадрлайди.

Ҳозирги вақтда мамлакатимиз хотин-қизлари орасида 514 нафар фан доктори, 6 нафар академик, 15 нафар Ўзбекистон Қаҳрамони, 17 нафар сенатор, 15 нафар Конунчилик палатаси депутати борлигини, шунингдек, маҳаллий кенгашлар депутатларининг 23 фоизидан зиёдини айнан аёлларимиз ташкил этишини алоҳида таъкидлаш лозим.

Ўнлаб опа-сингилларимиз «Ўзбекистон фан арбоби», «Ўзбекистон халқ шоири», «Ўзбекистон халқ ўқитувчisi», «Ўзбекистон халқ артисти» сингари давлатимизнинг юксак фаҳрий унвонларига сазовор бўлганлар. Шулар қаторида 240 нафар ёш истеъдод эгаси Зулфия номидаги Давлат мукофоти билан тақдирланган ва уларнинг сафига бу йил яна 15 нафар иктидорли қизимиз қўшилмоқда.

Биз бугун ўзининг фидокорона меҳнати, эришган улкан ютуқлари, давлат ва жамоат ишларидаги фаол иштироки, ибратли фазилатлари билан халқимиз ўртасида обрў-эътибор қозонган юзлаб опа-сингилларимизнинг номларини ҳурмат билан тилга оламиз.

Айниска, Ўзбекистон Қаҳрамонлари – қишлоқ хўжалиги соҳаси фидойилари Халчаҳон Мирзаева, Патилаҳон Эргашева, Сиёсатхон Абдуллаева, маҳоратли педагоглар Манзура Мадалиева, Мавлуда Исматова, Вера Пак, Анора Маҳмудова, Мухаббат Шаропова, атоқли навоийшунос олиммамиз Суйима Фаниева,

устоз шифокорлар Малика Абдуллахўжаева, Ойشاон Кўчкорова, Онесия Сайтова, қўли гул ҳунармандлар Муяссар Темирова, Мартия Раҳматова барчага ўрнак ва намуна бўлиб келмоқдалар.

Шулар қаторида таниқли академикларимиз Машхура Мавлоний, Раъно Убайдуллаева, Сайёра Рашидо ва, Анна Глушенкова, Муҳаббат Абидова, Ўзбекистон халқ шоиралари Ойдин Ҳожиева, Ҳалима Худойбердиева, Энахон Сиддикова, Ўзбекистон халқ артистлари Яйра Абдуллаева, Тўти Юсупова, Галина Мельникова, Муножот Йўлчиева, Гавҳар Зокирова сингари аёлларимиз халқимиз орасида маълум ва машҳурдирлар.

Миришкор фермер ва тадбиркорлар Лолаҳон Муродова, Рашида Ёдгорова, Дилфуз Мусаева, Сарвиноз Шокирова, Зулфия Очилова, Зебихон Рустамова, Райҳон Раҳмонова, Анна Добрих, Зулхумор Эрматова, заҳматкаш устоз ва мураббийлар Агрепина Шин, Жамила Баймуратова, Валентина Недикова, Тоҳира Исломова, Елена Кучеренко, Сайёра Умарова, жонкуяр маҳалла раислари ва маслаҳатчилари Гулбаҳор Султонова, Марҳамат Мақсадова, Бувинисо Ҳамроева, Гулжаҳон Ибраимова, Феруза Ҳасанова, моҳир шифокорлар Феруза Эрматова, Дилоромхон Тошболтаева каби опа-сингилларимиз самарали меҳнат қилиб, баҳт топган инсонлардир.

Ана шундай ҳурматли аёлларимизнинг кўпчилиги бугунги учрашувда иштирок этаётгани даврамизга яна-да файз бағишлиб турибди.

Бугунги кунда мамлакатимиизда илм-фан, таълимтарбия, соғлиқни сақлаш, маданият ва санъят соҳа-

ларида меҳнат қилаётганларнинг 72 фоизи – шунга эътибор беринг, 72 фоизи – айнан хотин-қизлардир.

Маҳалла раислари ва фаолларининг аксарият қисмини аёллар ташкил этади. 8,5 мингдан ортиқ опа-сингилларимиз маҳаллаларда диний маърифат ва маънавий-ахлоқий тарбия масалалари бўйича маслаҳатчи сифатида фаол иш олиб бормоқдалар.

### **Хурматли дўстлар!**

Барчамизга яхши маълум, ўтган йигирма беш йил мобайнида халқимиз ўта оғир синов ва машакқатларни, турли қийинчиликларни енгиб, улкан ютуқ ва натижаларни қўлга киритди.

Бундай мэрраларга эришишда оиласда, меҳнат жамоаларида, умуман, жамиятимизда энг катта бойлигимиз бўлган тинчлик ва барқарорлик, ўзаро хурмат, меҳроқибат муҳитини саклаш ва мустаҳкамлашда юртимиз хотин-қизларининг донолиги, сабр-қаноат ва матонати, шукроналик, оиласа садоқат каби ибратли хусусиятлари ҳал қилувчи аҳамиятга эга бўлди. Мана шундай олижаноб, ҳақиқатан ҳам буюк инсоний фазилатларингиз учун сизларга яна бир бор ўз номидан, эл-юртимиз номидан чукур миннатдорлик билдиришни ўзимнинг бурчим деб биламан.

### **Азиз опа-сингиллар!**

Ер юзидағи ҳар қайси жамиятнинг маданий дараҷаси унинг аёлларга бўлган муносабати билан белгиланади.

Бу, албатта, исбот талаб қилмайдиган ҳақиқатdir.

Шунинг учун ҳам мустақилликнинг биринчи кунларидан бошлаб хотин-қизларнинг ҳукуқ ва манфаатла-

рини таъминлаш, улар учун муносиб меҳнат ва турмуш шароитини яратиб бериш, кобилият ва салоҳиятини рёёбга чиқариш масаласи юртимизда давлат сиёсати даражасига кўтарилди. Шу асосда оналиқ ва болаликни ҳимоялаш, оила институтини қўллаб-қувватлаш, аёлларнинг оғирини енгил қилиш, уларнинг жамият ҳаётидаги нуфузини ошириш борасида улкан ишлар амалга оширилди.

Бу ҳақда гапирганда, барчамиз Биринчи Президентимиз мухтарам Ислом Абдуғаниевич Каримовнинг аёл зотига, мамлакатимиз хотин-қизларига юксак хурмат, доимий эътибор ва ғамхўрлик кўрсатиб келгандикларини бутун яна бир бор эслаймиз. У кишининг: «**Аёл баҳтли бўлса, оила баҳтли, оила баҳтли бўлса, жамият мустаҳкам**» деган чукур маъноли сўзлари амалий ҳаракатларимизда қўлланма бўлиб келмоқда.

Биз ана шу эзгу даъватга амал қилиб, мамлакатимида бошланган кенг қўламли ишларни янги босқичга қўтаришни ўз олдимизга асосий мақсад қилиб кўйганмиз.

Ўзбекистонимизни янада ривожлантириш бўйича якинда қабул қилинган Ҳаракатлар стратегияси ва унинг узвий қисми бўлган «Халқ билан мулоқот ва инсон манфаатлари йили» Давлат дастури авваламбор ана шу мақсадга қаратилгани билан аҳамиятлидир.

Бизнинг яқин ва узоқ келажакка мўлжалланган сиёсатимида муҳим ижтимоий аҳамиятга эга бўлган социал масалаларни ҳал этиш биринчи ўринга қўйилмоқда. Бу одамларни уй-жой билан таъмин-

лаш, соғлиқни сақлаш тизимини тубдан ислоҳ қилиш бўладими, аҳолини арzon ва сифатли дори-дармон воситалари билан таъминлаш бўладими, савдо ва транспорт хизмати, электр, табиий газ, ичимлик суви таъминотини яхшилаш бўладими, болалар боғчалари, янги мактаблар, санъат ва спорт иншоотлари, равон йўллар қуриш бўладими – буларнинг барчаси бўйича биз аниқ дастур ва режаларни ишлаб чиққанмиз ва уларни сўзсиз амалга оширамиз.

Биз жорий йилнинг ўзида қишлоқ жойларда янги намунадаги 15 мингта арzon уй-жой қуришни бошлаб юбордик.

Ана шундай янги уй-жой массивларида зарур инфратузилма тармоқлари, жумладан, 415 километрдан зиёд ичимлик суви, қарийб 300 километр электр, 320 километр табиий газ тармоқлари барпо этилади. Яъни бу уй-жойлар яхлит бир комплекс бўлиб шаклланади. Шунингдек, мамлакатимиз бўйича минглаб километрик магистрал ва ички йўллар қурилади ва таъмирланади.

Юртимизда аёллар ва ёшларни тадбиркорликка кенг жалб этиш, оиласвий тадбиркорлик ва касаначиликни ривожлантириш мақсадида 2017 йилда тадбиркор аёллар учун 1 трилион сўм, таълим муассасалари ни битириб чиқадиган 10 мингта яқин ёшларимиз учун 60 миллиард сўм кредит маблағлари ажратиш кўзда тутилмоқда.

Биз соғлиқни сақлаш соҳасида юқори технологияларга асосланган, ихтисослаштирилган тиббиёт марказларининг худудларда ҳам фаолият кўрсатишига

жиддий эътибор қаратмоқдамиз. Бу олис вилоят ва туманларимизда яшаётган аҳолига қандай янги имконият ва кулайликлар туғдиришини, ўйлайманки, тушуниш кийин эмас.

Мисол учун, Қоракалпогистон Республикасини оладиган бўлсак, бу ерда Тошкент педиатрия тиббиёт институтининг Нукус филиалида кўп тармоқли болалар клиникаси қурилиши жадал олиб борилмокда. Бу шифохона яқин келгусида Оролбўйи миңтақасидаги болалар саломатлиги бўйича йирик марказга айланади.

Хоразм вилоятида эса Россиянинг А.Бакулев номидаги машҳур клиникаси билан ҳамкорликда юрак-қон томир жарроҳлиги бўйича тиббий марказ қурилиши бошланди.

Айни вактда Термиз шаҳрида Республика урология, Кўз микрохирургияси ҳамда Гинекология ва акушерлик илмий-амалий марказларининг филиаллари барпо этилади.

Шулар қаторида Қашқадарё вилоятида Республика кардиология ва Эндокринология марказларининг филиалларини бунёд этиш бўйича ҳам амалий ишлар бошлаб юборилди.

Биз кишлоқ врачлик пунктлари фаолиятини, тез ёрдам хизмати, профилактика ва патронаж тизимини янада такомиллаштириш борасида ҳам кенг миқёсда иш олиб бормоқдамиз.

Ўйлайманки, «Инсон манфаати ҳар нарсадан улуг» деган эзгу ғояни амалга оширишга қаратилган бундай ишларнинг аҳамиятини халқимиз, авваламбор, сиз, азиз аёлларимиз ҳаммадан кўра яхши тушунасиз.

Мен жойларда бўлиб, халқимиз вакиллари, мухтарида аёлларимиз билан мулоқотда бўлганимда, уларнинг қувонч ва ташвишлари билан яқиндан танишганимда, турли қийинчилик ва муаммоларга қарамасдан – ҳаёт ўзи ҳеч қачон муаммосиз бўлмайди – опа-сингилларимизнинг орзу-интилишлари, ҳаётга, эртанги кунга катта ишонч билан қараётганини кўриб хурсанд бўламан. Чунки биз ўз олдимизга қўйган улкан мақсад ва вазифаларни амалга оширишнинг энг мухим шарти, энг асосий замини ҳам аслида халқимизнинг мана шундай ишончидир.

Қадрли опа-сингиллар!

Барчамизга яхши аён, бутунги шиддатли замон, дунёдаги аёвсиз рақобат мухити биздан жуда катта масъулият ва сафарбарлик билан ишлашни, ҳамма соҳада янгича ёндашувларни талаб этмоқда.

Мана шундай кескин шароитда биз юртимизда тинчлик ва осойишталик, фуқаролар ва миллатлар ўртасида ҳамжиҳатлик мухитини кўз қорачигидек асрашимиз зарур. Айниқса, фарзандларимизнинг қалби ва онгини ёвуз хавф-хатарлардан ҳимоя килишга энг долзарб вазифа, деб қарашимиз керак.

Агар биз таълим-тарбия, маданият ва маънавият соҳасидаги ишларимизни аниқ тизим асосида ташкил этиб, уларнинг самарадорлигини оширмасак, эртанги кунимизни қуролмаймиз, ўз мақсадларимизга етолмаймиз.

Бу борада **«Бир болага етти маҳалла ҳам ота, ҳам она»** деган шиор доимий кун тартибида туриши лозим. Биз ёшларимизни миллий ва умумбашарий

қадриятлар руҳида тарбиялаш учун бор куч ва имкониятларимизни сафарбар этишимиз зарур. Бундай ғоят муҳим вазифани амалга оширишда биз аввалио кўпни кўрган кайвони онахонларимизга, маҳалла фаолларига, муҳтарам фахрийларимизга, сиз, азиз опа-сингилларимизнинг ақл-заковатингиз, билим ва тажрибангизга таянамиз.

Оилаларда тиббий, хукукий маданиятни юксалтириш, касб-хунар коллежлари, олий ўқув юртларини битириб чиқаётган ёшларимизни, авваламбор, қиз болаларни иш билан таъминлаш давлат идораларининг биринчи галдаги вазифаси бўлиши шарт.

Айникса, қизларимизнинг саломатлигини асраш, уларнинг замонавий билим ва касб-хунарлар эгаси бўлиб вояга етиши, жамиятда ўз муносиб ўрнини топиши учун биз барчамиз – ота-оналар, жамоатчилик, мутасадди раҳбарлар жавобгарлик ва масъулиятимизни янада кучайтиришимиз зарур.

Нега деганда, қиз бола – бўлғуси оила бекаси, келажагимиз эгасидир. Бугун биз уларга қандай таълимтарбия берсак, эртага улар янги авлодимизга шундай тарбия беради.

Биз одатда жамиятимиз ҳаётига қарши қаратилган хавф-хатарлар ҳақида гапирганда, кўпинча четдан кирадиган таҳдидларни тушунамиз. Лекин эски замондан қолган айrim салбий ҳолатлар, афсуски, бугунги тинч ва ёруғ ҳаётимизга соя солиб турибди. Лоқайдлик, бир-бирини кўролмаслик, оиласда эр хотин, қайнонекелин, кўни-кўшнилар ўртасидаги келишмовчилик,

аёлларга беписанд қараш – бундай ярамас иллатлар бизга, бизнинг халқимизга мутлақо ярашмайди.

Бундай номаъкул ҳолатларни бартараф этиш учун биз ҳар томонлама чукур ўйлаб, мунтазам равишда иш олиб боришимиз керак. Шу мақсадда биз маҳаллий ҳокимликлар ва ички ишлар тизимини, «Маҳалла» ва «Нуроний» жамғармалари тузилмасини тубдан ўзгартиридик, уларга ёшлар билан ишлайдиган кўшимча штатлар бердик.

Айни шундай ислоҳотларни биз Республика Хотин-қизлар қўмитаси ва унинг жойлардаги тузилмалари бўйича ҳам амалга оширишни режалаштирганимиз. Қўмита ва унинг ҳудудий бўлинмалари ваколатларини янада кенгайтириш, уларнинг моддий-техник базасини яхшилаш, опа-сингилларимизнинг меҳнатини муносиб баҳолаш ва рағбатлантириш, бунинг учун янги имтиёз ва имкониятлар тизимини яратиш бўйича аниқ чора-тадбирлар кўзда тутилмокда.

Буларнинг барчаси юртимиизда хотин-қизларнинг оила ва жамият ҳаётидаги ўрни ва таъсирини ошириш, уларнинг ҳаётий манфаатларини янада кенг таъминлаш каби эзгу мақсадларга хизмат қиласди.

Мунис ва меҳрибон опа-сингиллар!

Гўзаллик ва нафосат айёми – 8 март байрамини биз ҳар сафар катта қувонч ва ҳаяжон билан кутамиз. Чунки бу кутлуғ айём қалбимизда, юрагимизда сизларга бўлган чексиз меҳримиз, хурматимизни изҳор этиш учун яна бир катта имконият беради.

Шу маънода, агарки бу байрам бизнинг ҳаётимизда бўлмаган тақдирда ҳам мўътабар оналаримиз, мунис опа-сингилларимиз, дилбар қизларимизнинг ҳурмати учун бундай байрамни албатта ташкил этган бўлардик.

Нега деганда, сизларнинг доимо мана шундай очилиб, ҳаётдан, тақдирдан рози бўлиб, яйраб-яшнаб юришингиз учун, сизларнинг баҳту соодатингиз учун биз доимо сидқидилдан хизмат қилишга тайёрмиз.

Илоҳим, мана шундай қувончли кунларимиз кўп бўлсин!

Сизларни бугунги қутлуг байрам билан яна бир бор табриклаб, барчангизга сиҳат-саломатлик, оиласвий баҳт, фарзандларингиз, набираларингиз камолини кўришни тилайман.

Ҳамиша соғ-омон бўлинг, азизлар!

*Халқаро хотин-қизлар  
байрамига багишланган учрашувдаги нутқ.  
2017 йил 6 марта*

## **ЎЗБЕКИСТОН ВА ТУРКМАНИСТОН – СТРАТЕГИК ШЕРИК ДАВЛАТЛАР**

Мухтарам Гурбангули Маликгулиевич!

Хурматли дўстлар!

Хонимлар ва жаноблар!

Президент Гурбангули Маликгулиевич Бердимуҳамедовга, туркманистонлик барча дўстларимизга Ўзбекистон делегациясига қардош Туркманистон заминида кўрсатилаётган юксак хурмат-эҳтиром ва савимий меҳмондўстлик учун чин юракдан миннатдорлик изҳор этишга ижозат бергайсиз.

Бугунги Туркманистон жадал ривожланаётган замонавий давлат, унинг оқмармар пойтахти эса ҳақли равишда жаҳондаги энг гўзал шаҳарлардан биридир.

Хурматли Гурбангули Маликгулиевич, Туркманистон сизнинг оқилона раҳбарлигингизда ижтимоий-сиёсий, социал-иктисодий ва маънавий тараққиёт соҳаларида ҳакиқатан оламшумул муваффақиятларга эришаётганидан биз ҳам беҳад хурсандмиз.

Президент сайловида ишончли ғалаба қозонганингиз туркман халқининг мамлакатни барқарор ривожлантириш ва модернизация қилиш, унинг халқаро майдондаги нуфузини ошириш, мавқенини мустаҳкамлаш, халқлар ўртасида дўстлик ва ҳамкорлик муносабатларини янада кенгайтириш борасидаги хизматларингизни эътироф этганинг тасдиғидир.

Мухтарам Гурбангули Маликгулиевич, сизнинг Президентлик лавозимига киришиш муносабати билан ўтказилган тантанали маросимда мамлакатларимиз ва халқларимизни нафақат географик жойлашув, балки тарихимиз, маданият ва анъаналаримиз муштараклиги бирлаштириши ҳақидаги сўзларингизни тўла кўллаб-куватлайман.

Туркманистон – биз учун тарих ва вакт синовидан ўтган, кўп асрлик дўстлик ва ҳамкорлик муносабатлари боғлаб турадиган энг яқин кўшнимиздир.

Тарихий ва маънавий илдизларимизнинг бирлиги дўстона муносабатларни кенгайтириш учун мустаҳкам асос яратади. Туркман ва ўзбек халқларини неча минг йиллик кардошлиқ ришталари боғламаганида, эҳтимол, бундай ўзаро ҳурмат ва англашувга эришиб бўлмас эди. Халқларимиз тарихи бир илдизга бориб тақалиши ҳам бу ҳақиқатни тасдиқлайди.

Ўн саккизинчи аср ўрталарида туркман халқининг улуғ фарзанди, улкан шоир, маърифатпарвар ва файласуф, туркий тилли халқлар адабиётининг мумтоз намояндаси Махтумқули Фиродий «Туркманистон келажаги» шеърида бундай деб ёзган эди:

**Бунда биродарлик – урф-одат, дўстлик – қонун.**

Бизнинг делегациямиз қардош Туркманистон заминига келганидан буён худди шундай мухитни ҳис этмоқда.

Биз халқларимиз ўртасидаги ишончни юксак қадрлаймиз.

Фурсатдан фойдаланиб, Ўзбекистон бундан буён ҳам ана шу ишончни янада мустаҳкамлаш йўлида барча имкониятларни ишга солишини таъкидламоқчиман.

Хурматли дўстлар!

Менинг Туркманистонга биринчи давлат ташрифим ва унинг доирасида сиёсий, иқтисодий ва гуманитар соҳаларда имзоланган муҳим хужжатлар халқларимиз фаровонлиги йўлида икки томонлама ҳамкорлигимизни ривожлантириш учун янги, янада кенг имкониятлар яратишига ишонаман.

Ҳамкорлигимизнинг узоқ муддатли ҳаётий муҳим йўналишларини тартибга соладиган янги хужжатга алоҳида аҳамият қаратамиз.

Бу – икки давлат раҳбарлари томонидан имзолangan Стратегик шериклик тўғрисидаги битимдир.

Кўп киррали ҳамкорлигимизнинг узоқ муддатли ва ўзаро манфаатли жиҳатларини мустаҳкамлайдиган мазкур хужжатнинг яна бир муҳим томони хавфсизлик соҳасида яқин ҳамкорликни йўлга қўйиш зарурати билан боғлик.

Биз Туркманистон ҳалқининг оқил етакчиси сиймосида ишончли дўст ва маслакдошга эга эканимиздан хурсандлигимизни таъкидламоқчиман.

Мухтарам Гурбангули Маликгулиевич, бугун сизнинг раҳнамолигингизда амалга оширилаётган самарали сиёsat Ўзбекистон билан Туркманистон ўртасидаги муносабатлар улкан ва порлок истиқболга эга эканига ишонч бағишлиайди.

Туркманистон Президенти билан ўтказган музоқараларимиз ва умуман, ташрифимиз якунларидан мамнун эканимизни яна бир бор таъкидламоқчиман.

Хурматли Гурбангули Маликгулиевич, биз эртага очилиш маросимида иштирок этадиган Туркманобод шаҳрида Ўзбекистон Республикасининг Биринчи Президенти Ислом Абдуғаниевич Каримовнинг ёрқин хотирасига ўрнатилган гўзал ёдгорлик мажмуаси барпо этилгани учун ҳам миннатдорлик билдираман.

Шу муносабат билан туркман халқининг «Дил – диле дўғон, ил – иле», яъни «Тил – тилга қардош, эл – элга» деган теран маъноли ажойиб мақоли ҳам ўзаро муносабатларимизнинг руҳи ва хусусиятини ифода этишини таъкидлаш ўринлидир.

Муҳтарам Гурбангули Маликгулиевич!

Биз келажакда қардош Туркманистон билан шериклик муносабатларимиз янада ривожланишига, уни биргаликда сифат жиҳатидан янги босқичга олиб чиқишимизга ишонамиз.

Ҳақиқий дўстлик ва яқин қўшничилик муносабатлари қандай бўлиши лозимлигини биз бошқаларга ибрат қилиб кўрсатиш учун барча имкониятларимизни ишга соламиз.

Сўзимнинг якунida, муҳтарам Гурбангули Маликгулиевич, самимий қабул ва меҳмондўстлик учун яна бир бор миннатдорлик билдириб, Сизни Ўзбекистонга давлат ташрифи билан боришга таклиф этаман.

Туркманистон Президенти Гурбангули Маликгулиевич Бердимухамедов саломат бўлсинлар!

Ўзбекистон ва Туркманистон янада тараққий  
этаверсин, халқларимиз фаровонлиги юксалавер-  
син!

Барчангизга соғлик-омонлик тилайман!

*Туркманистон Республикасига давлат ташрифи  
чөгидаги қабул маросимида сўзланган нутқ.  
2017 йил 6 март,  
Ашхобод*

## **ЎЗБЕКИСТОН – ТУРКМАНИСТОН: ЯҚИН ҚЎШНИЧИЛИК ВА ҚАРДОШЛИК РИШТАЛАРИ МУСТАҲКАМЛАНМОҚДА**

Муҳтарам Гурбангули Маликгулиевич!

Қадрли туркман қардошлар!

Хурматли дўстлар!

Авваламбор, Сизга, хурматли Гурбангули Маликгулиевич, туркманистонлик барча дўстларимизга Ўзбекистон Республикасининг Биринчи Президенти Ислом Абдуғаниевич Каримов хотирасига юксак хурмат-эҳтиром кўрсатганингиз учун самимий миннатдорлик билдиримоқчиман.

Ушбу ёдгорлик мажмуаси туркман халқининг буюк йўлбошчиси, Ўзбекистоннинг ҳақиқий дўсти Президент Гурбангули Маликгулиевич Бердимухамедовнинг шахсий ташаббуси билан бунёд этилгани, Туркманобод шаҳрининг марказий кўчаларидан бирига Ислом Каримов номи берилганини биз юксак қадрлаймиз. Бунда биз Гурбангули Маликгулиевичнинг туркман халқига хос олижаноблиги, ажойиб инсоний фазилатларининг намоёнини кўрамиз.

Бу Ўзбекистон Республикасининг Биринчи Президенти Ислом Каримов вафот этган қайғули кунларда ҳам ўз тасдиғини топди. Ўзбекистон халқи шундай мусибатли дамларда ҳақиқий елкадош дўстни, муҳтарам Гурбангули Маликгулиевич,

Сизнинг шахсий кўмагингизни, самимий ва дўстона ҳамдардлигингизни ҳис қилди.

Оғир ва мусибатли дамларда дўстларимизнинг мана шундай қўллаб-кувватлаши Ўзбекистон халқини янада жипслаштириди.

Сизнинг Ислом Каримовга ва Ўзбекистон халқига чуқур ҳурмат билан йўғрилган самимий сўзларингизни ҳеч қачон унутмаймиз.

Самарқандда Ўзбекистоннинг Биринчи Президенти билан видолашув маросимида Туркманистонда унинг хотираси албатта абадийлаштирилиши ҳақида айтган сўзларингиз Ўзбекистоннинг ҳар бир фуқароси қалбини тўлқинлантириб юборди.

Мана, бугун ўша кун келди.

Мустақил Ўзбекистон давлатининг асосчиси Ислом Абдуғаниевич Каримов замонамизнинг улкан сиёsat ва давлат арбобларидан бири сифатида тарихда колди.

Чунки у ҳар қандай қийинчилик ва машаққатларга қарамасдан, тарихан қисқа даврда Ўзбекистонни жадал ва барқарор ривожланаётган замонавий демократик давлатга айлантириди.

Ислом Каримов нафакат Ўзбекистонда ҳар томонлама кучли давлат барпо этиш, балки бутун минтақада тинчлик ва яхши қўшничилик, барқарорлик ва фаровонлик муҳитини яратиш мақсадида яшади ва меҳнат қилди.

Ўзбекистоннинг Биринчи Президенти барчамизнинг умумий уйимиз бўлган Марказий Осиёда адоват уруғини сочиш ва тартибсизликлар келтириб чиқаришга

қаратилган ҳар қандай уринишларга қатъй қарши курашди.

Ислом Каримов миңтақа халқарининг илдизи бир, улар минглаб қардошлик ришталари билан боғланиб кетган, бинобарин, ўтмиши, бугуни ва эртанги куни ҳам умумий, деган фикрдан келиб чиқиб иш юритарди.

Ислом Абдуғаниевич ўзбек халқининг энг яқин дўсти бўлган туркман халқига ҳамиша алоҳида хурмат билан қарап ва шундай муносабатни бутун халқимиз онгига сингдиришга интиларди.

Буюк Йўлбошчимиз менталитетимиз, дунёқарашимиз, тилимиз ва маданий-ахлоқий қадриятларимиз ўхшашлиги ва муштараклигини ҳар доим таъкидларди.

Сиз, Гурбангули Маликгулиевич, Ислом Каримовни «Туркман халқининг фаҳрий ёшуллиси» унвони ва Махтумқули номидаги халқаро мукофот билан тақдирлаганингиз рамзий маънога эга бўлди.

Ислом Абдуғаниевич ушбу мукофотлар билан фаҳрланар ва уларни Туркманистон ва Ўзбекистон халқлари ўргасидаги дўстлик муносабатларининг юксак эътирофи намунаси, деб биларди.

Биринчи Президентимиз Сизга, Гурбангули Маликгулиевич, алоҳида хурмат билан муносабатда бўлганини таъкидлашни истардим.

Ислом Абдуғаниевич Сиз билан бўлган сухбатларни мамнуният билан эслаб, Сизни ҳамиша иним, сафдошим ва маслакдошим, дер эди.

Ўзбекистоннинг Биринчи Президенти билан Сизнинг ўртангиздаги самимий дўстлик, ўзаро ишонч

ва ҳамфирлик муносабатлари туфайли Ўзбекистон – Туркманистон ҳамкорлиги яхши кўшнилар ва қардош халкларнинг алоқалари қандай бўлиши зарурлигининг амалдаги намунасига айланди.

Икки томонлама муносабатларимизнинг бу галги ташриф давомида яққол намоён бўлган ўзига хос хусусиятлари Ислом Абдуғаниевич хотираси билдирилган юксак хурмат ифодаси ва буюк аждодларимизнинг орзу-интилишлари рўёбга чиқаётганининг тасдиғи, десам, ўйлайманки, кўпчиликнинг фикрини айтган бўламан.

Ислом Абдуғаниевичнинг бугунги кунда дунёда рўй бераётган мураккаб жараёнларни баҳолаш ва тушуниш борасидаги ёндашувларимиз муштараклиги бизни Туркманистон билан янада яқинлаштириши хусусидаги бир неча расмий баёнотлари барчамизга яхши маълум.

Ўзбекистон Гурбангули Бердимуҳамедов раҳнамолигида Туркманистоннинг бетарафлик бўйича амалга оширилаётган ҳар томонлама вазмин ташки сиёsat стратегияси, халқаро ва минтақавий хавфсизлик, иқтисодий интеграциялашув ва бутун минтақамизни барқарор ривожлантиришга қаратилган ташаббусларини изчил қўллаб-куватлади.

Қадрли дўстлар!

Бутун Туркманистонда Ўзбекистоннинг Биринчи Президентига ўрнатилган маҳобатли ёдгорлик мажмуасини очар эканмиз, Ислом Абдуғаниевичнинг биз қадрлашимиз ва юксалтиришимиз зарур бўлган

муҳим бойлик – бу мамлакатларимиз ва халқларимиз ўртасидаги ўзаро ишончdir, деган бебаҳо мероси ва чуқур мазмунга бой ўтилари Ўзбекистон ва Туркманистон муносабатларининг маънавий асосига айланишига ишонаман.

Ушбу мажмуа Ўзбекистоннинг ҳар бир фуқароси, аввало, ёшларни ўзига жалб этадиган маънавий маскан бўлишига ва халқларимизни бир-бирига янада яқинлаштиришига аминман.

Муҳтарам Гурбангули Маликгулиевич, Туркманобод шаҳрида Ўзбекистон Республикасининг Биринчи Президенти Ислом Абдуғаниевич Каримов хотирасини абадийлаштирганингиз учун Сизга миннатдорлик билдирамиз.

Қалб қўридан чиқкан ушбу хайрли ва эзгу ташабbus Ўзбекистон билан Туркманистон ўртасидаги дўстлик, қардошлик ва яқин кўшничилик муносабатлари солномасига зарҳал ҳарфлар билан битилажак.

Улуғ аждодларимизнинг руҳи доимо бизга раҳнамо бўлсин!

Гурбангули Маликгулиевич, Сиз қилаётган савоб ишлар Сизга, туркман халқига юз карра зиёда бўлиб қайтсан!

Дўстлигимиз абадий бўлсин!

*Ўзбекистон Республикасининг Биринчи Президенти  
Ислом Каримов хотирасига Туркманистоннинг  
Туркманобод шаҳрида барпо этилган ёдгорлик  
мажмуаси очилишига бағишиланган  
маросимдаги нутқ.  
2017 йил 7 март*

## **ДҮСТЛИК ВА ЯХШИ ҚЎШНИЧИЛИКНИНГ ЁРҚИН ТИМСОЛИ**

Муҳтарам Гурбангули Маликгулиевич!

Қадрли туркман қардошлар, азиз дўстлар!

Биз бугун, ҳеч муболағасиз, тарихий бир воқеага гувоҳ бўлмоқдамиз.

Муҳандислик ишлари, транспорт-коммуникация ва геостратегик аҳамиятига кўра ноёб бўлган Туркманийобод – Фороб кўприкларининг ишга туширилиши нафақат икки қардош халқ, балки бутун Марказий Осиё минтақаси ҳаётида муҳим воқеадир.

Азим Амударёнинг икки қирғоғини бирлаштирган ушбу маҳобатли иншоотларнинг барпо этилгани бир пайтлар мамлакатларимиз худуди орқали ўтган ва қитъамизнинг асосий транспорт қон томири бўлган Буюк ипак йўли янги шароитда қайта тикланганининг ёрқин намунасидир.

Бугун очиладиган ва янги Буюк ипак йўлининиг марказига айланадиган бу кўприклар савдо-сотик ва ҳамкорликни ривожлантириш, нафақат Марказий Осиё, балки унинг ташқарисида ҳам тинчлик ва фаровонликни таъминлашга хизмат қилиши шубҳасизdir.

Шундай қувончли кунда, ҳурматли Гурбангули Маликгулиевич, Сизни ва қардош туркман халқини

ушбу буюк марра билан чин қалбимдан табриклайди.

Халқларимиз учун муҳим бўлган бундай обьектлар Сизнинг шахсий ташаббусингиз билан бунёд этилганини яхши биламиз ва юксак қадрлаймиз. Ушбу ноёб иншоотлар кўп асрлар халқларимиз манфаатига хизмат қилиши шубҳасиз. Улар Ўзбекистон билан Туркманистон ўртасидаги мустаҳкам дўстлик ва яхши қўшничиликнинг ёрқин тимсолига айланади.

Минтақада шундай йирик иншоотларнинг очилиши Туркманистонда Сизнинг раҳнамолигингизда темир йўл, автомобиль, дengиз ва ҳаво йўлини ўзида бирлаштирган ривожланган транспорт инфраструктузилмасини ташкил этиш бўйича амалга оширилаётган улкан ишлар самарасидир.

Шунингдек, Сизни яқинда Туркманистон пойтахтида минтақадаги йирик халқаро аэропортлардан бири очилғани билан ҳам самимий табриклайди. Туркманистоннинг ушбу янги аэропортига Ўзбекистон самолётлари дастлабки парвозини амалга ошириди ва бу бизни бир-биримизга янада яқинлаштириди.

Ўзбекистон дунёда биринчилардан бўлиб Сизнинг БМТ доирасида Марказий Осиёning транзит ва транспорт салоҳиятини ошириш, жумладан, ўтган йилнинг ноябрь ойида Ашхободда барқарор транспорт бўйича БМТнинг биринчи глобал конференциясини ўtkазиш борасидаги халқаро ташабbusларингизни қўллаб-қувватлади.

Биз Туркманбоши шаҳрида денгиз бандаргоҳи, шунингдек, Ашхобод – Туркманбоши – Туркманбод халқаро автомобиль йўли курилиши якунланишини катта умид билан кутмоқдамиз.

Мазкур лойиҳаларнинг амалга оширилиши Туркманистон ва умуман, бутун Марказий Осиёning транзит салоҳиятини сифат жиҳатидан янги босқичга кўтаради.

Ўзбекистонда ҳам транспорт коридорлари минтақавий тармоғининг муҳим қисми бўлган йўл инфратузилмасини ривожлантириш бўйича кенг кўламли ишлар амалга оширилмоқда. Бу борада Фарғона водийсининг баланд тоғли худудида ва Қамчик довони орқали ўтган 19 километрлик ноёб туннелни ўз ичига олган Ангрен – Поп темир йўл магистрали қисқа муддатларда барпо этилганини таъкидлаш ўринлидир. Бу Ўзбекистоннинг ягона темир йўл транспорти тизимини шакллантиришни якунлаш ва Марказий Осиё минтақаси билан Хитойни қисқа йўл орқали боғлайдиган транзит коридорини ташкил қилиш учун янги истиқболларни очиш имконини берди.

Биргаликдаги саъй-харакатларимиз мамлакатларимизнинг жаҳон бозори билан алоқаларини ривожлантириш учун янада кенг имкониятлар очиши, инвестициялар оқимини кўпайтириши, иқтисодий таракқиёт учун қулай шароит яратиши ва пировард натижада халқларимиз фаровонлигини юксалтиришига ишонаман.

**Мұхтарам Гурбангули Маликгулиевич!**

**Қадрли дўстлар!**

Туркман ва ўзбек халқлари азалдан Амударёning икки кирғоғида ёнма-ён, аҳил-иноқ яшаб келган, хурсандчиликда ҳам, ташвишли кунларда ҳам бир-бирига елқадош бўлган.

Халқларимиз бу заминда яратган юксак цивилизация умуминсоний маданий қадриятлар хазинасига улкан ҳисса қўшган.

Хурматли Гурбангули Маликгулиевич, Сизга ўзаро манфаатли Ўзбекистон – Туркманистон ҳамкорлигини, вақт синовидан ўтган мустаҳкам дўстлигимизни янада мустаҳкамлашга қўшаётган улкан ҳиссангиз учун яна бир бор самимий миннатдорлик билдираман.

Сиз ва дўст туркман халқига баҳт-саодат, фаровонлик ва равнақ тилайман.

Мұхтарам Гурбангули Маликгулиевич, Сизнинг оқилона раҳнамолигингизда мустақил Туркманистон янги ва ёрқин муваффакиятларга эришишига ишончим комил.

Туркманистон ва Ўзбекистон халқлари ўртасидаги дўстлик мустаҳкамланаверсин.

**Соғ-саломат бўлинглар!**

**Оллоҳ сизга ёр бўлсин!**

**Барчангизга катта раҳмат!**

*Туркманобод – Фороб кўприкларининг очилишишига бағишинган маросимдаги нутқ.*

*2017 йил 7 марта*

## «МАХТУМҚУЛИ – СҮЗЛАР ТИЛИ ТУРКМАННИНГ...»

Ўзбек халқи азалдан кўз-қошдек яқин, қондош ва жондош туркман халқига, унинг адабиёти ва маданиятига юксак эҳтиром билан қараб келади. Туркман адабиётининг улкан намояндалари бўлмиш Озодий, Андалиб, Камина, Залилий, Мулланафас, Сайидий сингари атоқли шоирларнинг номлари юртимизда маълум ва машхурдир. Улар орасида буюк туркман шоири ва мутафаккири Махтумқули Фироғийнинг ижоди, ҳеч шубҳасиз, алоҳида ажралиб туради.

Бекиёс сўз санъаткори Махтумкули Фироғий нафақат туркман халқига, айни пайтда бутун Марказий Осиё халқлари, хусусан, ўзбек халқига ҳам бирдек азиз ва қадрли сиймодир. Махтумкулиниң бирор шеърини билмайдиган ўзбек, юртимизда унинг китоблари, кўшиклари кириб бормаган бирор хонадон йўқ, десак, янглишмаган бўламиз.

Бугунги кунда дунё маданиятини туркман адабиётининг мумтоз намояндаси Махтумкулиниң боқий шеъриятисиз тасаввур этиб бўлмайди. Шоирнинг ўз халқи қалбини, унинг орзу-интилишлари ва дарду аламларини теран бадиият билан куйлаган асарларини маърифий дунё аҳли яхши билади.

Дарҳақиқат, Туркманистон Президенти муҳтарам Гурбангули Бердимуҳамедов таъкидлаганидек:

**«Махтумқули адабий мероси миллийлик чегараларидан чикиб, жаҳон сўз санъатининг бекиёс дурдоналирига, инсоният тафаккурининг бебаҳо хазинасиға айланди. Шоир асарларини ўқиб бугунги кунда биргина туркман халқи эмас, балки бутун инсоният ўзининг маънавий ташналигини қондирмоқда».**

Махтумкули ўз элининг турли синов ва машаққатларга мардона бардош бериб, миллий ўзлигига доимо содик колганини юксак пардаларда тараннум этди. Биз туркман халқига хос бўлган азму шижаот, мардлик ва жасорат, дўстга садоқат каби олижаноб фазилатларни айнан Махтумқули шеърлари орқали янада чуқур англаб етамиз. Шу маънода, кимки туркман халқининг қалбини, юрагини билмокчи бўлса, аввалио Махтумқулини ўқиши керак, десак, айни ҳақиқат бўлади. Ўз вақтида **«Махтумқули – сўзлар тили туркманинг»** дея фахрланиб ёзган буюк шоир ва мутафаккир ўзининг ўлмас ижоди билан инсониятни эзгулик ва яхшиликка чорлашда давом этмоқда.

Махтумкули асрлар мобайнида ўзбекнинг ўз шоирига айланиб кетган, десак, хато бўлмайди. Унинг шеърлари ўзининг чуқур маъноси, халқона рухи туфайли бахши ва ҳофизларимиз, шоирларимизга илҳом бериб, ҳамиша давраларда янграб келади.

Эл-юртимизнинг бирор тўй-тантанаси Махтумкули қўшиқларисиз ўтмайди. Айниқса, санъаткорларимиз томонидан Махтумкули шеърлари билан ижро этиладиган «Айрилма», «Ошиқ бўлмишам», «Айрилдим», «Намасан?», «Ёққанча бўлмас», «Кўринг» сингари ўнлаб қўшикларни каттаю кичик барча мұхлислар севиб тинглайди.

Улуғ шоир қаламига мансуб «Бой бўлай деб, иззатингдан айрилма», «Таълим берган устозингдан айрилма», «Юз йил яшаб, тушсанг ажал қўлига, Ўнгингдан чапингта боқсанча бўлмас», «Ҳар йигитнинг аслин билай десангиз, Даврада ўтириб-туришин кўринг» сингари ҳикматли сатрлари халқона мақолга айланиб кетган.

Махтумкулининг Хивадаги Шерғозихон мадрасасида таҳсил олгани, Алишер Навоийдек буюк санъаткорни ўзига устоз деб билгани халқларимиз ўртасидаги абадий дўстликнинг ажойиб намунасиdir. Таъкидлаш жоизки, Махтумкулининг отаси, шоир Давлатмамат Озодий ҳам ўз вақтида Хивада таҳсил олган эди. Махтумқули Хивада жуда кўп хонадонларда бўлиб, туз тотган, устозлар, дўст-ёрлар ортирган, у ерда кечирган йилларини миннатдорлик билан эслаб, гўзал шеърлар битганини ўзбек китобхонлари яхши биладилар.

Маълумки, Ўзбекистон Республикасининг Биринчи Президенти Ислом Каримов ва Туркманистон Президенти Гурбангули Бердимухамедовнинг фаол саъй-харакатлари билан мустакил давлатларимиз ўртасида дўстлик ва ўзаро манфаатли ҳамкорлик алоқаларига мустаҳкам замин яратилди. Бу борада гуманитар-маданий соҳалардаги муносабатларимиз изчил ривожланиб бораётгани айниқса эътиборлидир. Бу ҳақда гапирганда, Хива шаҳрида буюк туркман шоири Махтумқули Фироғий ҳайкали бунёд этилганини қайд этиш лозим. Ушбу муҳташам ёдгорлик бугунги кунда икки халқ дўстлигининг, тарихимиз

ва маданиятларимиз муштараклигининг тимсоли сифатида қад ростлаб турибди.

Махтумқулининг шеърлари Ўзбекистонда ilk бор ўзбек тилида 1958 йили «Танланган асарлар» номи билан босилиб чиқкан ва халқимизга ғоят манзур бўлган эди. Агар улуг туркман шоирининг она тилимизда нашр этилган барча китобларининг умумий сонини ҳисоблайдиган бўлсак, қарийб 1 миллион нусхадан ортиқни ташкил этади. Биргина кейинги ўн йилда юртимизда Махтумқулининг ўнга яқин китоблари атоқли ўзбек ижодкорлари томонидан юксак маҳорат билан таржима қилиниб, маънавий хазинамиздан муносиб ўрин олди.

Шу маънода, таникли туркман адаби Ораз Яғмурнинг «Махтумқулинома» (бу китоб ҳам ўзбек тилида чоп этилган) номли роман-тадқиқотида: **«Шу ўринда яна бир ҳақиқатни ҳам тан олиш лозим: дунёда Махтумқули асарлари энг кўп нашр қилинадиган хорижий мамлакат бу – Ўзбекистондир»**, деб таъкидлангани, айниқса эътиборга моликдир.

Бугун биз мамлакатимизда ахборот-коммуникация технологияларини жадал ривожлантириш билан бирга, жамиятимизда китобхонлик маданиятини юксалтириш, шу жумладан, миллий ва жаҳон адабиётининг энг сара намуналарини нашр этиш масалаларига алоҳида аҳамият қаратмоқдамиз. Бу борада кўзга тутилган режаларимизда, ҳеч шубҳасиз, атоқли шоир Махтумқули Фироғий асарларини чоп этиш муҳим ўрин эгаллайди. Сиз, азиз ўқувчиларга тақдим этилаётган ушбу муҳташам китоб ҳам ана шу эзгу ишларимизнинг амалий натижасидир.

Айни пайтда Туркманистанда ҳам ўзбек адабиёти ва маданиятига доимий эътибор қаратилаётгани бизни мамнун этади. Қардош мамлакатнинг турли ҳудудларида ўзбек санъаткорлари иштирокида дўстлик фестиваллари, маданият ва санъат кунлари мунтазам ўтказиб келинмоқда. Туркманистан нашрларида, жумладан, «Дунё адабиёти» журналида юртимиз адибларининг асарларидан намуналар чоп этилмоқда.

Шуни алоҳида таъкидлаш жоизки, бугунги кунда Ўзбекистон ва Туркманистан ҳамкорлигининг сифат жиҳатидан янги босқичи бошланмоқда. Биз мухтарам Гурбангули Маликгулиевич билан давлатларимиз ўртасида нафақат савдо-иқтисодий, айни пайтда маданий-маърифий соҳалардаги алоқаларимизни ҳам янада ривожлантириш бўйича фаол иш олиб бормоқдамиз ва бу йўлда барча куч ва имкониятларимизни сафарбар этамиз.

Бугунги кунда Ўзбекистонда 189 мингта яқин туркман миллатига мансуб ватандошларимиз истиқомат қилмоқда. Туркман тилида фаолият олиб борадиган 44 та мактабда 8 мингдан ортиқ болаларимиз таълим олмоқда. Улар туркман тилидаги дарслик ва ўкув қўлланмалари билан тўла таъминланмоқда. Ушбу дарсликларни яратиш учун «Ўзбекистон» нашриётида «Туркман тили» бўлими ташкил этилган. Қорақалпок давлат университети ва Тўрткўл педагогика колледжида туркман тилидаги мактаблар учун педагог кадрлар тайёрланмоқда.

Айни вақтда фаол иш олиб бораётган Республика туркман маданий маркази Коракалпоғистон Республикаси, Бухоро, Қашқадарё, Сурхондарё, Тошкент вилоятлари ва Тошкент шаҳридаги туркман миллий маданий марказларини бирлаштириб турибди.

Албатта, икки халқ ўртасидаги ўзаро ҳамжihatлик муносабатларини янада мустаҳкамлашда адабий алоқаларнинг ўрни ва аҳамияти бекиёс. Ўйлаймизки, ўзбек ва туркман халқларининг юрагида безавол яшаб келаётган Махтумқули Фироғий асарларининг китобхонларимизга тақдим этилаётган мазкур янги нашри бу йўлда яна бир муҳим қадам бўлади.

Ушбу китоб ўзбек халқининг нафакат забардаст сўз санъаткорига, айни пайтда унинг сиймосида қардош Туркманистон халқига, унинг бой маданияти ва тарихига ҳурмати ва ёруғ келажагига бўлган ишончнинг ёрқин намунасидир.

*Махтумқулининг ўзбек тилида нашр  
этилган китобига ёзилган сўзбоши.  
2017 йил 7 марта*

## ЎЗБЕКИСТОН ХАЛҚИГА НАВРЎЗ ТАБРИГИ

Азиз ватандошлар!

Она диёrimизга барчамиз орзиқиб кутган гўзал ва дилбар фасл – Наврўзи олам кириб келмоқда.

Ана шу улуғ айём билан каттаю кичик барча юртдошларимизни чин қалбимдан самимий муборакбод этаман.

Шарқона янги йил бошланаётган мана шу му-наввар лаҳзаларда ҳаммангизга сиҳат-саломатлик, оиласарингизга баҳт ва омад, кут-барака тилайман.

Қадрли дўстлар!

Яшариш ва янгиланиш айёми бўлган Наврўзи олам биз учун энг қадимий, асл миллий, ғоят ардоқли байрамдир.

Юртимиз яшил либосга бурканган мана шу бетакрор кунларда кўп миллатли халқимиз дала ва қирлар, майдон ва хиёбонларда шоду хуррамлик билан Наврўз байрамини нишонламоқда.

Бу йилги Наврўз байрами барча шаҳар ва қишлоқларимизда умумхалқ сайиллари тарзида ўтаётгани унга ўзгача файз ва тароват бағишламоқда.

Эл-юртимизнинг табиатга, она заминга меҳру муҳаббати, ўзаро аҳиллик ва ҳамжиҳатлиги «Халқ билан мулокот ва инсон манфаатлари йили»нинг ғоя ва мақсадлари билан уйғун ва ҳамоҳанг бўлиб бораётгани ҳаммамизни қувонтируммоқда.

Ватандошларимиз бир-бируни қутлаб, дошқозонларда сумалаклар пишириб, дастурхонларга баҳор неъматларини тортиб, ўйин-кулгилар қилмоқда, шу ёруғ кунлар учун шукроналар айтмоқда.

Ўзаро меҳр-оқибат, саховат ва муруват, табаррук кексаларимизни зиёрат қилиш, ногиронлар, ёрдамга мухтоҷ инсонлар ҳолидан хабар олиш, ҳашарлар ўтказиб, юртимизни янада обод қилиш каби савобли одатларимиз ҳар қачонгидан ҳам ёркин намоён бўлмоқда.

Наврӯз – бу, аввало, меҳнат байрами, дехқончилик байрамидир.

Бугун катта орзу-умидлар билан янги мавсумни бошлаётган фидойи дехқон ва фермерларимизни барчамиз чин дилдан қутлаймиз. Йилимиз қутлуғ келсин, ҳосилимиз мўл бўлсин, деб уларга энг эзгу тилакларимизни билдирамиз.

Наврӯз – умумбаширий аҳамиятга эга байрам. Унинг моҳиятида мужассам бўлган гуманистик ғоялар, миллати, тили ва динидан қатъи назар, ер юзи-даги барча пок ниятли инсонлар учун бирдек тушунарли ва қадрлидир.

Шу сабабли Наврӯз мустақиллик йилларида Ватанимизда истиқомат қилаётган 130 дан зиёд миллат ва элат вакиллари учун том маънода суюкли байрамга айланди.

Айни пайтда Наврӯзи олам Бирлашган Миллатлар Ташкилоти томонидан эътироф этилиб, жаҳон миқёсида кенг нишонланиб келаётгани барчамизга ғурур ва ифтихор бағишлайди.

Бугун биз пойтахтимизнинг гўзал боғлари, хиёбонларида хорижий дипломатик корпус вакиллари, дўстларимиз ва ҳамкорларимиз билан ўз қувончимизни баҳам кўрмоқдамиз.

Фурсатдан фойдаланиб, барча узок ва яқин давлатларнинг ҳалқларига самимий кутловларимизни йўллаб, уларга тинчлик, равнақ ва фаровонлик тилаймиз.

Азиз ва муҳтарам ватандошларим!

Барчангизни кириб келаётган Наврӯз айёми билан яна бир бор чин дилдан табриклаб, энг олижаноб, самимий тилакларимни билдиришга ижозат бергайсиз.

Наврӯз ҳар бир оила, ҳар бир хонадонга, бутун юртимизга тинчлик-омонлик, қувонч ва баҳт олиб келсин!

Эзгу орзу-ниятларимиз ушалсин, Ватанимиз янада обод ва фаровон бўлсин!

Омонимиз мусаффо, юртимиз тинч, ҳалқимиз омон бўлсин!

Наврӯзи олам барчамизга муборак бўлсин!

Шавкат МИРЗИЁЕВ,  
Ўзбекистон Республикаси Президенти  
2017 йил 20 марта

## **ЎЗБЕКИСТОН – ҚОЗОҒИСТОН: АЗАЛИЙ ДҮСТЛИК ВА ҲАМКОРЛИКНИНГ ЯНГИ БОСҚИЧИ**

Нурсултон Абишевич!

Қадрли дўстлар! Хонимлар ва жаноблар!

Қозоғистон Республикаси Президенти Нурсултон Абишевич Назарбоевга, қозоғистонлик дўстларимиз ва шерикларимизга кардош Қозоғистон заминидага бизга кўрсатилаётган юксак эҳтиром ва самимий меҳмондўстлик учун чин қалбимдан миннатдорлик билдираман ва чукур хурматимни изҳор этаман.

Учрашувимиз Наврўз байрами кунлари бўлиб ўтаётганида чуқур рамзий маъно бор.

Наврўз, мухтарам Нурсултон Абишевич, Сиз ўзчиқишиларингизда таъкидлаганингиздек, нафақат шарқона Янги йил бошланиши, балки бирдамлик, ҳамжиҳатлик, меҳр-саҳоват ва бағрикенглик, дўстлик ва қардошлиқ байрамидир.

Қозоғистон Республикасига бу галги давлат ташрифи биз учун Ўзбекистон – Қозоғистон муносабатларини жадал ривожлантириш ва тубдан кенгайтириш борасидаги ўзаро хайрли ва қатъий интилишишимиздан далолат беради ҳамда уларни янги амалий мазмун-моҳият билан бойитади.

Қозоғистон ва унинг етакчиси, жаҳон миқёсидаги буюк давлат ва сиёsat арбоби, муҳтарам Нурсултон Абишевични ҳамиша Ўзбекистоннинг вақт ва ҳаёт синовидан ўтган ишончли дўсти деб билғанмиз ва шундай деб биламиз.

Ўзбек халқида «Қўшинг тинч – сен тинч» деган пурмаъно мақол бор.

Бизнинг муштарак тарихий меросимизни ажратиб бўлмаганидек, мамлакатларимиз ва халқларимизнинг бутунги куни ва келажагини ҳам айро ҳолда тасаввур этиб бўлмайди.

Биз ҳар доим бир-биrimizга яқин бўлганмиз ва бундан кейин ҳам бир-биrimizга керак бўламиз.

Шу муносабат билан Самарқандда Ўзбекистон Республикасининг Биринчи Президенти Ислом Абдуғаниевич Каримов билан видолашув маросимида «Қозоғистон ҳар доим Ўзбекистон ва унинг халқини кўллаб-қувватлади. Биргаликда қувониб, оғир дамларни ҳам биргаликда бошдан кечирамиз», деган сўзларингизни яхши эслаймиз ва ҳеч қачон унутмаймиз.

Ушбу самимий сўзлар қалбимизни тўлқинлантириб юборди ва муносабатларимизни янада мустаҳкамлади.

Хурматли Нурсултон Абишевич!

Қадрли дўстлар!

Қозоғистон Президентининг оқилона раҳбарлигига изчил ва самарали амалга оширилаётган туб ўзгаришлар, модернизация сиёсати, мамлакатни барқарор ва мутаносиб ривожлантириш бўйича

пухта ўйланган чора-тадбирлар тизими дунё миқёсида кенг эътироф этилмоқда.

Жаҳон майдонида Қозоғистоннинг юксак обрӯ-эътибори, аввало, ўз халқининг тан олинган раҳнамоси, ҳурматли Нурсултон Абишевичнинг номи, унинг нафақат минтақа, балки бутун ер юзида тинчлик ва барқарорликни таъминлашга доир тарихий ташаббуслари билан боғлик.

Шуни яна бир бор алоҳида таъкидламоқчиман: Ўзбекистон ҳамиша Қозоғистоннинг ишончли шериги ва дўсти бўлган ва шундай бўлиб қолади. Биз Қозоғистон эришаётган муваффақиятларни Ўзбекистоннинг ютуқлари, деб биламиз.

Буюк аждодларимиз ҳам шундай юксак маънавий принципларга сўзсиз риоя этишга чақирганлар.

Буюк шоир ва мутафаккир Абайнинг қуидаги умрбокий сўzlари бугунги интилишларимиз билан ҳамоҳанг экани билан таҳсинга сазовордир: «Эзгулик, раҳмдиллик, ўзингга раво кўрганини бошқаларга ҳам раво қўриш — мана, ҳақиқий қалб қандай бўлиши керак. Чинакам шерюрак, қозокча айтганда, «журекли» одамлар шундай бўлади».

Айнан шу боис ҳалқларимиз бугунги учрашув ва музокараларимизни баланд рух билан қарши олмоқда, нафақат Ўзбекистон билан Қозоғистоннинг узок муддатли серқирра муносабатлари истиқболи, балки бутун минтақамизда барқарорлик ва изчил ривожланиш шу учрашув ва музокаралар якунига боғлик эканини улар яхши англайди.

Мустақил Ўзбекистон эришаётган барча муваффақиятларга кўп миллатли юртимизда тинч-тотув

яшаб келаётган қозоқ миллатига мансуб юз минглаб фуқароларимиз ҳам салмоқли ҳисса қўшаётгани бизни ғоят қувонтиради. Уларнинг орасида Ўзбекистон парламенти ва маҳаллий ҳокимият вакиллик органларига сайланганлар, турли даражадаги раҳбарлар ҳам кўп.

Мустақиллик йилларида Ўзбекистоннинг қозоқ миллатига мансуб 600 дан зиёд фуқароси юксак давлат мукофоти ва унвонларига сазовор бўлгани ҳам уларнинг мамлакатимиз тараққиётига муносиб ҳисса кўшиб, халқимиз орасида ҳурмат қозониб, кенг эътироф этиб келинаётганининг тасдиғидир.

**Ҳурматли дўстлар!**

Бугун ишонч руҳида бўлиб ўтган амалий музокаралардан тўлиқ қониқиш ҳосил қилганимни, минтақавий ва халқаро муносабатларга доир мухим масалалар юзасидан узоқ муддатли манфаатлар ва позицияларимиз ҳамоҳанг эканини таъкидлашни истардим.

Биз Ўзбекистон билан Қозоғистоннинг ўзаро интилиши кучайиб, муносабатларимиз янада жадал тус олаётгани, янада мазмунли бўлаётганини яна бир бор тасдиқладик.

Бошқача айтганда, савдо-иктисодий ҳамкорлигимиз кўлами тобора кенгайиб бормоқда.

Бугун имзоланган ҳужжатлар мамлакатларимиз ва қардош халқларимиз фаровонлиги ва манфаати йўлида ҳамкорлигимизнинг ҳали ишга солинмаган улкан салоҳиятини амалга ошириш учун мустахкам асос бўлиб хизмат қиласи.

Фурсатдан фойдаланиб, Ўзбекистон ва Қозогистон халқлари ўртасидаги дўстлик ва яхши қўшничилик муносабатларини ҳамиша ҳар томонлама мустаҳкамлаш тарафдори бўлиб келаётган муҳтарам Нурсултон Абишевичга алоҳида миннатдорлик билдиримоқчиман.

Шу ўринда қозоқ халқининг қуийдаги мақолини келтиримоқчиман:

**«Достық бар жерде табыс бар», яъни, «Дўстлик бор жойда мувваффакият бор».**

Президент Нурсултон Абишевич Назарбоев соғомон бўлсинлар!

Ўзбекистон ва Қозогистон ўртасидаги дўстлик ва ҳар томонлама ҳамкорлик янада мустаҳкамлансан!

Қардош халқларимизнинг равнақи ва фаровонлиги зиёда бўлсин!

*Қозогистон Республикасига давлат ташрифи  
чогидаги қабул маросимида сўзланган нутқ.  
2017 йил 22 марта,  
Остона*

## **ТАРИХИМИЗ ВА МАНФААТЛАРИМИЗ МУШТАРАК**

Муҳтарам Владимир Владимирович!

Хурматли дўстлар!

Россия заминида бизни самимий кутиб олганингиз ва кўрсатилаётган меҳмондўстлик учун чин дилдан миннатдорлик изҳор этишга рухсат бергайсиз.

Хурматли Владимир Владимирович, Ўзбекистон ва Ўзбекистон халқи номига билдирган самимий сўзларингиз учун чин юракдан ташаккур айтаман.

Россия биз учун ҳаёт синовларидан ўтган ишончли стратегик шерик ва иттифоқчи бўлиб келган ва бундан буён ҳам шундай бўлиб қолади.

Биз тарихимиз муштараклигини, манфаатларимиз, маънавий ва маърифий илдизларимиз бирлигини ҳеч қачон унутмаймиз.

Таниқли олим, академик Дмитрий Сергеевич Лихачёв айтганидек, «Хотира – виждон ва маънавият, маданият негизидир. Хотирани асрраб-авайлаш эса ўзимиз ва келажак авлодлар олдидағи маънавий бурчимиздир».

Россия бугунги кунда ишонч ва қатъият билан изчил тарақкӣ этажтани, унинг халқаро майдондаги нуфузи тобора ортиб бораётгани бизни қувонтиради. Ҳеч шубҳасиз, бу – Россия Федерацияси Президенти муҳтарам Владимир Владимировичнинг узокни кўзлаб юритаётган прагматик сиёсати натижасидир.

Ўзбекистон халқи буюк рус халқини, унинг бой тарихи, санъати, анъана ва қадриятлари, рус характерига хос бағрикенгликни чукур ҳурмат қилишини алоҳида таъкидлашни истардим.

Бугунги кунда саховатли Ўзбекистон заминида қарийб 1 миллион этник руслар истикомат қилиб, фидокорона меҳнати билан ўз Ватани деб биладиган Ўзбекистон тараққиётига муносиб ҳисса қўшмоқда.

Ишончим комил, бу галги ташриф мамлакатларимиз ва халқларимиз фаровонлиги йўлида Ўзбекистон билан Россиянинг стратегик шериклик ва иттифоқчилик муносабатларини янада кенгайтириш ва мустаҳкамлашга хизмат қиласди.

**Россия Федерацииси Президенти Владимир Владимирович Путинга мустаҳкам соғлик тилаймиз!**

**Халқларимиз фаровонлиги янада юксалсин!  
Барчангизга соғлик-омонлик тилайман!**

*Россия Федерациисига давлат ташрифи  
чогидаги қабул маросимида сўзланган нутқ.*

*2017 йил 5 апрель,  
Москва*

## **ТИНЧЛИК, ДЎСТЛИК ВА ҲАМКОРЛИК ЙЎЛИДА**

**Муҳтарам хонимлар ва жаноблар!**

Авваламбор, сизларни – хорижий давлатларнинг дипломатик ваколатхоналари раҳбарларини Ўзбекистонда масъулиятли ва шарафли вазифангизни адо этишга расман киришганингиз билан самимий қутлайман.

Барчангизга чукур ҳурмат ва эҳтиромимни, эзгу тилакларимни билдириб, сизлар вакиллари бўлган давлатлар ва халқларга тинчлик-осойишталик, равнақ ва фаровонлик тилайман.

Биз сизларнинг мамлакатларингиз билан сиёсий мулокотни янги босқичга кўтариш, ўзаро манфаатли ҳамкорликни ҳар томонлама мустаҳкамлаш тарафдоримиз. Сизларни ишонтириб айтмоқчиман: бу борадаги фаолиятингиз амалий натижалар бериши учун Ўзбекистон раҳбарияти, қонунчилик ҳокимияти, мамлакатимиз хукумати барча зарур ёрдам ва кўмакни аямайди.

**Ҳурматли элчилар!**

Ўзбекистон Республикаси мустақилликка эришган дастлабки кунлардан бошлаб пухта ўйланган ташки сиёсатни изчил амалга ошириб келмоқда. Унинг замирида ўзбек халқининг кўп асрлик тарихи ва маданияти, анъана ва қадриятлари, эзгу орзу-интилиш ва манфаатлари мужассамдир.

Ўзбекистоннинг ташки сиёсати Бирлашган Миллатлар Ташкилоти Низомида мустаҳкамлаб қўйилган асосий хуқукий тамойилларга ва Конституциямизга, биз ўз зиммамизга олган ҳалқаро мажбуриятларга тўлиқ мос ҳолда амалга оширилмоқда.

Биз бундан буён ҳам ўз ташки сиёсатимизни олиб боришда Ўзбекистон Республикасининг Ташки сиёсий фаолият концепциясида белгиланган стратегик вазифалар ва устувор йўналишларга таянамиз.

Биз ўзимиз танлаган, тинчликпарварликка асосланган, юзага келадиган зиддият ва қарамакаршиликларни факат тинч, сиёсий воситалар билан ҳал этишга қаратилган йўлга доимо содикмиз.

Ҳеч қандай ҳарбий-сиёсий блокларга қўшилмаслик, бошка давлатларнинг ҳарбий базалари ва обьектларнинг Ўзбекистон ҳудудида жойлашувига, ҳарбийларимизнинг чет эллардаги операцияларда иштирок этишига йўл қўймаслик давлатимизнинг қатъий сиёсий позицияси бўлиб қолади.

Ташки сиёсат соҳасидаги барча ҳамкорларимизга нисбатан очиқлик ва хайриҳоҳлик рухида, прагматик сиёсат олиб борамиз.

**Мұхтарам хонимлар ва жаноблар!**

Ўзбекистон дунёдаги барча давлатлар, аввало, қўшни мамлакатлар билан яхши қўшничилик, дўстлик ва ҳамкорлик муносабатларини ривожлантиришга алоҳида эътибор қаратади.

Бизнинг ҳалқимизда «Ён қўшни – жон қўшни», «Қўшнинг тинч – сен тинч» деган ажойиб мақоллар бор. Булар тарих тажрибасидан келиб чиқиб, неча

минг йиллик яхши қўшничилик муносабатларини иnobатга олиб айтилган буюк ҳикматли сўзлардир.

Биз Қирғиз Республикаси билан ўзаро манфаатли алоқаларимизни янги босқичга кўтаришни муҳим вазифа деб биламиз. Халқларимиз ўртасидаги замонлар синовидан ўтган қардошлиқ ришталари ўзаро хурмат ва дўстона муносабатлар, муштарак маданий қадриятлар орқали узвий боғланиб кетган.

Қирғизистон Президенти хурматли Алмазбек Шаршенович Атамбаев билан Самарқанд шаҳрида ўтказган музокараларимиз икки томонлама ҳамкорлик соҳасида янги саҳифа очганини алоҳида таъкидламоқчиман.

Биз Қирғизистон билан ўзаро хурмат, бирбиrimizning манфаатларимизни тан олиш асосида ва халқаро хукуқ меъёрларига мувофиқ тарзда янада самарали ҳамкорлик қилишга тайёр эканимизни билдирамиз. Ва бугун мамлакатимизда ўз фаолиятини бошлаётган хурматли элчи Данияр Батирович Сидиков жанобларига муваффақият тилаймиз.

Биз Ўзбекистон ва Европа Иттифоқи ўртасида қарор топган самарали муносабатларни юксак қадрлаймиз. Бунинг мустаҳкам хукуқий негизини Шериклик ва ҳамкорлик тўғрисидаги битим ташкил этади. Шу ҳужжат асосида кўп қиррали муносабатларимизнинг таъсирчан механизmlари – Ҳамкорлик кенгаши ва қўмитаси, Парламентлараро ҳамкорлик қўмитаси ва бошқа тузилмалар фаолият кўрсатмоқда.

Ўйлайманки, «Европа Иттифоқи – Марказий Осиё» форматидаги вазирларнинг навбатдаги учрашувининг шу йил кузда Ўзбекистонда ўтказилиши ўзаро манбаатли ҳамкорликни янада мустаҳкамлашга ёрдам беради.

Ўтган йили Тўқимачилик соҳасидаги битимнинг Европа парламенти томонидан тасдиқлангани савдо-иктисодиёт соҳасидаги ҳамкорлигимизни янада кучайтириш учун янги истиқболлар очмоқда.

Биз Ўзбекистон ва Европа Иттифоқи ўртасидаги шериклик муносабатларининг кенг кўламли инвестиция дастури доирасида Европа тикланиш ва тараққиёт банки билан ҳамкорликни янада ривожлантириш бўйича фаол иш олиб боряпмиз.

Европа Иттифоқининг элчisi этиб тайинланган хурматли Эдуардс Стипрайс жанобларининг Ўзбекистондаги фаолияти ҳар томонлама самарали бўлишига тилакдошмиз.

Биз жаҳондаги етакчи давлатлардан бири бўлган Франция билан кенг кўламли алоқаларимиз изчил ривожланиб бораётганидан мамнунмиз.

Бирлашган Миллатлар Ташкилоти Хавфсизлик Кенгашининг доимий аъзоси сифатида Франция Марказий Осиёда ядро куролидан холи зона яратиш бўйича ташаббусимизни кўллаб-куватлаганини юкори баҳолаймиз.

Давлатларимиз ўртасида фаол сиёсий мулоқот олиб борилмоқда. Шу йил март ойида Ўзбекистон ташқи ишлар вазири Парижга ташриф буюрди. Апрель ойида эса Франция ташқи ишлар вазири жаноб Жан Марк Эро Тошкентда қабул қилинди.

Етакчи Франция компанияларининг мамлакатимиз иқтисодиётидаги иштирокини, шунингдек, икки томонлама савдо ҳажми ўсиб бораётганини алоҳида қайд этиш зарур. Ўзбекистонда Франция тараққиёт агентлигининг тузилмаси иш бошлади.

Маданий-гуманитар соҳадаги ҳамкорлик алоқаларимизнинг муҳим йўналиши ҳисобланади. Фуқароларимиз, аввало, ёшларимиз француз тилини пухта ўрганишида «Француз альянси»нинг мамлакатимиздаги фаолиятини қўллаб-кувватлаймиз.

Давлатларимиз ўртасидаги ҳамкорликни янада ривожлантириш учун мухтарам элчи Виолен де Вильмор хонимлари муносиб ҳисса кўшади, деб ишонамиз.

Европа Иттифоқининг яна бир йирик аъзоси Италия билан Ўзбекистон ўртасидаги муносабатлар изчил ривожланиб бормоқда. Жумладан, парламентларимиз ўртасида яқин ва самарали ҳамкорлик йўлга кўйилгани эътиборга сазовордир.

Савдо, иқтисодиёт ва саноат соҳасидаги ҳамкорлик ҳамда экспорт кредитлари бўйича Ўзбекистон – Италия ҳукуматлараро ишчи гуруҳининг шу йил Рим шаҳрида бўлган навбатдаги йиғилиши икки томонлама савдо-сотик ҳажмининг ўсиши, иқтисодиётимизда Италия сармоялари ортиши учун қулай шартшароит яратади.

2009 йилда Тошкент шаҳрида очилган Турин политехника университети қисқа муддатда Ўзбекистон ёшлари ҳавас билан интиладиган олий ўқув юртларидан бирига айланди. Иқтисодиётнинг реал секторидаги талабни инобатга олган ҳолда, биз

жорий йилда мазкур университет учун қабул квоталарини ошириш масаласини кўриб чиқмоқдамиз.

Биз элчи этиб тайинланган хурматли Андреа Бертоцци жанобларининг фаолиятига муваффакиятлар тилаймиз.

Биз Шарқий Европадаги анъанавий ҳамкорларимиздан бири бўлган Чехия Республикаси билан дўстона муносабатларимизни юксак қадрлаймиз.

2015 йилда Чехия Сенати раиси М.Штех, шу йил февраль ойида Депутатлар палатаси раиси Я.Гамачек бошчилигидаги делегациялар мамлакатимизда бўлди. Биз турли даражадаги, жумладан, олий мақомдаги ташрифларни амалга оширишдан манфаатдормиз.

Савдо, инвестиция ва туризм соҳаларида ҳали ишга солинмаган катта имкониятлардан келгусида давлатларимиз равнақи, ҳалқларимиз фаровонлиги йўлида кенг фойдаланамиз, деган умиддамиз.

Шу борада Чехия Республикасининг элчиси, хурматли Ярослав Сиро жаноблари билан биргаликда самарали фаолият олиб борамиз, деб ишонамиз.

Япония бизнинг ташқи сиёсатимизда алоҳида ўрин тутадиган стратегик ҳамкоримиздир.

Японияни нафақат дунёдаги иқтисодий ривожланган давлат, балки глобал муаммоларни ҳал этишда тобора сезиларли роль ўйнаётган қудратли мамлакат, деб биламиз.

Япония Бош вазири Синдзо Абэ Жаноби Олийларининг 2015 йил октябрда Ўзбекистонга амалга оширган расмий ташрифи кўп қиррали ҳамкорлигимизни стратегик шериклик руҳида ривожлантириш йўлида янги қадам бўлди.

Биз япониялик дўстларимиз томонидан кўрса-тилаётган кенг кўламли амалий ёрдам учун миннатдормиз.

Япония билан инвестициявий ва молиявий-техник ҳамкорликни янада кенгайтириш, юқори технологиялар, транспорт инфратузилмаси, коммуникация, машинасозлик каби истиқболли тармоқлар бўйича лойиҳа ва дастурларни биргаликда амалга оширишга тайёрмиз.

Тошкент давлат техника университети қошида ташкил этиладиган Ўзбекистон – Япония ёшлар инновация марказининг ишга туширилишига катта кизиқиш билан қарайпмиз.

Мазкур марказ саноат тармоқларига энг илғор инновацион ғоя ва технологияларни кенг татбик этиш, соҳа ривожини янги босқичга кўтаришда катта аҳамиятга эга бўлади.

Хурматли элчи Нобуаки Ито жанобларининг фаолиятига омадлар тилаймиз.

Биз нафақат минтақада, балки араб ва мусулмон оламида катта обрў-эътиборга эга Миср Араб Республикаси билан анъанавий дўстона ҳамкорликни янги босқичга кўтаришдан манфаатдормиз.

Миср Араб Республикаси билан парламентлараро мулокот ва ташки ишлар вазирликлари ўртасида сиёсий алоқаларни янада ривожлантириш тарафдоримиз. Иқтисодий алоқаларимизни жадаллаштириш мақсадида Хукуматлараро кўшма комиссия фаолиятини кучайтириш зарур.

Шуни таъкидлаш ўринлики, Ўзбекистон ва Миср халқларини кўп асрлик ришталар, муқаддас ислом дини, муштарак маданий қадриятлар боғлаб туради.

Нил дарёсида сув ҳажмини ўлчайдиган ноёб курилма – ниломер ускунасининг асосчиси, буюк ватандошимиз Ахмад Фарғонийнинг бой илмий мероси билан халқларимиз бирдек фахрланади.

Аллома бобомизнинг Қоҳира шаҳрида барпо этилган муazzам ҳайкали тимсолида биз Миср халқининг ўзбек халқига бўлган юксак ҳурмат-эҳтироми ифодасини кўрамиз.

Биз Мисрнинг юртимиздаги элчиси этиб тайинланган Амани аль-Этр хонимларига ўзининг шарафли ва масъулиятли вазифасини адо этишда катта ютуқлар тилаймиз.

Биз учун яқин дўст ва иқтисодий шерик бўлган Туркия Ўзбекистон мустақиллигини биринчилардан бўлиб тан олганини ҳеч қачон унутмаймиз.

Туркия Президенти Р.Т.Эрдоған Жаноби Олийлари билан Самарқандда бўлиб ўтган музокараларимиз давлатларимиз ўртасидаги муносабатларни янги босқичга олиб чикиш жараёнини бошлаб берди.

Биз икки томонлама келишувларни амалга ошириш бўйича барча соҳаларни қамраб олган Амалий ҳаракатлар режасини, яъни ўзига хос «йўл ҳаритаси»ни қабул қилдик.

Ўзаро савдо ҳажмини кўпайтириш ва истиқболли инвестиция лойиҳаларни амалга оширишда Савдо-иктисодий ҳамкорлик бўйича ҳукуматлараро комиссия фаолиятига алоҳида эътибор қаратамиз.

Яқинда Ўзбекистон хукумат делегациясининг Туркияга ташрифи чоғида савдо ва сармоявий, туризм, транспорт коммуникациялари, логистика ва бошқа соҳаларда эришилган келишувлар ўзаро ҳамкорликни янада ривожлантириш учун мустаҳкам пойдевор бўлиб хизмат қиласди.

Биз Туркия Ташқи ишлар вазири жаноб Мевлют Човуш ўғлининг яқинда Ўзбекистонга амалга оширган ташрифи доирасида ана шу масалаларни батафсил муҳокама қилдик.

Бугун Туркияning мамлакатимизда иш бошлаётган элчиси хурматли Аҳмет Башар Шен жанобларига муваффакият ва ютуқлар ёр бўлишини тилаймиз.

Саудия Арабистони Подшоҳлиги билан ҳамкорлик Ўзбекистон учун муҳим аҳамият касб этади.

Фурсатдан фойдаланиб, Макка ва Мадина каби муборак шаҳарлар жойлашган, бутун ислом уммати учун азиз бўлган ушбу табаррук маконни асррабавайлаб келаётган Икки муқаддас масжид ходими, Подшоҳ Салмон бин Абдулазиз Ол Сауд Аъло Ҳазратларига ва Подшоҳлик хукуматига самимий миннатдорлигимни изҳор этаман.

Шунингдек, сўнгти йилларда ҳаж амалини адо этишни истаётган фуқароларимиз сони ортиб бораётганини инобатга олиб, 2017 йилда ҳаж зиёратига борувчилар сонини икки минг нафарга оширишга қарор қилганимизни таъкидла-моқчиман.

Саудия Арабистони билан халқаро ташкилотлар доирасидаги кўп томонлама алоқаларни, хусусан, Ислом ҳамкорлик ташкилоти билан ўзаро муносабатларни юқори баҳолаймиз. Ўзбекистон ҳозирги вактда ушбу ташкилотнинг Ташқи ишлар вазирлари кенгашига раислик қилмоқда.

Мамлакатимиз Саудия Арабистони билан ўзаро манфаатли ва узок муддатли муносабатларни савдо-иктисодий, сармоявий ва молиявий соҳаларда янада фаоллаштириш тарафдоридир.

Бугун мамлакатимизда ўз фаолиятини бошлаётган Саудия Арабистони Подшохлигининг элчиси ҳурматли Ҳишом Мишал Ал-Сувейлим жанобларига сиҳат-саломатлик, шарафли лавозимда муваффақиятлар ёр бўлишини Оллоҳдан сўраб қоламан.

Муҳтарам элчилар!

Маълумки, ҳар бир дипломатик ваколатхона раҳбарининг вақти жуда тифиз бўлади, буни барчамиз яхши биламиз.

Шунга қарамасдан, мен сизларга фурсат топиб, Ўзбекистоннинг бетакрор шаҳар ва қишлокларига боришни, халқимиз ҳаётида юз бераётган улкан ўзгаришлар билан бевосита танишишни тавсия этган бўлардим.

Самарқанд, Бухоро, Хива, Термиз, Шахрисабз, Қарши каби қадимий шаҳарларимиз, Қорақалпогистон, Фарғона водийси ва бошқа минтақаларимизга ташриф буюриш орқали сизлар ўзингиз учун янги бир олам кашф этасиз.

Ўзбек халқининг бой маданияти, ноёб тарихи ва меҳмондўстлиги ҳақида янада кенгроқ тасаввурга эга бўласиз, деб ўйлайман.

Бугунги учрашувимиздан фойдаланиб, ўзаро ҳамкорлигимизни янада ривожлантириш мақсадида бир таклифни билдиromoқчиман.

Сизларнинг мамлакатимиздаги фаолиятингизни самарали ташкил этиш учун хорижий давлатлар элчиларининг Ўзбекистон Республикаси Бош вазири ва ҳукумати аъзолари билан, биринчи навбатда, ташкил ишлар вазири билан доимий учрашув ва мулоқотларини йўлга кўйиш мақсадга мувофиқ бўлур эди.

Бу тадбирларда Ўзбекистоннинг чет давлатлардаги элчилари ҳам иштирок этиши лозим.

Ўйлайманки, бундай учрашувлар мамлакатларимиз ўртасидаги ўзаро манфаатли алоқаларни ривожлантириш билан боғлиқ масалаларни атрофлича муҳокама қилиш ва ўз вақтида зарур қарорлар қабул қилиш имконини беради.

Хурматли элчилар!

Сизларни мамлакатимизда юксак дипломатик лавозимда иш бошлаётганингиз билан яна бир бор самимий табриклаб, барчангизга мустаҳкам соғлик ва омадлар тилайман.

Сизларнинг куч-гайратингиз, фаол саъй-харакатингиз билан мамлакатларимиз ўртасидаги алоқалар янги босқичга кўтарилиб, халқларимизнинг баҳту саодати йўлида хизмат қиласи.

Хуш келибсиз Ўзбекистонга, хуш келибсиз биз-  
нинг гўзал юртимизга!  
Эътиборингиз учун ташаккур.

*Хорижий давлатларнинг Ўзбекистон Республикасига  
янги тайинланган элчиларидан ишонч ёрлиқларини қабул  
қилиб олиш маросимидағи нутқ.*

2017 йил 2 май

## **БУЮК АЖДОДЛАРИМИЗНИНГ МУҚАДДАС ХОТИРАСИ ВА ЖАСОРАТИ ОЛДИДА БОШ ЭГАМИЗ**

Ассалому алайкум, азиз ватандошлар!

Мухтарам фахрийлар!

Хурматли меҳмонлар!

Аввало, барчангизни 9 май – Хотира ва қадрлаш куни билан, Иккинчи жаҳон урушида қозонилган буюк Ғалабанинг 72 йиллиги билан чин қалбимдан самимий табриклайман.

Сиз, азизларга ва сизларнинг тимсолингизда бутун халқимизга ўзимнинг чукур ҳурмат-эҳтиромим ва эзгу тилакларимни изҳор этаман.

Барчамизга маълумки, Биринчи Президентимиз мухтарам Ислом Абдуғаниевич Каримовнинг ташаббуси билан 9 май санасини юртимизда Хотира ва қадрлаш куни сифатида кенг нишонлаш яхши анъянага айланиб қолди.

Мана шу улуғ айём кунида ҳаммамиз энг аввало уруш майдонларидан қайтмаган минг-минглаб юртдошларимизнинг муқаддас хотираси олдида бош эгиб, уларнинг руҳи покларига ҳурмат бажо келтирамиз.

Айни вақтда жанг майдонларида мардлик ва жасорат кўрсатган, фронт ортида фидокорона меҳнат қилиб, бугун орамизда соғ-саломат бўлиб юрган мухтарам фахрийларимизга таъзим қиласиз. Ҳозирги

тинч-осойишта ҳаётимиз, мусаффо осмонимиз учун уларга чексиз миннатдорлик билдирамиз.

Ҳеч шубҳасиз, бу даҳшатли уруш, бутун инсоният қатори, бизнинг ҳалқимизга ҳам мислсиз кулфат ва йўқотишлиар олиб келди.

Иккинчи жаҳон урушида юзлаб юртдошларимиз Совет Иттифоки Қаҳрамони унвонига сазовор бўлди, минглаб оталаримиз, боболаримиз жанговар орден ва медаллар билан мукофотландилар.

Ҳалқимиз фронт ортида фидокорона меҳнат қилиб, уруш майдонларига жуда катта микдорда ҳарбий техника, курол-яроғ, дори-дармон, кийим-кечак, озиқовқат маҳсулотлари етказиб берди.

Ўта оғир ва машаққатли йилларда ҳалқимизнинг инсонпарварлик ва бағрикенглик фазилатлари яққол намоён бўлди. Эл-юртимиз мамлакатнинг уруш бўлаётган ғарбий ҳудудларидан эвакуация қилинган турли миллатга мансуб 1 миллионга яқин болалар, аёллар ва кексаларга бошпана бериб, бир бурда нонини улар билан баҳам кўрди.

Ўзбекистонга кўчириб келтирилган заводларда кексалар, аёллар, ўсмир болалар туну кун машаққатли меҳнат қилгани – ҳақиқий фидойилик, қаҳрамонлик намунаси, десак, асло хато бўлмайди.

Бундай мисоллар Буюк ғалаба биз учун нақадар кимматга тушгани, ҳалқимиз дунёни фашизм балосидан халос этишга қандай катта ҳисса қўшганини яққол кўрсатади.

Тарихнинг ана шундай бешафқат ва суронли синовларидан ёруғ юз билан, ҳар томонлама муносиб

Ўтган ҳалқимизга ҳар қанча таъзим қилсак, ҳар қанча тасаннолар айтсак, арзиди, албатта.

Сиз, муҳтарам фахрийларимизнинг урушдан кейинги оғир тикланиш йилларида қандай буюк хизмат килганингизни ҳалқимиз асло унутмайди. Сизларнинг мардлик ва матонатингиз, меҳнат жасоратингиз бугунги ва келгуси авлодлар учун ҳамиша ибрат намунаси бўлиб қолади.

Азиз дўстлар!

Шу кунларда одамларимиз юртимизда, барча вилоят ва туманларда барпо этилган Хотира майдонларига келиб, Мотамсаро она ҳайкали пойига гуллар қўймоқда. Урушда ҳалок бўлган ўз яқинлари, ота-боболари хотирасини ёд этмоқда. Бугунги ёруғ кунларга етиб келган табаррук кексаларимиз, уруш ва меҳнат фахрийларини зиёрат қилиб, уларнинг дуосини олмоқда.

Буюк ғалабанинг 72 йиллиги муносабати билан пойтахтимизда, барча шаҳар ва қишлоқларимизда кўплаб тадбирлар, уруш қатнашчилари билан учрашувлар, хотира маросимлари ўtkазилмоқда.

Айни пайтда ҳаммамиз яхши тушунамизки, барчамизни тарбиялаб, вояга етказган, ҳаёт йўлларида бизга таянч ва суюнч бўлган сиздек табаррук инсонлар олдида биз доимо қарздормиз. Шунинг учун ҳам ҳурматли нуронийларимизга эътибор ва ғамхўрликни янада кучайтириш, уларни ижтимоий қўллаб-кувватлаш, жумладан, пенсияларини ошириш, тиббий хизмат ва ижтимоий-маиший таъминотини яхшилаш, ёлғиз қария ва ногиронларга давлат кў-

магини кучайтириш бундан кейин ҳам доимий эътиборимиз марказида бўлади.

Бу масала қаерда, қайси лавозимда ишламасин, юртимиздаги ҳар бир инсон, айниқса, раҳбарлар фаолиятида ҳамиша биринчи ўринда туриши, уларнинг нафақат вазифаси, балки инсоний бурчига айланиши керак.

Азиз дўстлар, мўътабар оталаримиз, меҳрибон оналаримиз бошимиздаги тожи давлатимиз эканини ҳеч қачон унутмайлик. Бу ғанимат, кўз очиб юмгунча ўтиб кетадиган ҳаётда уларни қанча қадрлаб, имкон қадар умрларини узайтиришга қанча ҳаракат килсак, икки дунёда асло кам бўлмаймиз.

Агарки мендан, дунёдаги қайси оила энг бахтли, деб сўрашса, ҳеч иккиланмасдан, кексалари бош бўлиб, иззат-хурматда ҳаёт кечираётган оила, деб жавоб берган бўлардим.

Дорогие ветераны!

Уважаемые гости!

Я рад сегодня встретиться с вами, сердечно поздравить вас и в вашем лице весь народ Узбекистана со знаменательной датой – Днем памяти и почестей, 72-й годовщиной Победы над фашизмом во Второй мировой войне и выразить вам свое искреннее уважение и самые добрые пожелания.

В этот день мы прежде всего отдаем дань памяти тем, кто не вернулся с войны, и всегда будем помнить их славные имена, гордиться их поистине великим подвигом во имя мира на земле.

Сегодня мы обращаемся со словами огромной благодарности к вам, наши дорогие ветераны, проявившим подлинное мужество, отвагу и героизм на полях сражений минувшей войны, и тем, кто своим самоотверженным, неустанным трудом приближал победу в тылу.

Низкий поклон вам от имени всего нашего народа за сегодняшнюю мирную, спокойную жизнь, чистое небо над Родиной, беззаботное детство наших детей и внуков.

В каждом доме в Узбекистане помнят о том, как дорого обошлась нам победа над фашизмом, какой большой вклад внес в нее наш народ. Сотни узбекистанцев были удостоены звания Героя Советского Союза, тысячи награждены боевыми орденами и медалями.

Мы с гордостью вспоминаем тех, кто в годы войны день и ночь трудился в тылу и, отказывая себе практически во всем, поставлял на фронт необходимые военную технику и боеприпасы, обмундирование, лекарства и продовольствие.

Благородство, великодушие и гуманизм нашего народа ярко проявились и в том, что Узбекистан принял около 1 миллиона человек, эвакуированных из районов, где шли бои. Прежде всего – детей, женщин, стариков, с которыми здесь делились кровом и последним куском хлеба, согревали теплом своих сердец, добротой и щедростью души.

Те суровые военные годы еще раз подтвердили, насколько велики духовная сила нашего народа, его мужество и стойкость в преодолении тяжелей-

ших испытаний. Именно на таких примерах проявления лучших человеческих качеств, присущих нашему народу, в духе уважения национальных и общечеловеческих ценностей мы должны воспитывать сегодня молодое поколение страны.

Дорогие ветераны!

Как вам известно, в нашей стране по инициативе Первого Президента Узбекистана Ислама Абдуганиевича Каримова стало доброй традицией отмечать 9 мая как День памяти и почестей.

Посвященные этой знаменательной дате мероприятия проводятся в эти дни не только в столице, но и во всех областях и районах. Люди чтят память погибших на Второй мировой войне соотечественников, возлагая цветы к подножию монументов на площадях Памяти. Мы все проявляем большое уважение и внимание к живущим рядом ветеранам войны и труда, людям старшего поколения, обеспечившим нынешнее благополучие и процветание Родины.

Вместе с тем все мы, сколько бы ни прошло лет или десятилетий, всегда будем чувствовать себя в долгу перед вами, дорогие наши ветераны. Поэтому делаем все от нас зависящее, чтобы окружить вас еще большей заботой, сделать вашу жизнь еще более содержательной.

Среди таких принимаемых нами мер, в частности, – повышение размеров пенсий, улучшение социального обеспечения, медицинского обслуживания, условий жизни и быта наших ветеранов и старшего поколения

в целом. Усиленна помощь, оказываемая государством одиноким пожилым людям, инвалидам, всем, кто нуждается в особой поддержке.

Хочу вас заверить, что и впредь этот важнейший вопрос будет находиться в центре внимания нашего государства и общества. Это не только наша служебная обязанность, но и высший человеческий долг.

Еще раз от всей души поздравляю вас с сегодняшним праздником. Желаю всем вам здоровья, долгих лет жизни и семейного благополучия.

Хурматли анжуман иштирокчилари,

Мана шу кутлуг байрам кунларида бутун халқимиз бундай даҳшатли уруш энди ҳеч қачон қайтмасин, деб чин дилдан ният килмоқда. Бугунги тинч ва осойишта, фаровон ҳайёт учун шукрона билдиримоқда.

Дунёда турли қарама-қаршиликлар кескинлашиб, терроризм, экстремизм хавфи кучайиб бораётган ҳозирги мураккаб ва таҳликали замонда тинчлик деган бебаҳо неъматнинг қадр-қиммати ва аҳамияти тобора ортиб бормоқда.

Биз «Ўзбек халқига тинчлик ва омонлик керак», деган даъватнинг моҳиятини чукур англаған ҳолда, тинчлик учун ҳар биримиз масъул эканимизни унутмасдан, доимо ҳушёр ва огоҳ бўлиб яшашимиз керак.

Бизнинг қабул қилаётган барча қонун ва қарорларимиз, режа ва дастурларимиз – бу мамлакатимизни янгилаш ва модернизация қилиш, иқтисодий ислоҳотларни чукурлаштириш бўладими, давлат ҳокимия-

ти ва бошқарув тизими, хуқук-тартибот, соғлиқни сақлаш, таълим-тарбия соҳалари фаолиятини такомиллаштириш бўладими, Қуролли Кучларимизнинг жанговар салоҳиятини ошириш бўладими – буларнинг барчаси ана шундай эзгу мақсадларга қаратилганини, ўйлайманки, сизлар яхши тушунасиз.

Бугунги кутлуг айёмда ота-боболаримизнинг шонли анъаналарини муносиб давом эттириб, Ватан ҳимояси йўлида ўзини аямасдан, фидокорона хизмат қилаётган мард ва жасур аскарларимизга, офицер ва генералларимизга ҳалқимиз номидан, ўз номимдан самимий миннатдорлик изҳор этаман.

Фурсатдан фойдаланиб, бугунги даврамизда иштирок этаётган дипломатик корпус вакилларига, барча чет эллик меҳмонларимизга ўзимнинг юксак ҳурмат ва эҳтиромимни билдириб, уларнинг мамлакатлари ва ҳалкларига тинчлик-омонлик ҳамда равнақ тилайман.

**Азиз ва муҳтарам юртдошлар!**

Барчангизни 9 май – Хотира ва қадрлаш куни билан яна 'бир бор кутлаб, сизларга сиҳат-саломатлик, баҳт-саодат, хонадонларингизга файзу барака тилайман.

**Юртимиз тинч, осмонимиз мусаффо, ҳалқимиз омон бўлсин!**

*9 май – Хотира ва қадрлаш кунига багишланган  
қабул маросимидағи нутқ.*

*2017 йил 9 май*

## **ХИТОЙНИНГ БУГУНГИ ТАРАҚҚИЁТИ ВА КЕЛАЖАК МАҚСАДЛАРИ ҲАҚИДАГИ МУКАММАЛ МАЖМУА**

Ўзбекистон ва Хитой давлатлари ўртасидаги дўстлик ва ҳамкорлик алоқалари қадимий тарихга эга бўлиб, унинг илдизлари олис ўтмишда Шарқ ва Фарбни ўзаро боғлаган Буюк ипак йўли замонларига бориб туташади. Мамлакатларимиз халқлари асрлар давомида савдо, илму фан ва гуманитар соҳаларда самарали ҳамкорлик қилиб, маданият, урф-одат ва анъаналаримиз доимо бир-бирини бойитиб келгани ҳақида тарихий манбаларда кўплаб мисоллар мавжуд.

Бугунги кунда Хитой Халқ Республикаси Ўзбекистоннинг яқин ва ишончли ҳамкоридир. Кўпқиррали ва икки томонлама манфаатли алоқаларимиз анъанавий дўстлик, бир-бирини яхши тушуниш ва хурмат руҳида ривожланиб бормокда.

Мамлакатларимиз ўртасида тузилган Дўстлик ва ҳамкорлик тўғрисидаги шартнома бу борада мустаҳкам хукуқий асос бўлиб хизмат қилмоқда. Хитой Халқ Республикаси Раиси Си Цзиньпин жаноби олийларининг 2016 йил июнь ойида Ўзбекистонга давлат ташрифи доирасида имзоланган Кўшма баёнот ўзаро муносабатларимизни ҳар томонлама стратегик шериклик даражасига олиб чиққанини алоҳида таъкидлаш жоиз.

Биз аҳолиси 1 миллиард 300 миллион кишини ташкил этадиган Хитойдек улкан мамлакатнинг стратегик ҳамкори бўлиш юксак шараф, айни вактда катта масъулият эканини чукур ҳис қиласиз.

Дўстона алоқаларимизнинг сифат жиҳатидан бундай юксак даражага кўтарилишида, ҳеч шубҳасиз, Хитой раҳбари Си Цзиньпин жаноби олийларининг ташаббус ва хизматлари муҳим аҳамиятга эгадир. Мамлакатларимиз ўртасида дипломатик муносабатлар ўрнатилганидан буён ўтган қарийб 26 йил давомида ўзаро узоқ муддатли самарали ҳамкорлик шаклланиб, давлатлар ва ҳукуматлараро ташрифлар мунтазамлик касб этди ва барқарор ривожланиб бормоқда.

Биз Ўзбекистонда иқтисодиётни ислоҳ этиш ва модернизация қилиш борасидаги энг йирик дастурларимизни Хитой изчил қўллаб-кувватлаётгани, мамлакатимизда саноат, энергетика, транспорт, телекоммуникация, қишлоқ хўжалиги ва бошқа соҳаларда хитой инвестициялари иштирокида амалга оширилаётган юқори технологик лойиҳаларнинг аҳамиятини юксак баҳолаймиз.

Хитой Халқ Республикасида давримизнинг кўзга кўринган, жаҳон миқёсида улкан обрў-эътиборга эга бўлган атоқли давлат ва сиёsat арбоби Си Цзиньпин раҳбарлигига олиб борилаётган, ҳар томонлама чукур ўйланган, вазмин ички ва ташки сиёsat йўли бутун дунёда, жумладан, бизнинг юртимизда ҳам катта қизиқиш ва эътибор уйғотмоқда.

Ана шу сиёсат, замонавий Хитой давлатида амалга оширилаётган кенг кўламли ислоҳотларнинг тубмоҳияти, асосий принцип ва йўналишларини англаб етишда Си Цзиньпиннинг «Давлат бошқаруви тўғрисида» деб номланган ушбу китоби ғоят муҳим аҳамиятга эга.

Хитой раҳбари, муҳтарам Си Цзиньпин жаноби олийларининг расмий чиқишилари, сұхбат ва маърузсалари, интервьюолари ўрин олган мазкур китобда Хитой Халқ Республикасининг бугунги тараққиёт манзараси, «хитой орзуси»ни рўёбга чиқариш борасидаги келажак мақсадлари ҳамда бундай юксак мэрраларга эришиш йўллари атрофлича ёритиб берилгани тўплам билан танишадиган ҳар бир ўкувчидаги унутилмас таассурот қолдириши шубҳасиздир.

Улкан давлат арбобига хос бўлган теран сиёсий тафаккур, бугун дунёда юз бераётган мураккаб глобал жараёнларнинг чуқур таҳлили билан йўғрилган бу сермазмун китобни шахсан мен жуда катта қизиқиш билан ўқиб чиқдим ва уни ўзбек китобхонларига тақдим этиш шарафига муюссар бўлганимдан баҳтиёрман.

Бугунги кунда ўзининг барқарор ва юксак ўсиш суръатлари билан дунё ҳамжамиятини қойил қолдираётган, тарихан қисқа даврда жаҳон иқтисолидётининг локомотивларидан бирига айланган Хитой давлати раҳбари Си Цзиньпин жаноби олийларининг мана шундай кенг қамровли ва салмоқли китобини она тилимизда ўкиш имкониятига эга

бўлаётгани билан мамлакатимиз китобхонларини, бутун халқимизни чин қалбимдан табриклайман.

Ушбу китоб шиддатли глобаллашув асрида давлат ва жамиятни оқилона бошқариш, бозор иқтисодиётини, миллий ўзига хослик тамойилларини саклаган ҳолда, изчил ривожлантириш, аҳолининг манфаат ва эҳтиёжларини тўлақонли таъминлаш борасида бизнинг раҳбар ва мутахассисларимиз, олий ўқув юртлари, биринчи навбатда, Ўзбекистон Республикаси Президенти хузуридаги Давлат бошқаруви академиясининг профессор-ўқитувчилари ва талабалари, оммавий ахборот воситалари ходимлари учун муҳим назарий манба, амалий қўлланма вазифасини бажаради.

Ишончим комил, Си Цзиньпиннинг «Давлат бошқаруви тўғрисида» китоби Ўзбекистон ва Хитой ўртасидаги азалий дўстлик ва ҳамкорлик ришталарини мустаҳкамлашга, халқларимизни ўзаро янада яқинлаштиришга хизмат қилади.

*Хитой Халқ Республикаси Раиси Си Цзиньпиннинг  
«Давлат бошқаруви тўғрисида» китобининг  
ўзбек тилидаги нашрига ёзилган сўзбоши.  
2017 йил 5 май*

## **«БИР МАКОН, БИР ЙЎЛ» – МАНФААТЛАРИМИЗ МУШТАРАК**

Мухтарам жаноб Си Цзиньпин!  
Хурматли давлат ва хукумат раҳбарлари!  
Хонимлар ва жаноблар!

Авваламбор, Хитой Халқ Республикаси раҳбариyaтига «Бир макон, бир йўл» халқаро форумида иштирок этишга таклиф қилгани учун ташаккур билдираман.

Бундай нуфузли тадбирнинг ўтказилиши Сиз, жаноб Раис илгари сурган «Бир макон, бир йўл» концепциясига қизиқиш катта эканидан далолатдир.

Мазкур ташаббусга бўлган талаб глобал молиявий-иктисодий инқироз ва жаҳон иқтисодиёти бир маромда ривожланмаётган, хавфсизлик ва барқарорликка таҳдидлар кучайиб бораётган бир шароитда умумий манфаатларимизни бирлаштириш эҳтиёжи билан боғлиқдир.

Бизнингча, «Бир макон, бир йўл» концепцияси мамлакатларимизнинг ўзаро кенг ҳамкорлигининг янада самарали механизмларига асосланган, янги халқаро ҳамкорлик моделидир.

Хитой ана шу жараёнларнинг ҳаракатга келтирувчи кучи эканини таъкидлаш лозим.

Хитой давлати раҳбари Си Цзиньпин форумнинг очилиш маросимидағи дастурний маъруза-

сида мамлакатларимиз ҳамкорлигини кенгайтириш учун йирик инфратузилма, инвестиция ва савдо лойиҳаларини амалга оширишга қаратилган фаол мулокот ва кенг кўламли шериклик муҳимлигини таъкидлади. Бу концепцияни амалга оширишда бепоён ҳудуди орқали муҳим халқаро ва минтақавий транзит-транспорт коридорлари ўтган Россия Федерацияси ҳам муҳим роль ўйнашини таъкидлаш зарур.

**Хурматли форум катнашчилари!**

Икки ярим минг йил муқаддам буюк Хитой файласуфи ва мутафаккири Лао Цзи «Дунёда ҳамма нарса ўсади, гуллайди ва ўз илдизларига қайтади», деб айтган экан. Бу диалектик ҳақиқат нақадар тўғри эканини вақтнинг ўзи кўрсатиб турибди.

Хитой Халқ Республикаси Раиси Си Цзиньпиннинг «Бир макон, бир йўл» концепциясининг ажралмас кисми бўлган «Ипак йўли иқтисодий йўналиши»ни ташқил этиш тўғрисидаги ташаббуси, бизнингча, нафақат тарихий рух билан бойитилган, балки узоқ муддатли истиқболга мўлжалланган кенг камровли ташабbusни ифода этади.

Белгиланган мақсадларга эришиш учун умумий саъй-харакатларимиз куйидаги муҳим вазифаларни ҳал этишга қаратилиши лозим, деб хисоблайман:

**Биринчидан**, «Бир макон, бир йўл» концепциясини минтақавий тараққиётга оид аниқ дастур ва лойиҳалар билан бойитиш керак.

Табиий захиралар, ишлаб чиқариш ва инсон ресурсларига бой минтақамизда транспорт, савдо, инвестиция, энергетика ва юқори технологиялар соҳаларида йирик лойиҳалар амалга оширилишини кутиб қоламиз.

**Иккинчидан**, Марказий Осиёни Хитой ва Россия орқали Жанубий, Жануби-шарқий Осиё ва Европа давлатлари билан боғлайдиган транспорт-логистика йўналишларини ташкил этишда Ҳамкорлик бўйича комплекс ҳаракатлар дастурини ишлаб чиқиш лозим.

Бизнингча, «Бир макон, бир йўл» транспорт коридорининг кенг тармоғига Покистон ва Эроннинг Ҳинд океанидаги бандаргоҳларига чиқадиган Хитой – Қирғизистон – Ўзбекистон – Афғонистон темир йўл магистралини бирлаштириш мумкин.

«Ипак йўли иқтисодий йўналиши»га Афғонистон худуди орқали ўтадиган йўналишларни ҳам киритиш ушбу мамлакатни халқаро ва минтақавий жараёнларга фаол жалб этишни таъминлашга, Афғонистон иқтисодиётини тезроқ қайта тиклаш имконини беришга ишонаман.

**Учинчидан**, транспорт-коммуникация коридорини ривожлантириш билан бирга, аввало, юқори технологиялар соҳасидаги қўшма лойиҳаларни амалга оширишга эътибор қаратиш зарур.

«Ипак йўли иқтисодий йўналиши» бўйича интеграциялашган саноат технопарклари, илмий-инновацион кластерлар ва эркин иқтисодий зоналарни ташкил этиш ҳам устувор йўналишимизга айланиши даркор.

Шу мақсадда бундай лойиҳаларни илгари сурининг самарали механизмларини биргаликда ишлаб чиқиши таклиф этамиш.

**Тўртинчидан**, «Ипак йўли иқтисодий йўналиши» ташаббусини самарали амалга ошириш учун, бизнингча, «макон ва йўллар» концепциясидан жой оладиган ҳамкорлик бўйича дастур ва лойиҳаларни кабул килиш мақсадида минтақалараро даражада бизнес ҳамжамиятлар ўртасида тўғридан-тўғри мулоқотни ҳар томонлама рағбатлантириш зарур.

**Бешинчидан**, «Ипак йўли иқтисодий йўналиши» ташаббусининг амалга оширилиши нафақат иқтисодий ҳамкорликни кенгайтириш, балки маданий-гуманитар алоқаларимизни мустаҳкамлаш, мавжуд улкан сайёхлик салоҳиятидан фаол фойдаланишга қаратилиши лозим.

Биз қайта тиклаётган Буюк ипак йўлида Самарқанд, Бухоро, Хива каби бир неча минг йиллик тарих ва бой маданиятга эга бўлган шаҳарлар жойлашган.

**Хурматли Форум иштирокчилари!**

Си Цзиньпиннинг мазкур форумни ўтказиш ҳакидаги ташабbusи «Бир макон, бир йўл» доирасида ўзаро фикр алмашиш ва ҳамкорлик қилиш мақсадида мунтазам фаолият юритадиган мулоқот майдонини шакллантириш имконини беришига ишонамиз.

Ер шари аҳолисининг 60 фоиздан ортиғини қамраб олган минтақага оид ушбу кенг кўламли лойиҳанинг ҳаётга татбиқ этилиши мамлакатларимиз ва халқларимиз ўртасида ягона тинчлик, фаро-

вонлик, тараккиёт, ҳамкорлик ва дўстлик маконини шакллантиришга хизмат қилишига ишончим комил.

Сўзимнинг якунида «Бир макон, бир йўл» форуми бепоён Евроосиё қитъасида барқарор ривожланиш, янги иқтисодий тузилмани қарор топтириш мақсадида бугунги куннинг кўплаб муаммоларини самарали ва ўзаро манфаатли тарзда ҳал этиш йўлларини ишлаб чиқиши бошлаб беришига ишончим комил эканини таъкидламоқчиман.

Ўзбекистон мазкур форум якунлари бўйича Кўшма баёнотда ифода этилган ҳалқаро ҳамкорлик соҳасидаги мақсад ва принципларни қўллаб-куватлайди.

Барча иштирокчилар фаолиятига муваффакият тилайман.

*Хитой Халқ Республикаси пойтахти  
Пекин шаҳрида бўлиб ўтган  
«Бир макон, бир йўл» ҳалқаро форумида  
сўзланган нутқ.  
2017 йил 14-15 май*

## ОЗОД ВА ОБОД ВАТАННИНГ БАРКАМОЛ ФАРЗАНДЛАРИ

Қадрли ўғил-қизларим!

Аввало, мана шу унунтилмас ва ҳаяжонли дақиқаларда сиз, азиз фарзандларимизни, сизларга омад ва зафарлар тилаб турган муҳтарам устоз-мураббийлар, ота-оналарни, барча спорт муҳлисларини гўзал ва бетакрор Жиззах шаҳрида «Баркамол авлод» спорт йўйинларининг тантанали очилиши билан чин қалбимдан самимий муборакбод этаман.

Сизларга яхши маълум, мамлакатимизда амалга оширилаётган барча ислоҳот ва ўзгаришлар, кенг кўламли дастурлар ягона ва улуғ бир мақсадга қаратилган. У ҳам бўлса, халқимиз ҳаётини янада обод ва фаровон қилиш, фарзандларимизни ҳар томонлама етук ва баркамол этиб тарбиялашдан иборат.

Бугун сизлар иштирок этаётган, юртимизда еттинчи бор ўтказилаётган «Баркамол авлод» спорт йўйинлари шу йўлдаги саъй-ҳаракатларимизнинг яна бир амалий намоёни, десак, айни ҳақиқат бўлади.

Эътиборга молик жиҳати шундаки, бу мусобақалар биринчи марта бундан 17 йил олдин айнан мана шу куттуғ заминда – мард ва олижаноб инсонлар юрти бўлган Жиззах вилоятида ўтказилган эди.

Ўтган даврда «кичик олимпиада» деган ном билан халқимиз ўртасида катта шуҳрат қозонган бу беллашувлар юзлаб, минглаб навқирон ўғилқизларимиз учун чинакам чиникиш ва маҳорат мактаби, парвоз майдончаси бўлиб хизмат қилаётганини алоҳида таъкидлашни истардим.

Ана шу спорт ўйинларида тобланиб, ҳозирги кунда халқаро майдонларда Ватанимиз байроғини баланд кўтариб келаётган Руслан Нурудинов, Ҳасанбой Дўстматов, Шаҳобиддин Зоиров, Нигина Шарипова, Фазлиддин Гойибназаров, Шахрам Фиёсов, Бектемир Мелиқўзиев, Барно Мирзаева, Умида Абдуллаева, Рустам Тўлаганов, Муроджон Ахмадалиев, Гулноза Матниёзова, Ихтиёр Наврўзов, Элмурод Тасмурадов, Диёр Ўразбоев, Ришод Собиров каби машҳур спортчиларимизнинг номларини барчамиз ҳурмат ва ғуур билан тилга оламиз.

Энг муҳими, қанчадан-қанча ёшларимиз шу мусобақалар орқали спорт билан, соғлом турмуш тарзи билан ошно бўлганини ҳисобга оладиган бўлсак, «Умид ниҳоллари», «Баркамол авлод» ва Универсиада ўйинларидан иборат уч босқичли тизимнинг моҳияти ва аҳамияти янада яккол аён бўлади.

Барчангиз хабардорсиз, 2016 йили Бразилияда бўлиб ўтган, ер юзининг энг кучли спортчилари катнашган XXXI ёзги Олимпия ўйинларида Ўзбекистон спортчилари 13 та медални қўлга киритиб, умумжамоа ҳисобида 21-ўринни, Осиё

давлатлари орасида тўртинчи, Мустақил Давлатлар Ҳамдўстлигида иккинчи, Марказий Осиёда биринчи ўринни эгаллагани, ҳеч шубҳасиз, улкан тарихий воқеадир.

Ишончим комил, сизлар ана шундай мэрраларни забт этаётган мохир ва фидойи спортчила-римиз изидан бориб, келгусида бундан ҳам катта натижаларга эришасиз.

Хурматли анжуман қатнашчилари!

Юртимиздаги 1500 дан зиёд лицей ва коллежлар вакиллари иштирок этадиган бугунги «Баркамол авлод» ўйинлари юксак савияда, ҳалоллик, мардлик ва адолат руҳида ўтишига, жўшқин ва кескин курашларга бой бўлишига, сизларнинг ҳар бирингиз ғалаба учун бор куч ва имкониятингизни сафарбар этишингизга, нафакат жисмоний, айни вақтда ҳалқимизга хос ноёб маънавий фазилатларни ҳам намоён қилишингизга ишонаман.

Кўпни кўрган, ҳаёт синовларида тобланган, не-не улуғ инсонлар, кураги ерга тегмаган паҳлавонлар юрти бўлган Жиззах ахли, ушбу вилоятдаги тенгдошларингиз билан бўладиган самимий мулокот ва учрашувлар барчангизнинг хотирангизда ўчмас из қолдиришига аминман.

Фурсатдан фойдаланиб, ёшлик ва нафосат байрами, маҳорат ва камолот кўриги бўлган бу мусобақаларни юкори савияда ўтказиш учун замонавий спорт иншоотлари, инфратузилма обьектлари бунёд этган, бу йўлда сидқидилдан хизмат қилган барча фидойи инсонларга, бутун

Жиззах ахлига ўз номимдан, халқимиз номидан чуқур миннатдорлик билдираман.

Қадрли ўғил-қизларим!

Бизнинг ҳавас қиласа арзийдиган буюк тарихимиз бор. Ҳавас қиласа арзийдиган улуғ аждодларимиз бор. Ҳавас қиласа арзийдиган бекиёс бойликларимиз бор. Ва ишонаман, Худо хоҳласа, ҳавас қиласа арзийдиган буюк келажагимиз ҳам бўлади.

Ана шундай ёруғ келажакни авваламбор сиздек азму шижиатли, жўшқин орзу-интилишлар билан ҳаётга кириб келаётган, ҳеч кимдан кам бўлмайдиган навқирон авлодимиз, бутун Ўзбекистон ёшлари барпо этади.

Шу эзгу йўлда барчангизга энг олий саодатни – халқимиз ва Ватанимизга ҳамиша муносиб фарзанд бўлиш баҳтини тилайман.

Сизларни мамлакатимиз ҳаётидаги катта воқеа – «Баркамол авлод» спорт ўйинларининг очилиши билан яна бир бор чин қалбимдан табриклайман.

Доимо соғ-омон бўлинг, омад ва зафар сизларга ҳамиша ёр бўлсин!

*Жиззах шаҳрида бўлиб ўтган  
«Баркамол авлод» спорт ўйинлари  
қатнашчиларига йўлланган табрик.  
2017 йил 25 май*

## **БАҒРИКЕНГЛИК, ТИНЧЛИК ВА ТОТУВЛИК САРИ МУҲИМ ҚАДАМ**

Бисмиллаҳир Роҳманир Роҳийм

**Икки муқаддас масжид ходими  
Саудия Арабистони Подшоҳи  
Салмон бин Абдулазиз Ол Сауд  
Аъло Ҳазратларига**

Ул Зотни Оллоҳ ўз паноҳида сақласин.

Ассалому алайкум ва раҳматуллоҳи ва баракотуҳу,  
Аъло Ҳазратлари,

Аввалимбор, Сизнинг ер юзидаги барча мўмин-  
мусулмонлар учун муқаддас бўлган гўзал юртингизга  
ташриф буюриш ва ташриф доирасида араб-мусул-  
мон мамлакатлари ва Америка Кўшма Штатлари  
раҳбарларининг саммитида иштирок этишга шахсан  
таклифнома йўллаганингиз учун ўз миннатдорли-  
гимни изҳор этиб, мазкур зиёратимиз натижалари-  
дан чукур коникиш ҳосил килганимизни катта  
мамнуният илиа маълум киласан.

Ташриф давомида Сиз, Аъло Ҳазратлари билан  
ўтказган бевосита мулокотимиз мамлакатларимиз  
ўртасидаги дўстона муносабатларни янги босқичга

олиб чиқишига ва кўп қиррали ҳамкорлигимизни янада ривожлантириш йўлида муҳим пойdevор бўлиб хизмат қилишига ишонч билдираман.

Шубҳасиз, Ар-Риёдда Сизнинг бевосита раҳна-молигингиз остида юксак савияда ташкил этилган мазкур анжуман экстремизм ва терроризмга қарши кураш, бағрикенглик, тинчлик ва тотувликда яшаш қадриятларини илгари суриш ҳамда хавфсизлик, барқарорлик ва ҳамкорликни мустаҳкамлаш бўйича ислом дунёси ва АҚШ ўртасида янги ва самарали шериклик ўрнатиш йўлида муҳим қадам бўлди, десак, муболаға бўлмайди.

Саудия Арабистонининг ташаббуси билан экстремистик мафкурага қарши курашиш бўйича «Мўътадиллик» халқаро марказининг Ар-Риёд шаҳрида очи-лиши саммит доирасида эришилган ёрқин натижалардан бири бўлиб, ҳеч шубҳасиз, келажакда вазминлик ва ижобий мулоқот тамойилларини мустаҳкам қарор топтириш имконини беради.

Фикримизча, саммит доирасида муҳокама қилинган масалалар 2016 йил 18-19 октябрь кунлари Тошкент шаҳрида Ислом ҳамкорлик ташкилоти Ташки ишлар вазирлари кенгашининг 43-сессияси давомида Самарқанд шаҳрида муҳаддислар сultonи Имом Бухорий номидаги халқаро илмий-тадқиқотлар марказини ташкил этиш тўғрисидаги Ўзбекистоннинг ташаббуси билан уйғун ва ҳамохангдир.

Ушбу марказнинг асосий фаолияти жаҳон афкор оммасига муқаддас Ислом динимизнинг бағри-

кенглик ва инсонпарварлик ғояларини тараннум этиш, унинг тинчлик ва барқарорлик, динлар ва миллатлараро тотувлик тамойилларига асосланган дин эканлигини кенг тарғиб қилиш, мусулмон мамлакатларининг бирдамлигини мустаҳкамлаш, умумий ислом меросини асраб-авайлаш йўлида ҳамкорликни кучайтиришдан иборатdir.

Имом Бухорий номидаги ҳалқаро илмий-тадқиқотлар марказини барпо этиш ва ислом цивилизацияси ривожи учун бекиёс хизмат қилган буюк аждодларимизнинг бой илмий-маънавий меросини ёш авлодга безавол етказишдек савобли ишда Саудия Арабистони ҳам ўзининг амалий ҳиссасини кўшади, деб умид билдирамиз.

Ар-Риёд ва Самарқанд шаҳарларида барпо этилажак ушбу янги марказларнинг мақсад ва вазифалари бир-бирига якин эканлигини инобатга олиб, келажакда улар ҳамкорликда фаолият олиб боришиларига ишонч билдирамиз. Жаҳолатга қарши маърифат ва таълимни кучайтириш орқали курашиш, шу асосда башарият фаровонлигини тарғиб қилиб, инсонларни эзгуликка даъват этиш йўлида бу марказлар мухим аҳамият касб этишлари муқаррар. Муқаддас ислом динимиз бизга айнан шуни ўргатади ва, ўйлайманки, бундай ёндашув бугунги давр талаби бўлиб қолади.

Аминманки, биргаликдаги сайд-харакатларимиз натижасида ушбу йўналишдаги ҳамкорлигимиз келгусида мамлакатларимиз, ҳалқларимиз ва бутун мусулмон уммати манфаатлари йўлида янги мазмун ва моҳият касб этади.

Фурсатдан фойдаланиб, Сиз, Аъло Ҳазратларига мустаҳкам соғлик ва баҳт-саодат, дўст Саудия Арабистони халқига эса барқарор тараққиёт ва равнақ тилайман.

Камоли эҳтиром ила,

*Шавкат МИРЗИЁЕВ,  
Ўзбекистон Республикаси Президенти*

*Икки муқаддас масжид ходими, Саудия Арабистони  
Подшоҳи Салмон бин Абдулазиз Ол Сауд  
Аъло Ҳазратларига йўлланган мактуб.*

*2017 йил 5 июнь*

## **ЎЗАРО ИШОНЧ, ЯХШИ ҚЎШНИЧИЛИК ВА ДЎСТЛИКНИ ЯНАДА МУСТАҲКАМЛАШ – ЭНГ МУҲИМ ВАЗИФА**

Муҳтарам Нурсултон Абишевич!

Хурматли давлат раҳбарлари!

Мажлис иштирокчилари!

Аввало, шу залда ўтирган давлат раҳбарлари ва делегациялар раҳбарларига ўзимнинг чукур хурматимни изҳор этаман, Қозогистон Республикаси Президенти Нурсултон Абишевич Назарбоевга самимий меҳмондўстлик ва бугунги тадбир юксак савияда ташкил этилгани учун чин қалбимдан миннатдорлик билдираман.

Фурсатдан фойдаланиб, Ўзбекистон Республикаси Биринчи Президенти Ислом Абдуғаниевич Каримовнинг бевақт вафоти муносабати билан бизни кўллаб-кувватлагани учун барча шерикларимизга миннатдорлик билдиришга рухсат бергайсиз.

Ислом Абдуғаниевич Ташкилотимизнинг қарор топиши ва ривожланишига муносиб ҳисса қўшди.

Оғир вактда биз билан бирга бўлганингизни қадрлаймиз.

Хурматли мажлис қатнашчилари!

Шанхай ҳамкорлик ташкилоти аъзо давлатларнинг минтақада тинчлик, хавфсизлик, фаровонлик ва

барқарор тараққиётни таъминлашга қаратилган нуфузли ҳамжамияти сифатида ташкил этилди.

Имкониятдан фойдаланиб, Ҳиндистон Республикаси Бош вазири ҳурматли Нарендра Моди ва Покистон Ислом Республикаси Бош вазири ҳурматли Навоз Шарифни уларнинг мамлакатлари «ШҲТ оиласи»га қўшилгани билан чин қалбимдан табриклайман.

Ҳиндистон ва Покистоннинг ШҲТга аъзолиги серкирра ҳамкорлигимизни янада ривожлантириш учун мутлақо янги имкониятлар яратишига ишонализ.

**Ҳурматли мажлис иштирокчилари!**

Турли минтақаларда ҳамон давом этаётган куролли тўқнашувлар, янги таҳдид ва хавф-хатарлар кўлами ning кенгайиб бораётгани мамлакатларимиз хавфсизлигига салбий таъсир кўрсатмоқда.

Шу муносабат билан Афғонистондаги вазиятни тезроқ ҳал қилиш муаммосини кенг минтақамида тинчлик ва хавфсизликнинг муҳим таркибий қисми сифатида кўриб чиқмоқдамиз.

Ўзбекистон Афғонистон халқи ва халқаро ҳамжамиятнинг ушбу мамлакатда тинч ҳаётни қайта тиклаш бўйича саъй-ҳаракатларини қатъий қўллаб-кувватлайди.

**Қадрли дўстлар!**

Фурсатдан фойдаланиб, Ташкилотимиз фаолияти самарадорлигини янада ошириш борасидаги дол зарб масалаларга тўхталмоқчиман.

**Биринчидан**, бугун халкаро террорчи гурухлар ва бузғунчи кучлар ўз фаолиятида ахборот технологияларидан ёшларни ўзига бўйсундириш ва зўравонлик ғоясини тарқатишдек ёвуз мақсадларда фойдаланмоқда.

Шу боисдан ШХТ Минтақавий аксилтеррор тузилмасининг таъсис хужжатларига ўзгартишлар киритиш ва тузилмага глобал ахборот маконида юзага келаётган хавф-хатарларни мониторинг килиш ва уларга қарши туриш тизимини йўлга кўйиш бўйича ваколатлар беришни таклиф этамиз.

**Иккинчидан**, ёш авлодни турли террорчи ва радикал тузилмалар фаолиятига жалб қилишга йўл қўймаслик борасида биргаликдаги аниқ чоратадбирларни кучайтириш зарур.

Ёшларни ўқитиш, уларни маънавий ва ахлоқий тарбиялаш, уларнинг билим олиши ва ўзини ўзи камолга етказишга интилишини шакллантиришга алоҳида эътибор қаратиш лозим.

Барчамизни яхшилиқ, тинчлик ва бағрикенгликка чорлайдиган муқаддас Ислом динининг ҳақиқий қадриятларини кенг тушунтиришга кўмаклашиш зарур, деб ҳисоблаймиз.

Шу мақсадда Самарқанд шаҳрида Ислом ҳамкорлик ташкилоти кўмагида буюк муҳаддис, пайғамбаримиз Мухаммад соллаллоҳу алайҳи вассалламнинг энг ишончли ҳадислар тўплами, яъни муқаддас Куръони каримдан кейинги ўринда турадиган китоб муаллифи Имом Бухорий номидаги халкаро илмий тадқиқотлар маркази ташкил этил-

мокда. Ушбу марказ фаолияти динлараро, миллатлараро ва маданиятлараро мулоқотга кўмаклашади, деб ўйлаймиз.

Шу билан бирга, ШХТ мамлакатлари дин уламолари ташкил этилаётган ушбу Марказ ишида фаол иштирок этишига умид қиласиз.

**Учинчидан**, Ўзбекистон ШХТга аъзо давлатлар билан савдо-иктисодий алоқаларни изчил чукурлаштириш тарафдори.

Хитойнинг «Бир макон, бир йўл» ташабуси доирасида кенг кўламли лойиҳаларни ҳамкорликда амалга оширишга алоҳида аҳамият берамиз.

Айникса, транспорт-коммуникация лойиҳаларини ҳаётга татбиқ этиш борасида ҳамкорликни фаоллаштиришга муҳим эътибор қаратиш зарур.

ШХТ минтақасининг мавжуд улкан транзит салоҳиятини рўёбга чиқариш Ташкилотнинг муҳим устувор йўналишига айланиши даркор.

Бизнинг назаримизда, Хитой – Қирғизистон – Ўзбекистон темир йўли қурилишини қанча тез бошласак, мамлакатларимизнинг жаҳон бозорига энг қисқа йўл билан чиқишига эришиш имкони шунча тез кўлга киритилган бўлур эди.

Минтақамиз транзит салоҳиятини самарали ривожлантиришга оид келишилган таклифларни ишлаб чиқиш учун ШХТга аъзо давлатларнинг **темир йўл соҳаси раҳбарларининг мунтазам учрашувларини йўлга қўйишни** таклиф этамиш.

ШХТга аъзо давлатлар ҳудудлари ва ишбилармон доиралари ўртасида тўғридан-тўғри алоқалар

ўрнатилиши мамлакатларимиз иқтисодиётини юксалтириш ва халқларимиз ўртасида ҳамфирликни мустаҳкамлашда муҳим аҳамият касб этади.

Шу муносабат билан Россиянинг ШХТга аъзо давлатлар ҳудудлари раҳбарларининг форумини таъсис этиш тўғрисидаги таклифини кўллаб-кувватлаймиз.

**Тўртингчидан**, Илм-фан ва техника соҳасида ҳамкорликнинг истиқболга эга бўлган устувор йўналишлари рўйхатини ишлаб чиқиш, уларни молиялаштириш ва амалга ошириш механизмлари ҳакида ўйлаб кўриш мақсадга мувофиқдир.

Етакчи илмий-тадқиқот муассасаларининг куч ва имкониятларини, аввало, биотехнология, ген инженерияси, мукобил энергетика, жумладан, күёш, шамол, биогаз ва кичик гидроэнергетика соҳаларида бирлаштириш муҳим йўналишлар сирасига киради.

Шунингдек, ШХТ давлатлари ва халқлари ўртасида ўзаро ишонч, яхши кўшничилик ва дўстликни янада мустаҳкамлаш зарур, деб хисоблаймиз.

ШХТ марказлари – халқ дипломатиясининг доимий фаолият юритадиган институтларини таъсис этиш имкониятларини кўриб чиқишини таклиф этамиз. Бу марказларда мавзуга оид кўргазмалар, конференция ва учрашувлар ҳамкорликда ўtkазилиши халқларимиз ўртасидаги алоқалар ва ҳамжиҳатликни янада мустаҳкамлаш имкониятини беради.

Ҳурматли мажлис иштирокчилари!

Сўзимнинг якунида Шанхай ҳамкорлик ташкилоти асосчиларидан бири сифатида Қозогистон Президенти Нурсултон Абишевич Назарбоевга Остона саммитини муваффақиятли ташкил этишга кўшган шахсий ҳиссаси учун яна бир бор миннадорлик билдиришга ижозат бергайсиз.

Нурсултон Абишевич, Сизни «ЭКСПО – 2017» кўргазмаси ўтказилиши муносабати билан ҳам самимий табриклаймиз ва бу борада муваффақиятлар тилаймиз.

Минтақамизда бундай кенг кўламли халқаро тадбир илк маротаба ўтказилмоқда.

Тадбирга пухта тайёргарлик кўриш, қисқа муддатда «яшил» технологиялар ёрдамида бунёд этилган замонавий инфратузилма Қозогистон иқтисодиёти улкан салоҳиятга эга эканидан далолат беради.

Хитой Халқ Республикаси Раиси муҳтарам Си Цзиньпинни кейинги даврда ШХТга раисликни қабул қилгани билан табриклайман ва ушбу масъулиятли вазифада унга улкан муваффақиятлар тилайман.

*Қозогистон пойтахти Остона шаҳрида бўлиб ўтган  
Шанхай ҳамкорлик ташкилоти Давлат раҳбарлари  
кенгашининг кенгайтирилган марқибдаги  
мажлисигда сўзланган нутқ.  
2017 йил 8-9 июнь*

## **ҚОНУН ВА АДОЛАТ УСТУВОРЛИГИНИ ТАЪМИНЛАШ – БАРЧА ЭЗГУ МАҚСАДЛАРИМИЗГА ЭРИШИШНИНГ ЭНГ МУҲИМ ШАРТИ**

**Хурматли мажлис қатнашчилари!**

Авваламбор, сизлар билан бугун мана шундай самимий, ишchan бир вазиятда кўришиб турганимдан хурсанд эканимни билдиromoқчиман.

Бугунги учрашувимиздан асосий мақсад – мамлакатимизда суд тизимида олиб борилаётган ислохотлар хусусида, бу борадаги камчилик ва муаммолар тўғрисида, уларни ҳал этиш йўллари ҳақида атрофлича фикрлашиб, амалий вазифаларни белгилаб олишдан иборат.

Ҳаммамизга яхши маълум, суд – жамият ҳаётида конун устуворлиги, адолат барқарорлигини таъминлайдиган мустақил ҳокимият тармоғидир. Яна бир марта айтаман – мустақил ҳокимият тармоғи.

Адолат ҳалқимиз учун азал-азалдан тинч ва фаровон ҳаёт мезони, барча эзгуликлар манбаи бўлиб келган. Соҳибқирон Амир Темур бобомиз «Куч – адолатда» деган хикматга амал қилиб, давлат бошқарувини ташкил қилиш, эл-юрганинг тинчлиги ва ободлигини таъминлашга эришгани тарихдан яхши аён.

Истиклол йилларида мамлакатимизда суд ҳокимияти мустақиллигини таъминлаш, соҳанинг моддий-

техник базаси, кадрлар таркибини яхшилаш бўйича кўп ишлар қилинди.

Айни вақтда ҳаммамизга маълумки, бутунги кунда юртимизда хукукий демократик давлат, фуқаролик жамияти барпо этиш жараёнлари янги, юксак босқичга кўтарилимоқда, бунга ҳаммангиз гувоҳсиз. Бинобарин, суд тизими фаолиятини танқидий қайта кўриб чиқиш, унинг натижадорлигини тубдан яхшилаш энг долзарб вазифага айланмоқда. Бунга ҳаётнинг ўзи мажбур қилмоқда.

Ўзбекистон Республикасини 2017 – 2021 йилларда янада ривожлантириш бўйича Ҳаракатлар стратегиясида суднинг чинакам мустақиллигини таъминлаш алоҳида устувор йўналиш этиб белгиланди. Бу борадаги муҳим вазифаларни амалга ошириш мақсадида бир қатор қонун ҳужжатлари қабул қилинганидан сизлар албатта хабардорсиз.

Аввало, Конституциямизнинг 7 та моддасига судхукуқ соҳасидаги ислоҳотлар билан боғлиқ принципиал ўзгартишлар киритилганини таъкидлаш лозим.

Судьяликка номзодларни танлаш ва лавозимга тайинлаш тизимини тубдан такомиллаштириш, юқори малакали судьялар корпусини шакллантириш мақсадида Ўзбекистон Республикаси Судьялар олий кенгаши ташкил этилди.

Шу билан бирга, Ўзбекистон Республикаси Олий суди суд ҳокимиятининг ягона олий органи сифатида давр талаблари асосида янгидан шакллантирилди. Бундан кўзланган асосий мақсад – фуқароларимизнинг хукуқ ва манфаатларини ҳимоя қилишда қонуний ва адолатли қарорлар чиқарилишини сўзсиз таъмин-

лайдиган ягона суд амалиётини шакллантиришдан иборатдир.

**Хурматли суд органлари ходимлари!**

Жамиятимизнинг барча соҳалари қатори судлар фаолиятини ҳам чуқур таҳлил қилиб, ютукни – ютуқ, камчиликни – камчилик, деб айтмасак, ишимизга танқидий баҳо бермасак, мазкур тизимда тўпланиб қолган муаммо ва нуқсонларни бартараф этиш чораларини бугун кўрмасак, эртага кеч бўлади.

Ана шу ҳақиқатни ҳисобга олган ҳолда, аввало олдимизда турган энг муҳим масалаларга эътиборингизни қаратмоқчиман.

**Биринчидан**, бугун ҳаётнинг ўзи Конституциямизда ифодасини топган энг асосий мақсад – инсон манфаатларини ҳар томонлама таъминлашни устувор вазифа қилиб кўймоқда. Инсон манфаатларини таъминлаш учун эса, аввало одамлар билан, ҳалқ билан мулоқот қилиш, уларнинг дарду ташвишлари, орзу-умидлари, ҳаётий муаммо ва эҳтиёжларини яхши билиш керак.

Шу мақсадда ташкил этилган Ўзбекистон Республикаси Президентининг Ҳалқ қабулхоналари ва Виртуал қабулхонасига ўтган давр мобайнида келиб тушган мурожаатларнинг қарийб 50 мингтасида бевосита судьялар фаолияти ва уларнинг қарорларидан норозилик баён қилинган.

Мурожаатларнинг қарийб 24 мингдан ортиғи фуқа-ролик ишлари бўйича, 11 мингдан зиёди эса жиноят ишлари бўйича судлар фаолиятига тааллукли

экани бу идоралар фаолиятида жиддий камчиликлар борлигини кўрсатади.

**«Одамлар ҳамма нарсага чидаши мумкин, лекин адолатсизликка чидай олмайди»** деган сўзларда қандай катта маъно борлигини барча судьялар яхши англаб олишлари керак. Судья – бу адолат посони. Шунинг учун ҳам судьялар томонидан қабул қилинаётган ҳар бир қарорнинг қонуний ва адолатли бўлиши хақида чукур ўйлашимиз зарур. Бу борада суд ҳокимиятининг чинакам мустақиллигини, одил судлов фаолиятига аралашганлик учун жавобгарлик муқаррарлигини сўзсиз таъминлаш лозим.

Савол туғилади: суд тизимидағи бугунги аҳвол бу талабларга жавоб берадими? Афсуски, йўқ. Мана шу сизларга берилган баҳо.

Айникса, амалдаги қонунчилигимизда мустаҳкамлаб қўйилган, суд ишларини кўриб чиқишда фақат суд тергови жараёнида атрофлича текширилган ва ўз тасдигини топган далилларга асосланиш кераклиги хақидаги талаблар қоғозда қолиб кетаётгани ачинарлиdir. Буни такрор ва такрор айтмоқчиман.

Энг ёмони, далилларга баҳо беришда уларнинг ишончли экани, қонуний йўл билан олингани ва ишга алоқадорлиги судларнинг эътиборидан мутлақо четда қолиб кетмоқда.

Айрим ҳолларда айбдорларни «ичкарига олиб кириб», турли номақбул усул ва тазииклар остида олинган кўрсатмалар айбловнинг асосий мазмунини ташкил этмоқда.

Бундан ташқари, «ишларни назоратта олиш», «жазо тури ва муддатини олдиндан белгилаб бериш» каби ўта салбий ҳолатлар ҳанузгача давом этмоқда.

Энг ачинарлиси, барчамизнинг обрўйимизни туширадиган, конуннинг қадр-қимматини бир пул қила-диган бундай яроқсиз амалиётга соҳада катта таж-рибага эга бўлган ходимлар, бутун судъялар ҳамжа-мияти бепарво қараб келмоқда. Бошқача айтганда, ҳамма томошабин. Мен бу гапларни афсус билан айтияпман.

Бир одамни судъя қилиб қўямиз. Уч-тўрт ойда юриштуриши ўзгаради.

Фуқаролар адолатни қарор топтириш умидида ойлаб, йиллаб сарсон-саргардон бўлиб, нажот излаб Президентга мурожаат қилмоқда. Шунинг ўзи судлар фаолиятига ҳалқ томонидан берилаётган холисона баҳо эмасми?

Бундай ҳолатларга қатъий чек қўйиш вакти келди.

**Судъялар олий кенгаши судъяларнинг фаолиятига ҳар қандай ноқонуний аралашувга барҳам бериш, айборд шахсларнинг муқаррар жавобгарлигини таъминлаш юзасидан бир ой муддатда таклиф киритсин.**

Бош прокуратура, Олий суд далиллар ишончили, конуний йўл билан олинган ва ишга алоқадор бўлишини, судъялар тили билан айтганда, далиллар мақбуллиги тамойилини амалда таъминлаш, айниқса, турли тазийклар остида олинган кўрсатмалардан далил сифатида фойдаланишга мутлақо чек қўйиш чораларини кўриши зарур. Бунинг

учун қисқа муддатда тегишили ҳуқуқий механизмлар яратиш ва амалдаги қонун ҳужжатларини такомиллаштириш керак.

Иккинчидан, судьялар адолатни фақат ва фақат қонунга асосланган ҳолда рўёбга чиқаришлари шарт. Чунки, адолат қонун устуворлигига намоён бўлади.

Афсуски, ҳозирги вактда бу борадаги ахвол тубдан ижобий томонга ўзгаргани йўқ. Ҳолбуки, ўтган даврда судьяларнинг мустакил фаолият юритишини тъминлашга қаратилган кўп ишлар амалга оширилди. Судьяларнинг ижтимоий муҳофазасини кучайтириш мақсадида уларнинг иш ҳақи бир неча баробар кўпайтирилди, соҳа вакиллари жисмоний шахслардан олинадиган даромад солигидан озод қилинди, уйжой масаласида улар учун кулайликлар яратилмоқда. Лекин, ана шундай эътибор ва ғамхўрликка муносиб фаолият кўрсатиш ўрнига, афсуски, судьялар орасида судья деган юксак номга нолойик шахслар учраб турибди.

Шу борада баъзи бир ракамларга эътиборингизни қаратмоқчиман. Охирги йилларда қарийб 50 нафар судья жиноий жавобгарликка тортилган. Жорий йилнинг ўтган даврида б 50 нафар судья жиноятга кўл урган. Мисол учун, Андижон вилояти хўжалик суди раисининг ўринбосари Абдуллаев фуқаро Нуралиевдан 150 минг АҚШ доллари олаётган пайтда кўлга олинган.

Асосий вазифаси ва бурчи оқни – оққа, корани – корага ажратиш, адолатни ҳимоя қилишдан иборат

бўлган судья қонунга, ўз касбига хиёнат қилса, одамлар додини кимга айтади? Адолат излаб қаерга боради?

Шунинг учун ҳам аҳоли ўз мурожаатларини Президентнинг Халқ қабулхоналари ва Виртуал қабулхонага, Президент девонига ва Олий Мажлисга юбормоқда. Улар ўз муаммолари судда ҳал қилинишига ишонмаяпти. Қанчалик аччиқ бўлмасин, бугун шу ҳақиқатни айтишга мажбурмиз.

**Учинчидан**, судьялик ўта масъулиятли ва шарафли касб эканини ҳалқимиз яхши тушунади. Азал-азалдан эл-юртимиз ўргасида инсофли, диёнатли қозиларга, адолатни ҳимоя қилувчиларга хурмат-эътибор юкори бўлган. Бироқ бугунги кунда ана шундай ибратли анъаналар муносиб давом эттирилаётгани йўқ. Бундай деб айтишга тўлиқ асослар бор. Масалан, 2016 йилда ўз фаолиятида камчилик ва нуксонларга йўл қўйгани, хизмат қоидаларини бузгани учун 117 нафар судья интизомий жавобгарликка тортилган.

Шу ўринда бир фикрни алоҳида таъкидлаб айтмоқчиман. Юксак маънавий-ахлоқий савияга эга бўлмаган юрист кадрлар ҳеч қачон судья лавозимига тайинланмаслиги керак. **Адолат ва маънавият – ўзаро чамбарчас боғлиқ тушунчалардир. Маънавият бўлмаган жойда ҳеч қачон адолат бўлмайди.**

Шундай экан, ҳакли савол туғилади: Олий суднинг собиқ раҳбарияти – раис Ш. Газиев, унинг ўринбосарлари Ф. Абдуазимов, К. Тоғаев, Р. Обидов нима учун бу масалага панжа орасидан қараб келган?

Мутлако йўл қўйиб бўлмайдиган бундай ҳолатни ижобий томонга ўзгартириш учун барчамиз, бутун

жамиятимиз бош қотириши зарур. Лекин, афсуски, бу борада аксарият раҳбарларда масъулиятни хис этиш, қатъият ва талабчанлик этишмаяпти.

Яна мисолларга мурожаат қиладиган бўлсак, одил судлов бўйича йўл қўйган хато ва камчиликлари учун 2016 йилда 129 нафар судьяга нисбатан хусусий ажримлар чиқарилганини қайд этишга тўғри келади. 2016 йилда бу кўрсаткич 2015 йилга нисбатан 34 фоиздан зиёд, судьяларга нисбатан қўзғатилган интизомий ишлар сони эса қарийб 44 фоизга кўпайган.

Айникса, фуқаролик ишлари бўйича Сурхондарё, Тошкент ва Андижон вилоятлари, жиноят ишлари бўйича Тошкент, Сирдарё, Фарғона вилоятлари ва Тошкент шаҳри судларида судьялар томонидан қонун-бузарлик содир этиш ҳолатлари кўпайиб бормоқда.

**Тўргинчидан**, одил судловни амалга оширишда энг муҳим аҳамиятга эга бўлган адолат тамойилини бузиш билан боғлиқ салбий ҳолатларга ҳам, афсуски, чек қўйилмаяпти.

Айрим судьялар ўз бурчини вижданан бажариш ўрнига жойлардаги баъзи бир «каттаконлар», мансабдор шахслар билан муносабатни бузмаслик ҳақида кўпроқ ўйлаши, очиғини айтганда, «ўйин» қилиб юриши ҳеч кимга сир эмас. Яқин-яқингача судлар томонидан оқлов ҳукмлари чиқарилмагани шундан далолат эмасми?

Аксарият ҳолларда айбсиз шахсларни оқлаш учун тўлиқ асослар бўлса-да, жиноят ишлари турли соҳта баҳоналар билан қўшимча терговга қайтариб келинганини қандай тушуниш керак? Қайси давлатда, қайси жамиятда яшаяпмиз ўзи?

Мисол учун, жиноят ишлари бўйича Ширин шаҳар судининг судьяси Сувонқулов сохта айблар қўйилган, аслида айбиз фуқаро Логановни 5 йил муддатга озодликдан маҳрум қилган. Сирдарё вилояти суди бегуноҳ фуқарони оқлаш ўрнига, масъулиятни ўзидан соқит килиб, жиноят ишини қўшимча терговга юборган. Кейинчалик терговда жиноят иши тугатилган. Ҳолбуки, ушбу масалани қўшимча терговга юбормасдан, суднинг ўзида ҳал этиш мумкин эди.

2016 йилда 417 нафар шахсга нисбатан қўзғатилган жиноят ишлари аксарият ҳолларда Қорақалпоғистон Республикаси, Андижон, Тошкент, Наманган, Қашқадарё вилоятлари, Тошкент шаҳри судлари томонидан қўшимча терговга юборилган. Шу даврда 238 нафар шахсга нисбатан қўзғатилган жиноят ишлари юкори инстанция судлари томонидан қўшимча терговга қайтарилган.

Олий суд ва жойлардаги судларнинг раҳбарлари ана шу ицлар бўйича судьялар тергов органлари билан келишиб, ишни қўшимча терговга қайтариб юбормаганига кафолат бера оладими?

Мана, бир мисол. Фуқаро Расулов Янгийўл тумани суди томонидан фирибгарликда айбланиб, ноконуний равишда жазога хукм қилинган. Ушбу фуқаро орадан 3 йил ўтиб, қанча мурожаатлардан сўнг, факат Бош прокуратуранинг аралашуви билан оқланган.

Биз ана шундай нохуш, шармандали ҳолатларни бартараф этиш мақсадида қўшимча тергов институтини бекор қилдик.

Мазкур қарорнинг аҳамияти шундан иборатки, энди тергов органлари жиноят ишларини ҳар томонлама холис ва пухта тергов қилишга мажбур бўлади. Ўз навбатида судлар ҳам ҳар бир иш юзасидан узил-кесил қарор қабул қилишга мажбур. Чунки бошқа йўли йўқ. Қайта тергов қанча маблағ, қанча вақт, қанча оворагарчиликларга сабаб бўлади. Энди буларнинг барчасига чек кўйилмоқда. Халқимиз «қайта тергов» балосидан кутулмоқда.

Суд фаолияти соҳасидаги камчиликлар ҳакида гапирганда, кўплаб юртдошларимизда ҳақли норозилик уйғотаётган яна бир ачинарли ҳолат ҳакида тўхталишимиз шарт, деб ўйлайман. Баъзи жойларда инсофизлик шу даражага етганки, айрим судьялар айбсиз одамни айбдор, деб топиш учун пора талаб қилмоқда. Масалан, жиноят ишлари бўйича Ўртачирчик тумани судининг судьяси Юсупов фуқаро Калмурзаевга нисбатан маъмурий ҳукуқбузарлик тўғрисидаги иш соҳта ҳужжатлар асосида тузилганини билатуриб, ички ишлар ходимларига 1000 АҚШ доллари эвазига Калмурзаевни айбдор деб топиш ҳакида қарор чиқаришни ваъда қилган ва жорий йилнинг март ойида ана шу порани олаётган вактида ушланган.

Бундай нохуш мисолларни Тошкент шаҳридаги суд идоралари бўйича ҳам кўплаб келтириш мумкин.

Пойтахт судьялари томонидан сўнгги пайтда айбдорларга конунда белгиланган жазога нисбатан енгил жазо тайинлаш ёки шартли ҳукм чиқариш одат тусини олмоқда.

Охирги уч йилда жазо тайинланган 18 мингдан ортиқ шахснинг 34 фоизига қонунда белгиланган жазога нисбатан енгил жазо ёки шартли жазо тайинланган. Қасддан одам ўлдириш, босқинчилик, номусга тегиши каби оғир ва ўта оғир жиноятлар бўйича 6600 дан ортиқ ишнинг 1532 таси юзасидан ана шундай ёндашув қўлланган. Агар бу қарорлар қонуний бўлганида, ҳеч шубҳасиз, буни гуманизм, инсонпарварлик намунаси сифатида қўллаб-кувватлаш мумкин эди. Бироқ таҳлиллар бунинг мутлақо тескарисини кўрсатмоқда.

Мисол учун, Сирғали тумани суди раиси Алимухамедов томонидан фуқаро Анваров ўта оғир жиноят содир этгани учун шартли равишда ҳукм қилинган. Ваҳоланки, у уюшган гурӯҳ таркибида товламачилик жиноятини содир этган, шунинг учун 8 йил давомида кидирудга бўлган. Ишни кўриб чиқсан судья эса унинг бу қилмишларига bemalol кўз юмган.

Прокурорлар протест келтириш йўли билан адолатсиз ҳукм чиқарилганини кўрсатиб берса-да, шаҳар судининг раиси пинагини ҳам бузмасдан, ҳукмни ўз кучида қолдирган. Фақат Бош прокуратура протести билан ҳукм бекор қилиниб, айбордлага 11 йил озодликдан маҳрум қилиш жазоси тайинланган.

Яна бир салбий ҳолат шундан иборатки, жиноят ишлари бўйича Тошкент шаҳар суди апелляция ва кассация тартибида туман судларининг хато ва камчиликларини тузатиш ўрнига қонуний ҳукмларни ноқонуний равишда бекор қилиш ёки ўзгартериш билан шуғулланиб келган.

Сўнгги икки йил давомида фақатгина Тошкент шаҳар судлари томонидан 130 та жиноят иши бўйича енгил жазолар тайинлаш тўғрисида асоссиз ҳукмлар чиқарилган. Бу ҳукмлар юзасидан Бош прокуратура томонидан киритилган протестлар асосида бугунги кунга қадар 93 та ноқонуний суд ҳукми бекор қилинган.

Албаттa, биз Тошкент шаҳрида суд органлари фаолиятида вужудга келган оғир аҳволни ижобий томонга ўзгартириш учун зарур чораларни кўрдик – шаҳар суди раиси Абдужаббаровни муддатидан олдин лавозимидан озод этишга мажбур бўлдик. Ҳозир у ўз қилмишлари учун тергов органлари олдида жавоб бермоқда.

Ўйлайманки, бу залда ўтирган ҳар бир судья ана шундай мисоллардан ўзи учун тегишли хулоса чиқариб олади.

Билиб қўйинглар, инсон тақдирини ҳал этишда судъянинг **онгига – фақат адолат, тилида – фақат ҳақиқат, дилида эса поклик устувор** бўлиши шарт.

Бешинчидан, фуқароларнинг суд идораларида сарсон-саргардон бўлишига чек қўйиш, ишларни ўз вақтида кўрмасдан, одамларни овора қилган суд ходимларига судъялар ҳамжамияти томонидан муносиб баҳо бериш вақти келди, деб ўйлайман.

Бир мисол. Фуқаролик ишлари бўйича Гулистон туманлараро судининг судьяси Мингбоев томонидан фуқароларнинг 54 та мурожаати умуман кўриб чиқилмаган, 75 та иш бўйича суд қарорлари ёзилмаган, фуқаролик ишлари асоссиз бир неча марта бошқа кунларга қолдирилган ва фуқаролар ойлаб сарсон-саргардон қилинган.

Бундай нохуш ҳолатларга барҳам бериш, қонунийлик ва ҳукуқ-тартиботни мустаҳкамлаш, ҳукуқбузарликларнинг олдини олиш мақсадида Олий суд ва Судьялар олий кенгаши томонидан тасдиқланадиган, ҳар бир чоракка мўлжалланган график асосида халқ билан мулоқот ўрнатишга қаратилган аниқ тадбирлар амалга оширилиши шарт.

Бу борада ҳар бир судья томонидан мавжуд муаммоларни ҳал этиш учун аҳоли билан жойларда бир ойда камида бир марта очик мулоқотлар ташкил этилишига алоҳида эътибор қаратиш лозим. Очик мулоқотлар масаласини, керак бўлса, «Судлар тўғрисида»ги қонунга тегишли ўзгартишлар киритган ҳолда, қонуний асосда мустаҳкамлаб қўйиш зарур, деб ўйлайман.

Бундан кейин судьялар фаолиятига, биринчи навбатда, аҳолидан тушаётган шикоятлар сони, уларнинг ҳалқ билан мулоқот қилиб, одамларни қийнаётган муаммоларни қандай ҳал қилаётганига қараб баҳо берилади. Қисқача айтганда, бундан буён судьяларга ҳалқнинг ўзи баҳо беради.

Яна бир жiddий муаммо судьялар томонидан қонун бўйича берилган имтиёзларнинг қўлланиши билан боғлиқ.

Маълумки, қонунда судга мурожаат қилишда давлат божи ундирилиши белгиланган. Суд айрим ҳолларда ана шу божни тўлашдан озод қилиш, суд харажатларини тўлашни кечикириш ёки бўлиб тўлашга рухсат бериш, уларнинг миқдорини камайтиришга хақли.

Афсуски, айрим судьялар фуқароларга қонун нормаларини тушунтирумасдан, уларни иложи борича кўлламасликка ҳаракат қилмоқда. Баъзи таъмагир судьялар томонидан бу нормаларни пора эвазига кўллаш ҳолатлари ҳам учрамоқда.

Масалан, фуқаролик ишлари бўйича Пастдарғом тумани судига мурожаат қилган Садиновага суд радиси Маҳмадиёров давлат божини тўламагансиз, деб даъво аризасини қабул қилмаган. Бир соатдан кейин 100 АҚШ доллари эвазига аризани қабул қилиб олган. Икки соатдан кейин ишни ижобий ҳал қилиш учун яна 400 АҚШ долларини олиш вактида ушланган.

**Хурматли йиғилиш иштирокчилари!**

Ҳозиргина келтирилган мисоллар Олий суднинг собиқ раҳбарияти тизимдаги ҳақиқий ахволни ичидан билмагани ёки билиб-бilmасликка олиб келгани, фақат кабинетда савлат тўкиб ўтиришга, фуқаролар билан юзаки мулоқот қилишга ўрганиб қолганини кўрсатади.

Шу муносабат билан мен сизларга бир савол билан мурожаат қилмоқчиман: суд тизимиning раҳбарлари охирги марта қачон узоқ туманларга бориб, суд эшигига кўз тикиб ўтирган фуқаролар билан сухбатлашган? Ҳеч қачон! Ахир, ўзингиз айтинг, одамлар билан очик гаплашмасдан, уларнинг муаммоларини билмасдан туриб, қандай тўғри қарор қабул қилиш мумкин?

Биз судга келиб тушган ҳар бир иш, мурожаат белгиланган муддатларда кўриб чиқилишини таъминлаш, бу борада қонунни бузиш ҳолатларига нисбатан қатъий

чоралар кўриш, фуқароларга етказилган зарарни айбдорлардан ундириш бўйича албатта зарур тадбирларни амалга оширамиз.

Суднинг тарбиявий-профилактик ролини ошириш учун маҳаллаларда, иш ва хизмат жойларида, таълим муассасаларида сайёр суд мажлислари ўtkазиб, жиноятчилик ва хукуқбузарлик ҳолатларини кенг мухокама қилиш тажрибасини йўлга кўйсак, ўйлайманки, бунинг таъсири албатта катта бўлади. Халқимиз таъбири билан айтганда, минг бор эшигданан бир бор кўрган афзал. Одамлар конунни бузган кимсалар эл-юрт олдида қандай ахволга тушганини ўз кўзи билан кўрса, шундан тўғри хулоса чикаради.

Олий суд хукуқбузарлик ва низоларнинг турларини таҳлил қилган ҳолда, бундай ишларнинг камидаги 30 фоизини сайёр суд мажлисларида кўриб чиқиш бўйича тавсиявий хужжат ишлаб чиқиши лозим.

**Олтинчидан**, суд органлари фаолиятидаги мавжуд ахвол айрим судьяларнинг билим даражаси пастлиги, уларнинг малакасини ошириш бўйича самарали тизим жорий этилмаганини кўрсатмоқда.

Судьялар томонидан қонунда аник-равshan ёзиб кўйилган нормаларни тўғри кўллай олмаслик, моддий ва процессуал хукуқ нормаларини очиқдан-очик бузиш ҳолатлари содир этилаётгани ҳам аввало шу билан боғлиқ.

Маълумки, конунда вояга етмаган шахсга ўта оғир жиноят содир этгани учун 10 йилгача озодликдан маҳрум этиш жазоси назарда тутилган. Лекин Ан-

дижон шаҳар судьяси Абдусатторов вояга етмаган Исмоиловни айни шу турдаги жинояти учун 15 йилга озодликдан маҳрум этган. Прокуратура киритган протест асосида кейинчалик жазо 7 йилга туширилган.

Яна бир мисол. Жиноят қонунчилигига жарима жазосининг энг кўп микдори энг кам ойлик иш ҳақининг 600 баробарига қадар этиб белгиланган. Аммо Яккасарой тумани суди судьяси Атавалиев фуқаро Крихтинга энг кам ойлик иш ҳақининг 700 баробари микдорида жарима жазоси тайинлаган.

Савол туғилади: бу судьялар фуқароларга ҳукм чиқаришдан олдин Жиноят кодексини очиб кўрганми? Мен ўйлайман – кўрмаган.

Хабарингиз бор, мустақилликнинг ilk йилларидан бошлаб биз билиб-билмай жиноят содир этган шахсларни инсонпарварлик тамойилига асосан амнистия орқали жазодан озод килиш, уларни оиласи бағрига қайтариш амалиётини жорий этдик. Ҳар йили Президент тақдимномасига асосан Сенат томонидан қабул қилинган Амнистия тўғрисидаги қарорга биноан минг-минглаб юртдошларимиз озодликка чиқарилмоқда.

Афсуски, бу жараёнда ҳам адолат бузилмоқда. Амнистияга тушиши лозим бўлган шахслар жазодан озод этилмасдан, аксинча, бунга нолойик бўлган шахсларга нисбатан амнистия акти қўлланаётганини қандай тушуниш мумкин?

Олий суд бу жараённи нима учун назорат килмасдан келган?

Масалан, фуқаро Аҳмедов эҳтиётсизлик оқибатида автомобилда ҳалокат содир этгани учун амнистия актига кўра жазодан озод қилиниши керак бўлган. Лекин у Шайхонтохур тумани судининг раиси Алимухамедов томонидан жавобгарликка тортилган.

Амнистия актининг асл мақсад ва ғоясини ана шундай ўзбошимчалик билан талқин қилиб, унинг обрўсини туширишга ҳеч кимнинг ҳакки йўқ.

Шу ўринда суд фаолиятига оид яна бир маълумотга эътиборингизни қаратмоқчиман.

2016 йилда 3 минг 700 га яқин шахсга нисбатан чиқарилган суд қарорлари бекор қилинган ёки ўзгартирилиб, 1 минг 362 нафар фуқаронинг жазоси камайтирилган.

Жиноят ишлари бўйича Тошкент, Андижон, Қашқадарё, Сурхондарё вилоят судларида фаолият кўрсатётган судьяларнинг кўплаб қарорлари бекор қилинган ёки ўзгартирилган. Айниқса, Тошкент шаҳридаги судьяларнинг 821 та қарори бекор қилингани ёки ўзгартирилгани ва бу кўрсаткич шаҳарда қарийб 20 фоиз кўпайгани ташвишилдири.

Шунингдек, фуқаролик ишлари бўйича судларнинг 4200 га яқин қарори бекор қилинган ёки ўзгартирилган. Бундай асоссиз қарорларнинг аксарияти Тошкент, Фарғона, Сурхондарё, Қашқадарё, Андижон ва Самарқанд вилоятларига тўғри келади.

Энг ачинарлиси, бу рақамлар йилдан йилга ортиб бормоқда. Жиноят ишлари бўйича судларда бу кўрсаткич 15 фоиз, фуқаролик ишлари бўйича судларда эса 11 фоиз кўпайган.

**Юқорида қайд этилган судларнинг раислари оддий бир саволга жавоб бериши шарт: қачонгача фуқароларни адолат излаб Президент девонига боришига мажбур қиласизлар?**

Билиб кўйинглар, энди Президент номига ёзилган ҳар бир мурожаат белгиланган тартибда синчиклаб, қонуний асосда ўрганиб чиқилади ва қонун бузилиши ҳолатларига йўл қўйган суд органлари ходимларига нисбатан жиноий жавобгарликка тортишга қадар бўлган кескин чоралар қўллаш масаласи қўйилади.

Шунинг учун ҳар қайси судья ҳукм чиқаришдан олдин етти марта эмас, керак бўлса, етмиш марта йўлаб, шундан кейин қарор қабул қилиши шарт. Олий суднинг янги раҳбарияти бу масалалар бўйича қатъий назорат ўрнатиши керак.

**Еттинчидан, минг афсуски, Олий суд судлов соҳасида суд ҳокимиятининг олий органи эканини, судлов фаолияти устидан назорат олиб бориш ҳуқуқига эга эканини унутиб қўйган.**

Олий суднинг собиқ раҳбарияти факат расмиятчилик учун айрим тадбирларни амалга ошириш билан чекланиб келган. Мавжуд вазиятни яхшилаш бўйича тизимли чора-тадбирлар кўрилмаган.

**Энг ачинарлиси, ишларни кўриб чиқиши, жиноий қилмишларга малакали баҳо бериш, жазо тайинлаш, мухтасар айтганда, ягона суд амалиётини шакллантириш бўйича тадбирлар амалга оширилмаяпти.** Оқибатда мамлакатимизнинг турли худудларида турлича суд амалиёти қўлланмоқда. Яъни, давлат битта, қонун битта, лекин суд амалиёти

марказда – бошқача, жойларда – бошқача. Буни қандай тушуниш мумкин?

Аклга тўғри келмайдиган бундай ҳолатлар ҳақида гапиргандада, қуйидаги мисолларга эътиборингизни қаратмоқчиман.

Мингбулоқ тумани суди судьяси Ғаппоров ўз бобоси – фуқаро Низомовнинг уйида ўғрилик қилган Отабоевни 5 йилга озодлиқдан маҳрум этган. Низомовнинг набираси Отабоевни кечириш ҳақидаги илтимосномаси ва зарар қоплангани ҳақидаги далиллар судья томонидан эътиборга олинмаган. Апелляция инстанция суди ҳам бу адолатсиз ҳукмни ўз кучида қолдирган. Фақатгина вилоят прокурорининг протести асосида ҳукм ўзгартирилиб, Отабоевга озодлиқдан маҳрум этиш билан боғлиқ бўлмаган жазо тайинланган.

Яна бир мисол. Ўғрилик жинояти учун илгари ҳам қамалиб чиққан, ахлоқ тузатиш иши бўйича жазони ўтаётган мажхум Юсупов такроран яна 3 марта ўғрилик содир этган. Шунга қарамасдан, Жомбой тумани суди судьяси Давлатова томонидан тузалиш йўлига ўтмаган Юсуповга асоссиз равишда сенгил жазо – ахлоқ тузатиш ишлари жазоси тайинланган.

Жазонинг енгиллиги тўғрисида туман прокурори, вилоят прокурори, Бош прокурор ўринбосари томонидан киритилган протестларни юқори суд инстанциялари асоссиз равишда рад этиб, суд ҳукмини ўз кучида қолдирган. Бунинг оқибатида жиноятчи ўзининг жамият учун зарарли қилмишини bemalol давом эттириб, яна ўғриликка қўл урган.

Давлат ва жамият фойдасига эмас, аксинча, уларнинг заарига ишлайдиган бўлса, бундай судьялар кимга керак?

Нима учун бу йўналишда Олий суд Пленуми имкониятларидан фойдаланилмаяпти? Пленум аксариат ҳолларда қонунларга сифатсиз шарҳ бериш билан чекланиб қолмоқда. Энг ёмони, Пленум парламентимиз томонидан қабул қилинган ва Президент имзолаган қонунларга мутлақо зид бўлган нормаларни куйи бўғиндаги суд органлари учун бажаришни мажбурий қилиб кўймоқда.

Масалан, Олий суд Пленуми қарори билан судлар иқтисодий жиноятлар бўйича «**моддий заарар умуман қопланмаган ёки қисман қопланган ҳолларда ҳам озодликдан маҳрум қилиш билан боғлиқ бўлмаган жазо тайинлашга хақли**» экани белгилаб кўйилган.

Нима, Олий суднинг собиқ раҳбари Ш.Газиевнинг ўзи бу нормалар ноконуний эканини билмаганми? Билган бўлса, нега бунга йўл қўйган?

Олий суд Пленумининг ана шундай ноконуний қарори Бош прокурор талаби асосида бекор қилинган.

Олий суднинг собиқ раҳбарлари тобора кескинлашиб бораётган мавжуд муаммоларни ҳал қилишдан кочиб, ҳаётни оддий томошабин сифатида кузатишни, барча масъулиятни жойлардаги судлар зиммасига юклаб кўйишни афзал кўришган.

Куйи бўғиндаги судьялар қандай қонунбузарлик содир этмасин, Олий суд, бу масала бизга тааллуқли эмас, ўzlари жавоб берсин, ахир, улар мустақил,

деб ҳар хил асоссиз важларни рўкач қилиб келгани бугун ҳеч кимга сир эмас.

Яна бир жиддий камчилик шундан иборатки, 2016 йилда ва 2017 йилнинг ўтган даврида Олий суд томонидан биринчи инстанция сифатида атиги 1 та жиноят иши кўрилган. Ҳолбуки, ушбу суд кўриши зарур бўлган ўта оғир ва мураккаб ишлар кўп бўлган. Бироқ бу соҳада ҳам Олий суд барча масъулиятни жойлардаги судларга, биринчи навбатда Тошкент шаҳар судига юклаб кўйган.

**Агар юқори инстанция суди масъулиятни ўз зиммасига олиб, ҳар қайси иш бўйича қатъий қарор чиқара олмаса, одамлар адолат излаб судма-суд, эшикма-эшик юрадиган бўлса, қани, айтинглар, бундай суднинг кимга кераги бор?**

Ўз иш фаолиятида жиддий хато ва нуқсонларга йўл кўйгани учун Олий суд раиси ва унинг ўринbosарлари эгаллаб турган лавозимларидан озод қилинди.

Олий Мажлис Сенати қарори билан Козим Комилов Олий суд раиси этиб сайланди. Ҳолмўмин Ёдгоров, Баҳодир Дехқонов ва Бахтиёр Исаков унинг ўринbosарлари этиб тайинланди. Ўйлайманки, Олий суднинг янги раҳбарлари бутунги танқидий гаплардан хуоса чиқариб, бу борадаги фаолиятни бутунлай янгича ташкил этадилар.

Сизлар энди бевосита ҳудудларга чиқиб, ҳар қайси вилоят ва туман суднинг иши билан яқиндан танишиб, уларга зарур амалий ёрдам беришингиз керак.

Олий суд раҳбарияти аввало суд тизимининг барча бўғинида адолатни қарор топтириш, фукароларнинг ортиқча овора бўлишларига чек қўйиш ва мураккаб ишлар сифатли кўриб чиқилишини таъминлаш мақсадида алоҳида бир қарор қабул қилиши зарур. Шунингдек, ягона суд амалиётини шакллантириш, мавжуд нуқсонларни бартараф этиш, судьяларнинг бу борадаги масъулиятини ошириш учун суд амалиётини умумлаштириш борасидаги ишлар натижаларини кенг жамоатчилик эътиборига етказиб бориш тизимини жорий этиш лозим.

Амир Темур бобомиз айтганларидек, «**Адолат билан жаҳон гулшани обод бўлади**». Адолат бўлмаса, дунё зимиston бўлади, ҳаётда ҳеч қандай маъномазмун бўлмайди.

Биз халқимиз учун озод ва обод, фаровон ҳаёт барпо этмоқчи эканмиз, менинг давлат раҳбари сифатида сизлардан талабим шу: фақат адолат ва яна бир бор адолат ҳаётимизда хукмрон бўлиши керак. Бунинг учун ҳаммангиз қонун олдида жавобгарсиз. Сизларга бир савол бермоқчиман: сиз билан оддий халқ ўртасида қандай фарқ бор? Хукм ёзганингизда ўзингизни аввало оддий одамнинг ўрнига қўйиб кўринг, шундан кейин қарор қабул қилинг.

**Саккизиничидан**, суд тизимидағи муаммоларнинг таҳлили судьяликка номзодларни тўғри танлаш, судьяларни тайёрлаш, қайта тайёрлаш тизимида жиддий камчиликлар мавжудлигини кўрсатмоқда.

Маълумки, суд ҳокимиятининг чинакам мустақиллигини таъминлаш, кадрларни танлаш ва жой-

жойига кўйиш тамойилларини янада демократлаштириш сиёсатини амалга ошириш мақсадида Судьяларни танлаш ва лавозимларга тавсия этиш бўйича олий малака комиссияси ташкил этилган эди. Лекин, афсуски, ушбу комиссия ўзига билдирилган ишончни тўлиқ оқламади. Шу боисдан биз Конституцияга ўзгартиш киритиб, суд-хуқук тизимида мутлақо янги институт – Ўзбекистон Республикаси Судьялар олий кенгашини ташкил этдик ва унинг конституциявий мақомини аниқ белгилаб кўйдик. Бугунги кунда ушбу Кенгаш тўлақонли иш олиб бормоқда.

Шу юксак минбардан туриб айтмоқчиман: Кенгаш фаолиятига ноқонуний аралашган ҳар қандай шахс, у ким бўлиши ва қайси вазифада ишлашидан қатъи назар, сўзсиз лавозимидан озод этилади, керак бўлса, жиноий жавобгарликка тортилади.

**Тўққизинчидан**, судьялик лавозимларига биринчи марта тайинланадиган номзодлар захирасини шакллантиришдаги мавжуд муаммолар ҳам салбий оқибатларга олиб келмоқда.

Аксарият ҳолларда номзодлар захираси номига шакллантириб келинган. Бу борада қонун ҳужжатларида белгиланган талаблар тўлиқ ҳисобга олинмаган. Масалан, номзодларнинг пухта тайёргарликка, катта хаётий тажрибага, ибратли обрў-эътиборга эга бўлиши лозимлиги унутиб кўйилган ёки бу талабларга кўз юмиб келинган.

2016 йилда 298 нафар шахс захира рўйхатидан чиқарилган. Уларнинг атиги 45 нафари ёки 15,1 фоизи судьялик лавозимига тайинлангани, 87 нафари ёки

29,2 фоизи мазкур лавозимга нолойик деб топилгани, 150 нафари ёки 50,3 фоизи 2 йилдан ортиқ муддатда судьялик лавозимига кўрилмагани туфайли захирадан чиқарилган. Бу рақамларнинг ўзи ҳам номзодлар захираси бўйича тизим самарали ишламаганини кўрсатиб турибди. Агар 2 йилдан ортиқ муддатда судьялик лавозимига кўрилмайдиган бўлса, нима учун бундай шахслар захирага киритилган, деган савол туғилади.

Айтиш керакки, номзод захирага олинниб, уч ой давомида Юристлар малакасини ошириш марказида давлат маблағлари ҳисобидан ўқитилади. Бу даврда унинг иш жойи ва ўртача ойлик иш ҳаки ҳам сақланади. Энди ўйлаб кўринг, 237 нафар захирадан чиқарилган номзод учун канча бюджет маблағи самарасиз ишлатилган. Бунинг учун ким жавоб беради?

Келгусида ана шундай камчиликларга йўл қўй-маслик учун судьяликка номзодларни тайёрлаш ва судьялар малакасини оширишга ихтисослашган алоҳида ўқув муассасаси – **Одил судлов академиясини** ташкил этишни таклиф этаман.

Бу борада захирага олинган номзодларни эмас, балки судьялик лавозимига илк бор тайинланган кадрларни касбга йўналтириш мақсадида маҳсус ўқитишга алоҳида эътибор қаратиш зарур, деб ҳисоблайман.

Биз бу соҳада рақамлар кетидан қувишдан мутлақо воз кечишимиз керак. Майли, захирада ҳозиргидек 700-800 нафар номзод эмас, 300-400 нафар номзод бўлсин, лекин ҳаммаси муносиб номзодлар бўлсин.

Бир сўз билан айтганда, судьяларни танлаш, тайёрлаш ва лавозимга тавсия этиш мутлақо бошқача тизим бўйича амалга оширилиши, бу фаолиятга бирон-бир мансабдор шахснинг аралашувига, таниш-билишчиликка, уруғ-аймоқчиликка йўл кўйилмаслиги шарт. Судьяликка номзодлар фақат Судьялар олий кенгаши хulosаси асосида лавозимларга тавсия этилиши даркор.

Шунинг учун ҳам судьялик лавозимларига номзодлар захирасини шакллантириш, судьяларни касбга тайёрлаш, малакасини ошириш тизимини янада такомиллаштириш талаб этилади. Номзодлар захираси юкори билим ва салоҳиятга, етарли тажриба ва кўникмага эга юридик кадрлар, жумладан, ҳукуқни муҳофаза қилиш органларида намунали фаолият юритаётган ходимлар ҳисобидан шакллантирилишига алоҳида эътибор қаратиш жоиз.

**Ўнинчидан**, барча бўғиндаги суд раҳбарлари биринчи марта судьялик лавозимига тайинланган кадрлар билан ишлाश, уларнинг хулк-атворини назорат қилиш, билимини ошириш билан мутлақо шуғулланмаган, десак, хато бўлмайди.

Тўғри, қонунларимизга асосан судьялар мустақил ҳисобланади. Лекин мустақиллик – ҳар ким хоҳлаган ишни қилиши мумкин, дегани эмас. **Мустақиллик – аввало масъулият**, дегани. Судьянинг мустақил бўлиши қонунга сўзсиз бўйсуниш, масъулият ва яна бир бор масъулиятни чукур ҳис этиш эканини унутишга ҳеч кимнинг ҳакки йўк.

Шу ўринда айрим рақамларга эътиборингизни қаратмоқчиман. 2016 йилда судьялик лавозимиға биринчи марта тайинланган номзодларнинг 80 фоизини 35 ёшгача бўлган, юридик соҳадаги иш тажрибаси 10 йилгача бўлган шахслар ташкил этган.

Судьялар корпусининг 488 нафар вакили ёки 58 фоизи беш йилгача бўлган муддатда фаолият кўрсатаётган судьялардир.

Биз ёш судьяларни тўғри тарбиялаб, уларнинг ўз устида доимий ишлиши бўйича тизимли ишларни амалга оширмасак, бу масалада ижобий натижага эришолмаймиз.

Таҳлиллар бу борада ҳам кўплаб муаммолар борлигини кўрсатмоқда.

Мана, бир мисол, 2016 йилда судьяларга нисбатан чиқарилган хусусий ажримларнинг 57,2 фоизи судьялик лавозимиға биринчи марта тайинланган кадрлар ҳиссасига тўғри келган.

Сўнгги олти йил давомида ваколат муддати тугаганидан сўнг янги муддатга нолойиқ деб топилган 314 нафар судьядан 147 нафари ёки 46,8 фоизи беш йил ишлаган судьялардир. Муддатидан олдин лавозимидан озод этилган 136 нафар судьядан 64 нафари ёки 47 фоизи беш йилгача ишлаган судьялардир.

Биз суд тизимида нафақат ёш судьялар, балки бутун суд корпуси билан доимий ишлаб, уларнинг ҳукукий билими ва маънавий савиясини ошириш бўйича мунтазам иш олиб боришимиз лозим. Акс ҳолда, адолат посбони деган масъулиятли вазифани

адо этишга кодир бўлган, билимли ва виждонли судьялар корпусини шакллантиришга эришолмаймиз.

Шу муносабат билан биз шундай бир тажрибани амалда жорий қилишимиз керак, деб ҳисоблайман. Яъни, ҳар қайси судья марказий ва маҳаллий телевидение орқали чиқиб, ўз фаолияти ҳақида ҳисобот бериши лозим. Токи ҳалқимиз, жамоатчилигимиз сизларнинг билим ва савиянгиз, бир сўз билан айтганда, иш фаолиятингиз ҳақида тасаввур ҳосил қилиш имконига эга бўлсин. Ким ҳақиқий ҳалкпарвар судья, ким эса бунинг тескариси экани шунда намоён бўлади.

Ўтган йили навбатдаги судьялик лавозимига тавсия этилган 49 нафар судьядан атиги 12 нафари бу вазифага муносаб деб топилган.

Шундай экан, ҳар қайси судьяни кейинги муддатга тайинлаш масаласини кўришда уларнинг охирги иш жойидаги фаолиятини синчиклаб ўрганишга алоҳида эътибор қаратиш зарур. Айниқса, ҳар бир судья фаолият олиб борган ҳудудда яшаётган аҳолининг, хусусан, судга иши тушган одамлар, кенг жамоатчиликнинг фикри албатта ҳисобга олиниши зарур. Бунинг учун судья ўз фаолияти юзасидан маҳаллий кенгашларда ахборот бериши лозим. Бу муҳокамаларда Судьялар олий кенгаши аъзолари ҳам фаол иштирок этишлари даркор. Ҳалқ депутатлари маҳаллий кенгашлари томонидан берилган тавсифнома Судьялар олий кенгаши учун судья фаолиятига баҳо беришда асосий

хужжат бўлиб хизмат қилиши керак. Мазкур тартиб-таомилларни амалдаги қонунчиликда акс эттириб, керак бўлса, бу борада алоҳида низом ишлаб чикиб, уларни ҳаётга албатта жорий этишимиз зарур.

Яна бир муҳим масала бизда жиддий ташвиш ўйғотмоқда. Сўнгти пайтларда суд тизимида кадрлар билан ишлаш масаласи ўз ҳолига ташлаб қўйилгани учун вазият шу даражага етдики, айрим масъул лавозимларга тайинлаш учун тайёр номзодларнинг ўзи йўқ. Шу боис бундай лавозимларга судьяларни аксарият ҳолларда «шартли равишда» деб тайинлашга мажбур бўлмоқдамиз.

Мисол учун, жиноят ишлари бўйича 3 та вилоят суди раисининг ўринбосари, 27 та вилоят судининг судьяси, 16 та туман (шаҳар) судининг раиси лавозимларига, фуқаролик ишлари бўйича 3 та вилоят судининг раиси лавозимларига мукобиллик тамойили бузилиб, фақат битта номзод кўрсатилган, холос.

Шунингдек, 4 та вилоят суди раисининг ўринбосари, вилоят судларининг 30 нафар судьяси лавозимларига, хўжалик судлари бўйича 2 та вилоят судининг ва 4 та вилоят суди раисининг ўринбосари лавозимларига ҳам номзодлар шундай ёндашув асосида тайинланганини албатта қониқарли, деб бўлмайди.

Бугунги кунда халқимиз кутаётган адолатли қарорлар қабул қилишга ҳар томонлама қодир, иродаси мустаҳкам, юксак касбий ва маънавий фазилатларга эга бўлган суд ходимлари таркибини шакллантириш энг муҳим вазифамиз бўлиб қолмоқда.

Энг жиддий муаммолардан яна бири – суд қарорлари ижросини ташкил этишдан иборат. Бу залда ўтирганлар жамиятда хукук-тартиботни таъминлашда жазонинг оғир ёки енгиллиги эмас, балки жазонинг муқаррарлиги асосий роль ўйнашини яхши билади.

Шундай экан, агар судья ўз қарори ижросини ўз ҳолига ташлаб кўйса, қарорни ижро органларига кеч ёки атайнин кеч юборса, у ҳолда жазо муқаррарлигини қандай таъминлаш мумкин?

Кейинги пайтда судлар томонидан 1 триллион 800 миллиард сўм маблагни ундириш ҳақидаги 56 минг 402 та ижро хужжати мажбурий ижрога йўналтирилмагани аниқланган. Биргина 2015 йилда ижро муддатлари асоссиз кечиктирилгани сабабли жаримани тўлашдан бўйин товлаган 2 минг 223 нафар шахс амнистия актига асосан жазодан озод этилган, бунинг натижасида бюджетта 18 миллиард 900 миллион сўм маблаг ундирилмасдан колган.

Яна бир мисол. Жиноят ишлари бўйича Тошкент шаҳар судининг 2013 йил 26 апрелдаги хукми билан жиноят натижасида етказилган 749 миллион сўм зарарни фуқаро Шоҳасановдан давлат фойдасига ундириш масаласи 2 йилдан сўнг ижро учун қабул қилинган.

Бундай масъулиятсизлик ҳолатларининг ҳар бирига нисбатан энди қаттиқ чора кўрилади. Бош прокуратура ҳузурида ташкил этилган Мажбурий ижро бюросидан бу борада қатъий ва тизимли асосда иш олиб бориш талаб этилади.

Ҳар бир суд қарорининг қонуний кучи унинг амалда қандай амалга оширилиши билан бевосита боғлиқ. Шунинг учун ҳам фуқароларимиз, жамият ва давлат манфаатларини кафолатли ҳимоя қилиш максадида суд қарорларининг сўзсиз ва тўлиқ ижросини таъминлаш, ижро хужожатлари ҳаракати ва натижаларини назорат қилиш бўйича самарали механизм яратишимиш керак. Шу муносабат билан Олий суд ва Бош прокуратурадан суд хужожатлари ижросини вақтида ва тўлиқ таъминлаш бўйича судлар ва Мажбурий ижро бюроси ўртасида электрон маълумот алмашиш тизимини бир ой муддатда ишлаб чиқиш талаб қилинади.

Яна бир жиддий муаммога алоҳида тўхталиш зарур. Суд фаолиятини амалга ошириш, қонун устуворлигини таъминлаш, ҳуқуқни қўллаш, суд ишини ўрганиш, муаммоларни ўз вақтида аниқлаш ва уларни бартараф этиш бўйича тизимли тадбирлар жорий этилмасдан келинмоқда. Олий суд ҳузурида ташкил этилган Тадқиқот маркази бу соҳада факат номига иш юритган, Олий суднинг собиқ раҳбарияти эса марказ фаолиятига эътиборсиз қараб келган.

Марказнинг иши тўғри ташкил этилмагани ўз навбатида Олий суднинг қонунчилик ташаббусига эга ҳуқуқ субъекти сифатидаги фаолиятига салбий таъсир кўрсатган. 2010 – 2015 йиллар давомида Олий Мажлис томонидан қабул қилинган 140 та қонуннинг атиги 7 таси Олий суд ташаббуси билан

киритилганини қониқарли деб бўлмайди. Колаверса, ана шу қонунларнинг бор-йўғи биттаси янги қонун бўлиб, олтитаси амалдаги қонунларга ўзгартиш ва қўшимчалар киритиш билан боғлиқ хужжатлардир.

Шу ўринда суд тизимиға катта илмий салоҳиятга эга бўлган кадрларни кенг жалб этиш энг муҳим ва долзарб вазифа эканини алоҳида таъкидламоқчи-ман.

Сизларга яхши маълум, биз мамлакатимизда юқори малакали юридик кадрлар тайёрлаш тизимини такомиллаштириш мақсадида Тошкент давлат юридик университетини ташкил этган эдик. Лекин бугунги кунда нафақат суд тизимида, балки ҳукуқни муҳофаза қилувчи бошқа идоралар ва давлат бошқаруви органларида ҳам малакали юридик кадрлар етишмаяпти. Ҳолбуки, мазкур университетни ҳар йили юзлаб талабалар битириб чиқмоқда. Бу кадрлар қаерда ва қандай ишлар билан банд? Бу борада кимдир таҳлилий иш олиб боряптими?

Шуларнинг барчасини ҳисобга олиб, яқинда Тошкент давлат юридик университетида кадрлар тайёрлаш тизимини такомиллаштириш ва самарадорлигини ошириш бўйича қарор қабул қилинди. Лекин бу қарор ҳали қоғозда, уни ҳаётга жорий этиш, аниқ натижага эришиш учун ҳаммамиз биргаликда кўп иш қилишимиз лозим.

Бу борада тегишли давлат идоралари билан бирга, катта ҳаётий тажрибага эга, соҳа ривожига кўп меҳнати сингтан судьялар ташаббусни ўз қўлларига

олиб, устоз-шогирдлик анъаналарини давом эттиришлари, ёш кадрларга ўз билим ва тажрибаларини ўргатишлари айни муддао бўлур эди.

**Азиз дўстлар!**

Ўйлайманки, барчамиз бугун бу залда айтилган масалаларнинг нечоғлик долзарб ва муҳим эканини яхши тушунамиз. Шу борада мавжуд вазиятни ижобий томонга ўзгартириш учун юкорида билдирилган таклифлар билан бирга, қуидаги ишларни амалга ошириш керак, деб ҳисоблайман.

**Биринчи навбатда**, суд тизимида фаолият кўрсатаётган барча раҳбар ва масъул ходимларда ўз ишига бўлган муносабатни тубдан ўзгартириш, шахсий масъулиятни кескин ошириш, халқимизнинг суд тизимига бўлган ишончини қатъий мустаҳкамлаш, судни том маънода адолат қўрғонига айлантиришимиз зарур.

**Иккинчидан**, жиноят ишларини қўшимча терговга қайтариш институтини бекор қилиш тўғрисидаги қарорни изчил бажариш, тергов органлари ишларни ҳар томонлама холис ва пухта тергов қилиши, судлар эса масъулиятни ўз зиммасига олиб, узил-кесил айблов ёки оқлов ҳукмини чиқариши шарт.

**Учинчидан**, судьялар кундалик фаолиятида халқ билан бевосита мулоқот шаклларини кенгайтириш орқали **одил судловга эришиш даражасини оширишнинг** барча чораларини кўришлари лозим.

Олий суд ва Судьялар олий кенгаши судьяларнинг мунтазам равишда халқ билан мулоқот ўрнатишига қаратилган аниқ тадбирларни амалга оширишлари керак.

**Тўртинчидан**, Олий суд жамият ҳаётида адолатни карор топтириш, фуқароларнинг ортиқча овора бўлишларига чек кўйиш мақсадида ўта мураккаб ишларни бевосита юқори судларда кўриб чиқиши назарда тутадиган тегишли карор қабул қилинишини таъминлаши даркор. Шунингдек, Олий суд Пленуми карорларини хатловдан ўтказиб, қонунларимизга зид бўлган нормаларни бекор қилиш чораларини кўрсинг.

**Бешинчидан**, Олий суд ва Судьялар олий кенгаши суд амалиётининг доимий таҳлили асосида тизимили қонун бузилишларини аниқлаш ҳамда уларни конунчиликни такомиллаштириш ва ягона суд амалиётини шакллантириш орқали бартараф этишга қаратилган комплекс чора-тадбирларни амалга оширасин.

Бундан ташқари, ягона суд амалиётини шакллантириш мақсадида фаолиятни умумлаштириш натижаларини кенг жамоатчилик эътиборига етказиш тизими ни жорий этсин.

**Олтинчидан**, Олий суд судлар фаолиятига замонавий ахборот-коммуникация технологияларини, жумладан, электрон суд стенографияси, видеоконференцалоқа ва бошқа илғор воситаларни кенг жорий этиш дастурини ишлаб чиқсан.

**Еттинчидан**, Олий суд ва Судьялар ассоциацияси Ўзбекистон Миллий телерадиокомпанияси, Ўзбекистон Миллий ахборот агентлиги билан ҳамкорликда «Судьялар клуби» ва «Суд ҳимоясида» рубрикасида

марказий телеканаллар ва оммавий ахборот воситала-рида кўрсатув ва мақолалар ташкил этиш чораларини кўрсин.

**Саккизинчидан**, суд корпуси ходимларининг ижтимоий ҳимоясини кучайтириш, жумладан, хизмат уйларига бўлган эҳтиёжни ўрганиб, ушбу масала юзасидан Молия вазирлиги билан биргаликда тегишли дастур ишлаб чиқиш зарур.

Хурматли мажлис иштирокчилари!

Бугунги имкониятдан фойдаланиб, пойтахти-мизда **Адолат саройи** деб аталадиган янги мажмуа барпо этиш ҳақидаги таклифни сизлар билан ўртоқлашмоқчиман.

Давлат ҳокимиютигининг узвий тармоғи бўлган суд тизимиға кирадиган барча суд муассасаларини ана шу муҳташам бинога жойлаштиrsак, нима дейсизлар? Ушбу даргоҳ бу ерга адолат истаб кела-диган ҳар бир фуқаро ўз саволларига қонуний жавоб топадиган масканга айланади, деб ишонаман.

Бугунги кунда суд-хукуқ соҳасида амалга оширилаётган ислоҳотлар ушбу тизим фаолиятини сифат жиҳатидан янги босқичга кўтаришга, эл-юртимизнинг одил судловга бўлган ишончини янада мустаҳкамлашга қаратилгани билан айниқса муҳим аҳамиятга эгадир.

Бу ҳақиқатни чукур англаған ҳолда, суд ҳокимиютигининг ҳар бир вакили, у судъя ёки оддий суд ходими бўладими, барча-барчаси бугун бу залда айтилган фикрлардан тўғри хулоса чиқариб, одил

судловни амалга оширишдек масъулиятли ва шарафли вазифани бажаришда бор билим ва салоҳиятини сафарбар этади, деб ишонаман.

Шу йўлда барчангизга сиҳат-саломатлик, куч-ғайрат тилайман.

*Суд органлари ходимлари билан учрашувлаги нутқ.*

*2017 йил 13 июнь*

## **ВАТАНИМИЗ ТАҚДИРИ ВА КЕЛАЖАГИ ЙЎЛИДА ЯНАДА ҲАМЖИҲАТ БЎЛИБ, ҚАТЪИЯТ БИЛАН ҲАРАКАТ ҚИЛАЙЛИК**

Ассалому алайкум, муҳтарам юртдошлар!

Аввало, шу улуғ айём кунларида – муборак Рамазон ойида сиз, азизлар билан кўришиб турганимдан хурсанд эканимни билдириб, барчангизга ўзимнинг юксак хурмат ва эҳтиромимни изҳор этишга ижозат бергайсиз.

Қадрли дўстлар!

Бугун сизлар билан – эл-юртимиз ўртасида катта обрў-эътиборга эга бўлган дин арбоблари, илм-фан, маданият намояндлари, жамоатчилик вакиллари билан муҳим бир масалани муҳокама қилиш учун шу муҳташам залга йиғилдик.

Кун тартибига қўйилган масала, яъни, ижтимоий-маънавий соҳани янада ривожлантириш, оиласаримиз, маҳаллаларимизда, бутун жамиятимизда соғлом муҳитни мустаҳкамлаш, ёшлиар тарбияси, тинч-осуда ҳаётимизни, муқаддас динимиз поклигини асраш вазифаси бугунги кунда қандай улкан аҳамият касб этаётгани ҳакида, ўйлайманки, ортиқча гапиришнинг ҳожати йўқ.

Нега деганда, айнан шу масалалар бизнинг бугунги ва эртанги кунимизни, фарзандларимиз, набира-ларимиз тақдири ва келажагини, бир сўз билан

айтганда, ҳаёт-мамотимизни ҳал қилиши ҳеч кимга сир эмас.

Ҳар бир онгли инсонни чукур ўйлантириб, ташвиш ва хавотирга соладиган бу масалалар ҳақида сўз юритишдан аввал ҳозирги вактда шу йўналишда мамлакатимизда амалга оширилаётган кенг кўламли ишларга, дастур ва лойиҳаларга қисқача тўхталиб ўтиш, ўйлайманки, мақсадга мувофиқ бўлади.

Бугунги кунда она юртимиз, Ўзбекистонимиз тараққиётини янги босқичга кўтариш мақсадида 2017 – 2021 йилларда Ўзбекистон Республикасини янада ривожлантириш бўйича Ҳаракатлар стратегияси қабул қилингани ва уни ҳаётга татбиқ этиш бўйича фаол иш олиб борилаётганидан сизлар албатта хабардорсиз.

Таъкидлаш керакки, ушбу стратегия барча соҳа ва тармоқларда ҳаётимизга чукур кириб, амалий ҳаракатларимиз мезонига айланиб бормоқда. Айниқса, 2017 йилнинг юртимизда Халқ билан мулокот ва инсон манфаатлари йили деб эълон қилингани бу борада катта аҳамият касб этади.

Шу йўлдаги амалий қадамлар сифатида Ўзбекистон Республикаси Президентининг Халқ қабулхоналари ҳамда Виртуал қабулхонаси ташкил этилди. Бу тузилмалар ўтган қисқа даврда эл-юртимиз ўргасида фуқароларнинг талаб ва эҳтиёжларини қонуний асосда ҳал қилишда муҳим роль ўйнайдиган институтга айланиб бораётганини алоҳида қайд этиш керак.

Виртуал қабулхона ва Халқ қабулхоналари ўз фаолиятини бошлаганидан бўён ўтган давр мобайнида мамлакатимиз бўйича қарийб 890 мингта яқин фуқаро ариза билан мурожаат қилган. Ушбу мурожаатларнинг 93 фоизи ўрганилиб, тегишли жавоб қайтарилди.

Мурожаатларнинг қолган қисми эса, айни пайтда мутахассислар томонидан кўриб чиқилмоқда. Алоҳида таъкидлаш зарурки, фуқароларимиздан келиб тушаётган мурожаатларнинг қарийб 80 – 90 фоизи асосли ва ўринли бўлиб, улар йиллар давомида эътибор қаратилмасдан, тўпланиб қолган муаммолар эканини таҳлиллар кўрсатмоқда.

Буларнинг барчаси, очигини айтадиган бўлсак, катта-кичик бўғиндаги раҳбарлар, давлат ва хўжалик органлари ходимлари халқ билан мулоқот қилишини деярли унутиб кўйганини, бу масала жамиятимизда накадар долзарб бўлиб турганини кўрсатади.

Шу муносабат билан мен яна бир бор таъкидлаб айтмоқчиман: халқ билан мулоқот ва инсон манфаатларини таъминлаш – бу вақтингчалик кампания эмас, балки давлат сиёсатининг устувор йўналиши бўлиб, доимо эътиборимиз марказида турадиган масаладир.

Шу борада яна бир муҳим институт – Фуқаролар хукуқларини ҳимоя қилиш, жисмоний ва юридик шахсларнинг мурожаатлари билан ишлашни назорат қилиш ва мувофиқлаштириш бўйича Президентнинг давлат маслаҳатчиси хизмати тузилганини қайд этиш лозим.

Ҳозирги кунда ушбу хизмат ҳодимлари томонидан жойларда – Қорақалпоғистон Республикаси, вилоятлар ва Тошкент шаҳрида сайёр қабуллар ташкил этилиб, аҳолининг мурожаатлари маҳаллий давлат бошқаруви идоралари вакиллари иштирокида кўриб чиқилиб, қонуний ҳал қилинаётгани ҳам сизларга маълум.

Бу ҳақда албаттга кўп гапириш мумкин. Лекин ана шу ишларимиз, ислоҳотларимизнинг барча-барчаси улуғ ва ягона бир мақсадга қаратилган. У ҳам бўлса, ҳалқимизнинг тинчлиги, осоиишталигини асрар, аҳоли фаровонлигини ошириш, фарзандларимизни соғлом ва баркамол инсонлар этиб тарбиялашдан иборат.

Бугун сизлар билан шу йўналишда олиб бораётган ишларимизни атрофлича таҳлил қилиб, уларни тандидий баҳолаб, ўз ечимини кутаётган долзарб вазифаларни белгилаб олишимиз зарур.

Сизларга яхши маълум, бизнинг давлатимиз – кўп миллатли ва кўп конфессияли давлат. Бугунги кунда мамлакатимизда 130 дан ортиқ миллат ва элат вакиллари бир оила фарзандлариdek аҳил ва иноқ яшамоқда. Бу борада, ҳеч шубҳасиз, ҳалқимизга азалдан хос бўлган бағрикенглик анъаналари мухим роль ўйнамоқда.

Ана шу ҳақиқатнинг тарихий тасдиғи сифатида бир мисол келтирмоқчиман. Самарқанд шаҳрида Соҳибқирон Амир Темур даврида бунёд этилган, Дониёр пайғамбар номи билан аталадиган мақбара ислом, христиан ва яхудийлик дини вакиллари томонидан бирдек эъзозланади.

Эл-юртимиз неча асрлардан бўён бу кутлуғ қадамжони асраб-авайлаб, обод қилиб, унга хурмат-эҳтиром кўрсатиб келмоқда.

Шу биргина мисолнинг ўзи олижаноблик, эзгулик ва том маънодаги бағрикенглик фазилати халқимиз табиати, менталитети асосини ташкил этишидан далолат беради.

Бизнинг Конституциямиз ва қонунларимизда, миллати, тили ва динидан қатъи назар, барча фуқароларимиз тенг хукуқ ва эркинликларга эга экани кафолатлаб кўйилган. Уларга ўз миллий маданияти, анъана ва урф-одатларини саклаш, ҳар томонлама ривожлантириш учун барча имкониятлар яратилган.

Биз бугун амалга ошираётган Ҳаракатлар стратегиясининг бешинчи устувор йўналишида ҳам миллатлараро тотувлик ва диний бағрикенгликни таъминлаш бўйича энг муҳим вазифалар белгилаб берилган.

Юртимизда этник ўзига хосликни ривожлантириш ва миллатлараро муносабатларни янада уйғунлаштиришда 138 та миллий маданий марказ катта роль ўйнамоқда.

Ана шу марказлар фаолиятини янги босқичга кўтариш, хорижий мамлакатлар билан маданий дўстлик алоқаларини янада ривожлантириш мақсадида биз якинда муҳим бир қарор қабул қилдик. Унга биноан Республика байналмилал маркази негизида Миллатлараро муносабатлар ва хорижий мамлакатлар билан дўстлик алоқалари қўмитаси ташкил этилди.

Эндиғи вазифа – мазкур қўмита олдига кўйилган долзарб масалаларни самарали ҳал қилиш, унинг фаолиятини талаб даражасида ташкил этишдан иборат.

### Азиз дўстлар!

Мамлакатимизда мустақилликнинг ilk йилларидан бошлиб виждон эркинлигини таъминлаш масаласига устувор аҳамият берилди. Жумладан, муқаддас динимиз, миллий қадриятларимизни, буюк азиз-авлиёларимизнинг хотираси, меросини тиклаш, қадамжоларини обод қилиш бўйича жуда кўп иш қилинди ва қилинмоқда.

Қиёслаш учун фақатгина баъзи бир мисолларни келтирмоқчиман.

Агар собиқ мустабид тузум даврида юртимизда 80 га яқин масжид фаолият кўрсатган бўлса, хозирги кунда уларнинг сони 2 минг 42 тани ташкил этмоқда.

Ўша қарамлик йилларида Ўзбекистонда саноқли кишиларгина ҳаж қилиш имкониятига эга бўлган эди, холос. Мустақиллик йилларида эса ҳар йили 5 мингдан зиёд юртдошимиз ҳаж зиёратига бориб келади. Жорий йилда 7200 нафар фукароларимиз муборак ҳаж сафарини амалга ошириш имконига эга бўладилар. Бунинг учун барчамиз Оллоҳга шукronа келтириб, сиз, муҳтарам уламолар, имомхатиблар, жамоатчилик вакиллари билан бирга динимиз тарихи, буюк алломалар ва азиз-авлиёларимиз меросини ўрганиш ва тарғиб этиш бўйича бошлаган ишларимизни давом эттиришмиз керак.

Кейинги вақтда мен жойларда бўлиб, ҳудудларимиз ҳаёти билан янада яқиндан танишар эканман, шундай бир фикрга ишонч ҳосил қиляпманки, биз ҳали юртимизни, унинг ўзига хос тарихи, маданияти, улуғ олиму уламоларини, бебаҳо маънавий меросимизни тўлик ўрганганимиз йўқ. Мисол учун, Қашқадарё заминида буюк аллома, мотуридия таълимотининг иирик вакили Абу Муин Насафий бобомиз яшаб ўтганлар. У киши узок муддат Бухоро ва Самарқандда таҳсил олиб, калом илми, яъни исломий эътиқод поклиги масаласида 15 га яқин китоб ёзганлар. Ана шу китобларида, бундан минг йил олдин дин масаласида адашганларга тўғри йўл кўрсатганлар.

Биз сайловолди учрашувларида ваъда қилган эдик. Ҳаммангиз «ойнаи жаҳон» орқали кўрдингиз, буюк ҳадисшунос аллома Исо Термизий бобомизнинг Сурхондарё вилояти Шеробод туманидаги мангу оромгоҳларини ҳар томонлама обод қилиб, у ерда алоҳида илмий марказ барпо этдик.

Худо хоҳласа, Насафий бобомиз зиёратгоҳида ҳам ана шундай муazzам мажмуа барпо этамиз, бу улуғ зотнинг китобларини таржима қилиб, нашрдан чиқарамиз.

Мана шундай савобли ишларни Бухорода Баҳоуддин Нақшбанд ҳазратларининг қадамжолари бўйича, Тошкентда Ином Термизий номидаги масжид ва Сузук ота мақбараси бўйича бошлаб юборганимиздан сизлар албатта хабардорсиз, деб ўйлайман.

Шу билан бирга, очик тан олиш керак, тарихий-диний меросимизни ўрганиш, тиклаш ишлари ҳамма жойда ҳам талаб даражасида эмас.

Яқинда Бухоро вилоятида сафарда бўлганимизда, машҳур Мир Араб мадрасасини кўриб, тўғриси, анча хижолат бўлдим. Неча замонлардан буён ҳалқимизга, динимизга хизмат қилиб келаётган, нафақат юртимиз, балки мусулмон дунёсида шуҳрат қозонган қанчадан-канча уламоларни камолга етказган бу муқаддас даргоҳ ачинарли ҳолга тушиб қолгани албатта афсуслидири.

Бугунги кунда мазкур диний ўқув масканининг нуфузи ва мақомини ошириш, моддий-техник базасини мустаҳкамлаш, бу ердаги қадимий биноларни тубдан таъмирлаш, ён-атрофдаги ҳудудни ободонлаштириш бўйича зарур чора-тадбирлар амалга оширилмоқда.

Ана шундай эзгу ишларимиз қаторида биз ҳозир яна бир йирик лойиҳани амалга ошириш устида иш олиб боряпмиз.

Маълумки, бизнинг минтақамиз, авваламбор, бугунги Ўзбекистон замини ислом илм-фани ва маданиятининг қадимий бешикларидан бири ҳисобланади.

Ҳалқимизнинг ана шундай бой тарихий, илмий, маънавий меросини ҳар томонлама ўрганиш, жаҳон афкор оммасига кенг таништириш, энг муҳими, ислом динининг асл инсонпарварлик моҳиятини чуқур очиб бериш мақсадида биз азим пойтахтимиз Тошкент шаҳрида **Ўзбекистондаги Ислом маданияти марказини** барпо этишга қарор қилдик. Нега

деганда, «Жаҳолатга қарши – маърифат» шиори остида мана шундай марказни ташкил этишни бутун даврнинг ўзи тақозо этмоқда.

Ушбу марказни машхур Хастимом мажмуаси худудида ташкил этиш, бу ерда юртимиздан этишиб чиққан буюк ислом олимлари, аллома ва мутафаккирлари, жаҳон маданияти ривожига унтутилмас ҳисса кўшган улут шоир ва адиллар, рассом ва хаттотларга оид бой маълумотларни мужассам этиш кўзда тутилмоқда.

Марказ аввало меъморий ва бинокорлик нуқтаи назаридан ниҳоятда улуғвор, муҳташам ва ноёб бўлиши лозим. Ушбу мажмуа ўзида нодир экспонатларга бой музей ва кутубхонани мужассам этади. Шу билан бирга, бу ерда кенг кўламда илмий-тадқиқот ишлари ҳам олиб борилади.

Бу масканга ташриф буюрувчилар бир вақтнинг ўзида ислом оламининг ўнлаб энг ёрқин намояндаларининг ҳаёти ва фаолияти билан танишиш имконига эга бўлади. Масалан, Имом Бухорий, Имом Термизий, Имом Мотуридий, Абу Муин Насафий, Нажмиддин Кубро, Маҳмуд Замахшарий, Баҳоуддин Нақшбанд, Хўжа Аҳрор Валий каби азиз-авлиёларимиз, Муҳаммад Хоразмий, Аҳмад Фарғоний, Абу Райхон Беруний, Ибн Сино, Мирзо Улуғбек, Али Кушчи, Алишер Навоий, Заҳириддин Муҳаммад Бобур сингари аллома ва мутафаккирлар, Камолиддин Беҳзод, Маҳмуд Музахҳиб каби мусавиirlарнинг бебаҳо меросидан намуналар, улар таваллуд топган ва фаолият кўрсатган тарихий

шаҳарлар манзаралари турли ноёб экспонатлар орқали акс эттирилади.

Бизга ватандош бўлган ҳар бир аллома ва мутафаккирнинг ҳаёти ва фаолиятига экспозицияда алоҳида бир бўлим бағишиланади.

Ўзбекистонда уларнинг шарафига барпо этилган меъморий ёдгорликлар макетлари, кўлёзма ва босма асарлар, хаттотлик намуналари, ўша даврдаги амалий санъат буюмлари ва бошқа экспонатлар шу бўлимларда намойиш этилади.

Ўз вактида Соҳибқирон Амир Темур бобомиз юртимизга олиб келган муқаддас Куръони каримнинг Усмон нусхаси мазкур музейнинг марказида нур сочиб, бутун зални чароғон этиб туради.

Азиз дўстлар, фурсатдан фойдаланиб, барчангизни ана шу савобли ишда ўз таклиф ва маслаҳатларингиз билан фаол иштирок этишга чақираман.

Сизларга яхши маълумки, турли давр ва шароитларда тақдир тақозоси билан юртимиз тарихи ва маданиятига, динимизга оид кўплаб ноёб кўлёзмалар ва архив ҳужжатлари четта олиб кетилган. Улар бугунги кунда хорижий давлатларнинг фонд ва музейлари, илмий-маърифий муассасаларида сақланмоқда. Ушбу ноёб тарихий ашёлар ва санъат асарлари нафақат ҳалқимизнинг нодир дурдонаси, балки жаҳон аҳамиятига молик йирик коллекциялар ҳисобланади.

Чет элларда сақланаётган маданий бойликларимизни аниқлаш ва уларни ҳар томонлама ўрганиш, имкон қадар мамлакатимизга олиб келиш мақсадида

кейинги даврда бирмунча ишлар амалга оширилди. Лекин ҳаммамиз тушунамизки, бу ишларни жамоатчилик асосида ҳал килиб бўлмайди. Бу масалани давлат сиёсати даражасига кўтариш зарур. Бу эса тегишли молиявий ва ташкилий ресурсларни, соҳага юқори илмий салоҳиятли кадрлар ва мутахассисларни жалб килишни талаб этади.

Бу муҳим вазифани амалга ошириш учун биз ҳозирги вақтда Вазирлар Маҳкамаси хузурида алоҳида марказ тузиш бўйича қарор лойиҳаси устида ишляп-миз. Бундан асосий мақсад шуки, тарихимиз, маданиятимиз, динимизга алоқадор бир варак қўлёзма бўлса ҳам, уларни тўплаб, ҳалқимизни, ёшларимизни таништириш, бизнинг қандай буюк ва бетакрор меросимиз борлигини англатиш, фарзандларимизни шу улуг меросга муносиб этиб тарбиялашдан иборат.

Бизнинг ана шундай ишларимиз нафакат юртимизда, балки чет элларда ҳам жиддий қизиқиш уйғотмоқда.

Дунёдаги, мусулмон оламидаги нуфузли ҳалқаро ташкилотлар, катта обрў-эътиборга эга бўлган расмий шахслар бу борада биз билан ҳамкорлик қилиш истагини билдиришмоқда.

Сизларга маълумки, 2016 йил октябрь ойида Ислом ҳамкорлик ташкилоти Ташқи ишлар вазирлари кенгашининг Тошкент шаҳрида ўтказилган учрашуvida Ўзбекистон томонидан Имом Бухорий номидаги ҳалқаро илмий тадқиқотлар марказини тузиш тўғрисида ташаббус илгари сурилган эди.

Якинда Саудия Арабистонига сафаримиз пайтида Ўзбекистон Республикаси ҳукумати билан Ислом тараққиёт банки ўргасида айни шу масала бўйича англашув меморандуми имзоланди.

Мазкур банк президенти Бандар Ҳажар жаноблари ушбу ташаббусни қўллаб-кувватлаб, «Ислом тараққиёт банки – бу Ўзбекистоннинг банки», деб айтдилар. Бу сўзлар бутун ислом уммати, ислом жамоатчилигининг Имом Бухорий юртига, унинг авлодларига бўлган юксак ҳурмат-эҳтироми ифодаси, десак, айни ҳақиқат бўлади.

Саудия Арабистонида ўтказилган халқаро саммитда катта-катта давлатлар, араб, мусулмон мамлакатлари ва АҚШ раҳбарияти бир фикрга алоҳида ургу беришди. Яъни, улар жаҳолатга қарши маърифат, таълим-тарбияни кучайтириш билан курашиш зарур эканини таъкидлашди.

Бу фикрлар диний масаладаги бизнинг ёндашуви-миз билан уйғун ва ҳамоҳанг экани айниқса эътиборли-дир. Жумладан, АҚШ Президенти Дональд Трамп жаноби олийлари ҳам шу борада аниқ ва конструктив таклифларни илгари сурди.

Мен Президент сифатида Америка халқи ва ўз номидан кафолат бераман, биз терроризм ва экстремизмга қарши қаттиқ кураш олиб борамиз, бу йўлда, қайси дин вакили бўлишимиздан қатъи назар, барчамиз бирлашишимиз зарур. Ер юзида тинчликни сақлаш ва мустаҳкамлаш энг асосий вазифамиз бўлиши керак, деди АҚШ Президенти.

Саммит минбаридан янграган бундай гаплар албатта бизга ҳам маъкул бўлди. Шу нуктаи назардан қараганда, биз бугунги кунда ижтимоий-маънавий ҳаётимизни ривожлантириш борасида амалга ошираётган ишларимизни янги босқичга кўтаришимиз, бунинг учун давлатимиз ва жамиятимизнинг барча куч ва имкониятларини сафарбар этишимиз шарт. Чунки ҳозирги вақтда дунё миқёсида ҳукм сураётган таҳликали вазият, сиёсий ва иқтисодий инқирозлардан ташвишга тушмаётган бирорта давлат ёки жамият йўқ, десак, ҳеч қандай муболага бўлмайди.

Айниқса, халқаро терроризм, экстремизм, наркотрафик, диний қарама-қаршилик, ноқонуний миграция, одам савдоси, экологик муаммолар, айрим минтақаларда иқтисодий начорлик, ишсизлик, қашшоқлик кучайиб бораётгани бутун инсониятни қаттиқ хавотирга солмоқда.

Ана шундай ўта мураккаб ва қалтис шароитда қандай йўл тутиш, қандай қилиб тинчлик ва осойишталикни сақлаш, барқарор ривожланишини таъминлаш мумкин, деган савол барчамизни жиддий ўйлантириши зарур.

Айниқса, кейинги пайтда турли мамлакатларда содир этилаётган террорчилик ҳаракатларининг ижро-чилари қаторида миллатимизга мансуб кимсалар ҳам борлиги халқимизда афсус ва надомат уйғотмоқда.

Тинчлик ва осойишталикни, инсонийликни ҳамма нарсадан устун қўядиган халқимиз бундай шахсларни, уларнинг қилмишларини кескин қоралайди. Уларни ўзбек деган номга номуносиб деб ҳисоблайди.

Ҳозирги вактда ёшлар, айниқса, чет элда ишлаб, ҳалол меҳнат билан даромад топаман, деб юрган фуқароларимиз терроризм ва экстремизм чангалига тушиб қолмаслиги учун биз барча чораларни кўряпмиз.

Авваламбор, қўшни давлатлар билан ҳамкорлик алоқаларини ривожлантиришга алоҳида аҳамият беряпмиз. Бизнинг мақсадимиз улар билан ракобат қилиш эмас, балки ҳамкорлик алоқаларини кучайтириш, умумий муаммоларни биргаликда ечишдан иборат.

Шу мақсадда, мана, Туркманистон ва Қозогистон Республикасига қисқа муддатда икки марта ташриф билан бордик. Россия Федерацияси, Хитой Ҳалқ Республикаси, Саудия Арабистонига ташрифларимиз ҳам самарали бўлди.

Россия Федерациясига давлат ташрифи чоғида меҳнат миграцияси бўйича муҳим келишувга эришдик. Бизнинг бу борадаги позициямиз аниқ: одам қаерда бўлса ҳам ишлаши, оиласи, бола-чақасини боқиши керак. Лекин у ҳалол меҳнат қилиши, қонуний йўл билан даромад топиши лозим. Бунинг учун давлатимиз барча шароитларни яратиб беришга тайёр.

Аммо яратилган имкониятлардан тўғри фойдаланмасдан, эгри қадам босадиган, эл-юртимизга иснод келтирадиган кимсалар – уларни нонкўр десак, тўғри бўлади – бундай шахслар билан бошқача иш олиб борамиз. Буюк шоиримиз Заҳириддин Муҳаммад Бобур айтганидек, «**Ҳар кимки вафо қилса, вафо топқусидур, Ҳар кимки жафо қилса, жазо тоқусидур**».

## Мұхтарам дүстлар!

Бугунги кунда ижтимоий-маънавий мухитни ва аҳоли турмуш шароитини яхшилаш, ёшларни турли диний экстремистик оқимлар таъсиридан асраш масаласи барчамиз учун энг асосий масала бўлиб турибди.

Шу муносабат билан мен Тошкент шаҳрининг Шайхонтохур тумани ва Андижон вилояти фаоллари билан бўлган учрашувда айтган баъзи фикрларимни бугун сизларнинг олдингизда такрорлашни ўринли, деб биламан.

Биз кўп жойларда жаҳолатга қарши маърифат ташаббуси билан чиқяпмиз. Муқаддас ислом динини никоб килиб бошқа кўчаларга кириб кетаётган жоҳил кимсалар бир нарсани тушунмайди ёки тушунишни истамайди. Яъни, ислом фақат нурли хаётга, илм-маърифатга, яхшиликка ундейди. Ҳеч қачон хунрезлик, қотиллик, зўравонликка чақирмайди. Ана шу ҳақиқатни тан олмасдан, сохта гояларга алданиб, зарарли оқимларга кириш, террорчи бўлиш – бу Ўзбекистон халқига мутлақо тўғри келмайди.

Алҳамдулиллоҳ, ҳаммамиз мусулмонмиз, бунинг шукронасини килиб, фарзандларимизни ҳам бундай неъматнинг қадрига етадиган инсонлар этиб тарбиялашимиз керак эмасми?

Мұхтарам имом-хатибларимиз Худо йўлида холис хизмат қилишни ўз зиммаларига олганлар. Бу ҳам масъулият, ҳам улкан шараф. Шунинг учун соғлом эътиқод йўлинни тарғиб қилишни аввало кимдан сўраймиз? Сиз, азизлардан сўраймиз. Шу борада барчамиз кимдан ибрат оламиз? Сиз, азизлардан.

Шунинг учун ҳам сизларнинг катта билимингиз, обрў-эътиборингизни инобатга олиб, мен сизларга, барча дин ахлларига, жамоатчилигимизга мурожаат қилмоқчиман: юртимиизда тинчликни, осойишталикни саклашда бизга ёрдам беринг.

Агар маҳаллангизда бирорта бола заарли диний оқимга кириб қолган бўлса, уни нотўғри йўлдан қайтаришга ҳаракат қилинг. Аввало, улар билан гаплашиб, бу – ота-боболаринг йўли эмас, бу йўлдан қайт, ҳақиқат мана бу ёқда, тинчлик ва эзгулик йўлидан бориб, ҳеч ким кам бўлмаган, деб уларни соғлом эътиқодга ишонтириш керак. Билим билан, ақл ва маърифат, намунали ишлар билан ишонтириш керак. Тарихдан, бугунги ҳаётимиздан олинган ҳаётий, таъсирчан мисоллар билан ишонтириш керак.

Бундай тарғибот, бундай ташвиқот сизларнинг қўлингиздан албатта келади.

Йўлдан адашган болани дарров душманга чиқармасдан, уни ўзимизнинг фарзандимиз, деб билишимиз керак. Унга бутун қалбимиз, юрагимиз билан ачинаётганимизни шу бола билсин. Зора, шунда уларнинг ҳам қалб кўзи очилса, тўғри йўлга қадам қўйса...

Бир боланинг йўлдан адашиши – бу нафақат бир оила, балки бутун жамият бошига тушган кулфат. Бундан аввало шу боланинг ота-онаси, ака-укалари, яқинлари жабр кўради. Бундай пайтда уларга ёрдам бериш керак. Биз эса, афсуски, улардан ўзимизни олиб қочамиз. Тўйга чақирмаймиз, маросимга чақирмаймиз, у фалончининг акаси ёки ўғли, деб уларнинг нафратини баттар авж олдирамиз, айбиз одамларни ашаддий душман қиласиз.

Натижада нима бўлади? Кулфат камайиш ўрнига кўпаяди. Бошқа оилалар ҳаётига ҳам кириб боради.

Бугун шу масалани кўндаланг қўядиган вакт келди.

Буюк маърифатпарвар бобомиз Абдулла Авлоний «**Олижаноб кишилар узрни қабул қилур**», деб таъкидлаган эканлар. Халқимиз – мард ва олижаноб халқ. Ким чин дилдан узр сўраса, тавба қилса, албатта гуноҳидан кечади. Шунинг учун ҳозирги кунда қанча адашганларни кечириб, тўғри йўлга соляпмиз. Бирини ўқишига, бирини ишга, бирини касбга қайтаряпмиз.

Минг афсуски, заарли диний оқимга кирган болани «Бу – кўшнининг боласи, бошқа қишлоқ ёки туманинг боласи», деб лоқайд бўлаётганлар ҳам орамизда йўқ эмас. Кимдир четга чиқиб, экстремистларга кўшилиб юрган бўлса, баъзи раҳбарлар, у Фарғонадан эмас, Андижондан, Қашқадарёдан эмас, Самарқанддан, деб бепарво бўлмоқда. Лекин у Ўзбекистон фарзанди, Ўзбекистон фуқароси-ку!

Шу муносабат билан бир фикрни алоҳида таъкидлаб айтмоқчиман: Ўзбекистонда давлат давлатчилигини қиласи, қонун устувор бўлади. Худога шукр, давлат раҳбари сифатида буни таъминлашга менинг кучим ҳам, билимим ва салоҳиятим ҳам албатта етади. Бу ҳақиқатни ҳеч ким, ҳеч қачон эсидан чиқармасин.

Халқимизда «**Икки кеманинг бошини тутган гарқ бўлади**», деган мақол бор. Қайси раҳбар, қайси имом-хатиб у томонга ҳам, бу томонга ҳам ёқаман,

деб иш кўрмоқчи бўлса, қаттиқ адашади. Бизга бундай иккиюзламачи, мунофиқ одамлар мутлақо керак эмас.

Мусулмонлик хар биримизнинг юрагимизда, виж-донимизда бўлиши лозим. Инсон имон-эътиқодли бўлса, юргига содик бўлиб хизмат қилса, у ҳақиқий ватанпарвар бўлади. Агар у эътиқодсиз бўлиб, чаласавод бўлиб, хиёнат қилиб, боя айтганимдек, икки томон билан ҳам «ўйин» қиласман, бу давлат кетса, анавилар келиб қолса, улар билан ҳам тил топишаман, деб найранг қиласидиган бўлса, билиб қўйинглар, бундай «номер»лар бизга ўтмайди.

Албатта, ашаддий террорчи ва экстремистлар ўз йўлидан қайтмайди. Уларнинг мияси, бутун ҳужайраси заҳарланиб, қўли қонга ботиб бўлган. Уларга гап уқтириб, инсофга чақиришнинг ҳеч қандай фойдаси йўқ.

Шунинг учун ҳам ҳар қайси маҳалла, ҳар бир туман ва вилоят ўз ҳудудидан чиқкан, чет элларда террорчи гуруҳлар сафида юрган ашаддий экстремистларни Ўзбекистон фуқаролигидан чиқариш хақида Ўзбекистон Президентига таклиф киритиши зарур.

Бу масалани аввало чукур ўрганиш керак, айби исботланган тақдирда мен уларни Ўзбекистон фуқаролигидан маҳрум қилишга тайёрман. Оқни – оқ, корани – қора, дейдиган вақт келди. Бизга бундай нон-кўрлар керак эмас.

Айни вақтда бу масала бўйича жойлардаги ижро органлари, ҳокимликлар, давлат ва жамоат ташкилотлари ҳам ўз муносабатини ўзгартириши лозим.

Адашганлар ҳақида гапирганда, жамоатчилигимиз, имом-хатибларимиз, керак бўлса, туман ҳокимига бориб, «Бу йигитга иш беринг, уй беринг, у ўзи асли ёмон одам эмас экан, кимнингдир ноинсофлиги, адолатсизлиги туфайли шу кўйга тушибди», деб айтишдан кўркмасин.

Бугунги йиғилишда иштирок этаётган ва вилоятларда ўтирган барча раҳбарлар ҳам бу гаплардан албатта хулоса чиқариши керак.

Бугун қанча ёшлар сохта алдовларга учеб, ўз умрини хазон қилаётганини ўйлаб, тўғриси, тунлари ухламасдан чиқаман. Ўзингиз айтинг, азиз биродарлар, бу аччик ҳақиқат юрагимизга ханжар бўлиб санчилиши керак эмасми?

Ахир, кечагина шу ёшлар, ўзимизнинг қоракўзлар, биримизнинг маҳалладошимиз, биримизнинг ўғлимиз, биримизнинг қизимиз ёки жиянимиз эди-ку! Улар қачон адашди, қачон нотўғри йўлга кириб кетди?

Биз нега ғафлатда қолдик? Қачон, қаерда хатога йўл қўйдик? Фарзандларимиз қачон бегоналарнинг қўлига ўтиб кетди? Нима жин урдию улар ўз ота-онаси, ўз юртингизни душманига айланиб қолди?

Бугун бу мудҳишиш бало-қазонинг олдини олмасак, бор кучимизни шунга сафарбар этмасак, эртага кеч бўлади.

Юртимизда яшаётган, оиласини, фарзандларининг эртанги кунини ўйлайдиган ҳеч бир инсон, дин арбоблари, жамоатчилик вакиллари бу ҳаёт-мамот масаласидан четда турмаслиги керак.

Мана, ўзингиз кўряпсиз, Афғонистон, Сурия, Ироқ, Ливия каби давлатларда нима бўляпти? Яна қандай мисоллар керак ўзи? Бу фожиалар барчамизнинг кўзимизни очиши зарур эмасми?

Куръони каримда айтилган «**Ўз қўлларингиз билан ўзингизни ҳалокатга ташламанг**», деган ҳикматли сўзлардан ҳаммамиз хulosа чиқаришимиз лозим. Бизнинг бепарволигимиз, лоқайдлигимиз факат фожиа келтиради. Болаларимиз, оиласиз, бутун юртимиз бошига фалокат келтиради. Айтинглар, ўзини инсон деб биладиган, виждони, имони бор ҳеч бир одам буни истайдими? Йўқ, албатта.

**«Бола ота-она қўлида бир омонатдир»**, дейди буюк алломаларимиз. Болаларимиз, уларнинг тақдири, келажаги ҳақиқатан ҳам жуда омонат эканини бугунги ҳаёт ҳар томонлама исботламоқда.

Агар фарзандимизга тўғри тарбия бермасак, ҳар куни, ҳар дақиқада унинг юриш-туриши, кайфиятидан огоҳ бўлиб турмасак, уларни илму хунарга ўргатмасак, муносиб иш топиб бермасак, бу омонатни бой бериб қўйишимиз ҳеч гап эмас.

Биз кўпинча, болам мактабда, ўкишда ёки чет элда ишлайпти, деб хотиржам юрамиз. Лекин бизнинг бундай соддалигимиз, бепарволигимиздан душманлар маккорлик билан фойдаланмоқда. Бизнинг жону жаҳонимиз бўлган фарзандимиз душманлар қўлида қуролга айланиб қолса, бунинг учун аввало ким айбдор? Ўзимиз эмасми?

Шунинг учун мактаб, лицей ва коллежлардаги, олий ўкув юртларидағи таълим-тарбия, биринчи

навбатда, давомат масаласига ниҳоятда жиддий эътибор беришимиз шарт.

Биронта ўқувчи ёки талаба узрсиз ўкишга келмай қўйса, таълим маскани ҳам, оила ҳам, маҳалла, ҳокимият идоралари ҳам бу тўғрида бонг уриши, сергак тортиши, буни фавқулодда бир ҳол деб баҳолаши керак.

Ана шундай назорат тизими самарали ва ўзаро боғлиқликда ишлайдиган бўлса, албатта биз вазиятни қўлга олиб, уни ижобий томонга ўзгартира оламиз.

Шунинг учун ҳам биз туманларда ҳокимлар ҳамда ички ишлар бўлими бошлиқларининг ёшлар билан ишлаш бўйича ўринбосари лавозимини ташкил этдик.

Кейинги йилларда халқимиз ўртасида кенг тарқалган «Ўз уйингни ўзинг асра!» деган даъватга бугун «Ўз болангни ўзинг асра!» деб қўшимча киритиш вақти келди, деб ўйлайман.

Адашган ёшларни тарбиялашимиз, керак бўлса, жазони ўташ жойларига ҳам бориб, улар билан гаплашишимиз лозим. Чин дилдан тавба қилиб, отонаси, оиласи бағрига, тўғри йўлга қайтишни ният қилган одамларга амалий ёрдам беришга мен давлат раҳбари сифатида доимо тайёрман.

«Нуроний», «Маҳалла» жамғармалари, Хотин-кизлар қўмитаси, «Камолот» ёшлар ижтимоий ҳаракати, ички ишлар идоралари ва бошқа тегишли ташкилотлар бу масала бўйича бевосита жавобгар бўлиб, иш самарадорлигини тубдан оширишлари, мутлақо янги тизимга ўтишлари зарур.

Бу борадаги энг муҳим вазифалар ҳақида гапирганда, куйидагиларни алоҳида таъкидлашни истардим.

**Биринчидан**, жойларда маҳсус ҳисобга олинган фуқароларнинг турмуш шароити, ижтимоий-иктисодий аҳволи, муаммоларини ўрганиш, ушбу тоифа шахслар нега радикаллашиб кетганининг сабабларини ҳар томонлама чукур таҳлил этиш лозим.

Ана шу ишларнинг натижалари бўйича давлат ва жамоат ташкилотлари фаолиятида қўллаш учун аниқ тавсия ва таклифлар ишлаб чиқишини бугун ҳаётнинг ўзи талаб этмоқда. Агар биз шу йўналишдаги ишларни аввалгидек давом эттирадиган бўлсак, яъни, умумий профилактика ишларини ёшлар радикал диний оқим аъзосига айланганидан сўнг ўтказадиган бўлсак, бундай хавф-хатарга қарши ҳеч қачон самарали кураша олмаймиз.

Кисқача айтганда, узокни кўзлаб, керак бўлса, ҳаётда бир қадам олдинда юриб, бизни доғда қолдирмокчи бўлганларнинг ҳийла-найрангларини аввалдан билиб, биринчи зарбани улар эмас, биз беришимиз зарур. Шунда давлатнинг – давлат, жамиятнинг – жамият экани бор кучи ва кудрати билан намоён бўлади.

**Иккинчидан**, диний маърифат ва маънавий-ахлоқий тарбия масалалари бўйича маҳалла маслаҳатчилари, профилактика инспекторлари, имом-хатиблар ва хукукни муҳофаза қилиш органларининг тегишли ходимлари учун малака ошириш ўқувларини ташкил этиш керак. Бу ўқувларда уларни диний экстремистик ва террорчи гурухларнинг иш усули, ғаразли ғоя ва мақсадлари билан таништириб бориш зарур.

Адашган шахслар билан ишлайдиган мутахассис, у маҳалла маслаҳатчиси, имом-хатиб ёки профилактика инспектори бўладими, бундан катъи назар, аввало бузғунчи кучлар қандай ғояларни илгари сураётганини билиши керак.

Акс ҳолда у ана шу ғоялар хато экани, дину диёна тимиз, элу юртимиз манфаатларига зид келишини тушунтириб беролмайди. Бундай ҳолатда қандай қилиб адашган кимсани тўғри йўлга ишонтириш мумкин?

**Учинчидан**, ҳокимларнинг ёшлар билан ишлаш ҳамда жамоатчилик ва диний ташкилотлар, шунингдек, хотин-кизлар бўйича ўринбосарлари аввало ўзлари ташаббус кўрсатиб, турли сохта ваъдалар, ҳавойи гаплар ортидан эргашган фуқароларимизнинг хона-донларига кириб боришлари керак. Улар билан сұхбат ўтказишлари, иссиқ-совуғи, ташвиш ва муаммоларидан хабардор бўлишлари лозим. Уларнинг кундалик режасида ҳар куни қайси диний оқим аъзоси билан учрашиш, диний-ахлоқий жиҳатдан муаммоси бўлган хонадоннинг масаласини ҳал этиш бўйича аниқ вазифалар акс этиши шарт.

Агар биз ёлғон ғояга алданганларни ўз ҳолига ташлаб қўядиган бўлсак, эртага четда пайт пойлаб турган қабиҳ ёв келиб, уни ўз ортидан етаклаб кетмаслигига ким кафолат беради?

Бугунги кунда диний экстремистик оқим аъзоларининг фарзандларини жамоат ишларига, дунёвий турмуш тарзига, хусусан, фан ва касб-хунар тўгараклари, санъат фестиваллари, спорт мусобақаларига жалб

қилишга етарлича эътибор қаратилмаяпти. Буни албатта қониқарли деб бўлмайди. Нега деганда, биринки марта номига тадбир ўтказиш билан иш битмайди. Бу йўналишда ҳар куни, ҳар соатда, доимий ва тизимли равишда иш олиб бориш керак. Буни маънавий ҳаёт, ғоявий-мафкуравий иш деб қўйибди. Бу бизга ғалла ёки чигит экиш эмас, уруғни тупроққа ташладик, бўлди, энди кутамиз, деб қараб ўтирасак.

Мафкура соҳасида бўшлиқ деган нарсанинг ўзи ҳеч қачон бўлмайди. Чунки инсоннинг қалби, мияси, онгу тафаккури ҳеч қачон ахборот олишдан, фикрлашдан, таъсирланишдан тўхтамайди. Демак, унга доимо маънавий озиқ керак. Агар шу озиқни ўзи яшаётган муҳитдан олмаса ёки бу муҳит уни қониқтирмаса, нима бўлади, айтинглар? Бундай озиқни у аста-секин бошқа ёқдан излайди. Шунга йўл бермаслигимиз керак. Мана, гап нима ҳакида кетяпти!

Бунинг учун ўзини жамиятимиз, ёшларимиз маънавияти, ғоявий-мафкуравий тарбияси учун масъул деб билган инсонлар – бу маҳалла ёки диний ташкилотлар бўладими, хукуқ-тартибот идоралари ходимлари ёки катта таъсир кучига эга ижодкор зиёлилар бўладими – уларнинг барчаси айниқса фаол бўлишлари лозим.

Афсуски, биз бу масалаларда ухлаб ўтирибмиз. Гапнинг очиги шу: ухлаб ўтирибмиз. Душман эса ўз ишини киляпти. Баъзи ўринларда ҳатто мақсадига ҳам эришяпти.

Агар бу сўзларим кимгадир қаттиқ ботса, нотўғри бўлса, марҳамат, буни ҳам очиқ айтинглар. Мен эшитишга тайёрман.

Яна бир масала – эл-юртга пешво бўлиб юрадиган мухтарам имом-хатибларимиз юксак маънавияти, одоб-ахлоқи билан аввало ўзлари бошқаларга ибрат ва намуна кўрсатмас экан, уларнинг ваъзхонлиги одамларга чивин чаққандек ҳам таъсир қилмайди.

Холисона айтганда, барча имом-хатибларимиз шу талабларга жавоб бера оладими?

**Тўртингчидан**, ҳар бир маҳаллада маҳалла раиси, маслаҳатчилар, участка инспектори ва имом-хатибининг маъсулияти ва жавобгарлигини ошириш фурсати етди.

Имом-хатиблар кенг жамоатчилик орасида мамлакатимизда ҳукм суроётган тинчлик ва хотиржамликни кўз қорачиғидек асраб-авайлаш, бундай барқарор ва осойишта мухит осмондан тушмаётганини тарғиб этиш, ота-боболаримиз минг йиллардан бўён пок сақлаб келаётган ислом дини ҳар қандай зўравонликка, бузғунчиликка, бегуноҳ инсонларнинг қонини тўкишга мутлақо қарши эканини оят ва ҳадислар асосида, жонли мисоллар ёрдамида таъсирчан етказиб беришлари зарур.

Муқаддас Куръони каримда мусулмонларга қаратади **фирқаларга бўлинманг**, деган мазмундаги кўрсатмалар бор. Шунинг ўзи турли оқимларга бўлинниб, одамларни тўғри йўлдан адаштиришга динимиз мутлақо қарши эканига яққол далил эмасми?

**Бешинчидан**, бизни ҳамиша ўйлантириб келадиган яна бир муҳим масала – бу ёшлиаримизнинг одоб-

ахлоқи, юриш-туриши, бир сўз билан айтганда, дунё-караши билан боғлик.

Бугун замон шиддат билан ўзгаряпти. Бу ўзгаришларни ҳаммадан ҳам кўпроқ ҳис этадиган ким – ёшлар. Майли, ёшлар ўз даврининг талаблари билан уйғун бўлсин. Лекин айни пайтда ўзлигини ҳам унутмасин. Биз киммиз, қандай улуғ зотларнинг авлодимиз, деган даъват уларнинг қалбida доимо акс-садо бериб, ўзлигига содик қолишга унданб турунсан.

**Бунга ниманинг хисобидан эришамиз? Тарбия, тарбия ва фақат тарбия хисобидан.** Лекин тарбия дегани фақат мактаб тарбиясидан иборат эмас. Ҳозир ҳаммамиз бор айни мактабга ағдаришга ўрганиб қолганмиз.

**Маҳалла, оила, кенг жамоатчилик-чи? «Бир болага етти маҳалла ҳам ота, ҳам она» деган мақоланинг ҳақиқий маъносини англайдиган вақт келди. Англаб, шу асосда яшайдиган вақт келди.**

Лекин бугунги кунда маҳалладаги болалар, айниқса, уюшмаган ёшларнинг тақдири билан ким қизиқяпти? Улар кимлар билан ҳамсуҳбат бўлаётгани, ўкишга қачон бориб, қачон келаётганини ким назорат қиляпти?

Ёшлар, хусусан, ўсмирлар орасида безорилик, жиноятлар сони ортишига қандай омиллар сабаб бўляпти?

Баъзи йигит-қизлар учун меҳр-оқибат, ахлоқ-одоб тушунчалари бутунлай бегона бўлиб бораётгани, уларда бефарқлик, масъулиятсизлик, меҳнат қилмасдан кун кўришга интилиш каби иллатлар пайдо бўлаётгани – аччик бўлса-да, ҳақиқат.

Бунинг тасдигини кўплаб мисолларда кўриш мумкин.

Айрим ёшларнинг қисқа ёки узоқ вақт чет элга, меҳнат сафарига бориб келиб, ўз эътиқодини хато деб ҳисоблаб, бизга буткул ёт бўлган оқимлар, ғоя ва тушунчаларни олиб келаётгани ҳам – бор гап. Айни ҳақиқат бу. Бундай ҳолатлар барчамизни ташвишга солиши шарт.

Ёки турмуш курган келин-куёвлар орасида ҳаётни енгил-елпи тасаввур қилиш, оила муқаддас эканини тушуниб етмаслик ҳолатлари ҳам, афсуски, учраб турибди.

Ёш оилалар орасида арзимас сабаблар билан ажралишлар кўпайиб бормоқда. Бегуноҳ болалар етим бўлиб, меҳр ва эътиборга энг ташна вақтида ота-она тарбиясидан четда қолмоқда.

Яна бир ноҳуш ҳолатни бугун афсус билан айтмоқчиман: оилаларда носоғлом муносабатлар, қайнона-келин, эр-хотин ўртасидаги жанжаллар, хотин-қизларимиз орасида ўз жонига қасд қилиш ҳолатлари борлиги шахсан мени каттиқ изтиробга солмоқда.

Сизлар яхши биласизлар, Куръони каримда «Ўзингизни ноҳақ ўлдирмангиз», деб буюрилади. Муборак ҳадисларда ўз жонига қасд қилганлар ҳеч қачон жаннатга тушмаслиги ҳам баён қилинади.

Шунга қарамасдан, аёлларимиз орасида ўз жонига қасд қилиш ҳолатлари барҳам топмаётган экан, биз аввало бунинг сабабларини бартараф этиш ҳақида ҳар томонлама ўйлашимиз, жумладан, аҳолимиз, аёлларимиз ўртасида динимизнинг бу кўрсатмаларини тушунтиришимиз лозим.

Шу ўринда яна бир нозик масала бўйича алоҳида тўхталиб ўтмоқчиман. Баъзан ҳаётда «ЗАГС», яъни, Фукаролик ҳолати далолатномаларини ёзиш органида рўйхатдан ўтмасдан туриб, пул эвазига яширинча шаръий никоҳ ўқитиш, хотин устига хотин олиш ҳолатлари ҳам, минг афсуски, учраб турибди.

Бир пайтлар ҳаётнинг ўзи рад этган кундошлиқ, кўшҳотинлик балоси қандай хунук оқибатларга олиб келиши барчамизни ташвишга солиши керак. Атоқли адабимиз Абдулла Қодирий «Ўткан кунлар» романида кундошлиқ туфайли бутун бир оила бошига тушган фожиаларни жуда таъсирчан тасвирлаб бергани наҳотки сабок бўлмаган бўлса?

Ахир, тегишли давлат идорасида қонуний қайд этилмаган «никоҳ»дан тугилган фарзандларнинг тақдиди, келажаги нима бўлади? Табиийки, давлат қонунлари бўйича улар қўпгина хукуклардан маҳрум бўлиб қолади. Хусусан, оталикни белгилаш, тугилганлик тўғрисида гувоҳнома олиш, мерос хукуки, ўсиб-улғайганидан кейин боғчага, таълим муассасаларига қабул қилиш масалаларида қанчадан-қанча муаммолар пайдо бўлади.

Энг ёмони, бундай болалар руҳан мажрух бўлиб, турли маънавий нуқсонлар билан вояга етади. Улар ўзини жамиятнинг тўлақонли аъзоси деб ҳис этолмайди.

Хурматли имом-хатиблар, сизлар Фукаролик ҳолати далолатномаларини ёзиш органидан берилган хужжатни кўрмасдан туриб, турли бойваччаларга

шаръий никоҳ ўқиб бераёттганингизда мана шундай ишингиз оиласарга қандай баҳтсизлик, жамиятга қандай катта муаммо олиб келаёттганини лоақал тасаввур киласизларми ўзи?!

Ҳозирги кунда ҳаётимизда авж олаётган ана шундай хунук, ярамас ҳолатларга чек қўйиш мақсадида алоҳида қонун лойиҳаси ишлаб чиқилмоқда. Бу қонунда Фуқаролик ҳолати далолатномаларини ёзиш органидан берилган ҳужжатга эга бўлмаган шахсларга шаръий никоҳ ўқиган ҳар қандай муллага, агар у валломат бўлса ҳам, жиноий жазо бериш кўзда тутилади.

**Олтинчидан**, кучли фуқаролик жамиятини барпо этишда жамоатчилик назоратини тизимли йўлга қўйиш энг мақбул йўлдир. Бу – жаҳон тажрибасида синовдан ўтган йўл.

**Давлат қачон ўз вазифасини муваффақиятли адо этади? Қачонки давлат идоралари фаолияти устидан самарали жамоатчилик назорати ўрнатилган бўлса.**

Афсуски, ҳозирги кунда жамоатчилик назоратининг таъсири амалда сезилмаяпти. Одамлар орасида ҳалигача бокимандалик кайфияти хукм сурмоқда. Давлат бор-ку, боксин-да, деган кайфиятлардан, афсуски, тўлиқ қутула олмаяпмиз.

Жамоат ва диний ташкилотлар билан ҳамкорлик килиш бўйича Президентнинг давлат маслаҳатчиси раҳбарлигидаги Республика ишчи гурухи кейинги пайтда қарийб барча худудларда ижтимоий-маънавий мухитни ўрганиш ва аниқланган муаммоларни

бартараф этиш учун жамоатчилик назоратини кучайтириш юзасидан тегишли чора-тадбирларни амалга оширмоқда. Лекин шунинг ўзи етарли эмас. Барчамиз бир ёқадан бош чикариб, ана шу муаммоларни биргаликда ечмасак, четдан келиб ҳеч ким уларни ҳал қилиб бермайди.

Ҳаммангиз биласиз, ҳозирги пайтда бирор-бир ташкилотга битта кўшимча штат бериш қанчалик қийин. Аммо биз жамиятимиз, ҳалқимизнинг тинчлиги ва осойишталигини ўйлаб, ички ишлар тизими, «Маҳалла» ва «Нуроний» жамғармаларига, «Камолот» ёшлар ижтимоий ҳаракатига, Хотин-қизлар қўмита-сига кўшимча штатлар бердик, уларнинг иш шароитини яхшилашга қаратилган чора-тадбирларни амалга оширдик. Энди улардан маънавий-маърифий тадбирларнинг натижаси бўйича, жумладан, адашганларни тўғри йўлга солиш бўйича амалий ишларни кутишга ҳақлимиз.

Қадрли юртдошлар!

Бугунги учрашувимиздан фойдаланиб, сизлар билан яна бир масала ҳакида фикрлашиб олмокчи-ман.

Сизларга яхши аёнки, мамлакатимизнинг деярли барча худудларида динимиз равнақи йўлида бекиёс хизмат қилган буюк азиз-авлиёлар, аллома зотлар хотирасига барпо этилган ёдгорлик мажмуалари, илмий марказлар фаолият кўрсатмоқда. Уларнинг кошида ислом динининг алоҳида йўналишлари бўйича илм олишга, мутахассис бўлишга тайёрлаб борадиган илмий мактаблар ташкил этсак, нима дейсизлар?

Масалан, Самарқандда – Имом Бухорий илмий марказида ҳадисшунослик, Имом Мотуридий маркази қошида калом илми, Фарғонада – Марғиноний илмий марказида ислом ҳуқуқи мактаби, Бухорода – Баҳоуддин Нақшбанд марказида тасаввуф, Қашқадарёда – Абу Муин Насафий марказида ақида илми мактабини ташкил этсак, ўйлайманки, бу жуда фойдали бўлади.

Келгусида чукур билимли имом-хатиблар, исломшунос мутахассислар, уламолар тайёрлашда, энг муҳими, фарзандларимизни буюк аждодларимизнинг бебаҳо мероси руҳида, соғлом эътиқод руҳида тарбиялашда бу мактаблар таянч бўлиб хизмат қиласди.

Куни кеча Имом Бухорий бобомиз ёдгорлик мажмуасида бўлганимда бу масаланинг нақадар муҳим ва долзарб эканини айникса чукур хис этдим.

Айни вақтда Ўзбекистон мусулмонлари идораси фаолияти самарадорлигини ошириш, унинг тасаррӯфидаги ташкилотлар ва имом-хатибларга қулайликлар яратиш учун қўйидаги масалаларни кўриб чиқишимиз зарур, деб ўйлайман.

**Биринчидан**, Ўзбекистон мусулмонлари идораси ва унинг тизимидағи масжид ва таълим муассасаларининг нотижорат ташкилот сифатида фаолият юритишини инобатга олиб, улар томонидан тўланадиган ягона ижтимоий тўловнинг миқдорини қайта кўриб чиқиш зарур.

**Иккинчидан**, Ўзбекистон мусулмонлари идорасининг Самарқанд вилоятидаги Имом Бухорий мажмуаси қошида фаолият кўрсатаётган имом-хатиблар

малакасини ошириш ўқув марказининг фаолиятини кучайтириш, унинг илмий салоҳиятини, моддий-техник базасини мустаҳкамлаш бўйича аниқ чора-тадбирлар ишлаб чиқишимиз ва амалга оширишимиз зарур.

**Учинчидан**, мамлакатимизда маърифий йўналишдаги нашрларга берилган имтиёзларни Ўзбекистон мусулмонлари идорасининг «Ҳидоят» журнали ва «Ислом нури» газетаси ҳамда диний-маърифий нашрлар учун ҳам жорий этиб, уларга ҳам солик ва мажбурий ижтимоий тўловлар бўйича белгиланган имтиёзлар бериш адолатдан бўлади, деб ўйлайман.

**Тўртингчидан**, «Ўзбекистон» телеканали орқали бериладиган «Ҳидоят сари» маърифий дастури ва «Зиё» студияси кўрсатувларини, ўйлайманки, юртимизда кўпчилик катта қизиқиш билан томоша қиласди. Ана шу кўрсатувлар ижодкорларининг самарали меҳнатини инобатга олиб, уларни бундан буён ҳам кўллаб-кувватлаймиз.

**Мухтарам юргдошлар!**

Юртимиз остонасига бостириб келаётган ёвуз хавфхатарларнинг олдини олиш, уларга маърифат билан қарши курашишда, ҳеч шубҳасиз, дину диёнатимиз йўлида сидқидилдан хизмат қилиб келаётган сиз, мухтарам домла-имомларимиз, барча диний ходимларнинг ўрни ва таъсири бекиёс.

Сизлар инсон туғилганида чақалоққа аzon айтишдан то уни сўнгги йўлга кузатишгача – бир умр у билан бирга бўласизлар. Яъни, ҳаётимиздаги барча яхши ёмон кунларда доимо биз билан биргасиз.

Биз сизларнинг одамларни меҳр-оқибатга, ҳалолликка чақириш, ёшларни ахлоқ-одоб руҳида тарбиялаш, оилалар, маҳаллаларда тинчлик, ҳамжиҳатлик мухитини мустаҳкамлаш бўйича олиб бораётган савобли ишларингиз учун барчангиздан миннатдормиз.

Айни пайтда бугун замон шуни талаб қиляптики, бу борадаги фаолиятимизни янада кучайтирмасак, унинг самарасини оширмасак, шунча қилган саъй-харакатларимиз бекор кетади. Бундан буён ҳар бир имом-хатиб фаолиятига у иш олиб бораётган тумандаги диний вазиятга қараб баҳо берилади.

Шу нуктаи назардан қараганда, Шайхонтоҳур тумани ва Андижон вилояти фаоллари билан бўлган учрашувда муҳокама қилинган масалалар ва уларнинг ечими бўйича бошланган ишларни мамлакатимиз миқёсида кенг тарғиб этиш мақсадга мувофиқ, деб ўйлайман.

Мен ўзим кўп жойларда эшитаман, имом-хатибларимизнинг маъруза ва сухбатлари, афсуски, кўпинча факат тор диний мавзу билан чекланиб қолади. Ҳолбуки, одамларимизда шукроналик, эртанги кунга ишонч туйғусини, соғлом эътиқодни кучайтиришга асос берадиган жуда кўп мисолларни бутунги ҳаётимиздан истаганча келтириш мумкин. Мисол учун, биргина «Халқ билан мулокот ва инсон манфаатлари йили» Давлат дастури доирасида 300 дан зиёд чоратадбир белгиланган бўлиб, уларнинг ижроси учун 37,7 триллион сўм ва 8,3 миллиард АҚШ доллари микдорида маблағ сарфлаш кўзда тутилган.

Дастур доирасида 2017 йилда қишлоқ жойларда 15 мингта янги намунадаги арzon, такрор айтаман, арzon уй-жойлар барпо этилади. Ўзингиз яхши тушунасиз, бу дунёда уйга мухтож бир одамга бошпана куриб бериш ҳам динимизда катта савоб иш деб баҳоланади.

Шу маънода, бундай олижаноб анъаналар ҳалқимиз ҳаётида ҳеч қачон тўхтаб қолмагани, давлатимиз томонидан бугунги кунда янада кенг миқёсда давом эттирилаётганини айтиб ўтиш жоиз, деб ўйлайман.

Юртимизда тадбиркорлик соҳасида яратилаётган қулай шароитлардан фойдаланиб, ёшларни ўз мустақил ишини очишга даъват қилиш – бу ҳам динимиз буюрган яхши амаллардан бири.

**«Дилинг – Оллоҳда, қўлинг – меҳнатда бўлсин»** деган даъват буюк Баҳоуддин Нақшбанд бобомиз томонидан айни шу максадда айтилган, десак, ўйлайманки, адашмаган бўламиз.

Мана, бу йил қишлоқ жойларда яна бир ибратли тажрибани бошладик. Яъни, галладан бўшайдиган 1 миллион 15 минг гектар ерда такрорий экинлар экиш учун рухсат беряпмиз. Бу ўтган йилга нисбатан икки баробар кўп. Максад – ер бекор турмасин, одамлар даромад олсин.

Албатта, бундай мисолларни яна кўплаб келтириш мумкин.

Буларнинг барчаси ҳалқимиз учун, унинг ҳаёт даражаси ва сифатини ошириш учун каратилганини англаш албатта қийин эмас.

Энг муҳими, улар муқаддас динимиз даъват этадиган эзгу ишларга ҳар томонлама уйғун ва ҳамоҳанг эканини сиз, азизлар айниқса чукур тушунасиз ва қадрлайсиз, деб ўйлайман.

Қадрли дўстлар!

Биринчи Президентимиз муҳтарам Ислом Абдуғаниевич Каримов томонидан мамлакатимиз мустақиллигини барча соҳаларда мустаҳкамлаш, хусусан, муқаддас динимизни тиклаш, унинг поклигини саклаш, жамиятимизда диний бағрикенглик, миллатлар ўртасида дўстлик ва ҳамжиҳатлик муҳитини қарор топтиришда улкан ишлар амалга оширилганини бар-чамиз яхши биламиз.

Бугун, Оллоҳ розилиги йўлида, ҳалқимизнинг улуғ фарзанди Ислом Каримов хотирасига бағишлаб юртимизнинг барча вилоятларида ифторлик маросимлари ташкил этилмоқда.

Шу фурсатдан фойдаланиб, сиз, азизларнинг барчангизни кечки пайт «Наврӯз» мажмуасига таклиф этишга ижозат бергайсиз.

Тутган рўзаларингиз даргоҳида қабул бўлсин.

Қадрли ва муҳтарам ватандошлар!

Биз ўз йўлимизда қандай хавф-хатарга дуч келмайлик, уни фақат мустаҳкам иродамиз, дину диёнатимиз билан енга оламиз.

Биз қандай мэррага эришмоқчи бўлсак, унга фақат она юртимизга меҳр-муҳаббат, садоқат ва фидойилик билан эришамиз.

Биз эркин ва фаровон келажагимизни қурмоқчи бўлсак, фақат мард ва олижаноб халқимиз билан бирга барпо этамиз.

Ишончим комил, бу ҳақиқатни бугун барчамиз чин юракдан ҳис қилиб турибмиз. Истардимки, шу буюк туйғу амалий ишларимиз, фаолиятимизда асосий мезон бўлсин.

Шу йўлда Оллоҳ таоло барчамизга доимо мададкор бўлсин, куч-ғайрат ато этсин!

*«Ижтиёий барқарорликни таъминлаш, мукаддас динимизнинг соғлигини асраш – давр талаби»  
мавзусидаги анжумандча сўзланган нутқ.  
2017 йил 15 июнь*

## **МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИГА**

**Қадрли дўстлар!**

Аввало, сиз, азизларни – юртимиздаги барча журналистлар, газета ва журналлар, теле-радиоканаллар, нашриёт ва матбаа корхоналари фидойиларини, мухтарам фахрийларни Матбуот ва оммавий ахборот воситалари ходимлари куни билан чин қалбимдан самимий муборакбод этиб, сизларга ўзимнинг чуқур хурмат-эҳтиромим, эзгу тилакларимни изхор этишга руҳсат бергайсиз.

Кундалик ҳайтимизнинг ажралмас қисми бўлган оммавий ахборот воситалари ҳақида сўз юритганда, биз, аввало, доимо янгилик излаб, янгиликка интилиб, ҳайтнинг қайноқ нуқталарига кириб борадиган, холислик ва ҳаққонийлик, Ватан ва ҳалқ манфаатларини биринчи ўринга қўядиган олижаноб ва масъулиятли касб эгаларини тасаввур киласиз.

**Ҳурматли юртдошлилар!**

Бутун мамлакатимиз қатори Ўзбекистон оммавий ахборот воситалари ҳам мустақиллик йилларида катта ривожланиш йўлини босиб ўтганини барчамиз яхши биламиз ва бундай ютуқлар билан ҳақли равишда фахрланамиз.

Ҳозирги кунда республикамизда 1500 дан зиёд оммавий ахборот воситаси фаолият кўрсатмоқда. Биргина Ўзбекистон Миллий телерадиокомпанияси таркибидаги телеканалларнинг бир сутка давомидағи умумий эфир вақти 616 соатни ташкил этмоқда. Ҳолбуки, мустақилликдан олдин бу рақам бор-йўғи 48 соатга teng эди, холос.

Эътиборга молик жиҳати шундаки, оммавий ахборот воситаларининг таркиби ҳам тубдан ўзгариб бормоқда. Буни юртимиздаги барча телеканалларнинг каријб 53 фоизи, радиоканалларнинг эса 85 фоизи нодавлат оммавий ахборот воситалари экани ҳам тасдиқлайди. Яқин кунларда иш бошлайдиган, кечаю кундуз узлуксиз фаолият олиб борадиган «O'zbekiston – 24» телеканали миллий ахборот маконида ўз муносиб ўрнини ва ўз томошабинларини топади, деб ишонамиз.

Бу ҳақда сўз юритганда, энг тезкор ахборот воситаси – Интернет хаётимизга тобора чукур кириб бораётганини алоҳида қайд этиш лозим. Ҳозирги вактда глобал тармоқда Uz доменли веб-сайтлар, ахборот порталлари сони 400 дан ошиб кетгани, уларнинг аксарияти хорижий тилларда ҳам фаолият кўрсатаётгани, ушбу йўналишда янги ижодий авлод – Интернет журналистлари шаклланиб бораётгани эътиборга сазовордир.

Албатта, бундай натижаларга эришишда оммавий ахборот воситаларини ривожлантириш масаласи давлатимиз ва жамиятимизнинг доимий дикқат марка-

зида бўлиб келаётгани ҳал қилувчи роль ўйнамоқда. Ана шундай эътибор туфайли ўтган даврда журналистларимиз учун фаолият майдонини кенгайтириш, уларнинг ҳуқук ва манфаатларини таъминлаш мақсадида кўп ишлар қилинди. Жумладан, матбуот ва оммавий ахборот воситаларини либераллаштириш ва ривожлантириш, сўз эркинлигини таъминлашга қаратилган, демократик талаб ва стандартларга тўла жавоб берадиган 10 га яқин қонун ҳужжати қабул қилиниб, бу борада мустаҳкам ҳукуқий база яратилди.

Ўзбекистон Журналистлари ижодий уюшмаси, Миллий матбуот маркази, Электрон оммавий ахборот воситалари миллий ассоциацияси, Мустақил босма оммавий ахборот воситалари ва ахборот агентликларини қўллаб-куватлаш ва ривожлантириш жамоат фонди каби ташкилотлар муваффакиятли фаолият кўрсатмоқда. Кейинги пайтда уларнинг қаторига Халқаро пресс-клуб ҳам кўшилди.

Сиз, азизларга яхши маълум, бугунги кунда мамлакатимизда китоб маҳсулотларини нашр қилиш ва тарқатиш тизими самарадорлигини ошириш, китобхонлик маданиятини юксалтириш масаласига катта аҳамият берилмоқда. Бундай муҳим вазифани амалга ошириш учун юртимизда 118 та нашриёт, 1 минг 760 та матбаа корхонаси, минглаб ижодий ва техник ходимлар фаолият олиб бормоқда. Уларнинг саъй-харакатлари билан ҳар йили 7 тилда 60 миллион нусхадан ортиқ китоб чоп этилмоқда.

Албатта, бу хақда кўп гапириш мумкин. Лекин ана шу микдор кўрсаткичларини сифат кўрсаткичларига айлантириш, шу асосда оммавий ахборот воситаларининг ҳақиқий тўртингчи ҳокимият бўлиб майдонга чиқишига эришиш, миллий медиа майдонимизда фикрлар ва карашлар ранг-баранглигини таъминлаш бугунги кунда долзарб вазифа бўлиб қолаётганини барчамиз яхши тушунамиз.

Бу борада 2017 – 2021 йилларда Ўзбекистон Республикасини янада ривожлантириш бўйича Ҳаракатлар стратегиясида энг муҳим устувор йўналишлар белгилаб берилгани сизларга яхши маълум, албатта.

Халқ билан мулокот, одамларнинг орзу-интилишлари, дарду ташвишлари билан яшаш давлат сиёсати даражасига кўтарилаётган бугунги кунда ҳар бир оммавий ахборот воситаси чинакам мулокот майдонига, эркин фикр минбарига айланган тақдирдагина биз ўз олдимизга қўйган мақсадларга эриша оламиз.

Айникса, ҳаётимиздаги мавжуд муаммоларни, жойларда ташкил этилган Президентнинг Халқ қабулхоналари ва Виртуал қабулхонада аҳоли томонидан кўтарилаётган ўткир ва долзарб масалаларни, уларнинг сабаб ва омилларини очиб бериш, жамиятимизда танқид ва ўзини ўзи танқид руҳини кучайтириш, афсуски, оммавий ахборот воситалари фаолиятида хали тўла ўз ифодасини топгани йўқ.

Бутун замон шиддат билан ўзгармоқда. Ҳаёт барчамиздан дадил ҳаракатларни, фаол ташабbusларни,

ҳамма соҳада ҳаққоний ва одил муносабатни талаб этмоқда. Кўпни кўрган, сабр-тоқатли, меҳнаткаш ва олижаноб халқимиз амалга оширилаётган ана шундай муҳим ўзгаришларнинг натижасини кутмоқда.

Эл-юртимизнинг эзгу орзу-истакларини рўёбга чиқариш, бу йўлда ғов бўлиб турган турли тўсиқларни, бюрократизм, лоқайдлик, таъмагирлик, коррупция каби салбий иллатларни дадиллик билан кўтариб чикиб, уларга қарши муросасиз жамоатчилик фикрини шакллантиришни ўз касби, ўз ҳаётининг маъномазмуни деб биладиган журналистларни мен ҳақиқий журналист деб ҳисоблайман.

Албатта, барчамиз яхши тушунамиз, бунинг учун оммавий ахборот воситалари вакилларидан нафақат профессионал билим ва малака, ҳаётий тажриба, ўз сўзи учун масъулият ҳисси, айни вақтда юксак гражданлик позицияси, маънавий жасорат ҳам талаб этилади. Бундай мақсадга эришиш учун оммавий ахборот воситаларига қонунчилик нуқтаи назаридан, моддий-техник, ўкув-услубий таъминот нуқтаи назаридан янада кенг имкониятлар яратиб беришимиз керак.

Замонавий миллий журналистика мактабини яратиш кўп жихатдан, аввало, юксак маънавий-интеллектуал салоҳиятга эга бўлган, бугунги кун талабларига жавоб берадиган малакали кадрларни тарбиялаш билан чамбарчас боғлиқдир. Бу муҳим вазифани амалга ошириш учун биз аввало тегишли олий ўкув юртларининг моддий-техник базасини мустаҳкамлаш,

таълим стандартлари ва ўкув дастурларини такомиллаштириш, профессор-ўқитувчиларнинг савияси ва малакасини ошириш, соҳага ахборот-коммуникация технологияларини кенг жорий этиш, давлат ташкилотлари ва фуқаролик институтлари, эксперталар ҳамжамияти, хорижий ва халқаро ижодий ташкилотлар билан ҳамкорликни янада кучайтиришимиз зарур.

Бугун Ўзбекистон барча соҳаларда тараққиётнинг янги босқичига қадам қўймоқда. Олдимизда турган, бир-биридан муҳим ва долзарб вазифаларни ҳал этишда, юртимизда тинчлик-осойишталик, ўзаро ҳамжихатлик муҳитини янада мустаҳкамлаш, халқимизнинг бунёдкорлик салоҳиятини, унинг ўз кучига, эртанги кунга бўлган ишончини ошириш, ҳаётимизда қонун ва адолат устуворлигини таъминлаш, давлат идоралари фаолияти устидан жамоатчилик назоратини амалга ошириш, бир сўз билан айтганда, халқ манфаатининг чинакам ҳимоячиси бўлишда оммавий ахборот воситалари бундан буён ҳам фаол ҳаракат олиб борадилар, деб ишонаман.

Мен сиз, муҳтарам матбуот аҳлининг ҳаётимизни янада эркин, обод ва фаровон этиш учун доимо фидойилик кўрсатиб яшашингизни яхши биламан ва сизларни шу йўлда ўзимнинг энг яқин ҳамкорларим ва ёрдамчиларим деб ҳисоблайман. Сизларнинг мashaқкатли ва масъулиятли меҳнатингиз ўз муносиб баҳосини топиши, янада самарали бўлиши учун биз давлатимиз ва жамиятимизнинг барча куч ва имкониятларини албатта сафарбар этамиз.

Азиз ва муҳтарам дўстлар!  
Барчангизни бугунги касб байрамингиз билан яна  
бир бор самимий кутлаб, сизларга сиҳат-саломат-  
лик, олижаноб фаолиятингизда омад ва ютуқлар, хона-  
донларингизга файзу барака тилайман.  
Доимо соғ-омон бўлинг, азизлар!

*Шавкат МИРЗИЁЕВ,  
Ўзбекистон Республикаси Президенти.  
2017 йил 27 июнь*

## **ЖИСМОНИЙ ВА МАЬНАВИЙ БАРКАМОЛ ЁШЛАР – БУГУНГИ ВА ЭРТАНГИ КУНИМИЗНИНГ ҲАЛ ҚИЛУВЧИ КУЧИДИР**

Қадрли анжуман иштирокчилари!

Аввало, сиз, азизлар билан «Камолот» ёшлар ижтимоий ҳаракатининг IV қурултойида учрашиб турганимдан хурсанд эканимни билдириб, барчангизга ўзимнинг чукур ҳурматим ва эзгу тилакларимни изхор этишга рухсат бергайсиз.

Очигини айтганда, мен бугунги учрашувга кўпдан бўён тайёргарлик кўриб келаётган эдим. Юртимиз ёшларининг муносиб вакиллари, эртанги кунимиз эгалари бўлган сиз, азиз ўғил-қизларимиз даврасида ёшимиз, лавозимдаги фарқларга эътибор бермасдан, худдики сизлар билан тенг бўлиб, чин дилдан, самимий бир сухбат қуришни анчадан бери орзу қилиб келар эдим.

Бугун сизларнинг қалбингиз, юрагингиздаги ўй-фикрлар, мақсад-муддаолар, керак бўлса, ушалмай турган ниятлар билан яқиндан танишиш, шу асосда ёшлар сиёсати бўйича олиб бораётган ишларимизни танқидий баҳолаб, тегишли қарорлар қабул қилишни мен ўз фаолиятим учун ғоят мухим деб хисоблайман.

Маълумки, ёш авлод тарбияси ҳамма замонларда ҳам мухим ва долзарб аҳамиятга эга бўлиб келган.

Аммо биз яшаётган XXI асрда бу масала ҳақиқатан ҳам ҳаёт-мамот масаласига айланиб бормоқда.

**«Тарбия қанча мукаммал бўлса, халқ шунча баҳтли яшайди»,** дейди донишмандлар. Тарбия мукаммал бўлиши учун эса бу масалада бўшлиқ пайдо бўлишига мутлақо йўл қўйиб бўлмайди.

Барчангизга аён, ҳозирги кунда дунё миқёсида бешафқат рақобат, қарама-қаршилик ва зиддиятлар тобора кескин тус олмокда.

Диний экстремизм, терроризм, гиёхвандлик, одам савдоси, ноқонуний миграция, «оммавий маданият» каби хавф-хатарлар кучайиб, одамзот асрлар давомида амал қилиб келган эътиқодлар, оилавий қадриятларга путур етказмокда.

Мана шундай ва бошқа кўплаб таҳдидлар инсоният ҳаётида жиiddий муаммоларни келтириб чиқараётгани – айни ҳақиқат ва буни ҳеч ким инкор этолмайди.

Бугунги учрашувимизда ана шу мураккаб вазиятни ҳисобга олган ҳолда, мамлакатимизда ёшларга оид давлат сиёсати қандай амалга ошириляпти, бу соҳада қандай муаммолар бор, уларни қандай ҳал қилишимиз керак, бу борада ёшлар ташкилотининг ўрни қандай бўлиши лозим, деган масалалар ҳақида атрофлича гаплашиб олсак, ўйлайманки, мақсадга мувофиқ бўлади.

**Хурматли йигилиш қатнашчилари!**

Бугунги кунда мамлакатимизда барча соҳаларни модернизация қилиш ва янгилаш жараёнлари янги босқичда жадал олиб борилмоқда.

Ҳаёт талабларидан келиб чиқиб, юртимиздаги кўпгина давлат ва нодавлат ташкилотларининг фаолияти янада такомиллаштирилмоқда.

Шу нуктаи назардан қараганда, нафақат ёшларимиз, балки бутун халқимиз тақдирига дахлдор бўлган «Камолот» ёшлар ижтимоий ҳаракатининг бугунги куни ва эртанги истиқболи барчамизни ўйлантириши табиий.

Сизларга яхши маълум, бундан 16 йил олдин, яъни, 2001 йилда ташкил этилган «Камолот» ёшлар ижтимоий ҳаракати ўтган давр мобайнида ёшлар ҳаётига кириб бориб, уларнинг маълум бир қисмини ўз атрофида бирлаштиришга, ўз Дастури ва Уставида белгиланган мақсад ва вазифаларни имкон даражасида бажаришга ҳаракат қилиб келмоқда.

Ташкилот томонидан ёшларни ҳар тарафлама кўллаб-куватлаш, ҳуқук ва манфаатларини ҳимоя қилиш, уларнинг ҳаётда ўз ўрнини эгаллашига кўмаклашиш бўйича бир қанча ижобий ишлар амалга оширилганини албатта эътироф этишимиз керак.

Айни вақтда тахлиллар шуни кўрсатмоқдаки, моҳият эътибори билан ёшларнинг ҳақиқий таянчи ва суюнчи бўлиши зарур бўлган «Камолот» ҳаракати фаолиятида жiddий камчилик ва нуқсонлар кўзга ташланмоқда.

**Биринчидан**, «Камолот» бутун Ўзбекистон ёшларини бирлаштирган, том маънодаги оммавий ҳаракатга айлана олмади. У асосан ўз атрофида Ҳаракат фаолиятига хайриҳоҳ бўлган ёшларни уюштириб, фақат уларни қизиқтирган масалалар юзасидангина иш олиб борди.

Натижада ёшларнинг кенг қатламларига тааллукли бўлган долзарб масалалар, аввало, ёшларнинг бандлигини таъминлаш, уларни катта мақсадлар сари сафарбар этиш, уюшмаган ёшлар билан ишлаш, қисқача айтганда, ёшларнинг хукуқ ва манфаатларини ҳимоя қилиш бўйича ўзини ҳақиқий ёшлар ташкилоти сифатида кўрсата олмади.

Маълумотларга кўра, ҳозирги вақтда «Камолот»нинг 4 миллионга яқин аъзоси бор. Бу мамлакатимиздаги 10 миллиондан зиёд йигит-қизларнинг 40 фоизини ташкил этади.

Бир қарашда, 4 миллион – салмоқли рақам бўлиб кўринади. Лекин холисона айтганда, ташкилотга аъзолик кўп ҳолларда фақат қофозда мавжуд, амалда эса аксарият аъзолар «Камолот» тўғрисида аниқ тасаввурга эга эмас, унинг мақсад ва вазифаларини билмайди, ўз етакчиларини танимайди, Ҳаракат фаолиятида иштирок этмайди.

Натижада юртимиздаги минглаб ёшлар, айниқса, кишлок жойларда нафақат «Камолот»нинг, айни вақтда давлат ва жамиятнинг эътиборидан четда колмокда. Улар билан ҳеч ким деярли шугулланмайти, улар ўз ҳолига ташлаб кўйилган, десак, аччиқ ҳақиқатни тан олган бўламиз.

Бунинг оқибатида уюшмаган, яъни, ишламайдиган, ўқимайдиган, тайин бир машғулотга эга бўлмаган, салбий таъсирларга берилувчи ёшлар сони ортиб бормокда.

Ёшлар ўртасида жиноят содир этиш, диний экстремистик оқимларга, террорчи гуруҳларга қўшилиб колиш ҳолатлари кўпайиб бораётгани кузатилмокда.

2016 йилда ёшлар иштирокида 1 миллион 740 мингга яқин ҳуқуқбузарлик, 23 минг 440 та жиноят содир этилгани, ёш оиласалар ўртасида 8 мингдан ортиқ ажралиш ҳолати қайд этилгани барчамизни жиддий ташвишга солиши керак.

Албатта, бу борада ҳамма айбни фақат «Камолот»га юклаб қўйиш адолатдан эмас. Бу масалада маҳаллий ҳокимликлар, ички ишлар бўлимлари, прокуратура, суд, маҳалла идораларининг ҳам айби бор.

Айни вактда бу масалада ёшлар билан доимо ҳамнафас, ҳамфикр бўлиб яшashi, ишлаши керак бўлган «Камолот» ва унинг жойлардаги бўлинмаларининг масъулияти кўпроқ, десак, тўғри бўлади.

«Камолот» фаолиятидаги бундай камчиликларнинг албатта **объектив ва субъектив сабаблари** бор.

**Объектив сабаблар** шундан иборатки, биз ўз вақтида «Камолот»ни жамоат ташкилоти сифатида тузиб, лекин ундан катта бир вазирлик вазифасини талаб қила бошладик. Унга жуда кенг, улкан вазифаларни топширдиг-у, аммо уларни бажариш учун зарур ҳукукий ва амалий ваколатлар, тегишли имконият ва имтиёзлар яратиб бериш ҳақида, афсуски, етарлича бош қотирмадик.

Оқибатда «Камолот» ёшлар ҳаёти билан боғлиқ ҳамма нарсага жавоб берадиган ва айни пайтда ҳеч нарсага жавоб бермайдиган, мўрт ва заиф бир тузилмага айланиб қолганини бугун қанчалик оғир бўлмасин, эътироф этишимиз керак.

«Камолот» фаолиятига салбий таъсир кўрсатаётган **субъектив сабаблар** ҳақида гапиргандা, унинг аксарият раҳбарлари ва ходимлари томонидан ишга

расмиятчилик билан, юзаки ва лоқайд муносабатда бўлиш, майшатга, ичкиликбозликка берилиш каби салбий ҳолатларга йўл қўйилаётганини ҳам афсус билан қайд этиш лозим.

Мен бугунги анжуманда «ёшлар етакчиси» деган юксак номга мутлақо ярашмайдиган бундай нохуш ҳолатлар ҳақида гапириб, сизларни хижолатга қўйиш фикридан йироқман.

Сизлар қурултой мажлисларида бу масалаларни ҳам муҳокама қилиб, уларга тегишли баҳо берасизлар, деб ўйлайман.

Афсуски, биз «Камолот»ни ёшларимиз чин дилдан интиладиган, самарали фаолият олиб борадиган, замонавий кучли бир ташкилотга айлантириш учун ўз вақтида тегишли чоралар кўрмадик. Буни очиқ тан олишимиз ва зарур хулоса чиқаришимиз керак.

Мен бу гапларни осмондан олиб эмас, аниқ фактлардан келиб чиқиб айтяпман.

Мана, Президентнинг Халқ қабулхоналари ва Виртуал қабулхонасига келиб тушаётган мурожаатлар билан танишиб кўринглар. Уларнинг аксарияти «Бизни ҳеч ким эшиитмайди», «Бизни ҳеч ким тушунмайди», «Биз билан ҳеч ким қизиқмайди», «Рахбарлар ўзини ўйлаш билан овора» деган мазмунда ёзилган.

Ёшларга, уларнинг ташвиш ва муаммоларига ана шундай менсимасдан қараш ҳолатлари, афсуски, ҳақиқат.

Биз ёшларга мана шундай беписанд, бегоналарча муносабатда бўлсак, оқибати нима бўлиши аниқ – улар ҳам биздан бегоналашади.

Ўқишдан, ишдан, жамиятдан, давлатдан, борингки, ҳаётдан кўнгли совиб, халқимиз ибораси билан айтганда, кўлини ювиб, кўлтиғига уради.

Бу ҳакда гапирганда, нафакат жойларда, балки Ҳаракатнинг марказий идорасида ҳам меҳнат ва ҳаёт тажрибасига эга бўлган малакали кадрларнинг етишмаслиги жиддий муаммо бўлиб турганини таъкидлаш лозим.

Бунинг асосий сабабларидан бири шундаки, тизимда ишлаётган ходимларни моддий рағбатлантириш ва ижтимоий кўллаб-кувватлашга етарлича эътибор берилмаяпти.

Ўртacha ойлик иш ҳаки 800 минг сўмни ташкил этаётгани учун уларнинг аксарияти маоши катта бўлган бошқа ишларга ўтиб кетяпти.

Бунинг устига, кўпгина вилоят ва туманларда «Камолот» ташкилотлари учун бинолар етишмаслиги, уларнинг моддий-техник базаси ночорлиги, зарур мебель ва инвентарлар, алоқа ва ташкилий техника воситалари билан етарлича таъминланмагани, хизмат машиналари йўклиги ҳам ишга салбий таъсир кўрсатмоқда.

Мисол учун, ҳудудий бўлинмаларнинг 81 таси маҳаллий ҳокимликлар биносида, 96 таси турли корхона ва муассасалар биносида жойлашган. Бу ўз-ўзидан ёшларнинг ўз ташкилотига эркин кириб-чиқишини кийинлаштирумокда.

Баъзи мисолларга мурожаат қилайлик.

Фарғона вилоятида Ёшлар маркази биносининг биринчи қаватида ёшлар учун мўлжалланган тўгарак ва

клублар фаолияти тўхтатилиб, мазкур бино ҳокимлик томонидан бошқа ташкилотга бериб юборилган.

«Камолот»нинг Тошкент вилояти, Пскент тумани кенгаши туман ҳокимлиги биносида фаолият юритиб келган. Аммо ҳокимнинг топшириғига кўра, «Камолот»га тегишли хоналар «Маҳалла» фондининг туман бўлимига олиб берилган. «Камолот»га эса учинчи қаватдаги мажлислар залидан шунчаки номига жой ажратилган.

Қорақалпоғистон Республикасининг Кегейли, Фарғона вилоятининг Сўх туманидаги «Камолот» ташкилотлари авария ҳолатидаги биноларда жойлашганига, айтинглар, нима деса бўлади?

Ана шундай чидаб бўлмайдиган яна бир мисолни келтирмоқчиман. «Камолот» ҳаракатининг Ўрта Чирчик тумани кенгаши «Элегант» деб аталадиган келин-куёвлар либоси салонида жойлашган. Буни қандай баҳолаш мумкин?

Ҳаракатнинг жойлардаги тузилмалари фаолияти тор доирада чекланиб, асосан ўқувчи-ёшларга қаратилмоқда. Бунинг натижасида ёшларнинг катта қисмига Ҳаракатнинг сўзи ҳам, амалий таъсири ҳам етиб бормаяпти. Айниқса, уюшмаган ёшлар билан ишлаш масаласи эътибордан четда қолиб кетмоқда.

«Камолот» томонидан ўтказилаётган кўпчилик тадбирларнинг, тарғибот материалларининг мазмуни ва сифати пастлиги, улар замон талабларига жавоб бермаслиги, ёшлар аудиторияси билан иш олиб боришда интерактив усуслар қўлланмаётганини қайд этиш лозим.

Яна бир нохуш ҳолат шундан иборатки, маҳаллий ҳокимликлар томонидан «Камолот» раҳбарлари ва ходимларини уларга алоқаси бўлмаган вазифаларни бажаришга, жумладан, қишлоқ хўжалиги юмушлари, металломолом топшириш, ободонлаштириш каби ишларга, энг ёмони, турли-туман мажлисларга жалб этиш авж олмоқда.

Бундай ачинарли ҳолат Тошкент шаҳрида ҳам мавжуд бўлиб, «Камолот»нинг туман кенгашлари раислари ободонлаштириш ишлари, бинолар фасадини таъмирашга сафарбар этилган.

Улар иш вактининг асосий қисмини ўзларига биректирилган «округ»ларда ўтказади. Кечки пайт эса ҳокимият мажлисларида ҳисобот беради. Ўзингиз айтинг, улар качон ўзининг бевосита иши, яъни, ёшлар масаласи билан шуғулланади?

Энг ёмони, жойлардаги айrim раҳбарлар «Камолот» учун муносиб шароит яратиб бериш, ёшлар етакчилирига ёрдам бериш ўрнига уларга қўпол муносабатда бўлиш, обрўсини тўкишни «иш услуби»га айлантириб олмоқда.

Масалан, жорий йилнинг 4 май куни Навоий шаҳридаги «Ёшлик» спорт мажмуасида ўтказилган тарғибот тадбирларида хунук воқеа рўй берган. Ички ишлар бошқармаси раҳбарларидан бири «Камолот»нинг Навоий вилояти кенгаши раисини кўпчилик ўртасида ҳакорат қилиб, зўравонлик билан тадбирдан четлаштиromoқчи бўлган.

Қани, ички ишлар вазири А. Азизов, сиз бу масалага қандай изоҳ берасиз? Навоий вилояти ҳокими К. Турсу-

нов, сизнинг бу ҳолатдан хабарингиз борми? Бор бўлса, бу масала бўйича қандай чора кўрдингиз?

Шу борада Андижон вилоятидан ҳам нохуш бир мисол келтиришга тўғри келади. Ўтган йили Ватанимиз мустақиллигининг 25 йиллиги муносабати билан вилоят «Камолот» ҳаракати кенгашига Андижон шаҳар ободонлаштириш бошқармаси томонидан тантанали равишда янги автобус топширилган.

Лекин маросим тугаши билан автобус олиб қўйилиб, унинг ўрнига шалағи чиққан эски транспорт воситаси берилган. Айтинглар, бундай «ўйин»лар, кўзбўямачилик билан биз ёшларга қандай тарбия беряпмиз?

Андижон вилояти ҳокими Ш.Абдураҳмонов, сиз бунга нима дейсиз?

Афсуски, бундай камчиликларни республика миқёсидаги вазирлик ва идоралар фаолиятида ҳам учратиш мумкин.

Халқ таълими вазири Улуғбек Иноятов, айтинг-чи, сиз ўз тизимингиз бўйича ёшлар етакчилари билан қачон учрашгансиз? Сиз бошлилик қилаётган соҳада ишлаётган педагогларнинг неча фоизини ёшлар ташкил этади? Уларнинг қанчаси «Камолот» аъзолари хисобланади?

Ҳозирги вақтда кўпгина қишлоқ жойларда турли маънавий-маърифий тадбирлар ўtkазиш учун замонавий инфратузилма тармоқлари деярли йўқ. Масалан, Бахмал, Мирзаобод, Ховос, Ўрта Чирчик туманларида ёшлар учун истироҳат боғлари, кинотеатрлар умуман мавжуд эмас.

Яна бир мисол. Бухоро шаҳрида жойлашган Ибн Сино номидаги дам олиш ва истироҳат боғи Вазирлар Маҳкамасининг қарорига кўра, 2016 йилнинг ноябрь ойигача реконструкция қилиниб, «Камолот» балансига ёшлар маркази сифатида ўтказилиши зарур эди. Лекин маблағ етишмаслиги туфайли қурилиш ва ободонлаштириш ишлари тўхтаб қолган.

Қани, ана шу шаҳар ва туманларнинг ҳокимлари, тегишли мутасаддилар, бу масалаларга қандай баҳо беришингиз мумкин?

Сизлар раҳбар бўлган ҳудудларда яшайдиган ёшлар зерикканидан нима қилишни билмасдан, бемаза ишларга берилиши, безорилик, жиноят йўлига кириши, заарли оқимларга қўшилиб кетиши мумкинлиги наҳотки сизларни безовта қилмаса?! Ёшлар учун барча шароитларни муҳайё қилдик, деб биз кимни алдаяпмиз?

Шу муносабат билан барча катта-кичик раҳбарлар кулоғига кўрғошиндек куйиб олсин: биз энди сизларнинг фаолиятингизга пахта ёки ғаллага қараб эмас, энг аввало, сизларнинг ёшларга, ёшларга оид давлат сиёсатига бўлган муносабатингизга қараб баҳо берамиз.

Хурматли анжуман қатнашчилари!

Бундай танқидий фикрларни яна узок давом эттириш мумкин. Лекин мақсад – факат танқид қилиш эмас. Мақсад шу гаплардан тўғри хулоса чиқариб, тилга олинган ҳар бир муаммо бўйича амалий ечим топишдан иборат.

Биз бугунги Ўзбекистон шароитида ёшлар ташкилоти қандай бўлиши керак, деган масалани тегишли

раҳбарлар, олимларимиз, эксперт ва мутахассислар, ёшлар вакиллари билан кўп бор муҳокама қилдик.

Бу борада жаҳон тажрибасини, узоқ-яқиндаги турли давлатлар тажрибасини ўргандик. Дунёдаги ривожланган, демократик мамлакатларда ёшлар ташкилотлари асосий эътиборни дабдабали, баландпарвоз тадбирлар ўтказиш эмас, балки ёшлар билан бевосита ишлаш, улар билан амалий мулокот қилиш, уларни ўйлантираётган ҳаётий муаммоларни ҳал этишга қаратади.

Ҳозирги пайтда ҳаммангиз «ойнаи жаҳон» орқали кўрятпиз, биз жойларда жамоатчилигимиз, аввало, ёшларимиз вакиллари билан доимий мулокотлар ўтказяпмиз. Бу учрашувларда бир фикр такрор ва такрор айтилмоқда. Яъни, Ўзбекистон ёшлари расмиятчиликдан, кампаниябозлиқдан холи, навқирон авлод манфаатларининг ҳақиқий ҳимоячиси бўла оладиган демократик ёшлар ташкилотини тузиш ҳақида ўз хоҳиш-истакларини билдирумокда.

Бунда илгаригидек барча ёшларни бир ташкилотга «ихтиёрий-мажбурий» асосда бирлаштириш эмас, аксинча, уларнинг орзу-интилишлари, ҳаётий ва касбий қизиқиши доираси, ижтимоий мақсадлари бўйича ўюштириш тўғри бўлади, деган таклифлар илгари сурилмоқда.

Менинг назаримда, бундай фикрларда чукур асос ва мантиқ бор. Бу таклифнинг афзаллиги шундаки, у мамлакат ёшларининг барча тоифа ва гурухларини қамраб олади, энг муҳими, уларни демократик принциплар асосида бирлаштиради.

Бу, ўз навбатида, бугун Ўзбекистонда олиб борилаётган демократик ислоҳотлар жараёни билан ҳамоҳанг экани айниқса эътиборлидир.

Ана шуларнинг барчасини ҳисобга олиб, мамлакатимизда ёшларнинг чинакам суюнчи ва таянчи бўла оладиган мутлако янги ташкилот – **Ўзбекистон ёшлар иттифоқини** ташкил этсак, нима дейсизлар?

Хурматли йигилиш иштирокчилари!

Маълумки, ҳар қандай ислоҳот, хусусан, миллионлаб ёшларнинг ҳаёти ва келажагига бевосита дахлдор бўлган ўзгаришлар ҳар томонлама чукур ўйлаб иш тутишни, етти ўлчаб, бир кесишни талаб этади.

Шу нұктаи назардан биз бугун янги ёшлар ташкилотини тузмоқчи эканмиз, шошилмасдан, вазминлик билан иш кўришимиз, бу масаланинг барча ижобий ва салбий томонларини ўзимизга яққол тасаввур килиб, шундан кейин бир хулоса ва қарорга келишимиз лозим.

Бу борада аввало бўлғуси ташкилотнинг ҳукукий макоми, асосий максад ва вазифалари, унинг ижтимоий ҳаётимиздаги ўрни ва нуфузини, обрў-эътиборини оширишга алоҳида эътибор қаратиш зарур.

Шу максадда Ўзбекистон ёшлар иттифоки раҳбари айни вактда Ўзбекистон Республикаси Президентининг ёшлар сиёсати бўйича давлат маслаҳатчиси лавозимида фаолият олиб боришини ҳукукий асосда белгилаб қўйиш даркор. Шу билан бирга, у Президент фармонига биноан Олий Мажлис Сенати аъзоси этиб тайинланади.

Ташкилотнинг Қорақалпоғистондаги кенгаши раиси Республика Жўқорғи Кенгеси раисининг, вилоят, туман ва шаҳар бўлинмаларининг раҳбарлари эса тегишли ҳокимларнинг ёшлар сиёсати бўйича маслаҳатчилари этиб тайинланиши мақсадга мувофик.

Мана, кўриб турибсизлар, Ўзбекистон ёшлар иттифоқининг раҳбарларига қандай катта мақом ва ваколат бериляпти.

Ўзбекистон ёшлар иттифоқининг таркибий тузилиши ҳақида гапирганда, бир масалага алоҳида аҳамият бериш керак.

Маълумки, ҳозирги вақтда умумтаълим мактабларидаги бошланғич синф ўқувчилари билан ишлаш учун **«Камалак» болалар ташкилоти** мавжуд.

Шунингдек, ёш тадбиркор ва фермерлар билан иш олиб борадиган **Ёшлар тадбиркорлиги ва фермерликни қўллаб-кувватлаш маркази**, истеъоддли ва ижодкор ёшлар билан ишлаш учун **Ёшлар ташаббуслари маркази** каби тузилмалар ҳам ташкил этилган.

Лекин тан олиш керакки, бугун уларнинг аксарияти талаб даражасида иш олиб бормаяпти. Бу тузилмаларнинг фаолиятини жонлантириш, уларга янги мазмун ва рух бағишлиаш керак.

Шу муносабат билан умумтаълим, ўрта маҳсус ва олий таълим тизимида «Камолот» нисбатан самарали фаолият олиб борганини хисобга олган ҳолда, ушбу тизимдаги «Камолот» ташкилотлари негизида Ўзбекистон ёшлар иттифоқининг бўлимларини ташкил этиш мумкин.

Келгусида эса ёшларнинг хоҳиши ва интилишларига кўра, Ёш олимлар уюшмаси, Ёшларга ижтимоий-психологик ёрдам кўрсатиш маркази, Ёшлар туризми уюшмаси, Спорт клублари ва фитнес марказлари уюшмаси, Имконияти чекланган ёшлар уюшмаси ва бошқа ташкилотлар ҳам тузилиши мумкин.

Албатта, бу тузилмаларни қандай номлаш, уларнинг вазифаларини белгилаш бўйича аввало сизлар барча тенгдошларингиз билан фикрлашиб, шу асосда бир карорга келишингиз табиий.

Ўзбекистон ёшлар иттифоки ҳозир мавжуд бўлган ва келажакда тузиладиган бу уюшмаларнинг барчасини бирлаштириб, уларга нафақат молиявий, моддий-техник нуқтаи назардан, аввало, гоявий-услубий, маънавий жиҳатдан амалий ёрдам кўрсатадиган, уларнинг ишини мувофиқлаштирадиган асосий ташкилот сифатида фаолият олиб боради.

Айни вактда ҳаммамиз тушунамизки, Ўзбекистон ёшлар иттифоки фаолиятини дастлабки пайтда ҳар тарафлама қўллаб-куватлаш, унинг оёкка туриб олиши учун давлат томонидан зарур кўмак ва ёрдам берилиши лозим.

Ёшларга оид давлат сиёсатини амалга ошириш наинки Президент девони, балки барча бўғиндаги давлат органлари раҳбарларининг доимий ишига айланиши зарур. Бундан буён бу соҳада аниқ тизим асосида иш олиб борамиз.

Қонунчилик палатаси Спикери ва Сенат Раисидан бошлаб, Бош вазир ва унинг ўринбосарлари, Бош прокурор, вазирлик ва идоралар, компания ва хўжалик

бирлашмаларининг раҳбарларигача марказда ва жойларда ҳар бир соҳа бўйича ёшлар билан учрашиб, доимий мулокот олиб борадиган тартиб жорий этишимиз керак.

Шу муносабат билан аввало ҳозирги кунда фаолият кўрсатаётган тузилмалар билан, жумладан, таълим тизимидағи ёшлар ташкилотлари билан – Бош вазир А.Арипов ҳамда олий ва ўрта маҳсус таълим вазири И.Мажидов, халқ таълими вазири У.Иноятов, ҳамма соҳада Ёшлар тадбиркорлиги ва фермерликни кўллаб-куватлаш маркази билан – Бош вазирнинг биринчи ўринbosари А.Раматов, Бош вазир ўринbosари З.Мирзаев ва Савдо-саноат палатаси раиси А.Икромов, Ёшлар ташаббусларини кўллаб-куватлаш маркази билан – Давлат маслаҳатчиси Х.Султонов ва маданият вазири М.Муратов доимий иш олиб бориши керак.

Шунингдек, келгусида ташкил этиладиган Ёшлар туризми уюшмаси билан – Бош вазир ўринbosари Ж.Кўчкоров ва Туризмни ривожлантириш давлат қўмитаси раиси А.Шарапов, Ёш олимлар уюшмаси билан – Бош вазир ўринbosари У.Розиқулов ва Фанлар академияси президенти Б.Йўлдошев, Спорт клублари ва фитнес марказлари уюшмаси билан – Бош вазир ўринbosари F.Ибрагимов ҳамда Жисмоний тарбия ва спорт давлат қўмитаси раиси Р.Курбонов, Имконияти чекланган ёшлар уюшмаси билан – Бош вазир ўринbosари Т.Норбоева ва соғлиқни сақлаш вазири А.Шодмонов, Ёшларга ижтимоий-психологик ёрдам кўрсатиш маркази билан – Бош прокурор И.Абдуллаев ва адлия вазири М.Икромов тизимли асосда иш олиб

бориши, бошқача айтганда, уларни оталикка олиши мақсадга мувофиқдир.

Шу билан бирга, жойларда вилоят, туман ва шаҳар ҳокимлари, суд, прокуратура, ички ишлар органлари, соғлиқни сақлаш, халқ таълимни ташкилотлари ёшлар билан доимий мулодотни йўлга кўйиши, уларнинг олдида мунтазам равишда ҳисобот бериб бориши зарур.

Ўзбекистон ёшлар иттифоқининг жойлардаги кенгашлари раислари ва фаоллари албатта сайловларда иштирок этиб, халқ депутатлари маҳаллий Кенгашларига, керак бўлса, Олий Мажлис Қонунчилик палатасига сайланниши ҳам муҳим аҳамиятга эга.

**Иккинчидан**, Ўзбекистон ёшлар иттифоқи давлат ва жамият учун раҳбар кадрлар тайёрлаб берадиган ўзига хос марказ бўлиши, замонавий тилда айтадиган бўлсак, ёшлар учун **«социал лифт» вазифасини** бажариши керак. У билимли, ташаббускор ва ташкилотчи, фидойи ёш раҳбарларнинг кадрлар захирасини яратиши керак.

Шу мақсадда Президент хузуридаги Давлат бошқаруви академияси қошида **Ёшлар муаммоларини ўрганиш ва истиқболли кадрларни тайёрлаш институтини ташкил этиш зарур**.

Бош вазир А.Арипов, Давлат маслаҳатчиси У.Исмоилов ва академия ректори Р.Қосимовга бир ой муддатда шу масала юзасидан тегишли қарор лойиҳасини тайёрлаб, тасдиклаш учун киритиш вазифаси топширилади.

Ўзбекистон ёшлар иттифоқи ташкилотларида ўзини ижобий жиҳатдан кўрсатган ходимлар Дав-

лат бошқаруви академиясида билим ва малакасини ошириб, ҳокимлик ва вазирликлар тизимида раҳбарлик лавозимлари учун асосий номзодлар қилиб тайёрланиши керак. Бундай тажриба илгари ҳам бўлган ва яхши натижа берган эди.

**Учинчидан,** Ўзбекистон ёшлар иттифоқининг обрўси ва таъсирини ошириш учун мамлакатимизда ёшлар манфаатини таъминлашга қаратилган ишларда унинг иштирокини ҳар томонлама кенгайтириш зарур.

Ёшлар, ёш оиласар учун шахсий уй-жойга эга бўлиш накадар муҳим аҳамиятга эга эканини ҳисобга олган ҳолда, биз бу йўналишда бошлаган ишларимизни изчил давом эттиришимиз керак.

Барча туман ва шаҳарларда, жумладан, чекка худудларда «Ёшлар уйлари»ни қуриш бўйича тўрт йиллик аниқ режа ишлаб чиқиш ва 2018 йилдан уни бажаришни бошлаш лозим.

Бу борада аҳоли зич яшайдиган Фарғона водийси вилоятларида, хусусан, шароити оғир бўлган Марказий Фарғона минтақасида ёш оиласарнинг уй-жойга бўлган эҳтиёжини таъминлашга алоҳида эътибор қаратиш керак.

Умуман, кишлоқ худудларида яшаётган, туарар жойга муҳтоҷ ёш оиласарни имтиёзли кредитлар асосида арzon уй-жой билан таъминлаш бўйича ваколатни энди Ўзбекистон ёшлар иттифоқига бериш масаласи Вазирлар Маҳкамаси томонидан кўриб чиқилиши лозим.

**Тўртинчидан,** ёшларни иш билан таъминлаш масаласи биз учун ҳамон энг долзарб вазифа бўлиб қолмоқда. Бугунги кунда ёшлар учун янги иш ўринлари

очиш, уларнинг ҳалол мөхнат қилиб, даромад топиши мақсадида кўп ишлар қилинмоқда. Лекин, шунга қарамасдан, бу борада муаммолар ҳам оз эмас.

Юртимизда ишсизларнинг аксар кисмини коллеж битиruvchilari ташкил этмоқда. Масалан, 2016 йили 477 минг 743 нафар ёш йигит-қиз колледжларни битириб чиқсан ва уларнинг 438 минг 503 нафари ёки 91,8 фоизи иш билан таъминланган түғрисида маълумот берилган.

Савол туғилади: бу рақамлар қанчалик түғри? Агар барча коллеж битиruvchilari ишга жойлашаётган бўлса, ишсиз ёшлар қаердан пайдо бўляпти?

Коллеж битиruvchilari билан тўрт томонлама шартномаларни номигагина имзолаб, ўзимизни ўзимиз алдамаяпмизми?

Ёшларни иш билан таъминлаш учун аввало улар ўртасида тадбиркорликни кенг ривожлантириш, бу борада янги имкониятлар яратиш мақсадида биз бир қатор чора-тадбирларни кўзда тутмоқдамиз.

Бу борада Иктисолиёт вазирлиги, Бандлик ва мөхнат муносабатлари вазирлиги, Давлат рақобат қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимларига ҳар бир туман (шаҳар) марказида Ёшлар тадбиркорлик кластерларини ташкил этиш вазифаси топширилади.

Ана шу кластерлар фаолиятини йўлга қўйиш учун электр энергияси, табиий газ, сув ва транспорт коммуникацияси, алоқа воситалари ва Интернетга уланиш имконияти мавжуд бўлган ҳудудларда фой-

даланилмай ётган давлат объектлари ёш тадбиркорларга «ноль» қиймати билан ижарага берилади.

Ҳамма ҳудудларда ташкил этилаётган иқтисодий зоналарда, шаҳарларда эса кичик саноат зоналарида Ўзбекистон ёшлар иттифоқининг аъзоси бўлган ёш тадбиркорлардан ижара ҳақи олинмайдиган тартиб жорий этилади.

Бундан ташқари, ўз бизнесини бошлиётган ёш тадбиркорларга имтиёзли нархларда юридик, техник ва бошқа маслаҳат ёрдамларини кўрсатишни йўлга қўйиш лозим.

Бу масала бўйича молия вазири Б.Хўжаев ҳамда Савдо-саноат палатаси раиси А.Икромов бир ой муддатда тегишли таклифлар ишлаб чиқиб, тақдим этиши зарур.

Шунингдек, тегишли иқтисодий чора-тадбирларни амалга ошириш ҳисобидан Ўзбекистон ёшлар иттифоқининг бюджет маблағларини икки баробар кўпайтириш режалаштирилмоқда.

Бош вазир ўринбосари Ж.Қўчқоров, молия вазири Б.Хўжаев ва Давлат солиқ қўмитаси раиси Б.Парпиев бу масалага масъул ҳисобланади.

Иқтисодиёт вазирлиги, Давлат солиқ қўмитаси, Бандлик ва меҳнат муносабатлари вазирлиги ҳамда «Хунарманд» уюшмасига топширик: хунармандлик йўналишидаги тадбиркор ёшлар, айниқса, қизларнинг касаначилик билан банд бўлиши учун қулай шароит яратиб берилсин. Бу борада бўш турган обьектлардан имтиёзли шартлар асосида жой ажратиш, мини-технологиялар, асбоб-ускуна ва зарур жиҳозлар ўрнатиб бериш кўзда тутилмоқда.

Жумладан, ёш ҳунармандларга хомашё сотиб олиш учун кредитлар бериш, ўз бизнесини бошлаган ёш тадбиркорлар томонидан Пенсия жамғармасига тўланадиган сұғурта бадалини олинган кредитларни қоплашга йўналтириш тизими жорий этилади.

Бандлик ва меҳнат муносабатлари вазирлиги, Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликларига топшириқ: синов тариқасида 11 йиллик мажбурий ўрта таълим тизимиға ўтиш муносабати билан бўшайдиган коллеж устахоналари негизида ёшларни, айниқса, уюшмаган ёшларни 6 ойгача бўлган муддатда бепул ўқитиш ва касбга қайта ўқитиш марказлари ташкил этилсин.

Айни пайтда қўлига диплом олиб, мустакил иш бошлаётган ёшларимиз учун ҳам кўшимча имконият ва имтиёзлар яратиб берилади.

2018 йилнинг 1 январидан бошлаб касб-хунар коллежлари, академик лицейлар ва олий таълим муассасаларининг биринчи марта ишга жойлашган битиurvчилари бу имкониятлардан фойдаланади.

Яъни, таълим муассасасини тамомлаганига уч йил бўлмаган бўлса, уларнинг иш ҳақидан олинадиган даромад солиги биринчи йили 50 фоиз, иккинчи ва учинчи йилларда эса 25 фоиз камайтирилади.

Шунингдек, Ўзбекистон ёшлар иттифоқи кошида барча турдаги солиқлардан 10 йилга озод қилинган шўъба корхоналари тузиш ваколати берилади. Ушбу корхоналар учун аниқ фаолият йўналишларини, мисол учун, турли фанлар, жумладан, чет тилларни

ўргатиш, компьютер дастурлари тузиш ва тадбиркорлик асосларини ўқитиш тизимларини белгилаш лозим.

Мазкур корхоналар томонидан тўланадиган солик тушумларининг 20 фоизини Ўзбекистон ёшлар иттифоқига ўtkазиб бериш тартибини жорий этиш керак.

Яна бир масала – Ўзбекистон ёшлар иттифоқи вилоят ва туманларда замонавий «Ёшлар кинотеатрлари»ни барпо этиш ишига бош-қош бўлса, яхши бўларди. Бунинг учун «Ўзсаноатқурилишбанк» томонидан 5 йил муддатга бериладиган имтиёзли кредитлар асосида алоҳида дастур ишлаб чиқиш ва амалга ошириш таклиф этилади.

Ёшлар иттифоқининг фаол аъзоси бўлган ба-  
калавриат ва магистратура талабаларига, ўртacha  
ўзлаштириш кўрсаткичи 86 фоиз ва ундан юкори  
бўлган тақдирда, таълим бўйича шартнома тўлови  
микдорининг 35–40 фоизини ташкилот ҳисобидан  
тўлаш орқали моддий ёрдам кўрсатиш ҳам кўзда  
тутилмоқда.

Ўзбекистон ёшлар иттифоқи тизимида 3–5 йил ва  
ундан кўпроқ фаол ишлаб келаётган, ипотека кредити  
асосида уй-жой сотиб олиш истагини билдирган  
ходимларнинг ҳар йили 140 нафарига 25–30 фоиз  
микдоридаги бошлангич тўлов ташкилот маблағлари  
ҳисобидан тўланади.

Шунингдек, Ёшлар иттифоқининг вилоят, шаҳар  
ва туман кенгашлари раисларини рағбатлантириш,  
ташкилот фаолияти самарадорлигини ошириш  
мақсадида «Асака» банкининг 10 йил муддатгача

мўлжалланган, бошланғич тўлови 15 фоизлик имтиёзли кредитлари асосида уларга ўзимизда ишлаб чиқарилган «Матиз» ва «Дамас» автомобилларини шахсий мулк сифатида сотиб олишда кулагилик яратилиди.

Агар ҳозирги нархда ўртача 46 миллион сўм бўлган бу кредитни қайтариш муддати амалда 3 йил, фоизи эса 30 фоиз эканини ҳисобга олсан, самарали хизмат қилаётган ёшлар етакчиси бундан қанча иқтисодий наф кўришини тасаввур қилиш қийин эмас.

Яна бир муҳим масала – энди вилоят ва туман хокимларининг ёшлар сиёсати, ижтимоий ривожланиш ва маънавий-маърифий ишлар бўйича ўринбосарлари, туман ички ишлар бўлими бошлиқларининг ёшлар бўйича ўринбосарлари Ўзбекистон ёшлар иттифоқи тавсияси билан лавозимга тайинланади.

Бу албатта жойлардаги давлат бошқарув идораларининг Ўзбекистон ёшлар иттифоқи тузилмалари билан ҳамкорлигини сифат жиҳатидан оширишга хизмат қиласи.

**Бешинчидан**, ёшлар ҳаёти, ўй-кечинмалари, орзуниятлари, энг муҳими, уларни қийнаётган масалалар, афсуски, радио ва телевидение, газета ва журналларда ўз ифодасини тўлиқ топмаяпти.

Гўёки ҳамма нарса жойида, олам гулистон. Агар ҳаммаси жойида бўлса, тўғри йўлдан адашган ёшлар, жиноятчилик, ишсизлик қаердан пайдо бўляпти? Нега ёшларга оид давлат сиёсатига лоқайд муносабатда бўлаётган амалдорлар ҳақида оммавий ахборот воситалари, аввало, ёшлар матбуоти чурқ этмайди?

Масалан, «Камолот» радиосини, «Камолот»нинг Интернет сайтини оладиган бўлсақ, уларда ўтказилган юзаки тадбирлар, енгил-елпи қўшиқлар, ўзини ўзи макташ, чиройли қиёфалардан бошقا нарсани деярли кўрмаймиз.

«Ёшлар» телерадиоканали ҳам ўз имкониятларидан самарали фойдалана олмаяпти. Шу муносабат билан ушбу канал фаолиятини кучайтириш, унинг 50 фоиз акцияси Ўзбекистон ёшлар иттифоқига тегишли бўлиши, унинг директори мазкур ташкилот Марказий кенгаши томонидан лавозимга тасдиқланиши бўйича Бош вазир А.Арипов, Ўзбекистон Миллий телерадиокомпанияси раиси Х.Мирзоҳидов, адлия вазири М.Икромовга бир ой муддатда тегишли таклиф тайёрлаш вазифаси топширилади.

Ҳозирги вактда ёшларга мўлжалланган «Туркистон» газетаси 9 минг 500 нусхада, «Молодёжь Узбекистана» газетаси 2 минг 800, «Ёш куч» журнали 3 минг нусхада чоп этилаётганини қониқарли баҳолаш мумкинми? Мамлакатимизда 10 миллиондан ортиқ ёшлар мавжуд бўлгани холда, бу рақамлар биз учун уят эмасми?

Мисол учун, «Туркистон» газетасига Фарғона вилоятида 225 та, Сурхондарё вилоятида 134 та, Самарқанд вилоятида 54 та, Сирдарё вилоятида эса бор-йўғи 40 та обуна расмийлаштирилганини, айтинглар, қандай изоҳлаш мумкин?

Холбуки, республикамиздаги барча вазирлик ва идоралар, йирик компаниялар ходимларининг аксариятини ёшлар ташкил этади. Ана шу ташкилотларда ёшлар нашрларига обуна масаласи қандай?

Қани, «Ўзбекнефтгаз» компанияси раиси А.Султонов, сиз бу саволга қандай жавоб берасиз? Сиз ўз тизимингиздаги ёшлар қандай матбуот нашрларига обуна бўлгани, қандай китобларни ўқиётгани, умуман, уларнинг маънавий савияси, дунёқараши билан ҳеч қизиқиб кўрганмисиз?

Жаноб А.Султоновга берган бу саволимни мен бошқа кўп раҳбарларга ҳам беришим мумкин ва аминманки, жавоб мана шундай қониқарсиз бўлиши аниқ.

Ўзингиз ўйланг, азиз дўстлар, ёшларимиз ўзимизнинг газета-журналларимизни ўқимаса, ўз миллий адабиётимиз ва санъатимизни билмаса, улар қандай қилиб ватанпарвар бўлади? Уларнинг онгу тафаккури, дунёқараши нима ҳисобидан шаклланади?

Бундан келиб чиқадиган хulosса шуки, катта-кичик раҳбарларнинг барчаси бу масала бўйича шахсан масъул эканини унтишга ҳеч қандай ҳакки йўқ.

Айни вактда ёшлар аудиториясига ихтисослашган оммавий ахборот воситалари ҳам ўз фаолиятини тубдан ўзгартириши лозим.

Аввало, қуруқ расмий гаплардан қочиш, танқидий таҳлил, креатив ёндашув, бугунги ҳаётни бутун кўлами, мазмуни, керак бўлса, мураккаблиги билан ёритишида журналистларимиз фаоллик кўрсатиши керак.

Шу маънода, янги ташкил этилган Халқаро пресс-клубга ўхшаб, Ўзбекистон ёшлар иттифоқининг ҳам ўз матбуот клубини очиш фойдадан холи бўлмайди.

Ўткир ва долзарб муаммоларни сизлар айтмасангиз, барибир халқнинг ўзи айтади. Ахир, сизларнинг вазифангиз ҳаётдан бир қадам олдинда юриш эмасми?

Биз учун энг муҳим бўлган яна бир масала – бу ёш кизлар тарбияси билан боғлик.

Шу муносабат билан Бош вазир ўринbosари Т.Норбоевага мурожаат қилмоқчиман: сиз бошлилик килаётган Хотин-қизлар қўмитаси фақат «Зулфия-чи қизлар» билан чекланиб қолмасдан, юртимиздаги барча қизлар билан фаол иш олиб бориши лозим.

Айниқса, қизларимизнинг ҳукуқ ва манфаатларини ҳимоя қилиш, истеъодод ва қобилиятини юзага чиқариш, улар орасида ҳақиқий етакчиларни тарбиялаш ишларини янада кучайтириш керак. Шу борада мен қизларимиз учун алоҳида бир нашр – майли, унинг номи «Кизларжон» бўладими, «Дугоналар» бўладими, янги журнал ташкил қилишни таклиф этаман.

Хозирги кунда мамлакатимизда китобхонлик савиясини ошириш, мутолаа маданиятини юксалтиришига катта аҳамият бериладётгани сизларга маълум. Лекин, кўплаб болаларимиз китобдан узоклашиб, кўп вактини ижтимоий тармоқларда ўтказаётгани – бу ҳам бор гап.

Албатта, биз Интернет ва бошқа замонавий ахборот манбаларининг ўрни ва аҳамиятини инкор этмаймиз. Бугунги ҳаётимизни Интернетсиз тасаввур қилишнинг ўзи қийин.

Шуни ҳисобга олган ҳолда, Ўзбекистон ёшлар иттифоқи Интернет тизими орқали маънавий тарғибот ишларини, жумладан, электрон китобхонликни кучайтириши зарур.

Нега деганда, биз фарзандларимизнинг онги, дунёкараши асрлар давомида синовдан ўтган, юксак маънавият хазинаси бўлган жаҳон ва миллий адабиётимиз асосида эмас, балки қандайдир шубҳали, зарарли ахборотлар асосида шаклланишига бепарво қараб туролмаймиз.

Аҳолимиз, энг аввало, ёшлар ўртасида китобхонлик савиясини ошириш мақсадида Қорақалпогистон Республикаси, вилоятлар ва Тошкент шаҳрида ҳар йили «Энг китобхон мактаб», «Энг китобхон маҳалла», «Энг китобхон оила» каби йўналишларда танловлар ўtkазиш, якуний босқич ғолибларини тақдирлаш учун қимматбаҳо совғалар, жумладан, юртимизда ишлаб чиқарилган автомобилларни мукофот тариқасида бериш, ўйлайманки, бу жуда катта рағбат бўлади.

Бош вазир А.Арипов ва Давлат маслаҳатчиси Х.Султоновга шу масала бўйича бир ой муддатда таклиф киритиш вазифаси топширилади.

Шунингдек, «Китоб олами» дўконлари тармогини Ўзбекистон ёшлар иттифоқи тасарруфига ўтказиш, ёшижодкорларнинг китоблари ҳамда «Туркистон», «Молодежь Узбекистана» газеталари, «Ёш куч» журналларини чоп этиш учун «Ёшлар нашриёт уйи»ни ташкил этиш вақти келди, деб ўйлайман.

Шу муносабат билан Ўзбекистон ёшлар иттифоқига умумтаълим муассасалари кутубхоналарини 10 миллиард сўм маблағ ҳисобидан бадиий адабиётлар билан таъминлаш имконини яратиб бериш лозим. Тегишли вазирлик ва идоралар билан биргаликда у ҳар

йили умумтаълим муассасалари кутубхоналарининг талабини ўрганиб, бадий адабиётлар харид қилиш ишларини ташкил этиши даркор.

Шу борада яна бир муҳим лойиҳа – 2020 йил 1 декабргача ҳар бир туман ва шаҳарда Ўзбекистон ёшлар иттифоқига қарашли, барча қулайликларга эга бўлган кутубхона ва китоб дўконини ҳам ўз ичига олган кичик Ёшлар марказларини барпо этиш лойиҳасини амалга оширамиз.

Келгусида Қорақалпогистон Республикаси, барча вилоятлар ва Тошкент шаҳридаги ҳар бир туманда биттадан коллеж биносини Ўзбекистон ёшлар иттифоқи тасарруфига ўtkазиш лозим.

Бу бинолар факат ташкилотнинг бошқарув идораси бўлиб қолмасдан, уларда ёшлар иштирокида турли маънавий-маърифий тадбирлар, фан ва қасб-хунар тўғараклари, спорт мусобақалари, адабий кеча ва мушоиралар, бадий ва ҳунармандлик кўргазмалари ўtkазишни албатта йўлга кўйиш керак.

**Олтинчидан**, юртимизда ижтимоий-маънавий муҳитни яхшилаш, ёшларни турли диний экстремистик оқимлар таъсиридан асраш масаласи барчамиз учун энг асосий вазифа бўлиб турибди.

Мактабда, лицей-коллеж ёки маҳаллада бир бола адашиб, нотўғри йўлга кириб кетар экан, бундан аввало унинг тенгдошлари, ёшлар ташкилоти хабардор бўлиши, ҳеч кимни тинч қолдирмасдан, бонг уриши керак эмасми?

Шу маънода, бугунги кунда юртимизда тобора кенг тарқалиб бораётган **«Ўз болангни ўзинг асра!»**

деган даъват фақат қуруқ шиор бўлиб қолмасдан, ҳар бир ота-она, ҳар бир фуқаронинг қалбига, юрагига чукур кириб бориши, амалий ҳаракатга айланиши зарур.

Бунинг учун бу масалани, яъни, ота-оналарнинг фарзандлар тарбияси учун масъулияти ва бурчини хукукий асосда мустаҳкамлаб қўйиш вақти келди, деб ўйлайман.

Давлат маслаҳатчиси О.Муродов, адлия вазири М.Икромов бир ой муддатда ушбу масала юзасидан тегишли таклифлар тайёрлаб, киритиши зарур.

Ҳозирги вактда чет элда ишлаб юрган айрим ёшларнинг терроризм ва экстремизм чангалига тушиб қолаётгани билан боғлиқ муаммо барчамизни қийнамоқда.

Лекин қайси ҳоким ёки вазир, қайси жамоат ташкилотининг раҳбари мана шу ёшлар хорижда нима килиб юрибди, қандай кун кечиряпти, деб қизиқиб кўряпти?

Холбуки, кўпгина давлатларда ўз фуқаролари бўлган хориждаги ёшлар билан ишлаш бўйича тузилмалар бор. Уларнинг тажрибасини ўрганиб, биз ҳам чет элларда ўкиётган, меҳнат қилаётган ёшлар билан иш олиб борадиган, уларнинг хукуқ ва манфаатларини ҳимоя қиласиган бир ташкилот тузишимиш керак. Ўзимизнинг болаларимиз ҳақида ўзимиз ўйламасак, ким ўйлади?

Бу масала бўйича Давлат маслаҳатчиси А.Юнусхўжаев, ташки ишлар вазири А.Комилов, бандлик ва меҳнат муносабатлари вазири А.Абдуҳакимов

Ўзбекистон ёшлар иттифоқи билан биргаликда бир ой муддатда таклиф киритсин.

**Еттинчидан,** Ўзбекистон ёшлар иттифоқи маънавий-ахлоқий жиҳатдан муаммоси бор, яъни нотинч оила фарзандлари, жиноятчиликка мойил бўлган ёки профилактик рўйхатда турадиган ёшлар билан индивидуал тарзда иш олиб боришга кўпроқ эътибор қаратиши лозим.

Иқтидорли, тарбияли болалар билан ишлаш осон, лекин ҳаётда қоқилган ёки ёмон мухитга тушиб қолган ёшларни тўғри йўлга, эзгу мақсадга даъват қилиш, ишонтириш қийин. Янги ташкилот мана шу оғир, лекин ўта зарур вазифани ўз зиммасига олиши айни муддао бўлур эди.

Биз «уюшмаган ёшлар, уюшмаган ёшлар», деб кўп гапирамиз. Лекин бу масалани ҳуқуқий ва амалий жиҳатдан ҳал қилишга келганда, очик айтиш керак, кўпчилигимиз нима қилиш лозимлигини билмаймиз.

Шу максадда Ўзбекистон ёшлар иттифоқи бошлигигида, бошка манфаатдор вазирлик ва идоралар иштирокида, бир илмий-амалий конференция ўтказиш ўринли бўлур эди. Унда уюшмаган ёшлар билан ишлаш бўйича ҳар томонлама асосланган тавсиялар ишлаб чиқиш зарур, деб ўйлайман. Бу вазифа Давлат маслаҳатчилари О.Муродов ва Р.Комиловга топширилади.

Яна бир муҳим масалага эътиборингизни қаратишни истардим.

Ўзбекистон ёшлар иттифоқи жаҳон маданияти ривожига бекиёс ҳисса қўшган буюк аждодларимиз

меросига хурмат, унга муносиб бўлиш туйғусини шакллантириш, бу бебаҳо бойликни чукур ўрганиш ва кенг тарғиб этишга қаратилган мазмундор, таъсирчан лойиҳаларни амалга оширишда ташабbus кўрсатиши нур устига нур бўлур эди. Ҳозирча бу борада ёшлар ташкилотининг ишини қониқарли деб бўлмайди.

Мамлакатимизда ҳукм суроётган тинчлик, миллат-лааро тотувлик, ўзаро хурмат ва меҳр-оқибат мухитини кўз корачиғидек асраш, ёш авлод ўртасида ҳарбий-ватанпарварлик тарбиясини кучайтиришда Ўзбекистон ёшлар иттифоки ўзининг мустаҳкам ўрнига эга бўлиши лозим.

Маълумки, тарихда ҳалқимиз орасидан кўплаб буюк саркардалар етишиб чиқкан. Ана шундай мард ва фидойи аждодларимизнинг ҳарбий соҳадаги бой мероси, мардлик ва жасурлик фазилатлари ёшларимиз учун ибрат мактаби бўлиб хизмат қиласди.

Айниқса, Соҳибқирон Амир Темур бобомиздек – у зот биронта жангда мағлуб бўлмаган – енгилмас саркарда ва давлат арбоби жаҳон тарихида камдан-кам топилиди. Ўз яқинлари, замондошлари бу улуғ сиймони Темурбек деб атаган эканлар. Мен шу ҳақда ўйлаганимда, бир фикр хаёлимдан ҳеч кетмайди. Юртимизда ёшларга ҳарбий таълим-тарбия берадиган курсантлар мактабларига «Темурбеклар мактаби» деб ном берсак, нима дейсизлар?

Бу масала бўйича Бош вазир А.Арипов, Хавфсизлик кенгаши котиби В.Махмудов, мудофаа вазири К.Бердиевга бир ой муддатда таклиф киритиш вазифаси топширилади.

**Азиз дўстлар!**

Юртимиз ёшлари ўртасида илм-фан, таълим-тарбия, тиббиёт, маданият, адабиёт ва санъат, спорт, ишлаб чиқариш, ҳарбий хизмат соҳаларида, умуман, барча жабҳаларда жонбозлик кўрсатиб келаётган азамат йигитларимиз жуда кўп. Улар ўзининг жисмоний ва маънавий салоҳияти, истеъдод ва маҳоратини намоён этиши учун зарур шароитларни яратиб бериш борасида мамлакатимизда кўп ишлар қилингандек ва келгусида ҳам уларни албатта давом эттирамиз.

Айни вақтда ҳалол ва самарали меҳнати, илмий-ижодий ютуқлари, Ватанга садоқатли хизмати билан барчага ўрнак бўлаётган мард ўғлонларимизни қўллаб-кувватлаш ва рағбатлантириш давлатимиз ва жамияти-мизнинг эътибор марказида бўлиши зарур.

Сизларга маълумки, юртимизда иқтидорли ва фаол қизларимиз учун Зулфия номидаги Давлат мукофоти таъсис этилган. Энди турли соҳа ва тармоқларда катта натижаларга эришиб келаётган йигитлар учун «Мард ўғлонлар» деган ном билан Давлат мукофотини таъсис этсак, нима дейсизлар?

Шу билан бирга, ёшларга оид давлат сиёсатини амалга оширишда, ўқиашда, меҳнатда, жамоат ишларида ҳар томонлама фаол бўлган йигит-қизларимизни тақдирлаш мақсадида «Келажак бунёдкори» медалини ҳам таъсис этиш ўринли бўлур эди.

Нега деганда, ҳар қандай ютуқ, ҳар қандай ғалаба замираида аввало меҳнат ва қатъият, мардлик ва жасорат мужассам бўлиб, эл-юрт равнақи йўлидаги

ҳалол хизмат албатта ўзининг муносиб баҳоси ва қадрини топиши керак.

Фурсатдан фойдаланиб, яна бир муҳим фикрни сизлар билан маслаҳат қилмоқчиман. Юртимида байрамлар кўп, лекин ёшларга бағишланган алоҳида байрам йўқ. Бугун шу масалани ҳам ҳал этадиган вакт келди.

Ўзбекистон ёшлар иттифоқи ташкил этилган кун – 30 июнь санасини мамлакатимизда **Ёшлар куни** деб эълон қиласак, қандай бўлади?

Хурматли делегатлар, азиз фарзандларим!

Мана, бугун сизлар билан мамлакатимиз ёшлари ҳаётига дахлдор кўпгина масалалар тўғрисида, жумладан, ёш авлодимизни ҳар томонлама етук инсонлар, биз бошлаган улуғ ишларнинг муносиб давомчилари этиб тарбиялаш борасида олдимизда турган энг муҳим ва долзарб вазифалар ҳақида атрофлича гаплашиб олдик.

Тан олиш керакки, кескин танқидий гаплар ҳам бўлди. Лекин бу гаплар қанчалик аччиқ бўлмасин, улар ҳақконий гаплардир. Мен ўйлайманки, биз бир-биримизни тўғри тушундик.

Бугунги муҳокама, билдирилган фикр-мулоҳазаларнинг барчаси ягона, эзгу бир мақсадга, яъни ҳалқимиз, энг аввало, ёшларимизнинг ҳаётини янада обод ва фаровон, мазмунли ва баҳтли қилишга қаратилганини ҳаммамиз англаbü туривмиз.

Бугун мана шу муҳташам залда тўпланган сиз, азизларни, вилоят ва туманларда видеоалоқа орқали анжуман ишини кузатиб бораётган йигит-қизларимизни,

барчангизнинг ёниб турган кўзларингизни, азму шижаотингизни, навқирон куч-ғайратингизни кўриб, сизлар билан самимий сухбатда бўлиб, очиини айтсан, ўзим ҳам яшариб кетгандек бўлдим.

Бугунги учрашувдаги кўтаринки рух, баланд кайфиятни кўрган ҳар қандай одам беихтиёр машхур шоиришимиз Ҳамид Ғуломнинг:

**«Оҳ, сенинг ёшлигинг менда бўлсайди!»** деган гўзал сатрини такрорлаши табиий, деб ўйлайман.

Ҳақиқатан ҳам, биз, ота-оналар, устоз ва мураббийлар сизларни, бутун Ўзбекистон ёшларини Ватанимиз, жамиятимизнинг ҳал қилувчи кучи деб биламиз ва сизлар ҳамиша ҳалқимизнинг мана шундай юксак ишончига муносиб бўласиз, деб ишонамиз.

Сизларга яхши маълум, ҳозирги вақтда юртимизда **«Буюк келажагимизни мард ва олижаноб ҳалқимиз билан бирга қурамиз»** деган шиор кенг тарқалиб, ҳаётимизга тобора чукур кириб бормокда. Лекин Ўзбекистонимизнинг мана шундай ёруғ ва фаровон истиқболини бунёд этишдек масъулиятли вазифани ким ўз зиммасига олади?

Албатта, фақат замонавий билим ва касб-хунарларни пухта эгаллаган, мустақил фикрлайдиган, доимо эл-юрт тақдирига дахлдорлик туйғуси билан яшайдиган сиз, азиз ёшларимиз майдонга дадил чиқиб, бугунги кунда ҳаётнинг ўзи олдимизга қўяётган вазифаларни ҳал этишга қодирсиз.

Мана шундай улуғ мақсадга эришиш йўлида, Ўзбекистон ёшлар иттифоқини том маънода мамлакатимиздаги барча ёшларнинг таянчи ва сுянчига

айлантириш йўлида сизларга сиҳат-саломатлик, куч-ғайрат, баҳт ва омад ёр бўлишини тилаб коламан.

«Камолот» ёшлиар ижтимоий  
ҳаракатининг IV қурултойида сўзланган нутқ.  
2017 йил 30 июнь

## **ПАРЛАМЕНТИМИЗ ҲАҚИҚИЙ ДЕМОКРАТИЯ МАКТАБИГА АЙЛANIШИ, ИСЛОХОТЛАРНИНГ ТАШАББУСКОРИ ВА АСОСИЙ ИЖРОЧИСИ БЎЛИШИ КЕРАК**

**Ассалому алайкум, ҳурматли депутат ва сенаторлар!  
Қадрли мажлис қатнашчилари!**

Авваламбор, бугун сиз, азизлар билан, Олий Мажлис палаталари раҳбарлари, сиёсий партиялар ва Экологик ҳаракат вакиллари билан учрашиб турганимдан хурсанд эканимни билдириб, барчангизга ўзимнинг самимий ва эзгу тилакларимни изхор этаман.

Мамлакатимиз ижтимоий-сиёсий ҳаётида бундай таркиб ва мазмунда илк бор ўтказилаётган бу учрашув мен учун юксак шараф ва юксак масъулият, десам, айни ҳақиқатни айтган бўламан.

Бугун биз замон талабларидан келиб чиқиб, тараққиётимизни янги босқичга қўтариш йўлидан жадал илгарилаб бормоқдамиз.

Энг асосийси, жамият ҳаётининг барча соҳаларини янада эркинлаштириш ва ислоҳ қилиш жараёнлари изчил давом эттирилмоқда. Қайси соҳа ёки тармоқда бўлмасин, долзарб муаммолар аҳолимиз билан очиқ мухокама қилиниб, уларнинг ечими топилмоқда. Барча қарорларимиз халқимизнинг фикр-мулоҳазалари ва мурожаатлари асосида қабул қилинмоқда.

Давлат ҳокимиюти органлари, жумладан, иқтисодиёт, банк-молия соҳаси идоралари, коммунал хизмат, ички ишлар, ташки ишлар, таълим-тарбия, соғлиқни саклаш, суд-хукук тизимининг парламент ва маҳаллий кенгашларда ҳисобот ва ахборот бериш тартиби йўлга қўйилиб, халқ назорати амалда жорий этилмоқда.

Бундай ўта муҳим жараёнларда, хеч шубҳасиз, сиёсий партияларнинг вакиллари, ҳурматли депутат ва сенаторларнинг ўрни ва масъулияти нақадар бекиёс эканини, ўйлайманки, ҳаммамиз яхши тушунамиз. Биз миллий парламентимиз тимсолида, аввало, жамиятимизнинг ҳакиқий кўзгусини, одамларни ўз ортидан эргаштириб, эзгу мақсадлар сари бошлашга кодир бўлган катта бир кучни кўрамиз.

Муҳтарам дўстлар!

Мен ҳам кўп йиллар депутат бўлганман, шу сабабли ўз тажрибамдан яхши биламан – депутат бўлиш, халқ ишончини қозониш ва уни муносиб равишда оқлаш – бу осон эмас.

Бундай шараф ҳар кимга ҳам насиб этмайди. Депутат – фикри зикри билан халққа энг яқин одам, доимо эл-юртнинг ташвиш ва муаммолари билан яшайдиган, катта билим ва тажрибага эга бўлган шахс.

Биз, ана шу ҳакиқатдан келиб чиқсан ҳолда, кейинги пайтда кадрлар сиёсатида янги бир тажрибани қўллаяпмиз. Яъни, ҳурматли депутат ва сенаторлар, партия вакиллари юксак ва масъулиятли лавозимларга тайинланмоқда. Уларга муҳим соҳалар ишониб топширилмоқда.

Қисқа давр ичида Олий Мажлис палаталарининг 20 нафардан зиёд вакиллари давлат ҳокимиюти ва бошқаруви тизимидағи турли юқори вазифаларга ўтказилди.

Масалан, «Адолат» социал-демократик партияси фракцияси аъзоси А.Шодмонов соғлиқни сақлаш вазири, «Миллий тикланиш» демократик партияси аъзолари, сенатор К.Турсунов Навоий вилояти ҳокими, М.Фафурова Самарқанд вилояти ҳокими ўринбосари, Ўзбекистон Либерал-демократик партияси аъзоси Б.Темирхонова Қорақалпоғистон Республикаси иқтисодий судининг раиси, Халқ демократик партияси раиси ўринбосари Р.Комилов Президентнинг Давлат маслаҳатчisi, Халқ демократик партияси фракцияси аъзоси Ё.Умаров Вазирлар Маҳкамаси департаменти мудири лавозимига тайинланди.

Шунингдек, маҳаллий кенгашлар депутатларининг қарийб 200 нафардан ортиғи жойларда раҳбарлик лавозимларига ўтказилди.

Биз бу борадаги сиёсатимизни келгусида ҳам қатъий давом эттирамиз. Ўзининг ташкилотчилиги ва ташаббускорлиги, масъулияти билан халқ ишончини қозонган ҳар қайси парламент аъзоси ва партия вакили ҳеч качон эътиборсиз қолмайди.

Айни пайтда бугун замоннинг ўзи барчамиздан, биринчи навбатда, сиёсий партияларнинг вакиллари, депутат ва сенаторлардан мамлакатимизда амалга оширилаётган кенг қўламли ислоҳотларнинг нафақат иштирокчisi, балки ташаббускори ва асосий ижрочиси бўлишни, бошқаларга намуна кўрсатишни талаб этмоқда.

Бугунги учрашувимиздан асосий мақсад – бу борада эришган ютуқларимизни эътироф этган холда, сизлар билан биргаликда ҳокимият вакиллик органлари, сиёсий партиялар ва Экологик ҳаракатнинг ўтган даврдаги фаолиятини ўзаро мулоқот шаклида, танкидий рухда таҳлил килиш, ислоҳотларни яна-да чукурлаштириш йўлида олдимизда турган мухим вазифаларни белгилаб олишдан иборат.

Шу нуқтаи назардан қараганда, аввало сиёсий партиялар фаолиятидаги айрим муаммо ва камчиликлар ҳакида сўз юритиш ўринли, деб ўйлайман.

**Биринчидан**, бугунги кунда сиёсий партиялар ўз электоратига берган ваъдаларини, сайловолди дастурларини тўла ва самарали бажармоқда, деб айтольмаймиз. Улар ҳанузгача мамлакатимиз ижтимоий-сиёсий ҳаётида, фуқаролар онгида ўзининг мустаҳкам ўрнини эгаллай олмади.

Сиёсий партиялар ва Олий Мажлис Қонунчилик палатаси фаолиятида партия фракциялари томонидан устувор мақсад ва вазифаларни амалга оширишга қаратилган аниқ таклиф ва ташаббуслар деярли сезилмаяпти.

Масалан, **Халқ демократик партияси** ўзини пенсионерлар, кам таъминланган аҳоли қатламлари манфаатларининг ҳимоячиси сифатида намойиш этади. Лекин, холисона айтадиган бўлсак, партия шу мақсад йўлида ҳақиқатан ҳам амалий иш олиб боряптими?

Партия пенсионерларнинг ҳаёт даражасини, уларнинг ижтимоий фаоллигини кучайтириш, давлат ор-

ганлари фаолияти устидан жамоатчилик назоратини амалга оширишдаги иштирокини қўллаб-кувватлаш борасида кўзга кўринадиган ташаббуслар билан чиқяптими?

Шу борада бир мисолга мурожаат қиласлийк. Маълумки, пенсионерларнинг муайян бир қисмини ногиронлар ташкил этади. Лекин ҳозирги вақтда улар ўзини жамиятнинг тўлақонли аъзоси деб ҳис килиши учун барча зарур шароитлар яратилмаган. Бу ҳакикатни афсус билан тан олиш керак. Ногиронларни, айтайлик, протезлар, инвалидлар коляскалари билан таъминлаш, уларнинг тураг-жой ва маъмурий биноларга кириб-чиқиши, метро ва автобуслардан bemalol фойдаланиши учун пандуслар ва платформалар қуриш каби масалаларда, умуман, ушбу социал тоифанинг талаб ва эҳтиёжлари, қонуний ҳукуқ ва манфаатларини таъминлашда талайгина камчилик ва муаммолар борлиги сир эмас.

Шу борада ХДП қачон бирорта қонун ташаббускори бўлиб майдонга чиқди ва унинг ижроси устидан қандай назорат олиб борди? Ёки «Мурувват», «Саховат» ва «Мехрибонлик» уйлари фаолиятини яхшилаш бўйича партия томонидан амалий ҳаракатлар бўляптими?

Яна бир муҳим масала – пенсионерларни доридармон билан таъминлашдаги муаммоларни ҳал этиш учун ушбу партия нима иш қилди?

Агар Халқ демократик партияси мана шу муҳим ижтимоий масалалар билан яқиндан шуғулланганида эди, ўлайманки, Президентнинг Халқ

қабулхоналарига аҳолининг кам таъминланган қатламларидан, аввало, пенсионерлардан кўплаб шикоят ва аризалар тушмаган бўларди.

«Миллий тикланиш» партиясини оладиган бўлсак, у миллий меросимиз ва қадриятларимизни тиклаш, уларни янада бойитиш билан бирга, туризм соҳасини ривожлантиришни ҳам ўз олдига вазифа қилиб кўйган. Аммо партия амалда бу соҳадаги қонунчиликни такомиллаштириш, мавжуд қонуларнинг ижросини назорат қилиш юзасидан етарлича фаоллик кўрсата олмаяпти.

Холбуки, туризм соҳасини ривожлантириш йўлида қанча муаммолар, шу билан бирга, ҳали ишга солинмаган катта имкониятлар борлиги, бу тармоқ янги-янги иш ўринлари яратишда қандай муҳим манба эканини ортиқча изоҳлаб ўтиришнинг ҳожати йўк.

Лекин ушбу партиядан сайланган депутатларимиз, мисол учун, аэропорт ёки вокзалларга, меҳмонхоналарга, божхона постларига бориб, туристлар учун қандай шароитлар яратилганини ўрганиб, мавжуд ҳолатни яхшилаш юзасидан амалий таклиф ва ташаббуслар билан чикяптими?

Бошқа соҳаларда бўлгани каби туризм соҳасида ҳам энг катта муаммо – замонавий фикрлайдиган, ўз ишини, хорижий тилларни пухта биладиган малакали кадрлар етишмаслиги билан боғлик.

Ана шу долзарб муаммони ҳал қилиш мақсадида партия вакиллари қайси олий ўкув юргига, қайси коллежга бориб, туризм бўйича мутахассислар тайёр-

лаш жараёнлари билан, ўкув дастурлари билан қизиқяпти? Бунинг учун катта маблағ керак эмас-ку!

Биз кейинги вақтда туризм соҳасини ривожлантириш учун бир қатор муҳим қарорлар қабул қилдик. Жумладан, Туризмни ривожлантириш давлат қўмитаси ташкил этилди, ушбу соҳа тараққиётини жадаллаптириш учун қўшимча имконият ва имтиёзлар яратиб берилди. Лекин улар негадир ҳозирга қадар «Миллий тикланиш» партияси учун муҳокама объектига айланмади.

Яна бир муҳим масала – юртимиздаги тарихий обидаларни тиклаш ва таъмирлаш, буюк аждодларимизнинг қадамжоларини обод этиш бўйича олдимизда қанча-қанча вазифалар турибди.

Мана, ҳозирги пайтда Қашқадарёда Абу Муин Насафий, Тошкент шаҳрида Сузук ота, Наманган вилоятида Ибрат домла, Султон Увайс каби улуғ зотларнинг хотираларига атаб янги мажмуалар, миллий ўзлигимизни янада чукурроқ англаш, жаҳолатга қарши маърифат билан курашиш мақсадида Самарқандда Имом Бухорий номидаги халқаро илмий марказ, пойтахтимизда эса Ўзбекистондаги Ислом маданияти марказини барпо этиш бўйича жуда катта ишлар олиб борилмоқда.

Бу партия неча йиллардан бўён тарихий ва маданий мерос масалалари билан шуғулланади. Лекин ҳақиқий тарихимизни тиклаш бўйича мактаблар ва олий ўкув юрларида олиб борилаётган ишлар, ўкув дастурларининг савијасини партия фаоллари ҳеч ўрганганми?

Сизларга мълум, биз яқинда «Ўзбекистон Республикаси Фанлар академияси хузурида Ўзбекистоннинг энг янги тарихи бўйича жамоатчилик кенгаши фаолиятини ташкил этиш тўғрисида» қарор қабул қилдик. Бу қарорни тайёрлаш жараёнида ушбу партияниң роли, таклифи мутлақо сезилмагани, унинг вакиллари иштирок этмагани, албатта, одамни ҳайрон қолдиради.

Ваҳоланки, юкорида тилга олинган масалалар бўйича ташаббус айнан «Миллий тикланиш» партиясидан чиқиши керак эмасми? Нима учун бундай таклифлар фақат Президент томонидан билдирилиши керак?

Маълумки, «Адолат» социал-демократик партияси ижтимоий адолат, илм-фан, таълим-тарбия ва соғлиқни сақлаш соҳасида аҳоли манфаатларини ҳимоя килиш шиори остида фаолият олиб боради.

Лекин партия ушбу соҳаларда, хусусан, жамиятилизда қонун ва адолат устуворлигини ёки аҳолига тиббий хизмат қўрсатиш ва уни дори-дармон воситалари билан таъминлашни яхшилаш бўйича аниқ ташаббусларни нима учун ўз вақтида илгари сурмагани ачинарли ҳолдир.

Ҳозирги вактда юртимизда илм-фан, таълим-тарбия соҳалари, жумладан, Фанлар академияси фаолиятини такомиллаштириш бўйича ўзгаришлар амалга оширилмоқда.

Лекин «Адолат» партияси вакиллари, уларнинг депутатлари, мисол учун, ёш олимлар билан бирон марта бўлса ҳам учрашиб, уларнинг дардини эшишиб, муаммоларини ечиш бўйича қандай амалий таклифлар берди? Минг афсуски, йўқ бундай таклиф.

Мана, бугунги кунда Кадрлар тайёрлап миллий дастурини такомиллаштириш юзасидан жойларда турли-туман фикрлар, таклифлар билдириляпти. Лекин нима учун партия бу масалалар бўйича ўз фикри, ўз муносабатини баён этмаяпти?

Соғлиқни саклаш, жамиятимизда қонун ва адолат устуворлигини таъминлаш, оилаларда, маҳаллаларда соғлом мухитни мустаҳкамлаш бўйича кейинги пайтда қанча мухим тадбирлар ўтказилмоқда, бу борада мутлако янги тизим барпо этилмоқда. Сизлар ана шу масалалар бўйича бирорта фикр билдирингизми?

Яқинда матбуотда Ўзбекистон судьялар ҳамжамиятининг мурожаати эълон қилинди.

Хўш, «Адолат» партиясининг бу масалага муносабати қандай – сайловчиларингиз, тарафдорларингиз сизлардан бу саволларга жавоб кутишга ҳакли.

Тадбиркорлар ва ишбилармонлар ҳаракати – **Ўзбекистон Либерал-демократик партиясининг** фаолиятини ҳам мамлакатимиздаги етакчи сиёсий куч сифатида фаол ва самарали деб бўлмайди.

Президент сайлови бўлиб ўтганига ҳам, мана, ҳадемай бир йил тўлади. Лекин партиямиз ҳозирги пайтда янги ғоялар, янги ташаббус ва таклифларни ўртага қўяётгани йўқ.

Мана, биз Ўзбекистон Савдо-саноат палатаси фаолиятини янгича асосда ташкил этиб, унинг раҳбарларини ҳам ўзгартирдик.

Мамлакатимизда тадбиркорлик ва хусусий мулкчиликни янада қўллаб-кувватлаш, бу соҳага янги янги имтиёз ва преференциялар яратиб бериш бўйича

улкан ишлар амалга оширилмоқда. Қанча эркин иқтисодий зоналар, қишлоқларда кичик саноат ҳудудлари ташкил этиляпти. Қишлоқ хўжалиги соҳасида биз учун янги бўлган тармоқ ва йўналишларга асос солинмоқда. Бу борада биз жуда оддий, жуда содда, лекин чуқур ҳаётий асосга эга бўлган бир принципга амал қиляпмиз.

Яъни, фақат битта қишлоқ хўжалик экинига қарам бўлиб қолмасдан, даромад, фойда нуқтаи назаридан ўзини оқламаган пахта майдонларини қисқартириб, уларнинг ўрнига нимаики даромад келтирса, нимаики экспортбоп бўлса, нимаики одамлар ҳаётини фаровон қиласидиган бўлса, айни шу экинни экамиз.

Лекин бу ишларни изчил ва самарали амалга ошириш, уларнинг пировард натижасини таъминлаш учун барча масъулият ва жавобгарликни фақат ижро органларига ташлаб қўйиш ҳам тўғри бўлмайди. Бу масалаларда тадбиркор ва ишбилармонлар, фермерлар, хусусий мулк, жумладан, интеллектуал мулк эгаларининг ҳукуқ ва манфаатларини ҳимоя қиласан, деб майдонга чиқсан Ўзбекистон Либерал-демократик партиясининг ўрни ва иштироки, амалий таъсири аниқ сезилиши зарур.

Мана, яқинда мамлакатимиз ёшлари ўз қурултойида янги ташкилот – Ўзбекистон ёшлар иттифоқини ташкил этди. Шу мажлисда ёшлар ҳаётига бевосита дахлдор бўлган кўпгина масалалар қаторида ёш тадбиркорларни қийнаётган қанча муаммолар ҳам муҳокама қилинди.

Нима учун Либерал-демократик партиямиз шу масалага ўз вақтида эътибор қаратиб, бу муаммолар-

ни ҳукумат олдига, тегишли вазирлик ва идоралар олдига қўймади, деган савол, афсуски, жавобсиз қолмоқда.

Ҳолбуки, тадбиркорларни кўллаб-кувватлаш партиямизнинг асосий мақсади экани Дастур ва Низомда ёзib қўйилган.

**Ҳар қандай сиёсий партия замон билан ҳамнафас бўлиб, унинг ўткир талабларига жавоб берган тақдирдагина сиёсий куч сифатида яшай олади.** Биз нафақат ЎзЛиДеП, балки барча партиялар мисолида ана шуидай қудратли, сафарбар этувчи кучни кўришни истаймиз.

Кўриб турибсизлар, ҳозирги вактда деярли хар куни мамлакатимиз тараққиётининг турли соҳалари бўйича камида 2–3 та қарор ёки фармон чиқарилмоқда. Албатта, буларнинг барчаси яхши ҳаётдан бўлаётгани йўқ, аксинча, кундалик турмушда муаммолар кўплиги ва уларни ҳал қилиш зарурати шунни тақозо этмоқда. Лекин аслида ҳаётимиздаги мана шундай энг муҳим ва долзарб масалалар бўйича сиз, депутатлар сифатли ва пухта қонунларни ўз вактида қабул қилишингиз керак эмасми?

**Мен турли йиғилишларда, биз икки йил давомида фавқулодда сафарбарлик ҳолатида ишлашимиз керак,** деган фикрни доимо айтиб келяпман.

Лекин, афсуски, бу масала бўйича Олий Мажлис ва унинг раҳбарияти, хусусан, Қонунчилик палатаси Спикери Нурдинжон Мўйдинхонович Исмоилов, Сенат Раиси Ниғматилла Тўлқинович Йўлдошевнинг позицияси на уларнинг чиқишиларида, на амалий харакатларида сезиляпти.

Таҳлиллар шуни кўрсатмоқдаки, амалдаги қонунларимизда бир-бирига зид ўринлар ҳам йўқ эмас. Лекин бугун кайси бир партиянинг ташаббуси билан уларнинг шунчаси ўзгарди, деб айта оламиз?

Очиқ айтиш керак, сиёсий партияларда бу соҳада ҳалигача хотиржамлик, қандайдир мудраб ўтириш кайфияти хукм сурмоқда. Ҳеч кимга фойдаси бўлмаган мажлислар соатлаб давом этмоқда, танқидий таҳлил ўрнига майда масалалар билан ўралашиб, долзарб муаммоларнинг ечими четда қолиб кетмоқда.

Эътибор беринг, ҳар бир партиянинг дастурида вазифалар ва йўналишлар аниқ белгиланган. Ушбу соҳалар бўйича жавоб берадиган вазирлик ва давлат кўмиталари ҳам аниқ.

Аммо нима учун партиялар ана шу вазирлик ва кўмиталар фаолияти устидан ўзларининг вакиллик органларидаги фракцияси ва партия гурухлари орқали парламент ҳамда депутатлик назоратини самарали амалга оширмаяпти, деган савол туғилади.

Шу муносабат билан ҳар бир сиёсий партия ўз дастуридаги вазифалардан келиб чиқиб, назорат қилинадиган вазирлик ва кўмиталарни аниқлаб олиши, улар билан тизимли ва доимий ишлаши фойдадан холи бўлмас эди.

Масалан, Халқ демократик партияси Бандлик ва меҳнат муносабатлари ҳамда Уй-жой коммунал хизмат кўрсатиш вазирликлари, «Миллий тикланиш» партияси Маданият вазирлиги ва Туризмни ривожлантириш давлат кўмитаси, «Адолат» партияси Соғлиқни саклаш вазирлиги, Олий ва ўрта маҳсус ҳамда Халқ

таълими вазирликлари, ЎзЛиДeП Иқтисодиёт ва Молия вазирликлари, Инвестициялар бўйича давлат кўмитаси, Экоҳаракат Экология ва атроф-муҳитни муҳофаза қилиш давлат кўмитасининг фаолияти устидан самарали парламент ва депутатлик назоратини олиб бориши, албатта, мақсадга мувофиқ бўлар эди-ку!

Агар шу таклифлар бўлганида, ҳукумат (А. Арипов) депутатларимизга барча шароитларни яратиб берган бўларди.

Энг муҳими, бу жараёнда сиёсий партиялар ва Экоҳаракат иш фаолиятини тўғри ташкил қилиши керак. Назорат тадбирларини расмиятчилик учун ўтказиш, вазирлик ва қўмиталарга муаммони шунчаки кўрсатиб ўтиш, номига мухокама қилиш, аксарият ҳолларда қоғозда қолиб кетаётган қарорлар қабул қилиш амалиётидан бутунлай воз кечиш зарур. Муаммо аниқландими, албатта, унинг ечимини топиш керак.

Бундай иш тизими ҳам сиёсий партияларнинг, ҳам вазирлик ва қўмиталарнинг асосий вазифалари ижросини таъминлашга, албатта, ёрдам беради.

Шунинг учун ҳам партияларнинг фракциялари вазирлик ва қўмиталар устидан, партияларнинг маҳаллий кенгашлардаги гурухлари эса – вазирлик ва қўмиталарнинг жойлардаги бошқарма ва бўлимлари фаолияти устидан самарали парламент ва депутатлик назоратини ўрнатиши керак.

Ижро ҳокимияти идоралари фаолиятини назорат қилишда Президентнинг асосий кўмакчилари ким? Албатта, сиз, муҳтарам депутат ва сенаторлар. Сиз-

лар ижро ҳокимияти идораларининг камчилик ва нуқсонлари ҳакида асосли маълумотлар беришингиз, вазирлик ва идоралар фаолиятини такомиллаштириш бўйича масалани кўндаланг қўйишингиз, керак бўлса, вазир ва ҳокимларни лавозимдан бўшатишгacha бўлган таклифларни киритишингиз лозим.

Қонунчилик палатаси, халқ депутатлари вилоят, туман ва шаҳар кенгашлари депутатлигига сайловлардан кейин, мана, икки йилдан ортиқ вақт ўтди. Бироқ сиёсий партиялар томонидан сайловлар жараёнида оммавий ахборот воситалари, хусусан, телевидение орқали берилган ваъдалар бажарилдими? Нима учун сиёсий партиялар факат сайловлар пайтида фаоллашиб, кейин, таъбир жоиз бўлса, дами чиққан шардек бўшашиб қолади? Ахир, улар овоз олиш учун халққа қанча-қанча ваъдалар бергани ҳакиқат-ку!

Маълумки, нодавлат нотижорат ташкилотлар орасида фақат сиёсий партиялар ҳокимият учун курашиш хуқукига эга. Лекин, шунга қарамасдан, улар ўртасида ракобат, фикрлар, позициялар хилма-хиллиги мутлақо сезилмаяпти.

Ҳолбуки, ҳар бир партиянинг дастури ва низоми бир-биридан фарқ қиласди. Сизлар ўз позициянгизни конуний асосда билдирангиз, ҳимоя қилсангиз, қани, айтинг, бунга ким қарши бўлиши мумкин?

Демократия қаердан бошланади – парламентдан бошланади. «Парламент – демократия мактаби», деймиз. Шундай экан, **миллий парламентимиз ҳақиқий демократия мактабига айланиши керак.**

Бу борада сиз, хурматли депутат ва сенаторлар, барчага намуна бўлишингиз зарур. Чинакам баҳс-мунозара, принципиал тортишувлар аввало шу ерда – парламент минбарида бўлиши керак. Шундагина ҳар бир сиёсий партия, парламентдаги ҳар бир партия фракциясининг ҳақиқий қиёфаси ва позицияси аниқ намоён бўлади.

**Ўйлайманки, ҳаммамиз бир ҳақиқатни яхши тушунамиз: сиёсий партияларнинг Қонунчилик палатасидаги фракциялари фаолиятини кучайтирумасак, қонун ижодкорлиги ва қабул қилинган қонунлар ижроси кутилган натижани бермайди.**

Сизларга маълум, биз қонун хужжатларини жойларга етказиш ва ижросини таъминлаш бўйича қарор қабул қилган эдик. Мана, орадан б ойдан зиёд вакт ўтганига қарамасдан, афсуски, бу борадаги ахвол ҳануз ижобий томонга жиддий ўзгаргани йўқ. Бу жараёнда сиёсий партияларнинг ўрни нима учун сезилмаяпти?

Шу ўринда яна бир мухим масалага эътиборингизни қаратмоқчиман. Ҳозирги вактда сиёсий партияларнинг бошқарув аппаратларида ишчанлик мухити деярли кўзга ташланмаяпти.

Давлат бюджетидан ойлик олиб ишлаётган минглаб ходимлар, масалан, ЎзЛиДепдаги 740 дан ортиқ, «Миллий тикланиш»даги қарийб 600 та, ХДПдаги салкам 450 та, «Адолат»даги 340 га яқин ходимнинг фаолиятини самарали деб бўлмайди.

Айникса, сиёсий партияларнинг жойларда, туман бўлимларида ишлаётган ходимларининг фаолияти қоникарсиз ахволда. Улар кўп ҳолларда электорат

билин тизимли мулокот ўтказиш у ёкда турсин, ўзининг асосий вазифаси нимадан иборат эканини ҳам билмайди.

Бугунги кунда амалда фаолият кўрсатаётган тўртта сиёсий партияга расман 1 миллион 150 мингга якин фукаро аъзо. Савол туғилади: уларнинг қанчаси партиянинг ғояси, мақсад ва вазифаларини чин юракдан ҳис қиласи ва шу ғояни амалга ошириш учун курашга тайёр?

Сиёсий партиялар рақам ортидан қувиб, аъзолари сонини кўпайтириш бўйича мусобака ўйнамоқда. Натижада турли хунук ҳолатларга йўл қўйилмоқда. Масалан, худудий партия кенгаши ходимларининг мукофот пули ва ойлик иш ҳақи ҳисобидан аъзолик бадалларини тўлаш орқали аъзолар сонини сунъий равишда кўпайтириш фактлари, афсуски, оз эмас. Биз бундай ҳолатларнинг сабабларини ўрганиб, уларни бартараф этиш бўйича деярли иш олиб бормаяпмиз.

Бугун замоннинг ўзи сиёсий партияларининг иш услубини тубдан ўзгартириш, уларнинг ахоли, электорат билан мулокотини тизимли йўлга қўйишни талаб этмоқда. Энди «мудраб ётган» сиёсий партиялар уйғониши лозим. Улар баландпарвоз гапларни четга суриб, аниқ амалий ишлар билан одамларимиз, сайловчилар ишончини козониши, уларнинг қалбидан жой олиши керак.

**Иккинчидан**, сиёсий партияларнинг дастурларини доимий такомиллаштириб бориш ишлари талаб даражасида йўлга қўйилмаган.

Сизларга маълумки, ҳозирги вақтда мамлакатимизни 2017 – 2021 йилларда ривожлантириш бўйича

Ҳаракатлар стратегияси изчил амалга оширилмоқда. Бу жараёнда биз 500 дан ортиқ фармон ва қарорлар қабул қилдик.

Ушбу муҳим хужжатларда сиёсий партиялар дастурларига киритилган ва улар томонидан сайлов жараёнларида кўтарилилган долзарб муаммоларнинг ечими бўйича ҳам чоралар белгиланган. Лекин уларнинг ижросини таъминлашда сиёсий партиялар қанчалик фаоллик кўрсатмоқда? Афсуски, бу саволларга ижобий жавоб бериш қийин.

Шуни қайд этиш керакки, сиёсий партияларда аксарият ҳолларда ўткир ва оғир муаммоларнинг ечими устида ишлап ўрнига, «озгина вакт ўтса, бу масала ўзи ҳал бўлади», «бу – ҳукуматнинг иши», деган қарашлар, «сен – менга тегма, мен – сенга тегмайман», деган эскича кайфият ҳам йўқ эмас.

Бундай лоқайдлик, табиийки, шиддат билан ривожланиб бораётган бугунги замондан орқада қолишга олиб келади ва бунга мутлақо йўл кўйиб бўлмайди.

Шунинг учун ҳам сиёсий партиялар ўз дастурий мақсад ва вазифаларини, мафкуравий соҳадаги ишларини қайта кўриб чиқиб, уларга зарур ўзгартиш ва қўшимчалар киритиши, бунда жаҳон тажрибасини ўрганиш, ҳалқаро ҳамкорликни кучайтириш фойдадан холи бўлмайди.

Учинчидан, сиёсий партияларнинг аҳоли билан мулокоти, тарғибот-ташвиқот ишлари, оммавий ахборот воситалари билан ҳамкорлигини ҳам етарли деб бўлмайди.

Ҳеч кимга сир эмас, бу борадаги ишлар кўпинча юзаки, хўжакўрсинга бўлиб, хаётдан анча узилиб қолган. Аҳолини, партия электоратини ташвишга солаётган долзарб муаммоларнинг амалий ечимини топишга қаратилган ишлар, афсуски, ниҳоятда кам.

Масалан, ЎзЛиДепнинг Хоразм вилояти кенгашига келиб тушган 1 минг 250 дан ортиқ ариза ва шикоятларнинг атиги 84 таси бевосита вилоят кенгashi томонидан кўриб чиқилган бўлиб, қолган 1 минг 200 га яқин мурожаат эса Президентнинг Виртуал қабулхонасига юборилган.

Ана шу мурожаатларни таҳлил қиласақ, уларнинг кўпчилик қисми тадбиркорлик субъектлари хукуқларини бузиш, банк, солиқ органларининг қониқарсиз фаолияти билан боғлиқ экани аён бўлади.

Савол туғилади: тадбиркорлар ва ишбилармонлар партияси деб танилган ЎзЛиДеп нима учун бу масалалардан ўзини четга олмоқда?

Мавжуд тўртта партия газеталарининг савияси, «Ўзбекистон овози» газетасини истисно қилганда, талабга жавоб бермайди. Партия газеталарининг умумий сони бугунги кунда 60 мингга ҳам етмаслиги хаётдаги долзарб муаммолар ва уларнинг ечими бўйича аниқ таклифлар бу нашрларда ўз ифодасини топмаётганидан далолат беради.

Хусусий нашрлардан мисол келтирайлик. Масалан, биз одатда «кўнгилочар нашрлар» деб биладиган «Даракчи», «Тасвир», «Сўғдиёна» каби газеталар нафақат енгил-елпи гапларни, шу билан бирга, муҳим

ҳаётий масалаларни, айтайлик, коммунал хизмат, бозорлардаги нарх-наво, тиббиёт, транспорт масаласи, тадбиркорлик билан боғлиқ муаммоларни ҳам атрофлича ёритаётгани учун тиражи ошиб бормоқда. Нима учун партия нашрлари бу масалаларда улар билан рақобат қила олмаяпти?

Сиёсий партиялар раҳбарларининг электоратни ўйлантираётган муҳим масалалар бўйича телевидение орқали аниқ-равшан ўз позициясини билдирганини ҳам эслай олмаймиз.

Нима, партия раҳбарлари матбуотда чиқишдан қўрқадими? Ёки ҳалқ билан мuloқot қилишнинг мазмун-моҳияти ва аҳамиятини англаб етмайдими?

Сайловолди дастурларида белгиланган вазифаларни амалга ошириш, электорат манфаатларини ҳимоя қилиш бўйича қандай ишлар қилинаётгани ҳақида сиёсий партия фракциялари раҳбарлари хар чоракда оммавий ахборот воситалари, жумладан, телевидение орқали ахборот бериб боришлигини таъминлайдиган аниқ тизим жорий этиш лозим. Бу борада янги ташкил этилган «Тараққиёт стратегияси» маркази ва Халқаро пресс-клуб имкониятларидан самарали фойдаланиш зарур.

Айниқса, марказда ва жойлардаги телеканаллар парламент ва маҳаллий кенгашлардаги партия групхлари ишини, хусусан, конун лойиҳалари бўйича муҳокама жараёнларини, парламент назоратига оид тадбирларни, фракциялар ўргасида бўлаётган баҳс-мунозараларни, керак бўлса, тўғридан-тўғри халқимизга етказиши лозим.

Биз телевидение орқали фақат 10–15 та депутат ва сенаторни кўрамиз, холос. Уларнинг 85 фоизи «ойнаи жаҳон»да деярли кўринмайди. Депутат ва сенаторлар халқ вакиллари бўлганидан кейин доимо халқ олдида чиқиши, одамлар уларни таниши, олиб бораётган ишларидан хабардор бўлиши керак эмасми?

Ўзбекистон Миллий телерадиокомпанияси (Х. Мирзохидов)га икки ой муддатда Олий Мажлис раҳбарияти билан биргаликда тегишли чора-тадбирлар режасини ишлаб чиқиш ва амалга ошириш вазифаси топширилади.

**Тўртинчидан**, сиёсий партияларнинг ёшлар ўртасида олиб бораётган ишлари, партиялар қошида ташкил этилган «Ёшлар қанотлари»нинг фаолиятини, афсуски, қониқарли, деб бўлмайди. Ваҳоланки, бугун мамлакатимизда яшаётган 10 миллиондан ортиқ ёшлар ҳаётида қанчадан-қанча ечилмаган ижтимоий муаммолар борлигини барчангиз яқинда бўлиб ўтган ёшлар қурултойида яққол кўрдингиз.

Ўзингиз айтинг, қайси сиёсий партия ёшлар билан яқиндан, бевосита иш олиб боряпти? Уларнинг дарду ташвишларини ечишга интиляпти? Партияларнинг бу борада аниқ чора-тадбирлар режаси, керак бўлса, стратегияси борми? Бор бўлса, нега натижаси кўзга ташланмаяпти?

Ҳозирги ахборот асрида бирорта сиёсий партиянинг Интернет сайтида ёшлар билан интерактив алоқа тизими йўлга кўйилмаган. Партиянинг сайтига кирган ёшлар ўзига керакли саволларга жавоб

топа олмайди. Бу ахволда партиялар ёшлар ўртасида қандай ўрин ва таъсирга эга бўлиши мумкин?

Холбуки, сиёсий партиялар аввало истиқболли ёш раҳбарларни тайёрлаш мактаби бўлиши лозим.

**Партиялар фуқароларимиз, айниқса, ёшларимизнинг тоғовий, мафкуравий эҳтиёжларини кондириши шарт.** Агар партиялар бунга эришолмаса, бу бўшлиқни ғараз ниятли кучлар тўлдиришга ҳаракат қилиши шубҳасиз. Айрим ҳолларда тўлдиряпти ҳам – буни яширишнинг хожати йўқ.

Мен истардимки, Ёшлар иттифоқи қурултойида тилга олинган устувор масалаларни ҳар бир партия алоҳида ўрганиб, тегишли йўналиш бўйича ўз вазифаларини аниқ белгилаб олса, бу факат фойда бўлади. Айниқса, чет эллардаги ёшлар билан ишлаш масаласи ҳақида гапирадиган бўлсак, афсуски, Олий Мажлис палаталари ҳам, сиёсий партиялар ҳам бу масаланинг яқинига ҳам келгани йўқ.

Холбуки, хорижий мамлакатларда юрган ёшлар ҳам ўзимизнинг фарзандларимиз, Ўзбекистон фуқароси эканини барчамиз, авваламбор, депутатлар унутмаслиги керак.

Яна бир муҳим масала – сиёсий партиялар уюшмаган, яъни ишламайдиган, ўқимайдиган, тайин бир машғулотга эга бўлмаган ёшларга умуман эътибор қаратмаяпти. Бу борада партиялар туман ҳокимларининг ёшлар масалалари бўйича ўринбосарлари, янги тузилган Ўзбекистон ёшлар иттифоқи билан яқиндан ҳамкорликни йўлга қўйиши бутунги кун талабидир.

Айниқса, талаба ва ўкувчи ёшларда сиёсий билимларни ошириш, ватанпарварлик ҳиссини кучайтиришда вакиллик органлари имкониятларини тұлық ишга солишимиз зарур.

Бунинг учун халқ депутатлари маҳаллий кенгашлари, Олий Мажлис Қонунчилік палатаси биносига йигит-қызларимиз эркин кириб чиқадиган мұхит ва шароит яратишимиз зарур. Токи ёшлар конун қабул килиш жараёнларидан бошлаб партиялар ўртасида рақобат бўладиган мажлис ва тортишувларни ўз кўзи билан кўрсинг, депутатлар билан мулоқот қиласин. Демократия мактабини фақат китобдан эмас, балки мана шундай жонли мұхитдан ўргансин. Шундагина уларда сиёсий тафаккур, баҳс маданияти шаклланади. Бу борада Германия, Дания, Финляндия каби ривожланган давлатлар тажрибасидан фойдаланиш ўринлиdir.

**Бешинчидан**, кадрлар билан ишлаш борасидаги муаммолар ҳам сиёсий партиялар фаолиятига жиддий таъсир кўрсатмоқда.

Кадрлар захирасини шакллантириш ва уларнинг малакасини ошириш, партиянинг муносиб фаолларини давлат хизматига тавсия этиш ишлари талаб даражасида ташкил этилмаган. Сиёсий партияларга кадрлар қаердан келмоқда, уларнинг билими, савиғаси, тажрибаси, жамоатчилик ўртасидаги обрўси қандай? Буни ким ўрганмоқда, ким бунга баҳо бермоқда? Афсуски, ҳеч ким.

Партияларнинг эртанги тақдири нима бўлади, деган савол уларнинг раҳбариятини мутлако безовта

қилмаётганини кўпгина мисолларда кўриш, кузатиш  
қийин эмас.

Ўтган йили барча сиёсий партиялар ходимлари  
аттестациядан ўтказилди.

Маълумотларга кўра, улардан 200 нафари билим  
ва тажрибаси етарли эмаслиги сабабли аттестация-  
дан ўта олмаган ва ишдан озод этилган. Бундан  
ташқари, 284 нафар ходим аттестациядан шартли  
равишда ўтган, 28 нафари эса куйи лавозимларга  
ўтказилган.

Мана шу рақамларнинг ўзи партияларда кадрлар  
билан ишлаш масаласининг ҳақиқий аҳволини  
кўрсатади.

Сиёсий партияларнинг қониқарсиз фаолияти кўп  
холларда марказий ва маҳаллий партия ташкилот-  
ларининг айrim раҳбарлари ўртасидаги номақбул  
хатти-харакатлар билан боғлик.

«Партия етакчиси» деган номга доғ тушириш, ўз  
хизмат вазифасини суиистеъмол қилиш, молиявий  
жиноятларга кўл уриш, майший бузуклик, таъмагир-  
лик, ўз шахсий манфаатини, ўз бизнесини устун қўйиш  
каби ҳолатлар мавжудлиги ҳақида етарли маълумотлар  
бор.

Қанчалик оғир бўлмасин, шу борада баъзи бир  
мисолларга мурожаат қилишга тўғри келади.  
ЎзЛиДеПнинг Андижон вилояти кенгашининг собиқ  
раиси З. Жумабоев партия ташкилотига раҳбарлик  
қилишдан ўзини четта олиб, ишни ўз ҳолига таш-  
лаб қўйган. Асосий ишни олиб борган унинг биринчи  
ўринбосари А. Мамажонов эса вилоят кенгаши дево-

нида номаъкул, айтиш мумкинки, шармандали муҳит вужудга келишига сабаб бўлган. Ўйлайманки, гап нима ҳакида бораётганини кўпчилигингиз яхши тушунасиз.

ХДПнинг Тошкент вилояти кенгашининг собиқ раиси С. Агзамов ташкилот балансида бўлган товармоддий бойликларни сотиш, турли хил баҳоналар билан кўл остидаги ходимлардан пул йиғиш каби ишлар билан шуғулланиб юрган.

«Адолат» социал-демократик партиясининг Бухоро вилояти кенгаши раиси А. Турсунов ўз фаолиятида хунук салбий ҳолатларга йўл кўйиб, ўз обрўсини йўқотган, кенгаши фаолияти ўз ҳолига ташлаб кўйилган.

Бундай мисолларни, афсуски, аксарият вилоят ва туманлардаги партиялар кенгашлари фаолиятидан ҳам келтириш мумкин.

Ушбу ҳолатларнинг кўпчилиги бўйича хукуктартибот идоралари томонидан жиноят ишлари очилган бўлиб, айборлар конун олдида жавоб берган ва жавоб бермоқда. Лекин улар аввало ўз виждони олдида, партиядошлари олдида жавоб бериши керак эмасми?

Шу муносабат билан ана шундай ҳар қайси салбий воқеага нисбатан партиялар раҳбарияти томонидан принципиал ва қатъий баҳо берилиши зарур.

Биз партиялар сафини билимли, ташкилотчи ва ватанпарвар ёш кадрлар билан тўлдиришимиз лозим. **Сиёсий партиялар ходимлари партия ишида тобланиши, шундан сўнг давлат органлари**

**ва ҳокимликлар тизимидағи турли лавозимларга, жумладан, депутатлик лавозимларига асосий захира бўлишлари даркор. Бу партияда ишлаш учун асосий омил ва рағбат бўлиб хизмат қилиши керак.**

Шу ўринда яна бир жиддий масалага эътиборингизни қаратмоқчиман. Бизда ҳокимлар маълум бир сиёсий партия аъзоси ҳисобланади. Лекин улар ҳоким бўлганидан кейин ўзи аъзо бўлган партия билан умуман алоқани узиб кўяди.

Бу борада бир таклифни илгари сурмоқчиман: туман ёки шаҳар ҳокими номзодини вилоят ҳокими томонидан тегишли маҳаллий кенгашларда ҳар бир партия гурухи билан маслаҳатлашув ўтказилганидан сўнг тегишли сессияда тасдиқлаш тартибини жорий этсак, нима дайсизлар?

Сизларга маълумки, бундай тартиб ҳозирги вактда вилоят миқёсида мавжуд. Аммо у фақат қофозда бор-у, амалда, афсуски, ишламаяпти.

Биз энди ана шу қонуний механизмни маҳаллий кенгашларнинг барча боскичида самарали ишга соламиз. Агар бирорта номзод партия гурухлари муҳокамасидан ўтмаса, у ҳоким лавозимига тайинланмайди.

Айтиш керакки, ҳоким лавозимига номзод сиёсий партиялар томонидан тақдим этилган кадрлар орасидан танлаб олинади, яъни ҳоким муайян сиёсий партиядан бўлади. Бунинг учун ҳар бир сиёсий партияда ҳокимликка номзодлар бўйича кадрлар захирасини шакллантириш мақсаддага мувофиқ бўлар эди.

Айни пайтда маҳаллий кенгашлардаги партия гурухларига тегишлича туман ёки шаҳар ҳокимлари, шунингдек, маҳаллий ижро органлари раҳбарларининг коникарсиз фаолияти ҳакида хулосаларни вилоятлар ва Тошкент шаҳар ҳокимларига тақдим этиш хуқукини хам бериш керак, деб хисоблайман. Бу борада ҳар бир сиёсий партия гурухи ўз хулосасини бериши лозим.

Яна бир таклиф – бундан буён вилоят ва республика миқёсидаги ижро ҳокимияти юкори лавозимларига тайинлашда партиялар фикрини албатта инобатга олиш тартибини жорий этсак, нима дейсизлар?

Шу муносабат билан Давлат маслаҳатчиси О. Муродовга Олий Мажлис Қонунчилик палатаси билан биргалиқда бир ой муддатда «Сиёсий партиялар тўғрисида»ги қонунга ва бошқа қонунларга ўзгартиш ва қўшимчалар киритиш бўйича қонун лойиҳасини тайёрлаш топширилади.

**Олтинчидан**, ўтган даврда Президент хузуридаги Давлат бошқаруви академиясида сиёсий партиялар аппарати ходимлари учун маҳсус ўқув машғулотлари ташкил этилди. Уларга маъruzachi сифатида юкори давлат идораларининг раҳбарлари, хусусан, Қонунчилик палатаси, Сенат ва сиёсий партиялар раҳбарлари, олий ўқув юртлари ректорлари ва бошқа таниқли мутахассислар жалб қилинди.

Бу – яхши амалиёт. Лекин бундай ўқишилар факат Тошкентда бўлмаслиги керак. Ҳар бир вилоятдаги олий ўқув юртлари базасида жойлардаги партия ташкилотлари ходимларини ва маҳаллий кенгашлар

депутатларини ўқитиш бўйича маҳсус курслар ташкил этиш лозим. Керак бўлса, пойтахтдаги мутахассислар жойларга бориб дарс берсин.

Бу ишни самарали ташкил этиш, албатта, парламентимиз палаталари ва сиёсий партиялар раҳбарлари билан маслаҳатлашган ҳолда, Давлат бошқаруви академияси ректори Р. Қосимовга топширилади.

**Еттинчидан**, сиёсий партияларнинг маҳаллий кенгашлардаги депутатлик гурухларининг таъсири мутлақо сезилмаяпти.

Айтиш мумкинки, улар, кўп ҳолларда, номига фаолият кўрсатмоқда. Хусусан, «Адолат» партиясининг Жиззах ва Сурхондарё вилоятлари ва туманлари маҳаллий кенгашларидағи партия гурухлари томонидан кенгаш сессиялари муҳокамасига 2016 йил давомида биронта ҳам масала киритилмаганини қандай изохлаш мумкин?

Худди шундай ҳолатни ЎзЛиДеП партиясининг Хоразм вилояти, «Миллий тикланиш» демократик партиясининг Сурхондарё вилояти халқ депутатлари кенгашларидағи партия гурухлари мисолида ҳам, бошқа партиялар фаолиятида ҳам учратиш мумкин.

Сайловдан кейин аксарият депутатлар ўзларини номзод этиб кўрсатган партия билан алоқани узиб, ўз сайловчилари билан камдан-кам мулокот қиласиди. Айниқса, туман кенгашлари депутатлари электорат олдида сайловолди дастурлари ижроси бўйича умуман ҳисобот бермайди.

Шунинг учун ҳам фаол ишламаётган ва ўз вазифасини талаб даражасида бажармаётган, партия би-

лан алоқани узиб қўйган маҳаллий кенгаш депутатларини тегишли сиёсий партия таклифи асосида депутатликдан чакириб олиш бўйича қонунчиликка ўзгартиш киритиш вакти келди, деб ўйлайман.

Барчангиз хабардорсиз, яқинда мамлакатимиз вилоятларини ижтимоий-иктисодий ривожлантириш бўйича қатор дастурлар қабул қилинди. Лекин бу дастурларни тайёрлашда жойлардаги партия групхорлари қай даражада иштирок этмоқда? Афсуски, ушбу саволга ижобий жавоб бериш қийин. Ваҳоланки, партиялар айнан шундай дастурлар орқали ўз сайловчиларини безовта қилаётган муаммоларга ечим топиши, шунинг ҳисобидан электорати сафини кенгайтириши мумкин.

Шундан келиб чиккан ҳолда, бундан буён ҳудудлар бўйича қабул қилинадиган, ижтимоий-иктисодий ривожланишга оид ҳар қандай дастур лойиҳаси юзасидан партия групхорлари томонидан билдириладиган фикр ва таклифлар ҳисобга олиниши шарт эканини қонунчиликда аниқ белгилаб қўйишимиз зарур, деб ҳисоблайман.

Ўзингиз ўйланг, агар биз бирор дастур ишлаб чиқадиган бўлсак, бу жойдаги муаммоларни шу ердан сайланган депутатдан бошқа ким яна чукурроқ, ким яна яхшироқ билиши мумкин? Агар депутатлар ҳар кайси ҳудудни ижтимоий-иктисодий ривожлантириш бўйича қабул қилинган дастурда белгиланган вазифалар ижросини назоратга олса, амалий натижага эришамиз.

**Айни пайтда шундай тизим яратиш керакки, унга кўра яхши ишлаётган, фаол, жонкуяр туман**

**кенгаши депутатлари кейинчалик вилоят депутати, вилоят депутатлари эса Олий Мажлис аъзоси бўлишига эришиш зарур.** Сиёсий партиялар биринчи навбатда ана шундай депутатларни кадрлар захирасига киритиши мақсадга мувофиқдир.

Депутатларнинг иш услубини такомиллаштириш, аҳолининг ҳуқуқий маданиятини ошириш мақсадида сиёсий партиялар орқали жойларда «**Марказ – вилоят – туман**» тартибида ишлайдиган янги тизимни жорий этиш айни муддао бўлар эди. Бу тизим орқали юкоридан пастга тушиб, ҳам депутатларни, ҳам турли аҳоли қатламларини Олий Мажлис палатлари, сиёсий партиялар фаолияти, конун ижодкорлиги, қабул қилинаётган янги конун ҳужжатлари ҳақида хабардор қилиб бориш йўлга қўйилади. Шу тариқа Олий Мажлис иш услубини вилоят кенгашиларига, вилоят кенгашилари иш услубини эса туман ва шаҳар кенгашиларига ўргатиш имконияти пайдо бўлади.

Ҳаётга, одамлар ичига кирмасдан, улар билан мулокот қилмасдан, фақат юкоридан туриб топширик беришдек номақбул тажриба энди иш бермайди. Ундан бутунлай воз кечиш вақти келди.

Шу ўринда бир фикрни алоҳида таъкидлашни истардим. Биз, мана, Тошкент шахри туманларида ҳалқ депутатлари кенгашиларини ташкил этиш ишларини бошладик. Бу кенгашиларга депутатликка номзодлар кўрсатишдан бошлаб, депутатликка сайланиш жараёнинга қадар – сайловнинг барча босқичида сиёсий партиялар фаол иштирок этишлари керак, албаттла.

Ҳозирги вақтда вилоят ва туман депутатларининг аксарияти маҳаллий ижро ҳокимияти вакиллари, айникса, турли давлат тузилмалари раҳбарлари хисобланади.

Табиий савол туғилади: депутатнинг ўзи ижро ҳокимияти вакили бўла туриб, маҳаллий ижро органлари фаолияти устидан қандай қилиб самарали депутатлик назоратини амалга ошириши мумкин?

Шу боисдан Тошкент шаҳри туманларида ва келгусида вилоятларда бўладиган сайловларда сиёсий партиялар депутатликка номзодлар танлашда уларнинг маҳаллий ижро ҳокимияти органлари ходимлари бўлмаслигига алоҳида эътибор қаратиши лозим. Марказий сайлов комиссияси ушбу масала юзасидан қарор қабул қиласа, бу республика миқёсида ягона ва тўғри амалиётни шакллантиришга хизмат қиласи.

Олий Мажлис палаталари раҳбарлари Нурдинжон Мўйдунхонович Исмоилов ва Ниғматилла Тўлкинович Йўлдошев Тошкент шаҳри бу борада бошқа вилоятларгá намуна бўлиши учун ҳаракат қилсалар, ҳар бир туманга бориб, одамлар орасида юриб, сайлов жараёнларининг холислик, адолат ва ошкоралик рухида ўтиши учун жонбозлик кўрсатсалар, нур устига нур бўларди.

**Саккизинчидан**, сиёсий партиялар худудий кенгашларининг моддий-техник таъминоти кўп ҳолларда талаб даражасида эмас. Масалан, сиёсий партияларнинг 18 та туман кенгashi ўз биносига эга эмас. 62 та кенгашнинг биноси қониқарсиз ҳолатда. Бу борадаги энг оғир аҳвол ижара биноларида фаоли-

ят олиб бораётган «Адолат» ва «Миллий тикланиш» партияларида кузатилмоқда.

Шу муносабат билан Вазирлар Маҳкамасига (А.Арипов) маҳаллий ҳокимликлар, сиёсий партиялар билан биргаликда бир ой муддатда партияларнинг вилоят, туман (шаҳар) кенгашларининг бинолар билан таъминланиш ҳолатини, уларнинг иш шароитини танқидий ўрганиб чиқиб, бу борадаги аҳволни тубдан яхшилаш бўйича таклиф киритиш вазифаси топширилади.

Хурматли мажлис иштироқчилари!

Миллий парламентимиз фаолиятида, мамлакатимиз ижтимоий-сиёсий ҳаётида Ўзбекистон Экологик ҳаракати муҳим ўрин тутишини ҳаммамиз яхши биламиз.

Ушбу Ҳаракат томонидан юртимизда атроф-мухитни муҳофаза қилиш бўйича қонунчилик базасини мустаҳкамлаш, шу соҳада қабул қилинётган қонун ва қарорлар ижроси юзасидан парламент назоратини жорий этиш борасида муайян ишлар амалга оширилганини қайд этиш жоиз.

Айни вақтда бутун дунёда экологик муаммолар тобора кескинлашиб бораётган ҳозирги кунда бу соҳадаги ишларни, афсуски, етарли ва қониқарли, деб айтольмаймиз.

Бу борада Ўзбекистон Экологик ҳаракати қўидаги масалаларга алоҳида эътибор қаратиши зарур.

Маълумки, аҳолини, айниқса, қишлоқ жойларда тоза ичимлик суви билан таъминлаш масаласи ҳамон долзарб бўлиб қолмоқда.

Шунингдек, майший чиқиндиларни тўплаш, кайта ишлаш ва утилизация қилиш масаласи ҳам олдимизда турган энг оғир муаммодир.

Шу билан бирга, собиқ тузум даврида узокни ўйламасдан қурилган, бугунги кунда айрим вазирлик ва идоралар, тадбиркорлик субъектлари томонидан ишлатиб келинаётган саноат иншоотлари ҳам замонавий экологик талабларга жавоб бермайди.

Энг муҳим масала – аҳолининг экологик маданийини ошириш ҳақида жиддий бош қотиришимиз зарур. Албатта, бундай муаммоларни факат маъмурӣ йўл билан ҳал этиб бўлмайди, бунга ёш авлод қалбida она табиатга меҳр-муҳабbat, унга дахлдорлик хиссини тарбиялаш орқали эришиш мумкин.

Юкорида зикр этилган долзарб муаммоларни смарали ҳал этиш учун Ўзбекистон Экологик ҳаракати ташаббускор бўлиб, тегишли вазирлик ва идоралар, аввало, яқинда ташкил этилган Экология ва атроф-муҳитни муҳофаза қилиш давлат қўмитаси билан биргаликда тегишли чора-тадбирлар ишлаб чиқиши ва амалга ошириши зарур. Афсуски, ҳозирги вактда Экологик ҳаракат фаолиятида бу борада аниқ таклиф ва амалий ташаббуслар сезилмаяпти.

Барча йирик саноат корхоналарида Экологик ҳаракатнинг вакиллари бўлиши керак. Вазирлар Маҳкамаси шу масала юзасидан икки ҳафта муддатда таклиф киритсин.

Умид қиласизки, Экологик ҳаракат атроф-муҳит тозалиги ва мусаффолигини саклашга, аҳоли ўртасида касалликларни камайтиришга ўз хиссасини қўшади.

**Мухтарам юртдошлар!**

Сиёсий партиялар ҳаётидаги мавжуд муаммолар маълум даражада парламент фаолиятига ҳам салбий таъсир этиши табиийдир.

**Авваламбор**, конун лойиҳаларини парламентда мухокама этиш ва қабул қилишда фракцияларнинг ўрни, уларнинг партиявий ёндашуви ва қатъий позицияси етарли даражада сезилмаяпти.

Бир неча йил олдин фракциялар мухокамасидан ўтмасдан, уларнинг хуносасини олмасдан бирорта ҳам конун, Давлат бюджети лойиҳаси қабул қилинмаслигини қонуний асосда аниқ белгилаб кўйган эдик.

Тан олиш керак, ўтган давр мобайнида парламентда ана шу қоидани ҳаётга татбиқ этиш бўйича кўп ишлар қилинди. Бироқ фракцияларда конун лойиҳалари ва бошқа мухим масалалар мухокамасини, улардаги конструктив баҳс ва мунозараларни янада кучайтиришни бугун ҳаётнинг ўзи тақозо этмоқда.

Қабул қилинаётган ҳар бир қонун лойиҳаси сайловчилар, партия электорати, турли табака ва гурухларнинг манфаатлари нуқтаи назаридан атрофлича мухокама қилиниши, фракциялар ушбу масалаларда принципиал позициясини намоён этиши шарт. Чунки баҳс, тортишув бўлган тақдирдағина қонунлар мукаммал ҳаётий кучга эга бўлади.

Яна бир масала. Сиёсий партиялар ташкилотлари, айниқса, уларнинг жойлардаги бўлимлари фракцияларда кўриб чиқилаётган масалалар, конун лойиҳаларидан етарлича хабардор бўлмаяпти. Шу маънода, сиёсий партияларнинг ўз фракциялари билан узвий алоқасини кучайтириш лозим.

Ўз навбатида, сиёсий партиялар парламентдаги ўз фракцияларини доимий равишда жойлардаги вазият, электоратнинг кайфияти ҳакида хабардор этиши, мавжуд муаммолар ва уларнинг ечими юзасидан таклифлар киритиб бориши керак.

Шу борада йилда бир марта сиёсий партиялар раҳбарларининг Президент билан учрашувини ўtkазиш амалиётини йўлга кўйсак, мақсадга мувофик бўлар эди.

Ана шундай учрашувларда мамлакатимизнинг ижтимоий-иктисодий тараққиёти бўйича сизлардан амалий таклифлар кутиб қоламан.

**Яна бир муҳим йўналиш** – қонунларни қабул қилишда жамоатчилигимиз, сайловчиларнинг кенг иштироки сезилмаяпти. Қонунлар қабул қилиниши билан халқимизнинг оғири енгил бўлдими, унинг хаётидаги муаммолар ҳал бўлдими, деган саволлар билан, афсуски, ҳеч ким қизиқмаяпти.

Шунинг учун ҳам, қонунларни қабул қилиш жараёнида янги тизим – аҳоли билан муҳокама қилиш тизимини жорий этиш лозим, деб ҳисоблайман.

Яъни, катта аҳамиятга эга бўлган, муҳим конун лойиҳаларини биринчи ўқиашда қабул қилгандан кейин уларни жойларда фукаролар билан кенг муҳокама қилиш, уларнинг таклиф ва мулоҳазаларини инобатга олиб, лойиҳаларни такомиллаштирган ҳолда иккинчи ўқишга киритиш тартибини йўлга кўйиш мақсадга мувофик бўлади.

Яширишнинг ҳожати йўқ, биз кўпинча вилоят марказларига бориб, ўша ернинг ўзидан қайтамиз.

Жойларда бўладиган мухокамаларда иштирок этмаймиз, одамларнинг муносабатини уларнинг ичида туриб, улар билан бирга юриб ўрганмаймиз. Натижа нима бўлади? Қабул қилинган қонунларимиз тўлақонли бўлмайди, кутилган самарани бермайди.

Бугунги кунда сиёсий партиялар фракциялари ва депутатларнинг қонун ташаббускорлиги бўйича фаолияти ҳам талаб даражасида эмас. Мисол учун, 2015–2017 йилларда парламентимиз томонидан 55 та қонун қабул қилинган бўлса, фракциялар томонидан билдирилган ташаббуслар асосида қабул қилинган биронта ҳам қонун йўқ. Биронта ҳам! Шунинг ўзи сиёсий партияларнинг бугунги фаолиятига берилган баҳо эмасми?

Ёки 2017 йилда киритилган 46 та қонун лойиҳасидан фақат 9 таси депутатлар ташаббуси билан киритилган, холос.

Бу соҳадаги ишларни яхшилаш учун қонунчилик ташаббуси билан чиккан ва шу ташаббуси қабул қилинган депутатларни рағбатлантириш тизимини жорий қилиш ўринли, деб ўйлайман.

Ўрганишлар шуни кўрсатмоқдаки, Олий Мажлис таркибида мухим бир тузилма, яъни илмий-амалий тадқиқот ва ахборот-таҳлилий фаолият олиб борадиган, қонун лойиҳаларини ишлаб чиқадиган марказнинг йўқлиги бу борадаги ишларни юкори савияда ташкил этишга имкон бермаяпти.

Илғор хорижий тажрибалардан келиб чиккан ҳолда, Олий Мажлис ҳузурида Қонунчилик муаммоларини ўрганиш институтини ташкил этишни так-

лиф қиласан. Бу институт парламент аъзоларининг буюртмасига асосан хуқукни қўллаш амалиёти ва хорижий тажриба бўйича таҳлилий маълумотлар ва қонун лойиҳаларини тайёрлаш ишлари билан шуғулланиши лозим.

Бу нима учун керак? Бу институт депутат ва сенаторларнинг энг яқин ёрдамчиси вазифасини бажариши керак. Айни вақтда, Давлат бошқаруви академияси билан биргаликда депутатлар малакасини ошириш бўйича ўқув курсларини ташкил этиш ҳам фойдадан холи бўлмайди.

**Учинчидан**, Олий Мажлиснинг давлат бошқаруви органлари фаолияти устидан парламент назоратини амалга ошириш, қабул қилинаётган қонунлар, муҳим ижтимоий-сиёсий, иктисадий аҳамиятга эга давлат дастурларининг ижросини сўзсиз таъминлашга каратилган ишларини ҳам етарли, деб бўлмайди.

Парламент эшитувлари, хукумат аъзолари, давлат ва хўжалик бошқаруви органлари раҳбарларининг ҳисоботларини тизимли равишда тинглаб бориш, депутатларнинг сўровларига атрофлича жавоб қайтаришни таъминлаш борасида муаммолар мавжуд.

Одатда парламент вазирларнинг ҳисоботини тинглайди. Лекин пастки бўғинда бу йўналишда ким ҳисбот беради? Фақат марказ ёки вилоятда эмас, худудларда ҳам ўзгариш бўлиши зарур. Хусусан, 2017 йилнинг ўтган даври мобайнида Қонунчилик палатаси депутатлари томонидан вазирлик ва идораларга юборилган жами 284 та депутатлик сўровидан 100 тасига қонунда белгиланган муддат бузилган

холда жавоб берилган, 24 тасига эса умуман жавоб берилмаганини қандай изоҳлаш мумкин?

Нима учун Конунчилик палатаси кўмиталари, партия фракциялари бундай ҳолатларга нисбатан тегишли вазирлик ва идоралар раҳбарлари иштирокида ўз муносабатини билдирмаётпти?

Депутатга беписандлик – халққа беписандлик деб баҳоланиши шарт. Халқни хурмат килмаган, депутатлик ваколатини амалга оширишга тўсқинлик қилган ҳар қандай мансабдор шахс қонун олдида жавоб беради.

Шу сабабдан ҳам депутатлик сўровини кўриб чиқмагани ёки унга жавоб бермагани, кўриш муддатини бузгани учун жавобгарликни кучайтириш лозим.

Шу муносабат билан Давлат маслаҳатчиси О. Муродовга Олий Мажлис палаталари билан биргаликда бир ой муддатда Маъмурий жавобгарлик тўғрисидаги кодексга тегишли ўзгартиш ва қўшимчалар киритиш бўйича таклифлар тайёрлаш вазифаси топширилади.

Республика, вилоят ва туман кенгашлари депутатларининг сўрови – бу халқ сўрови, деб баҳолаган холда, бу борадаги жавобгарликни назарда тутадиган тегишли моддани қонунга киритиш керак.

Олий Мажлис палаталари, парламент сўрови бўйича олинган жавобларни Интернетдаги расмий веб-сайтларда кенг жамоатчилик учун эълон қилишни ташкил этиши лозим.

Бугун ҳаётнинг ўзи парламент назорати обьектлари доирасини кенгайтиришни ҳам талаб этмоқда. Амалдаги қонунга кўра, парламент факат давлат ор-

ганлари фаолияти устидан назорат олиб бориши мумкин. Бирок хўжалик бошқаруви органлари, хусусан, «Ўзбекнефтгаз», «Ўзбекэнерго» ва бошқа компанияя ва бирлашмалар бундан четда колмоқда.

Шу мақсадда «Парламент назорати тўғрисида»ги қонунга тегишли ўзгартиш ва қўшимчалар киритиш лозим, деб ҳисоблайман.

Шу билан бирга, Франция, Буюк Британия, Германия каби ривожланган давлатлар тажрибаси асосида Конунчилик палатасида «Хукумат соати» институтини жорий этиш айни муддао бўлар эди. Шу тариқа йил бошида тасдиқланадиган режага мувофиқ ҳар ойда хукумат аъзоларининг ҳисботи тингланади ва шу бўйича тегишли қарорлар қабул қилинади. Олий Мажлис Сенатида эса барча даражадаги ҳокимларнинг ҳудудларни ривожлантириш борасидаги фаолияти ҳақида ҳисботларни эшлишиш амалиётини йўлга қўйишни таклиф этаман.

Шундай механизм жорий этиш керакки, парламент тингловларининг натижаси фақат марказда эмас, балки жойларда, энг чекка ҳудудларда ҳам сезилсин.

**Тўртинчидан**, парламентимиз жойларда олиб борилаётган ишларнинг ҳақиқий аҳволини ўрганишда бир қолипга тушиб колди. Кўпинча республика ва вилоят даражасидаги масалалар ўрганилмоқда, деб ахборот берилади, бироқ қарийб 6 ойдан буён 2 мингдан ортиқ муаммо ҳал этилмасдан қолмоқда.

Олий Мажлис палаталари Вазирлар Маҳкамаси, маҳаллий давлат ҳокимияти органлари билан биргаликда депутатларнинг ўрганишлари жараёнида жой-

ларда аникланган, вилоятлар ва республика миқёсида ҳал этилиши керак бўлган муаммоларни ечиш бўйича зарур чораларни кўришлари лозим.

Лекин шу борада бир нохуш ҳолатни афсусланиб айтишга тўғри келади.

Хурматли депутат ва сенаторларимизнинг жойларга чикиб, аҳоли билан ўтказган мулоқотлари таҳлил қилинганда, кўп ҳолларда расмиятчилик ва кўзбўямачиликка, сохта ҳисботлар беришга, учрашувларга ўз ўрнига бошқа одамларни юбориш, ўрганилаётган масаланинг туб илдизига стиб бормаслик каби камчиликларга йўл қўйилаётгани аникланган.

Олий Мажлис палаталарининг Одоб комиссиялари бундай ҳолатларнинг ҳар бири юзасидан ҳар томонлама чукур ўрганишлар ўтказиб, тегишли хulosалар бериши шарт.

Депутатларнинг жойларда бўладиган учрашувлари ҳакида оммавий ахборот воситалари орқали олдиндан, масалан, бир ҳафта аввал эълон бериш тартибини жорий қилиш, маҳаллий матбуот вакилларининг бундай тадбирларни танқидий нуқтаи назардан ёритиш бўйича фаолиятини кучайтириш керак.

Шунингдек, депутатларнинг ҳудудларга навбатдаги сафарини ташкил этишдан олдин уларнинг ўтган галги сафари давомида аҳоли мурожаатларини ҳал этиш бўйича қилган амалий ишларини таҳлил қилиб, холисона баҳо бериш лозим.

**Бешинчидан**, парламент фаолиятига оид камчиликларга айрим депутат ва сенаторлар ўз вазифасини тўғри англаб етмагани ҳам сабаб бўлмоқда. Буни очик тан олишимиз керак.

Шундай парламент вакиллари ҳам борки, ўтган қарийб икки ярим йил мобайнида муҳокама этилаётган конун лойиҳалари ва масалалар бўйича бирон марта ҳам маъруза қилмаган, уларга муносабат билдиримаган ёки маъруза юзасидан чиқишилар қилмаган, улар фақатгина кўр-кўрони овоз бериш билан шуғулланади. Афсуски, бу – аччиқ ҳақиқат.

Депутат ва сенаторлар ўз фаолияти ҳақида сайловчиларни хабардор этиб бориш учун Интернетдаги ижтимоий тармоқларда ўз саҳифаларини очиб, зарур маълумотларни киритиб боришлари лозим. Дунёдаги кўпгина мамлакатлар аллақачон шу тизимга ўтган.

Бу борадаги ишларни ташкил этиш вазифаси Ахборот технологиялари ва коммуникацияларини ривожлантириш вазирлиги раҳбари Ш. Шерматовга топширилади.

Айни пайтда Олий Мажлис палаталари депутатлар ва сенаторларни маънавий ва моддий рағбатлантиришга доир низомни ишлаб чиқиб, амалиётга татбиқ этиш лозим. Бунда ҳар бир депутат фаолиятини баҳолаш ва рағбатлантиришнинг аниқ мезони ва механизmlарини белгилаш, шунга кўра намуна кўрсатган депутатларга «адолатли депутат», «халқпарвар депутат», «мехнаткаш депутат» деган номлар беришни назарда тутиш мақсадга мувофиқдир.

Ўйлайманки, бундай номларга сазовор бўлган депутатлар кейинги сайловларда аввало сиёсий партиялар томонидан номзод сифатида илгари суриласди, энг муҳими, улар халқимиз томонидан кўллаб-куvvatланади.

Сидқидилдан ва самарали ишлаган, ваколати ту-  
гаган депутатларга «фаҳрий депутат» макомини бе-  
риб, уларнинг ойлигига устама ҳақ тўлаш тизимини  
жорий қилиш керак. Жумладан, Қонунчилик палатаси  
депутати ёки Сенат аъзоси бўлган фаҳрий депутатлари-  
мизга ҳар йили энг кам ойлик иш ҳақининг 8 бароба-  
ри, маҳаллий кенгашларнинг фаҳрий депутатларига –  
3 баробардан 5 баробаргача бўлган миқдорда мукофот  
беришни таклиф этаман.

Қолаверса, фаҳрий депутатларга Олий Мажлис  
палаталарининг мажлисларида иштирок этиш хукукини  
берсак, нима дейсизлар?

Сизларга яхши маълум, амалдаги қонунчиликда  
депутат ва сенаторлар фаолият олиб бораётган давр-  
да уларнинг олдинги иш ўрни саклаб қолиниши кўзда  
тутилган. Лекин амалда бу норма самарали ишламаёт-  
ганини очик тан олиш керак.

Шунинг учун ана шу конун нормаси ижросини  
катъий таъминлашимиз, керак бўлса, депутатлар ўз  
фаолиятини якунлаганидан кейин уларни аввалги  
лавозимига нисбатан бир поғона юқори бўлган вазифа-  
га тайинлаш лозим. Бу тартиб барча бўғиндаги депутат-  
ларга тааллуқли бўлиши адолатдан бўлар эди.

Фурсатдан фойдаланиб, яна бир масалага эътибо-  
рингизни қаратмоқчиман. Олий Мажлис Сенати ҳар  
йилнинг якуни бўйича аниқ мезонлар асосида мам-  
лакатимиз бўйича халқ депутатлари туман ва шаҳар  
кенгашлари орасидан 14 та, Қоракалпоғистон Респуб-  
ликаси, вилоятлар ва Тошкент шаҳри вакиллик орган-  
лари ўртасидан эса 1 та намунали кенгашни аниқлаб,

бошқаларга ўрнак килиб кўрсатиш ва рағбатлантириш тизимини йўлга кўйиши нур устига нур бўларди.

Бу мамлакатимизда юксак малакали депутатлар корпусини шакллантиришда янги бир амалий қадам бўлади.

Шунингдек, намунали кенгашлар фаолиятини кенг ёритиши мақсадида улар ҳақида хужжатли фильмлар, оммавий ахборот воситаларида турли материаллар, хусусан, «Намунали депутат» рубрикаси остида кўрсатувлар тайёрлаш ҳақида ҳам ўйлаб кўришимиз лозим. Умуман олганда, Олий Мажлис, вилоят ва туманларда фаолият кўрсатаётган намунали депутатларнинг иш услуби ҳақида рисолалар, ёш депутатлар учун эса тегишли кўлланмалар чикариш керак.

Олий Мажлис палаталари ва маҳаллий ҳалқ депутатлари кенгашларида муносиб фаолият кўрсатган, бошқаларга ўрнак бўлган, ватанпарвар ва фидойи депутатлар ҳақида **«Эҳтиром китоблари»ни** ташкил этиш ва бу китобларни кейинчалик Олий Мажлис музейида сақлаш ўринли бўлар эди.

Собиқ ва амалдаги депутатлар, сенаторлар ўртасида ўзаро тажриба алмашиш, дўстона мулоқот ўрнатиш, кўп йиллар меҳнат қилган ҳалқ вакилларига ҳурматиззат кўрсатиш мақсадида **«Депутатлар клуби»ни** ҳам ташкил қилишни таклиф этаман.

Бу таклифларни амалга ошириш учун Олий Мажлис палаталари раҳбарларига, Бош вазир ўринбосари (Ж. Кўчкоров), Молия вазирлиги (Б. Ходжаев), Ўзбекистон Матбуот ва ахборот агентлиги (К. Мансуров), Ўзбекистон Миллий телерадиокомпанияси (Х. Мирзохидов), «Ўзбеккино» Миллий агентлиги (О. Мусаев)

билин биргаликда икки ой муддатда тегишли қарор қабул қилиш тавсия этилади.

**Олтингидан,** Олий Мажлис палаталарининг мамлакатимиз ижтимоий-иктисодий ҳаётига дахлдор энг долзарб масалаларни ҳал этиш борасидаги ташаббускорлигини ошириш муҳим аҳамиятга эга.

Биз парламентимизга катта ишонч билдириб, Қонунчилик палатасига (Нурдинжон Мўйдинхонович Исмоилов) – соғлиқни сақлаш соҳасида, Сенатга эса (Нигматилла Тўлқинович Йўлдошев) – ички ишлар органлари тизимида ислоҳотларни амалга оширишда мавжуд вазиятни яхшилашга бош-қош бўлишни таклиф қилган эдик.

Бу катта масъулият ва айни пайтда катта шарафдир.

Ўтган вақт мобайнида бу борада муайян ишлар амалга оширилди, бироқ ҳали уларни етарли, деб бўлмайди.

Мен қайси ҳудудга бормайин, албатта, ана шу икки соҳага алоҳида эътибор қаратаман.

Лекин соғлиқни сақлаш муассасаларида дори-дармон ва тиббий-техник воситаларнинг етишмаслиги, улар малакали кадрлар билан таъминланмагани, биноларнинг талабга жавоб бермаслиги, ички ишлар органларида профилактик тадбирлар номига ўтказилаётгани, айрим ҳудудларда хуқуқбузарликлар сони ошиб бораётгани каби бир қатор муаммо ва камчиликлар давом этмоқда.

Биз уларни бартараф этиш учун ҳали кўп иш қилишимиз, туну кун тиним билмасдан ишлашимиз, ана шу соҳаларда қатъий парламент назоратини ўрнатишимиш зарур.

Қонунчилик палатаси Спикери Нурдинжон Мўйдинхонович Исмоилов тиббиёт соҳаси мутасаддилари ахборотини кўпроқ Қонунчилик палатасида тингламоқда.

Лекин бундай иш услубини жойларга чиқиб, турли мутахассислар билан бирга юриб, қишлоқ врачлик пунктлари бўладими, болалар ёки аёллар шифохоналари бўладими, энг камида ўн кун юриб, улардаги ҳақиқий аҳволни аниқлаб, муаммоларни ҳам конуний, ҳам амалий нуқтаи назардан ҳал қилиш юзасидан таклифлар билдириш йўли билан алмаштириш, қисқача айтганда, парламент назорати бўйича таъсирчан ва самарали тизим яратиш ҳар томонлама мақсадга мувофиқ бўларди. Энг асосийси – бундан натижа бўлиши керак ва буни одамлар сезиши керак.

Сенат Раиси Нигматилла Тўлқинович Йўлдошевнинг ички ишлар соҳасидаги ислоҳотлар бўйича фаолияти ҳакида ҳам шундай фикрларни билдириш мумкин.

Масалан, Тошкент вилоятининг Кибрай туманини хукукбузарликлар профилактикаси ва жиноятчиликнинг олдини олиш соҳасида намунали туманга айлантириш бўйича бир неча ой олдин аниқ топшириклар берилган эди. Лекин, афсуски, бу борада ҳалигача амалий натижа кўзга кўринмаяпти.

Яқинда Наманган шаҳридаги «Орзу» маҳалласи та янч пунктида бўлиб, бу ерда қисқа муддатда катта ишлар амалга оширилганига гувоҳ бўлдик. Ваҳоланки, шундай ишларни Кибрай туманида ҳам қилиш мумкин эди.

Сенатимизнинг ҳурматли Раиси ҳамда ҳурматли Спикеримиз соғлиқни сақлаш ва ички ишлар тизимини энг намунали соҳаларга айлантириш бўйича янада фоллик билан иш олиб борадилар, деб ишонаман.

Нега деганда, тинчлик ва соғлиқ – ҳар бир инсон учун бебаҳо неъмат. Агар шу икки соҳада олдимизга кўйган мақсадларимизга эришсак, бу энг катта ютуғимиз бўлади ва халқимиз биздан албатта рози бўлади.

Яна бир масалага алоҳида эътибор қаратмоқчиман. Олий Мажлис палаталарининг муайян вазифаларни бажариш учун комиссиялар тузиш ваколати бор. Лекин, хурматли депутатлар, айтинг-чи, Қонунчилик палатаси бу ваколатдан охирги марта қачон фойдаланди? Нима, жамиятимиз ҳаётида муҳим бўлган вазифалар йўқми?

Ҳаммага маълум, ёшлар билан ишлаш, оила ва аёллар масаласи ҳар доим биз учун муҳим вазифа ҳисобланган ва бундан кейин ҳам шундай бўлиб қолади.

Олий Мажлис палаталарининг қарийб 40 нафар аёл сенатор ва депутатлари буни жуда яхши тушунишади.

Хотин-қизлар ўртасида олиб борилаётган ишлар самарадорлигини ошириш, жумладан, энг оғир масала бўлган ўз жонига қасд қилиш, жиноятчилик ва оилавий ажралишларнинг олдини олишда Олий Мажлис палаталарининг роли сезилмаяпти. Бу борада на самарали ишлайдиган қонунлар қабул қилинмоқда, на жойларда амалий фаолият олиб борилмоқда. Ҳолбуки, халқимиз, сайловчиларимиз биздан бу борада амалий ҳаракатларни кутмоқда.

Шу боис Давлат маслаҳатчиси О. Муродовга Олий Мажлис Қонунчилик палатаси билан биргаликда бир ой муддатда қуи палатада Ёшлар масалалари ҳамда Оила ва аёллар масалалари бўйича комиссиялар тузишни ўрганиб чиқиши топширилади.

**Еттинчидан**, парламент палаталари фаолиятида бугун мухокама қилинаётган муаммолардан ташқари яна бир канча муаммолар мавжуд. Лекин, афсуски, уларни бартараф этиш чоралари кўрилмаяпти. Айрим раҳбарлардаги «бу масалаларни кўтарманглар, тинчгина юрайлик» қабилида иш юритишга қаратилган номақбул кайфиятдан мутлақо воз кечишимиз керак.

Парламент раҳбарлари ва уларнинг ўринбосарлари ўртасидаги вазифалар бугунги кун талабларидан келиб чикиб тақсимланмаган. Бир сўз билан айтганда, ўринбосарлар майда-чуйда масалалар билан ўралашиб колиб, давлат ва жамият учун муҳим масалалар Олий Мажлис раҳбарияти эътиборидан четда колиб кетмоқда.

Масалан, Қонунчилик палатасида мамлакатимизда амалга оширилаётган ислоҳотларни халқаро миқёсда тарғиб қилиш билан қайси раҳбар ёки ўринбосар тизимли равишда шуғулланаяпти? Бу саволга жавоб йўқ.

Шунинг учун парламентимиз палаталари раҳбарлари ва уларнинг ўринбосарлари зиммасига юклатилган вазифаларни танқидий қайта кўриб чиқиш вақти келди, деб ҳисоблайман.

Ҳар қайси фракция раҳбари – Спикер ўринбосари маълум бир вилоятда аник бир соҳа учун масъул бўлиб, шу йўналишни намунали даражага кўтариб берса, айни муддао бўлар эди.

Биз Олий Мажлис олдида турган вазифаларни самарали ҳал этиш ҳакида сўз юритар эканмиз, албаттa, депутатлар, сенаторлар фаолиятини моддий

таъминлаш масаласини ёдимиздан чиқармаслигимиз лозим. Бу – ҳаёт ҳақиқати.

Бу масала йиллар давомида кўриб чиқилмаган. Бу даврда бошқа давлат органлари ходимларининг моддий таъминоти бир неча марта кўриб чиқилиб, бугунги ҳаёт, замон талабларига мослаштирилди.

Нима учун Олий Мажлис палаталари раҳбарлари хорижий амалиётни, республикамиздаги ҳукукни кўллаш амалиётини чукур таҳлил қилиш асосида бу борада таклифлар киритмаган?

Давлат раҳбари сифатида мен депутатлар ва сенаторлар ҳамда Олий Мажлис ходимларининг моддий таъминотини яхшилаш бўйича асосли таклифларни кўриб чиқишга тайёрман.

Азиз дўстлар!

Ҳаракатлар стратегияси ва унинг асосида қабул қилинган Давлат дастури ижросини таъминлашда сиёсий партиялар, Олий Мажлис палаталари ўз электорати манфаатлари, сайловолди дастурида белгилangan устувор йўналишлар, ваколатларидан келиб чиқиб, ўз ғоя ва таклифлари билан фаол қатнашиши лозим.

Айниқса, партиялар бундан манфаатдор, чунки Ҳаракатлар стратегиясининг босқичма-босқич, сифатли амалга оширилишини таъминлаш орқали улар ҳам ўз дастурий вазифаларини амалда бажаришга эришади.

Айни пайтда шуни алоҳида қайд этиш керакки, Ҳаракатлар стратегиясида белгилangan мақсад ва вазифаларни самарали амалга ошириш кўп жиҳатдан партияларнинг фаоллигига боғлиқ. Хусусан, биз келгусида вилоят, туман, шаҳар ҳокимларини сайлаш тартибини жорий этиш бўйича чора-тадбирлар белгиладик.

Бирок ана шу илғор демократик ғояни ҳаётга татбиқ этиш учун, аввало, сиёсий партиялар бу масъулиятли лавозимларга ўз номзодларини кўрсатишга тайёр бўлиши, салоҳиятли кадрлар захирасига эга бўлмоғи лозим.

Сизларнинг фаоллигингиз, фуқароларнинг сиёсий-хукукий маданияти даражасининг ўсиб, юртимизда кўппартиявилик тизимининг тобора мустаҳкамланиб бораётганидан келиб чиқкан ҳолда, келгусида ҳукумат таркибини, жумладан, вазирлар, давлат қўмиталари раислари лавозимларини сайлов якунлари бўйича эришилган депутатлик ўринларини инобатга олиб, сиёсий партиялар томонидан таклиф этиш тизимиға ўтамиз.

Бир фикрни такрор ва такрор айтишни ўринли, деб биламан: олиб бораётган ислоҳотларимизнинг муваффакияти, аввалимбор, сиёсий партияларнинг етуклик даражасига, уларнинг жонажон Ватанимиз олдидаги масъулиятни ўз зиммасига олишга қай дараҷада тайёр эканига бевосита боғлиқдир.

Қайси партияга мансуб бўлишимиздан қатъи назар, шу юрт фарзанди, шу юрт фуқароси сифатида Ватан тараққиёти, мамлакатимиз тинчлиги ва халқ фаровонлиги йўлида бирлашиб, сидқидилдан хизмат қилишда барчангизга сиҳат-саломатлик, куч-ғайрат, янги муваффакиятлар тилайман.

*Олий Мажлис палаталари, сиёсий партиялар  
ҳамда Ўзбекистон Экологик ҳаракати вакиллари  
билин учрашувдаги маъруза.  
2017 йил 12 июль*

## МУНДАРИЖА

МИЛЛИЙ ТАРАҚҚИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИБ, ЯНГИ БОСҚИЧГА КЎТАРАМИЗ <i>Ўзбекистон Республикаси Олий Мажлиси Конунчилик палатаси ва Сенатининг қўшима мажлисидаги нутқ.</i>	
2016 йил 8 сентябрь .....	3
<b>ЎЗБЕКИСТОН ЎҚИТУВЧИ ВА МУРАББИЙЛАРИГА ТАБРИК</b> <i>2016 йил 30 сентябрь .....</i>	23
<b>ТАЪЛИМ ВА МАЪРИФАТ – ТИНЧЛИК ВА БУНЁДКОРЛИК САРИ ЙЎЛ</b> <i>Ислом ҳамкорлик ташкилоти Ташиқи ишлар вазирлари кенгаси 43-сессиясининг очилиши маросимидағи нутқ.</i>	
2016 йил 18 октябрь .....	26
<b>ДЕМОКРАТИК ИСЛОҲОТЛАРНИ ЧУҚУРЛАШТИРИШ, БАРҚАРОР РИВОЖЛАНИШНИ ТАЪМИНЛАШ – ХАЛҚИМИЗ УЧУН МУНОСИБ ҲАЁТ ДАРАЖАСИНИ ЯРАТИШНИНГ Кафолатидир <i>Тадбиркорлар ва ишбилармоналар ҳаракати – Ўзбекистон Либерал-демократик партиясининг VIII съездидаги маъруза.</i></b>	
2016 йил 19 октябрь .....	41
<b>ОНА ВАТАНИМИЗНИНГ ЮКСАК ЭЪТИРОФИ</b> <i>Бир гуруҳ юртдошлиаримизга Ватанимизнинг юксак мукофотларини топшириши маросимидағи нутқ.</i>	
2016 йил 7 декабрь .....	95
<b>КОНУН УСТУВОРЛИГИ ВА ИНСОН МАНФААТЛАРИНИ ТАЪМИНЛАШ – ЮРТ ТАРАҚҚИЁТИ ВА ХАЛҚ ФАРОВОНЛИГИНИНГ ГАРОВИ</b> <i>Ўзбекистон Республикаси Конституцияси қабул қилинганинг 24 йиллигига багишланган тантанали маросимидағи маъруза.</i>	
2016 йил 7 декабрь .....	100
<b>ЭРКИН ВА ОБОД, ДЕМОКРАТИК ЖАМИЯТНИ БАРЧАМИЗ БИРГАЛИКДА БАРПО ЭТАМИЗ</b> <i>Ўзбекистон Республикаси Президенти лавозимига киришиши тантанали маросимига багишланган Олий Мажлис палаталарининг қўшима мажлисидаги маъруза.</i>	
2016 йил 14 декабрь .....	131

<b>ИЛМ-ФАН ЮТУҚЛАРИ ВАТАНИМИЗ РАВНАҚИГА ХИЗМАТ КИЛСИН</b>	
<i>Мамлакатимиз илмий жамоатчилари вакиллари билан учрашувдаги нутқ.</i>	
<i>2016 йил 30 декабрь .....</i>	166
<b>ЎЗБЕКИСТОН ХАЛКИГА ЯНГИ ЙИЛ ТАБРИГИ.....</b>	181
<b>ТИББИЁТ СОҲАСИНИ ТУБДАН ИСЛОХ ҚИЛИШ – КЕЧИКТИРИБ БЎЛМАЙДИГАН ЭНГ МУҲИМ ВАЗИФАМИЗДИР</b>	
<i>2017 йил 5 январь.....</i>	183
<b>ХАЛҚИМИЗ БИЗДАН ҚОНУН ВА АДОЛАТ УСТУВОРЛИГИННИ АМАЛДА ТАЪМИНЛАШНИ КУТМОҚДА</b>	
<i>Прокуратура ходимлари ва фахрийлари билан учрашувдаги маъруза.</i>	
<i>2017 йил 7 январь .....</i>	190
<b>ҚУРОЛЛИ КУЧЛАР – ВАТАНИМИЗ ВА ХАЛҚИМИЗНИНГ МУСТАҲКАМ ҚЎРГОНИ</b>	
<i>Ватан ҳимоячилари куни ва Ўзбекистон Республикаси Қуролли Кучлари ташкил этилганининг 25 йиллигига багишланган тантанали маросимдаги табрик нутқи.</i>	
<i>2017 йил 13 январь.....</i>	216
<b>ТАНКИДИЙ ТАҲЛИЛ, КАТЪИЙ ТАРТИБ-ИНТИЗОМ ВА ШАҲСИЙ ЖАВОБГАРЛИК – ҲАР БИР РАҲБАР ФАОЛИЯТИНИНГ КУНДА- ЛИК ҚОИДАСИ БЎЛИШИ КЕРАК</b>	
<i>Мамлакатимизни 2016 йилда ижтимоий-иқтисодий ривожслантиришнинг асосий якунлари ва 2017 йилга мўлжалланган иқтисодий дастурнинг энг муҳим устувор йўналишиларига багишланган Вазирлар Маҳкамасининг кенгайтирилган мажлисидаги маъруза.</i>	
<i>2017 йил 14 январь .....</i>	233
<b>МИЛЛАТЛАРАРО ДЎСТЛИК ВА ҲАМЖИҲАТЛИК – ХАЛҚИМИЗ ТИНЧЛИГИ ВА ФАРОВОНЛИГИНИНГ ҲАЁТБАХШ МАНБАИ</b>	
<i>Республика байнамилал маданият маркази ташкил этилганининг 25 йиллигига багишланган учрашувдаги нутқ.</i>	
<i>2017 йил 24 январь .....</i>	295
<b>ЗАМОНАВИЙ, ҚУДРАТЛИ АРМИЯ – ТИНЧ-ОСОЙИШТА ҲАЁТИМИЗ КАФОЛАТИ</b>	
<i>2017 йил 26 январь .....</i>	305

СОГЛИҚНИ САҚЛАШ ТИЗИМИНИ ЗАМОН ТАЛАБИ ДАРАЖАСИДА ТАКОМИЛЛАШТИРИШ – КУН ТАРТИБИДАГИ АСОСИЙ МАСАЛА	
2017 йил 7 февраль .....	307
ИНСОН МАНФААТЛАРИНИ ТАЪМИНЛАШ УЧУН АВВАЛО УНИНГ ХҮҚУҚ ВА ЭРКИНЛИКЛАРИ ИШОНЧЛИ ҲИМОЯ ҚИЛИНМОГИ ЗАРУР	
<i>Ички ишлар органлари фаолияти, тизимда мавжуд муаммо ва камчиликлар, истиқболдаги вазифаларга багишланган йигилишдаги маъруза.</i>	
2017 йил 9 февраль.....	312
МУНИС ВА МЕХРИБОН АЁЛЛАРИМИЗГА ЭҲТИРОМ ВА ГАМХЎР- ЛИК КЎРСАТИШ, УЛАРНИНГ ОФИРИНИ ЕНГИЛ ҚИЛИШ – БАР- ЧАМИЗ УЧУН ҲАМ ҚАРЗ, ҲАМ ФАРЗ	
<i>Халқаро хотин-қизлар байрамига багишланган учрашувдаги нутқ.</i>	
2017 йил 6 март.....	341
ЎЗБЕКИСТОН ВА ТУРКМАНИСТОН – СТРАТЕГИК ШЕРИК ДАВ- ЛАТЛАР	
<i>Туркманистон Республикасига давлат ташрифи чогидаги қабул ма- росимидаги сўзланган нутқ.</i>	
2017 йил 6 март.....	353
ЎЗБЕКИСТОН – ТУРКМАНИСТОН: ЯҚИН ҚЎШНИЧИЛИК ВА ҚАРДОШЛИК РИШТАЛАРИ МУСТАҲКАМЛАНМОҚДА	
<i>Ўзбекистон Республикасининг Биринчи Президенти Ислом Каримов хотирасига Туркманистоннинг Туркманобод шаҳрида барпо этилган ёдгорлик мажмуаси очилишига багишланган маросимдаги нутқ.</i>	
2017 йил 7 март .....	358
ДЎСТЛИК ВА ЯХШИ ҚЎШНИЧИЛИКНИНГ ЁРҚИН ТИМСОЛИ	
<i>Туркманобод – Фороб кўприкларининг очилишига багишланган маросимдаги нутқ.</i>	
2017 йил 7 март .....	363
«МАХТУМҚУЛИ – СЎЗЛАР ТИЛИ ТУРКМАННИНГ...»	
<i>Махтумқулининг ўзбек тилида нашр этилган китобига ёзилган сўзбоши.</i>	
2017 йил 7 март .....	367

## ЎЗБЕКИСТОН ХАЛҚИГА НАВРЎЗ ТАБРИГИ

2017 йил 20 март.....373

## ЎЗБЕКИСТОН – ҚОЗОФИСТОН: АЗАЛИЙ ДҮСТЛИК ВА ҲАМКОРЛИКНИНГ ЯНГИ БОСКИЧИ

Қозогистон Республикасига давлат ташрифи чогидаги қабул маросимидаги сўзланган нутқ.

2017 йил 22 март.....376

## ТАРИХИМИЗ ВА МАНФААТЛАРИМИЗ МУШТАРАК

Россия Федерациясида давлат ташрифи чогидаги қабул маросимидаги сўзланган нутқ.

2017 йил 5 апрель .....381

## ТИНЧЛИК, ДҮСТЛИК ВА ҲАМКОРЛИК ЙЎЛИДА

Хорижий давлатларнинг Ўзбекистон Республикасида янги тайинланган эҷтихаридан ишонч ёрлиқтарини қабул қилиб олини маросимидаги нутқ.

2017 йил 2 май .....383

## БЮЮК АЖДОДЛАРИМИЗНИНГ МУҚАДДАС ХОТИРАСИ ВА ЖАСОРАТИ ОЛДИДА БОШ ЭГАМИЗ

9 май – Хотира ва қадрлаш кунига багишланган қабул маросимидаги нутқ.

2017 йил 9 май.....395

## ХИТОЙНИНГ БУГУНГИ ТАРАҚКИЁТИ ВА КЕЛАЖАК МАҚСАД- ЛАРИ ҲАҚИДАГИ МУКАММАЛ МАЖМУА

Хитой Ҳалқ Республикаси Раиси Си Цзиньпиннинг «Давлат боши қаруви тўгерисида» китобининг ўзбек тилидаги наширига ёзилган сўзбоши.

2017 йил 5 май.....403

## «БИР МАКОН, БИР ЙЎЛ» – МАНФААТЛАРИМИЗ МУШТАРАК

Хитой Ҳалқ Республикаси пойтахти Пекин шаҳрида бўлиб ўтган «Бир макон, бир йўл» халқаро форумида сўзланган нутқ.

2017 йил 14-15 май.....407

## ОЗОД ВА ОБОД ВАТАННИНГ БАРКАМОЛ ФАРЗАНДЛАРИ

Жиззах шаҳрида бўлиб ўтган «Баркамол авлод» спорт ўйинлари қатнашчиларига йўлланган табрик.

2017 йил 25 май.....412

<b>БАГРИЕНГЛИК, ТИНЧЛИК ВА ТОТУВЛИК САРИ МУХИМ ҚАДАМ Икки мұқаддас масжид ходими, Саудия Арабистони Подшохи Салмон бин Абдулазиз Ол Сауд Аыло Ҳазратларига ўзланган мактуб. 2017 йил 5 июнь .....</b>	416
<b>ЎЗАРО ИШОНЧ, ЯХШИ ҚҰШНИЧИЛИК ВА ДҮСТЛИКНИ ЯНАДА МУСТАЖКАМЛАШ – ЭНГ МУХИМ ВАЗИФА Қозогистон пойтахти Остона шаҳрида бўлиб ўтган Шанхай ҳамкорлик ташкилоти Давлат раҳбарлари кенгашининг кенгайтирилган таркибдаги мажлисисида сўзланган нутқ. 2017 йил 8-9 июнь.....</b>	420
<b>КОНУН ВА АДОЛАТ УСТУВОРЛИГИНИ ТАЪМИНЛАШ – БАР- ЧА ЭЗГУ МАҚСАДЛАРИМИЗГА ЭРИШИШНИНГ ЭНГ МУХИМ ШАРТИ Суд органлари ходимлари билан учрашувдаги нутқ. 2017 йил 13 июнь.....</b>	426
<b>ВАТАНИМИЗ ТАҚДИРИ ВА КЕЛАЖАГИ ЙЎЛИДА ЯНАДА ҲАМЖИХАТ БЎЛИБ, ҚАТЫЯТ БИЛАН ҲАРАКАТ ҚИЛАЙЛИК «Ижтимоий барқарорликни таъминлаш, мұқаддас динимизнинг соғлигини асраш – давр талаби» мавзусидаги анжумандада сўзланган нутқ. 2017 йил 15 июнь.....</b>	461
<b>МАТБУОТ ВА ОММАВИЙ АХБОРОТ ВОСИТАЛАРИ ХОДИМ- ЛАРИГА 2017 йил 27 июнь.....</b>	497
<b>ЖИСМОНИЙ ВА МАЊНАВИЙ БАРКАМОЛ ЁШЛАР – БУГУНГИ ВА ЭРТАНГИ КУНИМИЗНИНГ ҲАЛ ҚИЛУВЧИ КУЧИДИР «Камолот» ёшлар ижтимоий ҳаракатининг IV қурултойида сўз- ланган нутқ. 2017 йил 30 июнь.....</b>	504
<b>ПАРЛАМЕНТИМИЗ ҲАҚИҚИЙ ДЕМОКРАТИЯ МАКТАБИГА АЙЛАНИШИ, ИСЛОХОТЛАРНИНГ ТАШАББУСКОРИ ВА АСО- СИЙ ИЖРОЧИСИ БЎЛИШИ КЕРАК Олий Мажлис палаталари, сиёсий партиялар ҳамда Ўзбекистон Экологик ҳаракати вакиллари билан учрашувдаги маъруза. 2017 йил 12 июль .....</b>	539

**Мирзиёев, Шавкат Миромонович**

Миллий тараккиёт йўлимизни катъият билан давом эттириб, янги босқичга кўтарамиз. – Тошкент: «Ўзбекистон» НМИУ, 2017. – 592 б.

ISBN 978-9943-25-434-3

УЎК 323.(575.1)

КБК 66.3(5Ў)

*Расмий нашр*

*Шавкат Миромонович Мирзиёев*

**МИЛЛИЙ ТАРАҚҚИЁТ ЙЎЛИМИЗНИ  
КАТЪИЯТ БИЛАН ДАВОМ ЭТТИРИБ,  
ЯНГИ БОСҚИЧГА КЎТАРАМИЗ**

*1-жилд*

Нашр учун масъуллар: *И. Аҳмедов, Ж. Матёқубов*

Бадиий мухаррир *Ш. Ходжаев*

Техник мухаррир *Б. Каримов*

Кичик мухаррир *Г. Ералиева*

Мусаххих *М. Ишонхонова*

Компьютерда тайёрловчи *А. Сулаймонов*

Нашриёт лицензияси AI № 158.14.08.2009.

Босишига 2017 йил 14 августда руҳсат этилди.

Бичими 60x90<sup>1/16</sup>. Офсет көғози.

«Times New Roman» гарнитурасида оғсет усулда босилди.

Шартли босма табоги 37,0. Нашр табоги 23,56.

Адади 10 000 нусха. Буюртма № 17-556.

Ўзбекистон Матбуот ва ахборот агентлигининг

«Ўзбекистон» нашриёт-матбаа ижодий уйи.

100011. Тошкент, Навоий кўчаси, 30.

Телефон: (371) 244-84-20, 244-87-55

Факс: (371) 244-37-81, 244-38-10

e-mail: [uzbekistan@iptd-uzbekistan.uz](mailto:uzbekistan@iptd-uzbekistan.uz)

[www.iptd-uzbekistan.uz](http://www.iptd-uzbekistan.uz)